



~~6 22 4~~



~~6 22 4~~











Michaelis Capellarii

CHRISTINAIS,

*S I V E*

CHRISTINA  
LUSTRATA.



VENETIIS, M. DCC.

Ex Typographia Andreæ Poleti.

*SUPERIORUM PERMISSU:*

Michaelis Capellarii

CHRISTIANIS

LIBRE

CHRISTINA

LUSTRATA



VENETIS. M.DCC.

Per Typographum Andreae Bontii.

1701

# INNOCENTIO XII.

P. O. M.

Cultor humillimus

MICHAEL CAPELLARIUS.



*Donarium hoc, Pater Beatissime, quod Sanctitatis Tuae tholis submissus appendo, muneris est addi-*

\*

3

eti

*Et* subjectio , non animi præsidentis  
elatio . Quò fit , ut non eadem me  
expectet Censura , quæ illum manere  
par est , qui Litterarum præsidio sat  
suis Judicis ter maximi oculos non  
reformidat . Ingens inter utrumque  
mens , & ratio discrimen ponit . Si-  
quidem non ingenii efferendi gratia ;  
sed Heroicæ , Heroicique Poematis de-  
ducendi caussa , jure suo id exigen-  
tium , ad Majestatis Tuæ Aram ve-  
nerabundus accedo . Illa enim , Cui  
Epos navabatur : si Universali Ec-  
clesiæ tale Caput , quale sub finem  
tertii libri Ea dictante sum execu-  
tus , opportunè contigisset : Ipsi Il-  
li hoc fieri Anathema palàm habuit  
in optatis . Nec malè profectò rem  
Mandanti à me gestam subit augu-  
rari ; si , quantum Illud ad exhiben-  
dum **INNOCENTIUM XII,**

*tan-*

*tantum ego ad referendam CHRI-  
STINAM me intulero : Quæ porro  
votorum accessio futura fuerat optimè  
destinanti ; si , Quem inconsiderantis  
animi specimen excerpserat , Eundem  
Illum aliis Præteritam Monumento po-  
sito cum gloriæ augmento ab oblivio-  
ne vindicaturum divinaffet ? Non im-  
probior Operis longi , atque ardui mo-  
liminis Orthodoxæ presertim Fidei al-  
laborantis ambitio . Nam quid æ-  
quius , quàm Fortissimæ , & Sapien-  
tissimæ Viraginis gesta , & Laurus :  
Cui ad Cælestis Medici Confugium ,  
quò Hereseos veneno egesto ad Salu-  
bria Pascua , & Vitalia Catholicæ  
Veritatis fluentia admitteretur , trium  
Regnorum pretio emptum est : Ponti-  
ficio inferri , ac dicari Sacrario ; ut ,  
unde illi Salus , & Redemptio , inde  
etiam Tutela constaret , & Perennitas ?*  
*Satis*



*Satis hoc ad metum animadversionis  
abradendum apud Eum, qui pro to-  
tius Orbis piaculo Interpellator audit,  
& Propitiator; quod ut diutissimè fiat,  
Publica nuper sollicitudo fuerat, & in  
præsens gaudium est, & Felicitas.*





*I verbum aliquod , aut sensus hoc in Poemate liberius apparuerit , poeticae licentiae relatum volo , ut Lex est , Et decet S. R. E. cultorem.*

*In Nominibus propriis ( ab Authoribus Classicis hactenus intactis ) tam in efferendis , quàm in metiendis jure meo usum me non inficior.*

*In reliquis Poëscos , Et Poetarum seridè studiosos oratos cupio : in Allocutionibus , Et Concionibus , à quibus ( utpotè haud faciliore itineris salebrâ ) non rari declinant ; ne fusio rem me , aut frequentiore pronuncient , antequàm pervolutis Iliade , atque Odyssæâ , probè exegerint : lentè ne , ac supervacue , an non instrenue , ac necessario in rem Poematis extendar.*



I have the honor to acknowledge the receipt of your letter of the 10th inst. in relation to the above named matter. I have the pleasure to inform you that the same has been forwarded to the proper authorities for their consideration. I am, Sir, very respectfully,  
Your obedient servant,  
J. M. Smith



# P O E M A T I S

Mens, & Distributio.



**I**N primis quatuor libris Christina Gustavi Svecorum &c. Regis filia, atque hæres, in eo tota est, ut suscepti Imperii fines in immensum proferat, & quàm maximam Nominis celebritatem consequatur. In quatuor proximè sequentibus Reges à Monarchiæ adeptione Fato prohiberi persuasa, & Humanarum rerum fluxu, & pusillitate offensa de Cælo cogitare incipit, Lutherisque fallacias, & imposturas apprehendit. In quatuor reliquis, perpatrato bello StoKholmiam revertitur, seque Regno abdicat, & Romam venit, atque ibi, Hæresi abjuratâ, solemni Lustratione à Summo Pontifice expiatur.

# NOI REFORMATORI

Dello Studio di Padova.

**H**Avendo veduto per la fede di revisione, & approbatione del P. Frà Raimondo Asperti Inquisitore nel libro intitolato : *Christinais*, Poema dell'Abbate Capellari, non esservi cos' alcuna contro la Santa Fede Cattolica, e parimenti per attestato del Segretario nostro niente contro Principi, nè buoni costumi, concediamo licenza, che possi essere stampato, osservando gl'ordini in materia di stampe, e presentando le solite copie alle pubbliche Librarie di Venetia, e di Padova.

Data 9. Settembre 1699.

- ‡ Alvise da Mosto Proc. Ref.
- ‡ Ferigo Marcello Proc. Ref.
- ‡ Girolamo Venier K. Proc. Ref.

*Agostino Gadaldini Segret.*

LI-

I

# LIBRI PRIMI

## ARGUMENTUM.



Ermaniae motus ob nimiam Austriadum potentiam sollicitae, Hæresimque Lutheris, ut populos Religionis etiam diversitate à Ferdinando Secundo Imperatore dirimeret, arripientis: bel-

lique, quod meditabatur, auspiciis, & summam Gustavo Adulpho Svec. &c. Regi irritis votis offerentis; donec recentibus injuriis provocatum, quò contagii communio non poterat, jus, & indignatio perduxerint. Ejusdem Regis futurorum per Magiam Inquisitio, quà allectus, sed spe falsus transmittit, pugnat, & intercipitur.

CHRISTINÆ, in quam Sceptrum reciderat, Indoles, & Habitus. Superorum, atque Inferorum, ut Hanc sibi vindicent, cura, & studium. A Numine Eidem Birgitta legatur, ut commissæ caveat, & ad Virginitatem perpetuò servandam adhortetur. Plutonis in Hanc insidiæ. Nutricis ad eandem, quò minùs inclinem

A

matri-

matrimonio conciliet , Oratio . Bergæ Regiæ stirpis Viraginis opportunus adventus, quo Christina prudenter usa intempestivam Nutrici differt responsionem.



CHRI-

# CHRISTIN:

## LIBER PRIMUS.

**F**OEminæ Laurus dextra : Sexumque minorem  
 Transgressum Virtute Mares : terrâque, marique  
 Victos Marte Duces : Herebique hinc inde dolosi  
 Sapius elusas artes : susceptaque Regna  
 Aucta manu, tandemque animo majore relicta  
 (Magnum Opus, Et gratum Superis, Cæloque repensum)  
 Ordiri, Et sæclis amor est mandare futuris.

Musa pares animos mansuro sume labori,  
 Et patrio confide Polo. Tibi suggeret ille  
 Gratus opem, viresque dabit, nomenque perenne.  
 Haud Decus hoc Arctos tantum commendat, Et oras  
 Tollit Hyperboreas : Ingens hinc gloria Romæ  
 Exoritur, Superosque etiam contingit, Et auget.

Optime Pontificum fidi Spes, Normaue mundi,  
 Primus ab Undecimo populis donatus anbelis

INNOCUI titulo: Cujus virtute futuris  
 Cautum etiam est sæclis, meriti ne præmia Dives  
 Præripiat, Tellusque nocens pinguescat ab Aris;  
 Fura sed exultent, regnetque Astræa per omnes  
 Una gradus, tectusque famem contemnat Egenus:  
 Cui Roma hinc debet saturatam fontibus Oram  
 Etruscam, atque haustus jam puros aeris: inde  
 Explicitos Portus, commerciaque aucta, Forumque  
 Discretum, junctumque simul: Quo Vindice Crimen  
 Exulat ad Pontum, reducesque amplexa Sorores  
 Pax tandem mansura redit: Ter supplice plectra  
 Si licet immensos interpellare labores,



Monta pu-  
 blica non  
 amplius ve-  
 nalia: Nepo-  
 tiffimi subla-  
 tus: Pauperes  
 recepti: Ora  
 Etrusca aere  
 purgato, &  
 fontibus de-  
 rivatis fre-  
 quenter, &  
 salubrior:  
 Forum judi-  
 ciale colle-  
 ctum, & di-  
 gestum: Por-  
 tus Antius  
 expeditus,  
 ac refinatus,  
 &c.



*Quos Cælo impendis nullâ mercede repensus  
 Humanâ, huc oculos paulum converte, meisque  
 Ausibus aspira; nam, quam tutaris, Et ornas,  
 Hic quoque deprendes Fidei se efferre Triumphum:  
 Gesta nec Illius durâ aspernaberis aure,  
 Cui, nudâ baud passus condi tellure, Sepulchrum  
 Stare jubes, juxtâque Tuum; ne majus haberi  
 Possit, opo Authoris, non Saxi mole superbum.*

*Morte etiam Victor postquam Gustavus ad Umbras  
 Præcoce concessit fato, regnata labare  
 Gotica res visa est, retròque impulsâ referri.  
 Nam neque completi cursus; crudumque sedebat  
 Martis opus: quin nulla Genus sartura virile  
 Restabat Soboles patrisque in nomen itura.*

*Exhaustæ radix superabat scilicet una  
 Arboris in trunci vim successura recisi.  
 Hæc CHRISTINA fuit, vix tunc primordia pubis  
 Ingressa, atque annis spes responsura futuris.*

*Pandere sed liceat, quo res foret Arctica vivo  
 Rege loco: altorum sit fas expromere causas  
 Irarum, magnique vices evolvere belli.*

*Postquam Romulei Majestas cessit ad Istrum  
 Imperii, non una Domus venerabile Sceptrum  
 Obtinuit; tanto sed quæ gauderet Honore  
 Sapius, Et sacros iteraret plurima Fasces,  
 Austriadum Gens alta fuit dominata per oras  
 Innumeras, Indosque etiam ditione Tyrannos  
 Complexa, Et gemino pariter contermina Soli.  
 Scilicet Hæc toties rerum tractarat habenas,  
 Cognatumque Polo conscenderat ardua Culmen;  
 Ut potiùs Gentilis Honos, proavitaque dici  
 Dos posset Supremus Apex, quàm tradita Patrum  
 Arbitrio, rursusque vices subitura Potestas.*

Ergo



Ergo nimis latos metuens Germania cursus,  
Crescentisque diù successu territa Molis  
Mussare, atque olim pondus jactare perenne.

Sustulit banc pejus Fidei Luther hostis avita,  
Diffidiumque fovens populos per aperta licentes  
Effudit, Superosque etiam divisit, Et Aras;  
Savius ut tristes Discordia sumeret iras.

Et, quamvis Proceres leviter perstrinxerat error:  
Promptius ad partes Vulgus quòd redderet exlex;  
Impia Seditio, rabiesque profana placebant.

Sed, cùm tanta forent crescentis semina belli  
In promptu, non ausa suo sat fidere marti  
Indigenùm lentis retinebat cauta furorem  
Motibus externas querens Germania dextras:  
Præcipuè Dano furiis civilibus auso  
Se præstare Ducem latè per magna cruento  
Vulnere, Et interiùs signis properantibus actò.

Martius equato primæve in flore juventæ  
Svetica Gustavus frenabat regna tenore  
Jam tunc magnorum famam transgressus Avorum.  
Nam tempestivo lustraverat extera cursu  
Imperia, Et gentes prudens, urbesque remotas  
Permensus studio mentem formaverat acri.  
Redditus hinc Patriæ Regni vix sumpsit babenas;  
Cùm gravibus circum bellis tentatus ab hoste  
Ter victor rediit terno, Rbutenæque Danis.  
Crevit, Et exuviis cumulata est præda Polonis.  
Inde per Arctoas jam formidabilis oras  
Innumeros letâ populos in pace regebat:  
Tantaque temperies juvenilibus adsuit annis;  
Nollet ut Eos Riphæis tractibus Axis  
Arcticus, aut Zephyrum Borea mutare tepentem.

Hunc quoque tentarant sacræ contagia tabis;

Sed

*Sed nova Religio tantum dubitabile Verum  
Fecerat, atque animo tristes offuderat umbras.*

*Ergo recusantem frustra concivit in arma,  
Ingressitque pares Germania turbida ritus.*

Piscorum  
Teguria  
in citiore  
Baltici lit-  
ore, quod  
Gustavus  
sui esse ja-  
ris consen-  
debat, ab  
Austriacis  
distraha-  
belli cau-  
sam pre-  
buere.

*Sed, quos non potuit Divum committere causa,  
Dissensusque Poli, nudatos egit in enses  
Vilis in extremam turbatus Limes arenam.*

*O nunquam certis discreta Potentia metis,  
Regnandique fames, ardorque immensus habendi!  
Quae procul oppositos signent discrimina fines:  
Quae satis amotas dirimant divortia terras:*

*Si medium, semperque furens non sufficit equor?*

*Pulsa quies subito: momenta accommoda nactus  
Hortatur Germanus iter, causamque, manumque  
Jungit, et admisto geminantur robore vires..  
Qualiter Eridanus patrio de monte solutus  
Exiguas trahit arctus opes, mox flumine multo  
Auctus in immensum molem protendit aquarum,  
Pastorumque domos, et ditia culta superbus  
Obruit, et late propulsum regnat in aequor..*

*Protinus Europe cladis praesaga futurae  
Horruit, et magno tremuit ceu quassa Tridente:  
Armaque per nubes infestis obvia signis  
Arsere: haud aliam Aquilo surrexit in Austrum  
Tantus: Hyperboreus Germana in littora Pontus:  
Impegit, dubiusque sui se condidit antro  
Ister arundineo, magnamque coercuit urnam.*

Belli exi-  
tium utri-  
que per dia-  
gram. etiam  
exploratum  
vero verius.

*Illicet arrectae mentes, venturaque fata  
Per varias quaesita vias; nec sidera tantum  
Inspecta, et numeris excussa audacibus: ipsis  
Exitus infernis est exploratus in antris.  
Anxius in tantum dubitantia pectora crimen  
Egit amor, pariterque timor. Sed quanta coercet*

*Huma.*

*Humanam caligo diem ! Peccavit in ambos  
Ille furor populos, partique illusit utrique.*

*At, qui præcipuè Divos quæsit opertos,  
Rex fuit Arctous; namque ipsi incumbere summam  
Gnarus erat belli, famæque in nomen itura  
Lata, sinistra suæ: tantoque impensius omnes  
Versabat casus, & cæcas oderat umbras.*

*Ergo futurorum cupidum trans ultima regni  
Tendere non piguit, sylvas ubi Narva nivales  
Explicat, & Moscha limes se porrigit ora.  
Namque ibi Tbessalidum studiis non una Sacerdos  
Dedita vicinas famâ compleverat urbes.*

*Sed, quæ Vaticinas vetitâ præcederet arte,  
Dorcas erat longo contingens sanguine Colchos,  
Nec Circe inferior; toties vaga flamina ventis  
Abstulit, & verso suspendit in aquore fluctus,  
Sidereosque choros, fluviosque retorfit in ortus,  
Roboraque à sylvis frustra radice tenente  
Abscidit, & vivos jussit migrare molares  
Sedibus à patriis, aliæque in rupe minari.  
Latiùs at Stygius tam dira potentia regnis  
Tenditur: agnoscunt manes, vocemque verentur,  
Infernusque timet fura cum Conjuge Rector.*

*Ergo pares inter per tot miracula primam  
Hanc Gustavus adit nomen mentitus, & altam  
Dissimulans Sortem, donisque, & tburis bonore  
Sollicitat proferre deos ( in rebus opertis  
Usque aded & magnos seducit splendida Reges  
Ambitio, Laurusque anceps ) O conscia Fati  
Virgo, ait, in cassum nemo quam consulit unquam:  
Jam jam sanguineum committet regna duellum  
Gotica Germanis. Quis nam certamina tanta  
Exitus expectat? quem Mars extollet amicus?*

*Oranti*

*Oranti si prona venis, Fatumque recludis;  
Haud tenui mercede scies responsa locutam.  
Munere si caperis, largo pensabimus auro  
Prolatam Lachrym : merito si thure rependi  
Exigis ; erecto Numen venerabere Templo.*

*Flectitur alleclu fama, torvumque renidens  
Latatur Prasaga coli, tenebrasque profundas  
Expectare jubet, sociumque arcere catervam.*

*Nox ruit interea, Vatesque erumpit ab antro  
Dispersas inculta comas, indutaque pallam  
Sanguine suffusam, virgaque instructa potenti,  
Ore minax torvo, terretque, Et duplicat umbras.  
Horror habet Regem ; Fati sed cura tenendi  
Exuperat, subigitque metum . Tunc lacte recenti  
Virgo scrobem replet, pullaque cruore bidentis  
Inficit, Et nigrâ frontem vallata coronâ  
Ungue solum rumpit, glebaque immugit apertæ,  
Scrutaturque Chaos, trepidumque interrogat Orcum.  
Nec cunctata diu mox erigit ora, trucesque,  
Attollit vultus, deprensaque Fata resolvit:*

” *Arctica Teutonicis succedet Classis arenis  
” Rege sub indomito, populisque receptus amicis  
” Vandalus adversas dominabitur ensis in oras.  
” Obvia cuncta ruent, summoque in margine Caesar  
” Pendebit . Manifesta damus ; nam singula Parcæ  
Ostendere palam : tantum pars una tuentis  
Erepta est oculis ; nec te sat, martia Luze,  
Prendimus : insolita visus lufere tenebræ.*

Gustavus  
ad Luzen  
prope Li-  
psiam inter-  
ceptus est.

*Sed fuga Casareæ partis, tormenta que rapta  
Gustavum vicisse docent, lauruque potitum.  
Hæc ultrò tibi pando libens Et dona remitto.  
Sat mihi pro gazis, Et messis-odore Sabeæ  
Poffe frui gladiis, Et magnis mortibus uti.*

*Dixit,*

*Dixit, & instanti populorum leta furore  
Proripuit se se, sylvasque refugit in altas.*

*Nec minùs ad socios alacer convertitur Heros,  
Nec spem fronte tegit: fatis docet arma probari  
Fusiùs, & certas longo ordine crescere palmas  
Nescius in mediis bæsuram fluctibus alnum,  
Nec tantum aversis fas cuiquam tendere Divis.  
Plenior ergo animis, dum spes non sentit inanes,  
Suffecit fatis ipso quoque funere Victor.*

*Ocyùs instructo complevit milite classẽ,  
Transmisitque salum, populisque ferocibus auctus  
Non semel Austriadẽm disjecit signa, parùmque  
Abfuit Imperii summam ne scanderet Arcem,  
Sed, nimis extremæ dum se discrimine pugne  
Negligit, infidas implevit Virginis umbras-  
Inferne; & magno signata est funere Luze.  
Namque ibi fatales audax impegit in ictus;  
Nec, nisi privatâ Mavors sub casside clausum  
Destituit. Regis Spolium non contigit ulli.  
Quin nec in ignotum quisquam sibi vindicat ausus.  
Clauditur in tenebris lethalis vulneris Author,  
Insontisque jacet laus formidata furoris.*

*Ludere diversæ per mutua vulnera partis  
Sic placuit, Fortuna, tibi. Victoria pluris  
Constitit Arctoïs, clades quàm largior Hosti.  
Quòd, si tam lecto fuerat pensanda cruore  
Laurus Hyperboreis, meliùs Germana lateret  
Nunc quoque pugnaces & gens, & præda Triones.*

*Sed non ista fuit bellorum maxima merces,  
Nec Gustavus erat, nomen cui Gotica primum  
Laurea deferret; fatis nam debitus Heros  
Postmodò se prompsit, cursumque implevit, & ense  
Non alius potuit casusve, hostisve morari,*

Christi of-  
fensa im-  
matur, &  
compendy  
negligens,  
quoties per-  
cibus, non  
armis fubi-  
hatur.

Prodiga quàm lucri Virtus, gaudensque refundi  
Pacis in accessum, quoties se subijcit Hostis  
Jam minor & supplex. Tamen hac quoque parte feretur  
Didita per populos, nulloque tacebitur avo  
Gloria Gustavi; siquidem vicisse videri  
Vel post fata potest. Finem victricibus armis  
Quæ daret, ille dedit. Parcâ properante recessit  
Noxior Austriacis; Natam nam versus in altam  
Ceu foret, excussit sexum, mentemque virilem  
Incendit stimulis, & imagine Patris bonoras  
Immisit furias, & postbiuma bella peregit.  
Reginamque prius Victoria plausit ad Istrum

In Germa-  
nia statim  
post patris  
interitum.  
Regina. ab  
exercitiis  
proclama-  
tur.

Christinam, flexoque genu Germania magnum  
Nomen adoravit, patrius quàm nosceret Orbis  
Translatum imperium; Dominamque imponeret Arcto,  
Auguriumque fuit Naturam semper in Illâ  
Cessuram, & partes Virtutem velle priores.

Morte Ducis fors versa retrò, Cesarque refectus  
Viribus Ausoniis, atque auro gentis Iberæ:  
Ipsaque defecit, supplex quæ bella poposcit,  
Fluxa fides Sociis Augusti fata secutis.  
Nec minùs algentes Populi jam mente remissâ  
Ditibus exuviis pleni, natalis amore  
Telluris flexere gradus, martemque perosi  
Longinquum, duros vertere in leta labores  
Ocia, nec, quantum prædæ, meminere triumphi.

Sed neque Gustavo cessavit cura perempto  
Carpere Germanos metuentes rursus in arma  
Arcton, & in belli furias pejoris ituram,  
Tantus ab exili Truncus se stirpe levare  
Visus, & ingentem ramorum tollere sylvam.  
Nam, de Christina quicquid tunc Fama canebat,  
Nil non censerî meritum, dignumque timeri,

Nil



Nil erat exiguum, teneris sic plenior annis  
Exuerat sexum, Regemque interna coquebat.  
Non ita Grajugenas Patris post fata superstes  
Astyanax torsit, quamvis jam Troja jaceret:  
Seminaque in puero belli reditura peracti  
Mente videns Calchans hoc vivo stare monebat  
Pergama, Et hostiles mox incensura Mycenae.

Dicitur elatam manibus, cum versus ad arma  
Teutona vicinis dubius se accingeret orsis,  
Hanc Genitor monstrasse Polo, Superisque vocatis  
Vocibus bis tenerum commendavisse timorem:  
Numina sollicito non sat manifesta, sed olim  
Certa mihi, belli minimùm successibus angor  
Instantis. Vincat, quem Mars, Virtusque probabunt.  
Hanc tantum servate, precor. Caruisse virili  
Germine nil querimur, propria hæc si dona manebunt.  
Vivat, Et, ingentes si Sors abruperit actus,  
Sarciat, Et nostros absolvat, Nata, triumphos.  
Talibus oranti Proceres clamore secundo  
Plausuerunt; Et visa Patrem sensisse precantem  
Arctius explicitos adduxit Parva lacertos.

Sed nec in Austriaco plus est experta pericli  
Undique jam pleno, quam blandâ invenit in Aulâ.  
Connubium nam mœsta Parens, primique Dynasta  
Urgebant, charos quod tolleret illa Nepotes,  
Hi, nova ne instaret cæptis Regina Paternis,  
Ociaque excuteret, lentosque in bella vocaret,  
Mascula fœmineis quærebant frangere curis  
Pectora, Et à Regni sensim deflectere clavo.  
Indolis erectæ nam nullos alta latebant  
Indicia, atque olim gentes suspenderat omnes  
Solut amor laudum, bellorumque una cupido;  
Ut, sua Sceptrigerum quamvis connubia primi

*Ambirent , nullus manifesto accedere voto  
Fideret , Et nimios reverentia frangeret ausus .*

*Ut primum Genitor fatalia contigit arva ,  
Prædaque Vandalicas sparsa est Germana per urbes  
Intendere Nurus oculos , auroque rigentes  
Hauserunt pallas , rutilosque arserè lapillos .  
Illa nec obliquo dignata est lumine cultus  
Fæmineos , sed scuta Virum sparsasque cruore  
Tractavit galeas , nomenque , Et gesta poposcit ,  
Doctæque non raro laudum cumulavit honore .  
Nec Dux , aut miles bullis , Et torque decorus ,  
Charus , Et in precio , sed , cujus pectus , Et ora  
Vulneribus pulchris turbarat multa cicatrix .  
Hoc decus , hoc animi , dextraque hoc testis ; inanes  
Oderat ornatus , Et Virtus nuda placebat .  
Nuncius adverso , nec , si properasset ab Istro ,  
Num pater incolumis , teloque intactus ab omni ,  
Querere sustinuit ; sed , qui processus in armis ,  
Quantus in Austriacis , quantusque in Civibus ardor  
Proferri , martisque vices , numerusque , jubebat .  
Hinc Patris ad Luzen funestis Casus in umbris  
Parcius ingressus Natam , correctæque lucro  
Factura baur parvo ; nam , quæ cecidisse Parentem  
Prodidit ; hæc eadem Victorem Fama locuta est .*

*Ergo , licet præcox , jam tum matura videri ,  
Jam tum mente capax , Et certi rebus in arctis  
Provida consilii . Qualis vix edita Pallas  
Consulta est Divis , Patremque in bella Gigantum  
Rexit ; Et , Æthereum si quod fatumve , scelusve  
Vinxisset Regem Saturni vincla rependens ,  
Par erat illa Jovi , trepidisque in turbine tanto  
Suffectura Deis , Cæli seu sceptrâ minari ,  
Seu nunquam positas Superum componere lites ,*



*Sive opus in Pblegram telum torquere trifulcum,  
Pinguibus Et tauris non flecti, aut munere vinci.  
Hinc timor Austriacis, hinc tristi somnia curâ  
Turbida, nec Socijs sat pectora lata dolosis.*

*Illâ pyram Patri, tumulumque erexit ad auras,  
(Tunc quoque nam moris retinens erat Arctos aviti)  
Ingentemque Animam spolijs, Et munere largo  
Dotavit, lachrymisque etiam, jactura petebat  
Non quas tam præceps, nec, quas speraverat hostis.  
Inde struem latè mox accensura minantem  
Vocibus his manes prius est affata paternos:  
Non hæc pompa tuis, Genitor fortissime, gestis  
Æqua, nec, exactos omnis si Græcia ludos  
Instauret. Merito dabimus tunc justa Sepulchro,  
Cum Domus Austriadum nostros confidet in ignes,  
Ardebitque mihi ripis flagrantibus Ister.  
Dixit, Et armifero strepuerunt busta fragore,  
Ingestamque facem læto exceperè tumultu  
Robora, Et undantes eructavere favillas.  
Officijs sic illa patris funebribus ornat  
Infelicem Animam, nec, quanta amiserit, audit.*

*At Pater Omnipotens, Hominum cui pervia corda,  
Hæc spectans, magnoque operi præsentius instans,  
Imperat acciri Birgittam. Nobilis ortu  
Hæc fuit in Cimbris quondam; nam stemmatis ordo  
Sanguine tangebatur Reges, mox addita Divis  
Auxerat Æthereas Cæli jam Nympha choreas.  
Sed, postquam Superis Cives averterat error,  
Lugebat raptas beu! per declivia gentes.  
Indigenas, Numenque olim primæva rogabat  
Fœdera restitui lapsis, fulmenque morari,  
Atque ait: Approperant tam longis debita votis  
Tempora. Consurgent populi, tenebrisque relictis*

*Libera mansuro convertent lumina Soli,  
 Virginis Arctoe si sana exempla sequentur;  
 Linea non dubios signabit tanta receptus.  
 Tu modò Chribstinam curâ propiore tuere,  
 Maturamque Polo serva; ne Ditis iniqui  
 Vis trahat incautam, prædaque exultet opima.  
 Illam ego jam pridem cunctis de Regibus unam  
 Selegi, & magnos secrevi certus in actus;  
 Tantaque cum dederim, longè majora supersunt.  
 Interea adversas impellat Virgo catervas,  
 Ingentesque animos bellorum in pulvere verset.  
 Stat donare moras, atque expectare profumi  
 Turbinis ambages, avidæque ignoscere menti;  
 Auclior ut tandem meliora in castra reverti  
 Gaudeat, & nostri crescant compendia Regni.  
 Hi primi cursus, alios mox obteret hostes,  
 Inducetque alios Cælo plaudente triumphos.  
 Præcipue tamen Illa Thoros, Regumque minores  
 Contemnat Tædas, Thalamo nam debita nostro est,  
 Intactamque manet melior Genialis in Astris.*

Ab Hæreg  
 expiata, &  
 Cælo rece-  
 pta.

*Dixerat, & rutilos jam Diva reliquerat Orbes,  
 Reginamque graves volventem pectore curas  
 Nacta, pruinosas cum Sol jam solveret umbras:  
 O' decus Arctoi, mansuraque Gloria Sceptri  
 Tende, ait, armiferos audax urgere labores,  
 Tende, age. Magnanimis Superum Rex annuit ausis,  
 Successusque tuos ( quamvis inimica ) secundat.  
 Quid, cum Lustratam non auferet impius error!  
 Nunc, quâ vis animi, terrenaque gloria monstrat,  
 Ingredere, & generi penitus prælata virili  
 Plurima non unâ molire in gente trophæa.  
 Sed, laudum cum tanta seges succrescet in armis;  
 Neu tibi sic fausti referas conamina martis,*

Ut

Ut nihil auxilio tribuas ingrata Superno.  
 Sit sua pars Superis. His te vicisse memento  
 Auspiciis, sociumque operis ne sperne Tonantem;  
 Hic saltem in tantâ placeat caligine Cultus.  
 Nam mox tempus erit, cûm te curasse pigebit  
 Casuras laurus, perituraque sceptrâ tenere,  
 Et nihil in terris, quod te delectet, habebis.  
 Numen, & Astra petes; nec te frustrabitur ingens  
 Ambitio. In cassum dudum te vindicat Axis  
 Arcticus: in cassum Thalamus te destinat ullus  
 Terrigenum. Supero sunt hæc connubia Regi  
 Debita. Conjugii Prædes ego certa superni.  
 Tu modò tam magni Sponsi, Tedaque superba  
 Digna veni, & tenues hic dedignare maritos.  
 Dixit, & attonitam blandis amplexibus ambit  
 Nectar odoratum spargens, seque alta per auras  
 Rursus in ambiguis reddituram casibus aufert.

Ut stupor excussus, nubem Regina coruscantem  
 Prosequitur visu, vocesque ad sidera jactat:  
 Quò te, Diva, refers, Cælo quæcunque sereno  
 Huc delapsa venis nostras dignata tenebras?  
 Quò fugis, & medio nutantem linquis in æstu?  
 Nec Divam dubitare licet; tam multa renidet  
 Fronte dies; qualemque Pater mihi finxerat olim  
 Virtutem, talis nostros rapis aurea visus.  
 Armâ sequi Numen, cursusque; aususque secundos  
 Annuit averse: bellis feliciter actis,  
 Atque aucto Imperio, terrarum sceptrâ tenere  
 Sordebit, Cælumque petam, regesque maritos.  
 Exosæ Ætherei promittitur Aula Tonantis,  
 Et Thalami non æquus bonos. Quis nubibus ægrum  
 Expediet tantis animum, tenebrasque resolvet?  
 Sed sperare juvat. Memem Tu, Diva, labantem

*Dirige, Et in cæco fluitantem turbine firma.*

*At Tibi Rex Superum, quem densâ in nocte videre  
Mens obsessa nequit, quas possim reddere grates  
Munere pro tanto, pronumque rependere Numen?  
Tu, quod in humanis nil æquè ardemus, in hostes  
Prospera bella dabis, perque amula regna trophæis.  
Crescere, Et Heroum nulli concedere famâ?*

*An ne parum fuerat Regum de sanguine nasci  
Te donante genus, pleno ni jure potiri,  
Altaque cum nullo partiri sceptrâ juberet?*

*Ulteriùs profundis opes, majoraque rursus  
Adjicis immerita, cumulumque imponis æcervo?*

*Nempe etiam Thalamos, Et casti fœdera lecti  
Indulges, spondesque Thorum, propriamque vocabis  
Sedibus in superis? Nam, quod mortale monemur.*

*Declinare genus, tædisque carere, superbi  
Muneris est instar; crescitque in fœnore summa.*

*Sed, quocunque loco Famulam dignaris in Astris,  
Quando erit illa dies? quando hæc in gaudia tollar?*

*Sic ait, Et magnis animosa accingitur orsis,  
Numen Et inquit, visusque ad Sidera tollit*

*Sapiùs, Et, quamvis noctem non vicerit omnem,  
Non tamen à recto defleclit tramite cursus,*

*Atque iter ingreditur, quâ ducit ad ardua Virtus,  
Certiùs oblatus donec se proferat Æther.*

*Qualis in everso deprehensus navita ponto,  
Tutatur quem firma ratis; si forte reluxit*

*Ignè Pharos subito, cæcasque illuminat undas  
Lampade prolata: remos buc vertit, Et alas*

*Velorum; nimiusque facem licet obruat horror,  
Auclaque vis hyemis; tendit tamen impete certo,*

*Quâ meminit vidisse jubar, nullisque procellis  
Excuitur cursu; fidaque accedet arenâ.*

*Visa semel dubias tantum lux explicat umbras.*

*Acrius hæc inter furvâ de sede Tyrannus  
Extulit ingenium Stygius, sæcundaque fraudum  
Pectora concussit, studiumque intendit, Et astus,  
Nescio quid magnum nigris non utile Regnis  
Affore conjectans, suspectaque sidera longè  
Anxius inspectans, raptisque intentus habenis.*

*Ille Hominum generi numquam saturabilis ira  
Incumbens odiis, nullo nec tempore lentus  
Exitio, argenti tunc grassabatur in Orbe  
Fusius, Et geminâ vastabat clade Colonos.  
Namque animis Fidei corruptis haustibus almæ  
Dira propinarat specie fallente venena.  
Mox trucibus furiis in mutua vulnera Cives  
Verterat, Et sectis scelerata injecerat arma.  
Nec sat inexpleto; summotam turbidus Arcton  
Eminus afflavit, inque extera bella Trionum  
Excivit populos, dubioque involuit in æstu  
Arcibus binc latè captis, binc Rege perempto.*

*Turbine sed tandem tam longi martis, utrinque  
Viribus attritis, surgebant segnius iræ.  
Nec fessis belli finis, pacisve sequestra  
Invisum jam nomen erat: poterantque coire  
Fœdera, ni fallax se interjecisset Avernus,  
Et tantum humano caluissent corda furore.*

*Excita solliciti mens binc, atque anxia Ditis.  
Nec timor hic solus, pejor sed cura tenebat  
Altera sollicitum, pectusque urebat anbelum;  
Christinæ nam tanta videns præludia magnæ  
Lapsuram timuit deprensi è faucibus Orci,  
Liberâ ab infectis si quando abscederet oris.  
Ergo utrinque cavens duplex ne præda periret,  
Ociâ Christinæ, Germanis gentibus arma*

*Perstitit ordiri , partesque est versus in ambas.  
Hâc subit illecebris , hâc libertate licenti  
Ingrêditur , varioque serit molimine casses.*

*Monstrum est in nigris , quo non truculentius , antris ,  
Et , quo plus nullum patrias conveçtet ad umbras  
Prædarum , Et lucri , dirarum prima Sororum.  
Squamifero non angue latus præcincta , manuque  
Flagrantem intentans pinum , pallâque cruentâ  
Horrida , cæruleis nec sibila , Et birta colubris ;  
Ore sed innocuam casto simulata puellam ,  
Tbura Polo intendens , vultuque in sidera verso ,  
Candidaque in niveam deducens suppara frontem ,  
Si quando stat luce palâm , populisque videndam  
Se dat , Et ostentat fictæ spectacula formæ.  
Sed clam fœta minis , indeprensoque veneno  
Inficiens animos civiles exerit enses ,  
Et consanguineos haurit pèr bella cruores :  
Sæpiùs in terris versata , atque hospita mundo :  
Nec solùm tellure nocens , sed noxia Cælo ,  
Et plus , quàm fontes oderunt Astra Gigantes ,  
Irata in Superos , ipsique infensa Tonanti.*

*Hec modò Germanis victrix remearat ab oris ,  
Arcturique plagis , unde illi plurima cladum ,  
Lucrorumque seges , prædasque elata recentes ,  
Agminaque inferno numeraverat acta Parenti.*

*Successu tumidam , circumfusasque Sorores  
Invidia iurentem ( nam cui vis tanta nocendi ? )  
Hanc vocat Umbrarum Rector , geminique pericli  
Admonet , atque acuit stimulis , Et talia mandat :  
Concute fœcundum redidiva in prælia pectus ,  
Diffidioque potens coitura in fœdera pacis  
Obstrepe Teutoniæ , medicataque pocula diris  
Multiplica succis , Et largiùsingere virus.*



Mox aliò converte gradus , dubiosque Triones  
 Arripe nil parcens operi ; nam Cardinis alti  
 Arbitra , ni totis obnitens viribus obstes ,  
 Respiciet retrò , patrioque accèdet Olympo  
 Noxior exemplo , quanto prestantior ortu ,  
 Ingenio , atque animis . Desertrix una phalanges  
 Innumeras , lectasque trahet . Tantum instar in illà ,  
 Tantum opis in Superos subit binc . Obsiste , retunde  
 Rumpentes radios , dubique crepuscula lucis ,  
 Conantemque premat densis nox aucta tenebris .

Desidia buic primò , Regumque domestica pestis  
 Inneſcat Luxur laqueos ; tædæque maritus  
 Conciliet saltem , si non pejora Cupido  
 Hortari poterit , thalamo quò pellice captus  
 Effluat in curas animus resolutus inertes ,  
 Nec vacet Infernas rimari , Et prendere fraudes .  
 Has partes implebit Amor , qui jura perosus  
 Tendere per vetitum gaudet , tua signa secutus  
 Namque aderit , nutusque tuos . Si blanda Voluptas  
 Irrita ludetur , succedant ira , furorque  
 Non unus , gliscatque domi novus hostis , Et extra .  
 Ipsa Parens animo penitus corrupta rebeli  
 Sumat in absentem magnis dissensibus iras  
 Prælia sperato frendens prælata Cubili ;  
 Ut minor , Et tantis frustra obluctata procellis  
 Hereat ancipites inter distracta tumultus .  
 Te labor hic ingens , hæc te provincia poscit  
 Tanta , manusque tuas . Vires intende , dolosque ,  
 Et , qui nos deceat , magnum molire triumphum .  
 Tecum erit Impietas , mentitaque nomen , Et actus  
 Ebria Libertas : tot suffectura ruinis  
 Una licet venias , ritus discordia sacri  
 Hæresis , invicti Mars , Et Bellona Barabri .

*Hæc Pluto, Et Pestis titulis inflata superbis  
Sedibus erumpit stygiis, terrasque revisit,  
Diversumque nefas sociis partitur, Et urget  
Callida successus jampridem gnara nocendi  
In sua Regna furens, possessaque corda pererrans.*

*Nec labor in vanum Belli tentatus. Erynnis  
Sævius incubuit, coituraque pacta diremit.  
Nam, dum jam melior vindictæ flagrat amore  
Austriacus, spoliisque tumet gens Gotica primis;  
Fœdera distinuit, lituosque inflavit Enyo  
Rursus, Et irarum fax integrata reluxit.*

*Nec minùs inceptus visa est habuisse secundos  
Altera pars fraudis; generis namque anxia Mater  
Urgebat thalamos, Et jam matura petebat  
Conjugia, Et Natam tedarum in pacta vocabat.  
Plenior ergo animi votis hinc inde potitus  
Ceu foret, exuvias jam tum jactabat opimas  
Dux Herebi, Et victo se se ostentabat Olympo.  
Demens! nam geminæ conatus, orsaque fraudis  
Irrita cesserunt avido; quoque ibat utranque  
Certior in prædam, major jactura tumentem  
Contudit, Et pejus plexerunt Astra superbum.  
Perque dolos ipsos, commentaque lusa Barathri  
Est invec̃ta Salus; Mars quando hinc, inde resurgens,  
Injectæque morę justos Heroidis annos  
Implere, Et teneros expectavere lacertos.*

*Altera nec fraudum pars est sortita secundos  
Prospera successus; nam nulla est tæda reperta  
Christinæ victrix, omni quæ libera vinco.  
Arripuit gladium: sed paci intenta, trucesque  
Composuit motus, populosque in pristina duxit.  
Gaudia discordes. Nec se objectare furori  
Sat fuit exterius, terrenaque damna mederi.*



Esse salutarem recidiva in praelia versis  
 Duxisset Cbristina parùm : majora mereri  
 Institit . Exiguùm visum est relevare caducas  
 Res tantùm , & fluxas interpellare ruinas .  
 Deceptis animis , dudumque in devia tractis  
 Profuit exemplo , docuitque ad sana reverti  
 Fœdera Cœlicolùm duce se , crimenque piare .  
 Non tamen eversæ par tunc medicina saluti ,  
 Cùm foret ipsa etiam diris afflata venenis .  
 Pestifero tunc aqua malo , victrixque latentis  
 Accessit manifesta luis , letbalia prorsus  
 Pocula cùm vomuit , sedumque perosa magistrum  
 Lustrato Latios complexa est pectore ritus ,  
 Romanumque jubar purgatis visibus hausit .

Constitit ex illò , quàm densa in nocte jacerent  
 Illusæ mentes , quàm longè à tramite recto  
 Abreptas ageret præceptis dementia gentes ;  
 Namque altè excussi cui plus examinis ? acris  
 Certior intuitus cui vis ? cui carius emptum  
 Dedicidisse nefas , & projecisse venenum ?

Quòd si non raros caligo prima coercent  
 Segnis adhuc , retrahitque gradus , abiturumque moratur ;  
 Non , quòd certa parùm sit Dux operisque , viaque ,  
 Lethiferos ducunt per cœca oblivia somnos ;  
 Sed nimis incoctos noxæ quòd respuit Æther ;  
 Nec ludit vertigo vetus , sed pœna repellit .

Famque propinquabat pubenti nubilis ævo ;  
 Cùm minùs inclinem tædis Proceresque , Parensque  
 Sensere , atque aliò volucris contendere cursu .  
 Ergo animis trepidi Comites lenire ferocem  
 Mollibus bortantur studiis , magnisque paratas  
 Pollicitis , pulchrè si res successerit , implent .  
 Artibus Hæ variis submittere pectus adortæ

Dissemi-

Dissimile illecebris circumfedere vicissim  
 Dispositi ignaram laquei ; nec defuit ulli  
 Ingenium parti . Piclos hæ nectere flores ,  
 Hæ torquere comas , atque addere vestibis aurum ,  
 Sidonioque sinus , gemmâque inscribere , filo .  
 Nunc tentare cbelyn , modulos nunc jungere chordis ,  
 Aggressæ , nunc arte leves miscere choreas  
 Nil , nisi conjugium , sperataque gaudia lecti ,  
 Ardentesque procos , Et Regum vota sonabant .  
 Nec somni sincera quies , saltemque soporis  
 Exiguae sine fraude moræ , subeunte per umbras  
 Infernæ ingenio Pestis ; nam Morpheus omnes  
 Aptus in effigies verti sopita figuras  
 Pectora per teneras audax obsederat hostis ,  
 Insidamque dies referebat perfida noctem .  
 Si licet effictis verum monstrare Camænis ,  
 Non aliter Phœben , cùm primum fulsit in alto  
 Axe , Cupidineæ circumfedere catervæ .  
 Anxia namque Venus , regnoque intenta timebat  
 Hanc quoque Virgineis ( nam frons collecta , rigorque  
 Prodebant animos ; Et vox non fracta viriles )  
 Partibus adjungi nullius fœdera lecti  
 Passuram , blandisque idèò corrumpere mentem  
 Querebat studiis , facibusque asslabat opertis .  
 Illa tamen Fratri , lateri vel Palladis hærens  
 Irrita fallacis lussit commenta Diones .

Leniùs insidias passu est Regina latentes  
 Principid , Et vafre fastidia pertulit artis .  
 Inde supercilium duxit , blandumque venenum  
 Aspernata palàm Comites submovit ab aulâ ,  
 Nocturnumque nefas vivâ purgavit in undâ .

Seriùs Altricem vittis , annisque verendam ,  
 Emeritamque diù , Regumque è sanguine ductam ,

Consiliisque gravem vani rejecit ab ausu  
 Conatus . Huic Gnatus erat , quem dextra , decorque  
 Fecerat insignem , generique æquabat avito :  
 Et , quod præcipuum Juveni conflarat bonorem ,  
 Non procul à Dominâ teneris nutritus ab annis  
 Hauserat ingentes animos ex indole celsâ  
 Cbristinae , Et nudâ meruit Virtute placere ,  
 Magnæ olim fortuna Domus cùm fracta jaceret .  
 Hunc avidis Genitrix quærebat jungere votis  
 Anxia Regine ; sed , spes non ausa professas  
 Prodere per tacitum , studioque subibat operto .  
 Creverat Et nuper cupida fiducia matri ,  
 Præscia nam Babylon Nato consulta ferebat  
 Deberi Solio , fatisque in regna vocari .  
 Hinc Thalami speratus bonos , Dominaeque superbum  
 Connubium , Et summum per Lecti fœdera Culmen .  
 Ergo sibi , Natoque favens , instructa diserto  
 Jampridem eloquio , sed non sat pectore firmo ,  
 Conscia conatus nimii , momentaque nacta  
 Commoda Reginam sic est affata vacantem :

Alloquor arbitriis quidd Te modò sola remotis ,  
 Ne solam , Regina , putes . Hoc utitur ore  
 Quilibet è populis , quos Arclica Sceptra coercent ,  
 Omne Ævum , Sexusque omnis , Plebesque , Patresque ,  
 Ipsa etiam Genitrix , fatis quin raptus iniquis  
 Ipse etiam Genitor : tot vox complectitur una .  
 Nec , quodd lenta Parens , Procerumque ex ordine cessent  
 Se proferre preces , Et publica vota morentur ,  
 Sim minor ipsa Tibi . Genium fortasse verentur  
 Erectum , nostroque favet consensus honori ,  
 Dum putat Altrici tantum dare juris Alumnâ ,  
 Gratiior ut dominas accedat nullus ad aures .  
 Alloquiis saltem quis feligat aptiùs boram ?

Cui toties pateas , iterum iterumque rogari  
 Permittas , longasque moras , Et tædia dones  
 Obsequio , Et curæ propiori , flexilis annis  
 Jam dudum impensis , Et pensatura relictos ?  
 Non tamen in tantum nimius se tolleret ausus ,  
 Quamvis prona mihi , quamvis obnoxia : si non  
 In tua consilium contendat commoda nostrum ,  
 Reginaque prius , mox se probet utile Regnis .

Ter quater exacti convertitur ambitus anni ,  
 Ex quo martis opus procul hinc gesturus ad Istrum  
 Induit arma Parens ; Et , quamvis indiga palma  
 Nulla dies jerit , conveſtaque præda doceret  
 Successus alacres , fortunatosque labores :  
 Non minùs alterni lux expers nulla pericli  
 Præterit nobis . Illic pro Rege timemus  
 Dum nimis expósito ; parva hîc , atque unica Proles :  
 Conficit , Et nostras bivio res cogit in arcto .  
 Quodque magis terris per Vos se miscuit Æther ,  
 Hîc decus indultum citiùs sibi velle remitti  
 Cura verebatur ; nec cura hæc vana subibat .  
 Cujus Hyperboreos pejùs jactura Colonos  
 Perderet , Et magnos affligeret altiùs orsus ,  
 Si foret alterutrâ lugendum clade , latebat .  
 Fas dixisse tamen ( pietas licet obstruat aures )  
 Abstulit hoc dubium Genitor per funus acerbum ,  
 Ante tamen precibus . Felix , cui fata dederunt  
 Morte viam votis , nec Laurum morte negarunt !  
 Nempe recessurus patriâ Gustavus ab aulâ  
 Te sibi præferri titulis ingentibus omnes  
 Orabat Superos , Te vitæ divitis usu  
 Fusius extendi , pro se nil fata moratus :  
 Securus , quæcunque foret fortuna . Nec ulli  
 Sæpius hoc ingens animo commisit anbelo ,

Quàm

Quàm mihi , Deposita . Duplex binc addita nobis  
 Cura Tui , vigilesque agimus pro munere tanto  
 Altius excubias , Nataque , Patrique timemus .  
 Nec Tu morte putes duxisse oblivia Natæ  
 Immemorem Superùm . Quoties me noctis in umbrâ  
 Urget , Et inquiri , pro re blandusque , minaxque ?  
 Spem trepida implerunt , Et magni vota Parentis  
 Respexerê Dei . Nostri minùs ægra laboris  
 Contulit anxietas , quamvis Tibi nocte , dieque  
 Sollicitos animos , curasque addiximus omnes .  
 Sed tua Te Virtus sat circumspexit , Et auxit  
 Undique . Nutricem melior formavit Alumna .

Hactenus indulgit propriæ Cbristina saluti ,  
 Et decori . Populis nunc se Regina , suisque  
 Impendat Regnis . Ingens te vindicat Arctos ,  
 Præsidiumque petit , nullo quod tempore nutet ,  
 Casibus Et nullis . Hoc ut contingat , Et omnes  
 Impleat oratûs , Tbalami sperata jugalis  
 Pacta dabunt , fœdusque Thori , quod fœnore pulchro  
 Teque , Patremque simul felix Lucina reponat ,  
 Nostraque per longum spes , Et fortuna perennet .  
 Exigit hoc Genitor non rarò . Sapiùs urget  
 Mæsta Parens , si non ardentius . Illa Nepotes  
 Flagitat , Et vidui solatia justa cubilis  
 Quo nudata Viro ! Non te tamen audet apertè  
 Poscere , de magno tantum progressa Parente  
 Nil de Matre tenes . Taceo Vulgusque , Patresque ,  
 Pendet ab Unius quorum fortuna , salusque  
 Successu generis . Malefidas excipe partes ,  
 Austriacosque , Thorum toto deposceris Orbe .  
 Quid decor , Et tanto dotata , Et dives honore  
 Forma petit , quamvis banc dedigneris ? An illud ,  
 Quo Te præcipuè cumularunt munere Divi

*Spernendum, minimumve putes? Tot scilicet Hares  
Unica Regnorum Superis sua dona remittes.  
Heu! spatio vix usâ brevi? propiorque repulsæ  
Corrumpes nullo cessurum sine favorem?*

*Nec, quodd sufficias bellis, animosaque monstret  
Heroum Mens alta viam, laurusque paternas  
Ostentans Bellona manu tibi porrigat bastam  
Fulmineam, majus speres armata, feroxque,  
Quàm fecunda decus. Surget plus inde pericli:  
Hinc placida plus laudis erit; pluresque triumphos  
Gloria tuta dabit. Numquid præstabit in ætelo  
Cogere spes tantas, omnique patere sub ictu  
Momento gladii (Reges non respicit ensis,  
Heu! docet hoc Genitor) tantumque extendere palmas,  
Unius incerti quantum finit ambitus ævi,  
Tempore quàm nullo censeris, Et sacula Prole  
Instruere augusta, Solumque ornare perenni  
Heroum serie, qui, te mox Auspice, terras  
Gotica sceptra ferant, nomenque, Et gesta per omnes?*

*Non tamen interea, si quis te provocet hostis,  
Pax tibi sit potior. Nostris hortatibus absit  
Hic pudor, hoc crimen; Generi, sacrisque futuris  
Consulimus: nulli sed Tu tentata, timeris  
Omnibus. In fœdus recipi petit undique Regum  
Ambitio. Peterent Thalamos ardentius; impar  
Ni trepidos Virtus, Votumque immane teneret.*

*Tæda (nec immerito) sed te minùs extera forsan  
Tangit, Et Indigenam pendes lectura maritum  
Dives opum, Regnisque potens, titulisque redundans,  
Qui tibi, quantus erit, Sobolem, Sceptrumque, decusque  
Debeat; Et Fatum cui sit Christina superbum.*

*Non sua contemnens, patrium si respicit Orbem  
Tantus honos, Et tantus amor, gaudesque refundi*

*In fa-*



*In famulos , Regina , tuos ; si pectore certo ,  
 Si sedet hoc animo . Neglentem plura moratur  
 Nuncius , Emundi referens in limine Natam  
 Stare . Peregrina Regina Viraginis ergo  
 Utitur adventu , differtque in tempora prodi  
 Importuna minus . Nutrix incerta recedit ,  
 Latetur , doleatque morâ . Sperare jubebat  
 Præbita Reginae longis oratibus auris  
 Singula pensantis , spatioque habitura vigoris  
 Plus versata putat . Sed , quæ per lumina sæpe  
 Erravit nubes , Hospesque incommoda , Et armis  
 Dedita , Et exuperans animis , Tadaque perosa  
 Fœdera sollicitam misero retinebat in æstu .*

*Parte aliâ hæc inter trepidâ cum Matre Dynastes ,  
 Quos animus pendentis Hera , causæque peractæ  
 Exitus incertus torquebat , largiùs Aras  
 Thure vaporabant , Et præcorrumpere votis  
 Querebant Numen ; sed mens diversa Tonanti .*

*Illius instinctu Natam Birgitta propinqui  
 Impulit Emundi tunc affore . Versus in Arcton  
 Rexerat Emundus terræ non divitis oram ,  
 Sed sætam populis , Et Martis amore calentem .  
 Conjugii fœnus dissecti præcoce fato  
 Unica contigerat matris de nomine Berga  
 Filia , sed matris quæ nil , nisi nomen haberet .  
 Illa videns vivo quamvis Genitore rebelles  
 Luctari Proceres , atque ipsi sæpe minari  
 Ductori ætatis senio languentis abusos :  
 Nec scelus hoc quicquam prohibere , aususque tenere  
 Effrenes , Tadae nisi pluribus arte paternâ  
 Spes injecta suæ : tantumque perosa pudorem ,  
 Cæpit in arcana se se exercere palestrâ ,  
 Inque acrem transire virum , partesque per omnes*



*Durari, Et teneros inducere robur in artus.*

*Postmodò jam constans animisque ingentibus aequo*

*Corpore respondens, nulli se passa reposci*

*Uteriùs, patrem, seque est tutata per ensẽ;*

*Utaque pratumidos, ausosque insistere cæptis*

*Imparibus latè famam, viresque tetendit.*

*Longiùs hinc odiis sensim prolapsa virorum*

*Devovet omne genus, nomenque perosa mariti*

*Perstat in incepto, precibus nec fleclitur ullis.*

*Illam etiam Genitor frustra est aggressus inane*

*Ostentans senium, vacuamque nepotibus aulam,*

*Expositamque Domum. Gliscit tentata superbi*

*Vis animi, tantùmque patrem non odit, Et arcet.*

*Quin, si non alio sit fas evadere durum*

*Servitium ingenio, stat tendere prorsus in Arcton,*

*Tardus ubi accedit, sed non admittitur undis*

*Arctophylax, gelidus quamvis celebretur ab Urfis*

*Nereus innumeris, quotiesque remittitur aer,*

*Horrida deformes jungant commercia Phocæ.*

*Propositi certæ, sed, quæ via certior esset*

*Effugii incertæ, Fama opportuna virile*

*Attulit ingenium Christine, Et mascula sceptrâ*

*Fœmineâ tractata manu, non equa minanti*

*Trina licet Dextræ: totoque huc pectore versa est*

*Cetera contemnens. Nec, quamvis ordine cunctos*

*Aspernata mares castis se addicere tantæ*

*Virginis auspiciis durimvæ, imparve putavit.*

*Hac Duce non solùm tutam, tẽdeque maritẽ*

*Credidit innumẽ: sexum sed posse minorem*

*Innuptis animis ulcisci, Et celibe ferro.*

*Consilii felix, atque altæ Heroidis umbram*

*Promerita! instabili ni mox sublapsa recursu*

*Flexilis invisos Thalami cessisset in usus.*

*Scilicet*

*Scilicet unius Cbristinæ est tendere gressus, quâ huc ad aulam  
 Erectum quâ capit iter, perque ardua semper.  
 Surgere, Et objectu augeri, metamque tenere:  
 Interea lucrata moras, usuraque pulcbro  
 Tempore Parrhasiam jam cognita venit ad aulam.  
 Copia Regina cum primum facta petenti,  
 Procidit ante pedes: Sed non est passa jacentem  
 Gustavi proles; lætisque amplexibus ambijt.  
 Illa, ubi collegit percussum Virgine pectus,  
 Sceptringerâ, trepidumque animum, viresque recepit.  
 O, quamvis totum de te suspenderis Orbem,  
 Major, ait, famâ: si me dignata tuorum  
 Accipis in numero, non me, licet advocet ultro,  
 Seducat Phæbe, matrisve ignara Virago.  
 Tu præses, tu Numen eris. Nec inutile forsan  
 Obsequium nosces presertim bella paranti  
 In quoscunque viros, sed, si quos erigit usquam  
 Præcipuè spes ulla Tui; nam celat imago  
 Pronuba servitium, subjectaque vincla recondit.  
 Fraus olim manifesta mihi? Nec sanguine viles,  
 Nec dextrâ, Emundi stirps unica. Plura daturam  
 Occupat, Et vultu mulcet Regina sereno  
 Obvia dicta ferens: Alternò parce pudori.  
 Nosceris, Et Virtus tua te, nosterque vicissim  
 Jampridem distinguit amor. Te pectore toto  
 Accipio, stringoque libens. Nec Berga queretur  
 Prælatam maribus Cbristinam. Proxima nobis  
 Hærebis, casusque comes duceri in omnes.  
 Postmodò de bellis, thalamisque; admitte quietem  
 Interea, longumque viæ deterge laborem.*

*Dixit, Et affusam rursus circumdedit ulnis  
 Arciùs adstringens. Sed, quò fit junctior Hospes,  
 Hòc minor apparet; speciesque admota fatiscit.*

Hespe-

*Hesperus baud aliter, Cœli cum divite flamma*  
*Fulgurat in campis: plenæ si forte propinquat,*  
*Luna, tibi, afflictos majoribus ignibus ignes*  
*Amittit moriens, lumenque in lumine perdit.*  
*Quid, cum belligeros urgens Christina labores*  
*Stabit in adversos armis rutilantibus hostes,*  
*Immissosque procul radios umbone corusco*  
*Aureus excutiet Clypeus, Phœboque remittet;*  
*Martius unde pluet devotis gentibus ardor,*  
*Danaque Germanis præludet flamma favillis?*



MITHRID  
LIBRI SECUNDI

ARGUMENTUM.



CHRISTINÆ æstus, & impatientia ob assiduam Matris, & Procerum sollicitationem ut Conjugio se addiceret; à quibus molestiis quò semel in perpetuum se exsolveret, ipso Natalis sui die, susceptique Imperii Anniversario magnis solemnibus celebrato numquam se de matrimonio cogitaturam frequenti in concione profitetur, Civesque ad antiquam bellicæ fortitudinis gloriam adhortatur, & copiarum censum indicit. Armamentarii, Armorumque uni Christinæ fato reservatorum, Clypeique præsertim, in quo Reges, & Colonias ex Scandinaviâ prolatos Celatura præferebat, descriptio. Moschorum Legatorum, qui tunc temporis Olmiæ adfuerant Pacis instaurandæ prætextu, verum illi studio præcipuè impensorum, ut Christinam magni Ducis Connubio concilia-

liarent , ad Dominum relatio . Exercitus,  
in quo Amazonum caterva , per agmina di-  
geritur , & sub Ducibus ostentatur .

ARGUMENTUM

CHRISTINE

placuit ob altissimum Ma-  
ris , & Procerum sollicitu-  
tionem ut Consilio se ad-  
diceret ; & quibus molestis

perpetuum se

no staretis

in statu ma-

gis solennis

matrimonio co-

ratione protuler

bellicæ fortitudinis gloriam adstant

& copiarum ceptum indicit . Armanen-

taris , Armorumque sui Christi

servatorum , Clypeique prestant , in quo

Reges , & Colonias ex Scandinavia


ros Celatus preterbat , deceptio . Molesto-

rum Legatorum , qui tunc tempore

mix adstant Pacis instantia prestant

verum illi studio precibus impetrant , in

Christiani magis Ducis Consilio con-



## LIBER SECUNDUS.



**A**T non curarum Regina oblita recessit;  
 Vota movent siquidem jam nota, aususque recursat  
 Nutricis, propiusque videt conamina Matris,  
 Et Procerum subiisse preces. Hinc ira, dolorque  
 Acrius ingeminant, tristisque reciprocatur æstus.

Merjerat Occiduo rutilos Sol gurgite currus,  
 Perque recedentis remeans vestigia lucis  
 Condebat fessas nox sub caligine terras;  
 Cum domus interior solam de more recepit  
 Reginam varios volventem pectore fluctus,  
 Et secum: quod nam usque feres occulta latere  
 Propositi decreta tui? totiesque reposci  
 Conjugium pateris? nec te metiris, Et annos  
 Pubentes, magnisque animos conatibus æquos?  
 rumpe moras resides, nec te jam conde, sed omni  
 Eripe te vincolo, Reginamque affere Regno.  
 Sit pudor ulterius mentem jacuisse virilem:  
 Nesciat Et nemo Christinam fœdere nunquam  
 Non odisse Thori. Cum primum crastinus orbi  
 Reddetur Phœbus, redimam fastidia lenti  
 Obsidii, atque ausus obtundam libera longos.  
 Dixit, Et incubuit stratis, noctemque gravata  
 Lucem orat, resicitque brevi vix membra sopore.

Forte diem letam belli simulacra colebant,  
 Festaque solemnes celebrabat plaufibus Aula  
 Annorum inceptus, sumptique exordia Sceptri.  
 Regina è thalamo Procerum præeunte catervâ  
 Processit, Templumque subit, quo reddere jura

E

Moris



Moris erat populis, Sellamque insedit eburnam.  
 Inferiùs positi tenuere silentia patres,  
 Mutaque plebs omnis, nullumque per æthera murmur.  
 Illa, ubi pendentes lustravit lumine coctus,  
 Altior assuetò, totoque augustior ore  
 Sic ait, & nulla caruerunt pondere voces:

Martia progenies, frustra quos bruma pruinis  
 Obsidet indomitis; nam, quantum corpora frigent,  
 Tantum animi fervent: non, me quicumque potitam  
 Imperio gaudet, strepitu testetur, inani  
 Lætitiâ, vanoque furens petat astra tumultu:  
 Timpana sed pulset, lituosque, tubasque per auras  
 Inflet, & incussis clypeos diverberet hastis.  
 Hic decet Arctòas tractantem plausus habenas,  
 Hic decet Arctois addictos plausus habenis.  
 Non mea crudeli flagrant præcordia flammâ,  
 Sed pietas armata movet per nomen Avorum  
 Rursus agi, rursus terras lustrare subactas,  
 Et profecturos Orbem reparare per enses.  
 In zephyrum quicquid Regnorum, quicquid in Austrum,  
 Funditur, atque Eurum, nostri tenuere Parentes.  
 Nec jam reliquiæ tenues, spernendaque restant  
 Semina, sed latè se Gotica germina tendunt,  
 Plurimus & nostrâ populus de stirpe superbit.  
 Quòd modò si prisca vix jam monumenta supersunt  
 Nominis, Europam neu vos crevisse putetis,  
 Atque Asiam, & Libyam nostris conatibus olim  
 Perdomitas, cladesque manu pensasse receptas.  
 Pigra quies nocuit, blando quæ invecita veneno  
 Perdidit invictas Martis certamine mentes,  
 Afflavitque animos, & præmia tanta removit.  
 Noverat hoc Genitor, Vos hoc novistis & ipsi  
 Illius auspiciûm Germana in bella secuti.



*Nec mora ; Victores titulis , atque urbibus aucti  
Implestis vacuos prædâ superante Penates .*

*Hæc iteranda mihi . Nec , si cessasset in aulâ  
Pacis iners cultor , Patris me exempla tenerent .*

*Nam , si quid Sexus in nos peccaverit error ,  
Stat delere manu , sumptâque ulciscier bastâ .*

*Vos animos præstate pares . Non extera tantum  
Sufficiat vicisse Viris . Certamen habere*

*Cum Proavis placeat . Mens sit transire vetustos  
Gotorum titulos ; nec me superasse pigebit*

*Gustavum . Pietas hac te nil parte moramur .  
Ite reversuri cùm primùm iussa vocabit*

*Tessera collectos , vosque ostentate sub armis .  
Scire libet , qui bella probent , quos nostra juvabit*

*Signa sequi , quantis transmittam classibus æquor .  
Exerat interea se vis , Et tela parentur .*

*Dixit , Et incessu major conscendit in aulam .  
Vestibulum plebes non ausa intrare potenti*

*Prona Satellitio cedit , Dominamque secundis  
Prosequitur votis , tortâque revertitur undâ ,*

*Exultatque animis , magnisque hortatibus ardet .  
Traxit ab ingenti felix audacia monstro*

*Auspicium , Et famam , populis quo prorsus abactus  
Pacis amor , fessisque etiam calor additus annis .*

*Solaque non martis , sed ferbuit ignibus iræ  
Non benè suppressos Genitrix latura Nepotes .*

*Arx erat Aulæ in medio vestita cruentis  
Bellorum exuviis , circum longo ordine pendent*

*Arma tholis , latèque minax se digerit horror .  
Vandalus hic spoliū nam si quod victor opivum*

*Hostibus abstulerat , currus , thoracas , Et enses ,  
Claustaque portarum , divulsæque rostra locari .*

*Moris erat prisca , pubes quod lecta nepotum*

*Cresceret in laudes patriis incensa trophaeis.  
 Telorum hîc quicquid , quicquid mars repperit usquam  
 Armorum , quo membra tegit , quoque instruit iras  
 Undique cernere erat : Gallorum Gesa , Getarum  
 Spicula , Sauromatum Contos , Falcesque Gelonum ,  
 Pilaque Romulidum , Parmam , Cetramque , Veruque  
 Celtiberis detracta Viris , detracta bilingui  
 Sidonio , Et plumbo metuendas alite Fundas .  
 Nec solum quaesita manu , direptaque bello  
 Partibus adversis tulit huc , Et condidit arma  
 Cura prior Regum : sed , quæ sibi quisque gerenda  
 Jusserat excudi , proprioque aptarat in usus .*

*Grandior has inter species , Et justa supellex  
 Martia prostabat , pulchrè , partesque per omnes  
 Instructura Ducem , terrorque , decorque futura .  
 Sed non ille nitor , rutilis qui surgit ab armis  
 Prodiat . Dubios squalor sub nube malignâ  
 Condebat radios , lucemque tenebat in umbrâ .  
 Olim fama vetus , Scythicis quod praesidet oris  
 Hanc Numen gestasse fuit . Sed rumor inanis  
 Inde fidem traxit , quod nullos induit artus  
 Explorata diu , nec cuiquam praestitit usum  
 Regibus è tantis cœu dedignata minores .  
 Irritus ipse etiam se se est expertus in illis  
 Gustavus , nulloque aliàs non omine lætus ,  
 Hoc solo in bellum cessit conamine tristis .*

*Ergo , ubi se addixit manifesto pectore Marti  
 Regina , Et Cives animos , dextrasque parare  
 Jussit , ab arcanâ Custodes arce fragorem  
 Sæpius auditum , mox nullo urgente reclusas  
 Se vertisse fores , ignemque exisse , ferebant  
 Lymphati , Et trepidis implerunt vocibus Urbem .  
 Incussere metus aliis portenta , sed unam*

*Acrius incendit Christinam rumor, & omen.*  
*Nec mora, suspectos subiit securo penates,*  
*Tyrrbenumque sonum, subitamque interrita flammam*  
*Hausit, & Ostentum quæsta est crevisse timore.*  
*Nam neque terribilis sonitus tunc perculit aures,*  
*Attonitisve oculis tristis se se obtulit ignis:*  
*Sed letum cecinere tubæ, fulsitque serenum*  
*Lampas, & armiferos hilaravit lumine muros.*  
*Ipseque suspensum Tignus (mirabile visu)*  
*Paulatim Martis spoliū demisit, & umbras*  
*Dispulit inductas, manifesta que præstitit arma*  
*Virginis ante pedes, ultro ceu posceret artus*  
*Induere, & cupidos offerret tegminis usus.*  
*Conclamant famuli, limenque intrare verentur.*  
*At portenta Patres proni mirantur in uno*  
*Non una, & tacito venerantur pectore Divos.*

*Illam modò Galeam cristâ fruticante comantem*  
*Mensa, modò ingentem, consertamque are trilici*  
*Loricam, electro leves, auroque decoras*  
*Nunc lustrans Ocreas, Ensemque, Hastamque trabalem,*  
*Prodigio fruitur; Numenque recurrit amicum*  
*Pollicitis, Birgitta, tuis. Sed plurima pendet*  
*Mole super Clypei, simulacraque viva pererrat;*  
*Expleri nequit, scriptoque moratur in Orbe.*

*Hujus Hyperboreâ se protendebat in orâ*  
*Scandia jam dudum rudioribus Insula sæclis*  
*Credita, sed latè gelido contermina mundo.*  
*Illius è gremio factu superante Coloni*  
*Plurima partito replebant agmine Regna.*  
*Celsa Viris species; facies & candida cunctis,*  
*Ceruleique oculi, frons alta, & pectora lata,*  
*Flavaque cæsaries, animique ex indole magni.*  
*Vandalus, atque Hunnus, Danus, Bastarna, Biarmis,*  
*Sarma-*

*Sarmata, Nortmannus, Cimber, Teuto, Anglus, Alanus  
 Hinc proavos traxere suos, aliaque vicissim  
 Innumera stirpes, quorum de nomine nomen  
 Plurimus Orbis habet, Victoris fata secutus;  
 Marteque transcriptus, dominâque à gente vocatus;  
 Quamvis annorum repetitis cursibus ortum  
 Exuerint aliqui, patriisque à moribus acti  
 Longius externæ meriti sint stirpis haberi.  
 At, quo præcipuè pollebat Germine mater  
 Gotus erat quondam, Sveco nunc nomine gaudet.  
 Altera ab alterius soboles sed laude superbit,  
 Nec consanguineos discors partitur honores.*

*Illius ergo sinu nunquam cessante videres  
 Innumeros cuneos prodire, Arctoëque relicta  
 Querere marte Lares, patriæ jam finibus arctis.  
 Qualis Caucasæo Boreas proruptus ab antro  
 Obruit, immenso quidquid prætenditur ori;  
 Robora prosternit, sylvas si incurrit in altas:  
 Si pelago incumbit, puppes demergit in undis.  
 Non secus Arctoâ mavors stipante procellâ  
 Dissipat impulsu, quicquid fert obvia contra  
 Inferior virtus, Et vis objecta periclo.  
 Nec furor in precio, dextraque cruore madentis  
 Quolibet ullus bonos. Ingens de fortibus actis  
 Examen, veniensque pari victoria lance  
 Nobilis, Et dubiis longè prælata trophæis.  
 Quin etiam bellare Nurus, gladiosque rotare  
 Ardebant, rarisque manu cessere maritis.  
 Nec semel adversis majus discrimen in illas  
 Impegisse fuit, quàm concurrisse Virorum  
 Ordinibus, mariumque mares in tela ruisse.  
 Sed nec Amazoniæ primos aliunde Cateræ  
 Traxerunt ortus, quamvis fœcunda parentes*

*Fabula multiplicet, variâque ab origine ducat.*

*Ecce superfuso tellus Germana repente  
 Diluvio intratur; subitasque ignara locorum  
 Credit ab infernis acies prodisse cavernis.  
 Danubj objectu paulùm detenta resedit  
 Martia tempestas, mox latè fluctibus Istri  
 Transmissis vario populata est turbine terras  
 Illyricas, Macetùmque plagas, Et Pontica Regna,  
 Grajugenùmque domos, Et Trojæ divitis oras,  
 Perpetuò ulterius tendens, Et longius acta,  
 Nec nisi post Pbarias retro conversa ruinas  
 Terrâ iter incessens non dum dominata profundo.  
 Haud secus, Æstivi tepidis cùm flatibus Austri  
 Æthiopùm tabuere nives, ruit auctus in Arcton  
 Clausura per, Et rupes, nec sat vim solvit aquarum  
 Nilus: at angusti post tot dispendia cursus  
 Spargitur Ægypti per ditia culta patentis,  
 Multifidamque trabens hyemem propellit amaram  
 Dorida, Et immensa dulcedine regnat in æquor.  
 Gallicus obruitur tractus, primisque relictis  
 Migrat in Externi submissus jura, novosque  
 Induitur mores, Et prisca vocabula mutat.  
 Non satis à dextrâ Pirenes alta minatur,  
 Nec satis à levâ se porrigit Apeninus.  
 Transit utrunque jugum nullo vis objce clausa,  
 Naturamque domat, perque ipsa pericula regnat.  
 Subditur Hispanus; Gens victu, atque indole dura  
 Cedit, Et ad pulchros à Gadibus usque Britannos  
 Pandit iter, reseratque alium victoribus Orbem.  
 Inferius Libycos superato gurgite fines  
 Arripit, Et Byrsâ mox Giansericus ab alta  
 Solus habet, spaciū quicquid tenet Africa culti.  
 Prospera Sors Maurum, sed lætior auget Iberum;*

*Lustrata*

*Luſtrata citius Fidei nam nullus inhaeret*  
*Arrius , & Cælum profuſo ſanguine Divus*  
*Hermenegildus adit , Gentis Tutela futurus*  
*Heſperia , & Fratri ſceptrorum , atque Ætheris Author .*  
*Parte aliâ Heſperia alterius , poſcente Quirino ,*  
*Vindicat imperium , fuſosque hinc martius hoſtes*  
*Theodoricus agit , conceſſaque regna tuetur*  
*Viribus invictis , & pulchris legibus ornat .*  
*Diſcolor ille tamen , maculisque nigrantibus ora*  
*Sapius infectus , primoque à cardine diſcors .*  
*Masculus huic hæres nullus , ſed Gnata viriles*  
*Una vices ſupplet , patri ſuſpecta , minori*  
*Succurrens Nato . Primo diſcrimen ab ævo*  
*Sic fuit in Gotis nullum . Mas certior illic ,*  
*( Cura minor ſexus ) cui vis , & maſcula virtus .*

*Hinc Regum ſerie fatiſ ditantur amicis*  
*Italus , Aſer , Iber ; prodeſtque invecſta ſubactis*  
*Scandia , nec patitur Latias optare ſecures .*  
*Tantum opis à nullis per ſæcula gentibus ante*  
*Roma , Fideſque tulit , poſtquam placuere piatiſ*  
*Fœdera , & antiquâ ſe mens caligine ſolvit .*  
*Hoc docet Imperium toties bis viribus auctum ,*  
*Fultaque Relligio , docet hoc Urbs Romula , quamvis*  
*Fuſſa ſubire jugum fatiſ urgentibus impar .*  
*Nam , neque cùm victor portas Alaricus opertas ,*  
*Aut Totilas fregit , quiſquam confugit ad Arâs ;*  
*Cui non certa ſaluſ , omniſque exempta periculo .*  
*Mox , quacunque furor , primique licentia martiſ*  
*Abſtulerat , Templiſ ſunt reddita Vaſa ; nec unquam*  
*Plenior intacta Cultuſ ſub pace refulſit .*

*Area ſic laterum victriciſ germina Gentiſ ,*  
*Geltaque prodebat , magnosque ab origine Reges*  
*Non variâ , variâ quamvis ditione potitos*



*Monstrabat, vivumque decus spirabat in ære.  
 Si quem cædis amor, nimiumque agitavit Enyo  
 Effera, Sculpturæ caruit neglectus honore,  
 Rejectæque truce[m] pensavit imagine[m] mentem.*

*Signorum in medio, crescens quâ prominet umbo,  
 Per circumfusas regnabat Virgo figuras  
 Palladis in speciem. Poterat quin Pallas haberi,  
 Fascia per galeam ni curreret alba coruscæ  
 (Insigne Imperii) laurumque ligaret olivæ.  
 Nam, velut innumeris alto de Cardine Regnis  
 Rectores Natura dedit, Rectoribus ipsis  
 Ars hic Reginam visa est præsaga dedisse.  
 Illius ex oculis, & apertâ fronte trabebat  
 Lumen, & invisas nunquam sensura tenebras  
 Ducebat radios, omnisque ardebat Imago.  
 Sed, quasi degeneris fugiens contagia mundi,  
 E strue sceptrorum, subterque jacentibus armis,  
 Ætbera jam spirans, bastâ Tellure repulsâ  
 Linquebat Terras, Cælumque Virago subibat.*

*At non oblatas tantum Regina tueri  
 Pertulit Exuvias, seque est experta sub illis.  
 Induitur galeam, thoracemque intrat abenum,  
 Consunnitque bastam dextrâ, clypeumque sinistrâ  
 Erigit ingentem, cupidisque refulget in armis  
 Nullius auxilio; nutum namque arma secuta  
 Prævenere manus, seque inducere per artus.  
 Membraque respiciens penitus convenit amictus  
 Æreus, atque omnes babilem se flexit in actus.  
 Tunc verò attonitæ plausus se sustulit aulæ,  
 Timpanaque, & litui gelidum strepuere per orbem,  
 Nullaque non subitis caluerunt pectora flammis.*

*Uranie sed docta refer, quis Mulciber? unde  
 Intellecturo tantus consensus in ære?*



*Tempora quod Numen servavit in ultima cultus  
Belligeros ? Ducibus quis prætulit omnibus Unam ?*

*Postquam dispulsis invec̃tâ luce tenebris  
Mysticus argenti Sol se patefecit in Axe,  
Major ubi populis , quàm , quæ sibi vindicat Arcton ,  
Ingruerat , Stygiisque animos Nox hauserat umbris ,*

*D Ericus  
quartus.*

*Gotorum Ericus Fidei melioris ab ortu  
Præcipuus Regum Cælo se vocit , Et arma  
Casibus in cunctis ; placuitque impensius ipse  
Cœlicolis , pulcrasque vices amor auxit utrinque .  
Ille manu fortis fines proferre per ense ,  
Institit , Et latè laurus augere vetustas .  
Sed bellare Polo , viresque intendere Divis  
Solut amor . Vilis , nullumque habitura triumphum  
Pugna fuit , Superos quæ non ornaret amicos .  
Progressus tamen ille suos lugebat inanes ,  
Altaque successus turbarat cura secundos .  
Quippe relapsuras discussa in nubila mentes  
Viderat Indigenum , primumque in crimen ituras .  
Nam ( sibi quem nexu Numen sociaverat arcto  
Ante diem fati , sociumque vocarat in Astris ,  
Sanguine prolato postquam meruisset Olympum )  
Non semel in terris etiam novisse futura  
Præstitit , Et casus non ignorare latentes .  
Saucius hinc igitur non aucti gaudia regni  
Sentire , atque ægro carpi præcordia luctu .*

*Ergo levaturus tam longo fida timore  
Corda Pater Superum Custodem jussit adesse  
Christinæ Aligerum , cui de tot millibus uni  
Præcipuum in seris olim mandaverat annis  
Depositum , niveumque inter distinxerat Agmen  
Divitibus radiis , Et circum tempora flexis .  
Atque ait : Ericum visurus labere Cælo ,*

Solve metus dubios, atque anxia corda medere,  
 Christinamque doce magnâ de Stirpe Nepotum  
 Venturam auxilio. Præludet gentibus illa  
 Scilicet Arctoïis sani Dux certa receptus.  
 Arma feras tecum, Ducibus quæ tradimus, anceps  
 Cùm placet intactos belli in discrimen ab omni  
 Vulnere. Seponat cautus, tractandaque nulli  
 Exsortem expectent nostri argumenta favoris.  
 Virginis exteriùs sint hæc tutela, decorque  
 Dilecta; internis animum firmabimus armis.

Dixerat, atque Ales Regis jam tecta subibat,  
 Sollicitoque ferens solantia dicta Tonantis  
 Spes docet esse ratas, Et non mutabile fatum  
 Testibus exuviis, seque in sua Regna recepit.

Ille animo exultans venturos præcipit actus  
 Præpetibus votis, lectâque in Virgine gaudet,  
 Et grates submissus agit, Donumque superbum  
 Sat sibi deprensus mediâ suspendit in arce.  
 Ante tamen Generis numquam peritura vetusti  
 Sculpere gesta jubet, Clypeumque implere futuris  
 Artificem fastis, serosque docere Nepotes.  
 Mirum opus, humani quod non Ars sola laboris  
 Audeat, æthereæ sed sit vis addita Mentis!  
 Tantus in exiguo se cogit, Et explicat orbe  
 Rerum ordo, seriesque Virûm. Sua forma, colorque  
 Stat cuique, atque ingens pulchrè se digerit agmen.  
 Mox situs inductus Spolio, tantùmque relicta  
 Horrida majestas tactus frustrata priorum  
 Hactenus Heroum. Qualis cùm candida Fratri  
 Objcitur Phœbe, vultusque obtendit opacos:  
 Deficit attonito paulatim luridus axe  
 Mundi Oculus, latèque nigrâ subtextitur umbrâ.

Ergo sat inspectis postquam se expendit in armis

*Regina , exiit , martisque reponit in usus ,  
 Sidoniosque iterum cultus , pallamque resumit .  
 Non tamen ex illò visa est caruisse coruscis  
 Exuviis . Mansit species induc̃ta , vigorque  
 Martius , Et nullis non belliger ardor in actis .*

*Grande hoc Vandalicà Portentum contigit aula ,  
 Cùm jam Legati perfectò munere Moschi  
 Ornabant reditus . Quorum qui grandior ævo ,  
 Charior Et Domino , quamvis non ortus in oris  
 Riphaeis , sed Celta genus , moresque , plagasque  
 Expertus varias , cùm primùm in tecta vocati  
 Regis , ad intentum conversus talibus infit :*

*Auspiciis , Dux magne , tuis tua jussa secuti  
 Ivimus incolumes , quà se levat Olmia Cælo  
 Stagnorum in medio , soliumque accessimus altum  
 Virginis Arctœ , natamque potentibus armis  
 Contigimus dextram , Pacemque oravimus olim  
 Ambobus placitam populis per fœdera rursus  
 Altera restitui , propioraque vincula necti  
 In commune bonum . Nec distulit illa rogatis  
 Annuere . Afferimus Pacem , pensataque magnis  
 Munera muneribus ; nam cui concesserit illa  
 Pectore magnanimo ? Sed , quæ sit visa requiris .  
 Augeat , an minuat rerum præsentia famam .  
 Longarum siquidem caput hoc , Et causa viarum ,  
 Hùc sumus impenfi , Pax huic prætenta labori .*

*Singula sollicitè pervestigavimus acri  
 Intuitu , atque actus excussa est vita per omnes .  
 Testamur Superos ( quamvis patiantur iniquè  
 Æquari in terris ) non sat deprendimus ullum  
 Indicium generis , nec adhuc dubitare negamus .  
 Mens tamen inclinat stirpem transcribere Cælo .  
 Nam neque Terrigenùm fluxà de gente creatis*

*Arma parant Superi, divinaque Tela recondunt.  
At mortalis erit, sed, quam majoribus addat  
Numinibus Virtus; nam plus est Astra mereri,  
Quàm debere suis, Et in haustum Nectaris edi.  
Tantus bonos, tantumque decus, tam multa coruscat  
Undique majestas, mortalesque obruit artus.  
Neve per ambages formosi corporis errem;  
(Nam quid forma decens, quamvis lectissima, quamvis  
Incensura Deos, pulchrâ collata videri  
Mente potest? quid Stella minor cum grandibus Astris?)  
Tu tibi, vel qualem felix audaciâ Vatum  
Pallada, vel qualem prisca pinxere Colores,  
Christinamingas. Species est una duabus.  
Ast oculos ne crede pares; plus fulget in istis  
Luminis, Et longè pariter plus fulminis ardet,  
Causa movet cum justa minas, atque exigit iram.  
Regales cultus, tralataque sceptrâ referre  
Mittimus; audisti: nec Virgo innititur illis,  
Illa sed excelsâ lucrantur ab indole nomen.  
Unius usque adeò flagrat Virtutis amore,  
Usque adeò infistit meritis, partesque per omnes  
Se pugnat debere sibi, sit ut ipse minoris  
Virginitatis bonos; nec sat ferat inde probari,  
Quòd non adstruxit, sed sit tutata pudorem.  
Nec tantum magno debet Christina parenti;  
Imponit magno quantum Christina parenti,  
Usuram lucis majori luce reponit  
Scilicet, Et vitam vitâ meliorem rependit.*

*Si licet effari: Generi Natura virili  
Heu quantum molitur onus! quantumque superbis  
Imminet, Et Regum Virtus cervicibus instat!  
Nam Virgo Heroum fiet censura, pudorque  
Parrhasis, atque ingens trepidos confundet imago.*

*Thermodontiacas quòd si frænare catervas  
 Vellet, Et in pugnas lunatis agmina peltis  
 Ducere, fœmineis vastata securibus omnis  
 Deficeret tellus, gentesque teneret Amazon.  
 Quid Cimbros dominata truces? quid martia corda  
 Gotorum, quibus arma quies, Et vulnera ludus?  
 Atque utinam vires in mundi regna tepentis  
 Dirigere intendat, nec se convertat in Arcton.  
 Nam juga nulla satis, nullo nec sole soluta:  
 Obstabunt hyemes, nec sat se proferet Obby.*

*Ad tua sed propiùs redeo mandata. . Loquendi  
 Libertas si plena datur ( licèt omnibus Unum  
 Regibus imponat Te sors ) non utile votum,  
 Latandumve moves. Sanà quis mente jugari  
 Impare cum sociâ poscat, pondusque subire  
 Viribus baud æquis, partesque tenere secundas  
 Desertor sexus? Non est mortale, quod optas,  
 Connubium. Nulli capiunt hæc fœdera Reges.  
 Nec, si funerêa Genitor prorumpat ab urnâ  
 Post sibi tot partos invictò marte triumphos,  
 Hanc ausit dixisse suam. De stirpe Deorum  
 Quòd si progenita est, Et terris advena regnat,  
 Ut reor, Et monstrat; non hanc sibi poscere Tada:  
 Audeat inferior, vetitosque coerceat ignes.  
 Sit satis in cassum non demulsiſſe potentis  
 Imperii vires, sancitaque pacta tulisse.  
 Annuit oranti pacem, fœdusque perenne  
 Indulſit, dextramque dedit. Commercia jungi  
 Si placet ulteriùs, votis, Et thure colatur,  
 Ne concessa neget, dum non poscenda rogamus.*

*Hactenus Orator; tantæque Heroidis ingens  
 Defixit Moschum species, tumidumque momordit  
 Irrita spes thalami. Doluit non æquus haberi,*

*Temporaque opperiens non importuna nocendi  
Vulnus alit, cacamque coquit mens laesa repulſam.*

*At coeptis Regina ſuis intenta propinqui  
Urget opus belli, nullaque in parte moratur.*

*Diſta dies aderat cenſendis Martis in arvo  
Agminibus; textoque ſedens ſub Tegminis auro  
Erigitur Regina procul, viresque Trionum  
Alta recognoſcit. Vexilla, atque arma ſupinat  
Præteriens acies, Dominamque inclinis adorat.*

*Muſa memor rerum, quam nulla obliuia fallunt,  
Nominaque æternum cui fas efferre per ævum,  
Pande Viros, primùmque Duces, qui ſigna ſecuti  
Cardinis Arctoi campos implere patentes  
Agmine diſcreto, ſeque oſtendere ſub armis.*

*Æquor init primus, totuſque incenditur ære  
Coralates, fraterque Fiden, cui criſta comantem  
Umbrabat galeam, caudaque implebat equinâ.  
Inſtruit bos Tellus latè vicina Sararchis  
Saltibus, atque albo in levam contermina ponto.  
Subſequitur Rodalus, proavosque umbone vetuſtos  
Obſtentat Colcbos, Pbryxæaque vellera monſtrat  
Stemmatis indicium, patrioque coruſcat in auro.  
Huic aciem Magrina dedit, quam perluit amnis  
Sofna, nec hoc infra cenſu prædivite Konſa  
Undarum. Subit inde Bices, atque explicat alas,  
Ingria quas miſit, nimboque incedit vanti.  
Mox Patina pbalanx, Et longis Eſthones baſtis  
Terribiles, quorum ductor ſerpente trilingui  
Ambenus borriſcat Clypeum, vimque efferat angue.  
Pbinnia ſuccendit mox pubes ſparſa cruore  
Nunc quoque Germano, ſpoliisſque induta ſuperbis  
Teutonidum. Pars bella pedes, pars alite cornu  
Arripit, Et ferro pugnas alternat, Et igne.*



Dirigit Eðernus pedites , sed dirigit Aucus  
 Cornipedum turmas . Ætas confundit utrunque ,  
 Dextraque , sed vario Mavors discriminat usu .  
 Ardua mox infert se gens Filandia nullis  
 Inferior numero , nullis virtute secunda :  
 Docta gradu stabili bellum miscere , vicissim  
 Docta manu frænum moderari , atque impete verso  
 Scandere cornipedes , volucresque agitare catervas .  
 Hos inducit Hylax , nimium tibi Lipsia nuper ,  
 Cognitus , & Tillj prostrato milite notus ,  
 Cladeque majori mox cognoscendus ad Albin .  
 Post subit in varium findens se Gotia nomen :  
 Gotia regnorum pariter victrixque , parensque  
 Fæta viris , animisque potens , semperque trophæis  
 Fertilis , atque Orbi populos largita subactò .  
 Nunc quoque terrarum tractus , ventosque secuta .  
 Scinditur , inque agmen tendit partita quaternum .  
 Ductorem pars quæque suum dignoscit , & audit  
 Illius à minimo discedere nescia nutu ;  
 Tanta licet virtus , tanta experientia martis  
 Cuilibet insideat , Dux ut sibi quisque videri  
 Possit , & emeritos tantum discriminet ætas ,  
 Alternique regant , vicibusque in bella sequantur .  
 Dallia sed longè Legio supereminet omnes  
 Indigenas : Ludit spiris majoribus ingens  
 Vexillum , meritumque docet ; nam caput Adulphæ  
 Hanc inter Gèntis series . Favor inde , manusque  
 Largior , & serà pensati in stirpe parentes .  
 Temperat expositos Boreæ Tibysenus , at Euro  
 Campesus , Ædonus Zephyro , sed Fazygus Austro .  
 Erminus buc ibat nomen mentitus , & ortus ,  
 Erminus insignis specie , quem pulchra Thoanti  
 Edidit Euridice conjors regnique , thorique

Postre-



Postremum sobolis , sed formâ atque indole primum.  
 Ille imberbis adhuc fato maturus amico  
 Liquerat extremae terrarum littora Tbules  
 Martis amore calens , atque igne Cupidinis ardens .  
 Nempe Calydonias Bergæ perduxit in oras  
 Fama decus non una duplex , orisque , manusque  
 ( Sors minor imperii visa est , ducturaque secum  
 Teda Patris sceptrum , qui jam proclive senectæ  
 Carpebat defectus iter ) Juvenisque medullas  
 Hausit , Et haud visæ succendit imagine formæ .  
 Illum jampridem Christina nomen , Et Ostrum  
 Afflarat ; tantum sed mens non ausa Cacumen  
 Despondere sibi , partes optare secundas  
 Institit , Et longè similem sperare maritam .  
 Inde moræ impatiens clam se subduxit , Et ortus  
 Stemmata mentitus propius contendit in Arcton .  
 Ergo aderat , facilemque Viris transcriptus in aulam  
 Fortibus , occultum frustra lætabat amorem  
 Haud Bergæ ingratus ; parili nam lampade Virgo  
 Arsit , Et invito dudum luctata furori  
 Succubuit ; domitamque odii , votique peracti  
 Pœnituit ; sed fama prior prohibebat amantem  
 Promere vota palam , conversaque corda fateri .  
 Hinc spes nulla tbori , donec fortuna , Deusque  
 Fœdera diverso penitus peperere sub axe  
 Naufragio , Et thalamis intercessere negatis .

Tum , quos alterius tangit Norvegia juris  
 Lappones , Et tetrico non dissita Botnia ponto ,  
 Procedunt ; nutrit quos Angermania dives  
 Proventu pecudum , quos Medelpadia glebæ  
 Ubere divitior , circo inducere cohortes  
 Ensibus instructi curvis , Et fulmine multo  
 Horridi , Et birsutis incincti pellibus artus .

*Omnibus his Morimus præponitur advena terris  
Parrhasius, meritisque manu, non sanguine civis  
Dicier, Et tantæ transcribi in nomina Gentis.*

*Ultimus extremum Dux Tortensonius agmen  
Intendit campo, cui se Prætoria jungunt  
Robora, Et Arctœ Custodia pervigil Aula.  
Addunt se comites, quos Sudermania pascit,  
Noriciæque manus, Et quos Velandia pinguis  
Educat, Et triplicis jam sedes Olmnia Regni.*

*Quem Chris-  
tina sibi  
elegit in  
successo-  
rem.*

*Carolus hos inter privatâ in sorte merebat  
Tantum miles adhuc, tantum stipator, Et omnis  
Expers Imperii; sed quem celsissima Virtus  
Sortis in ostentum summæ servabat, ut Orbi  
Monstraret, quantum Mens alta, Et prodiga metas  
Tenderet humanas ultra, quantumque Potentes,  
Quod nunquam discent, tandem Christina doceret.  
Ille quidem clarus, celsò quod contigit ortus  
Sanguine censerì, Palatinumque vocari  
Germen, Et Augustos inter numerare Robertum  
Stirpis Avum magnæ; sed longè clarior idem,  
Quod meruit Regina Tibi servire, tuique  
Numinis impendi jussis, genioque litare.  
Nam plus, quàm Regale decus mox contigit illi  
Christinæ sedisse loco. Quisquam ne Deorum  
Pensasset nullos tantâ mercede labores?  
At non, in Solio cum te Fortuna levarit,  
Conscendisse putas, quo nil optare superfit  
Ulteriùs. Longè te sors frustrata minorem  
Monstrabit, majorque sitis torquebit anbelum.  
Scilicet audaci Domina Connubia voto  
Irritus ardebis, mundi quæ letus habenis,  
Prodiga si toti te Fors imponeret Orbi,  
Mercari cupies, animâque, Et luce pacisci.*

Non satis est potuisse legi , Boreaque sedere  
 In Solio . Inferius Regum Sors distat ab Illâ .  
 Pone tamen questus , Et te metire , nefasque  
 Ejura , justamque thori solare repulsam .  
 Nam , quod tu posces Fortune munere tantum  
 Privato exemptus fato , proavita minatur  
 Quisquis sceptrâ manu , tadâ flagrabit eadem ;  
 Improba sed major reverentia vota retundet .  
 Non capit ambitio spes has . Cui transferat Ostrum  
 Christina , atque bilaris Solium transmittat habendum ,  
 Ullus erit : Thalami cui donet fœdera , nullus .

Ordine jamque Virum circo digesta patenti  
 Exierat series , atque area nuda vacabat .  
 Ecce autem insolitis campum florere repente  
 Armorum radiis , pulchroque horrore propinquos  
 Perfundi latè colles , incussaue Solis  
 Tela percussis resiliere in sidera flammis .

In niveis apparet equis ; ignota Minervæ ,  
 Imbelles exosa colus levis Ala catervæ  
 Virgineæ , succincta sinus , dextramque soluta ,  
 Acrior in pugnam quò tenderet , igne papillam .  
 Cuique fareturatus latus est , cuique aurea clausam  
 Tutatur frontem cassis , Gortynius arcus  
 Cuique sonat tergo , gemmisque insignis , Et auro  
 Pectora zona ligat ; graviora sed arma bipennem  
 Stringit dextra minax , Et peltam lavâ coruscat .

Tenditur extemplo vulgus , trepidoque tumultu  
 Longiùs arrectæ spatium dant undique turme  
 Spectatum effusæ , nullâque silentia voce  
 Occursu primo rumpunt ; mox plausibus omnis  
 Turba fremit , mugitque nemus , vallesque resultant  
 Percussæ , Et nimio crispatur murmure pontus .  
 Agmina quinetiam jam prætergressa faceffunt .

Ocyus, Et circum stipant dimota vacantem,  
 Intentantque oculos; nulli sed pectora mordet  
 Invidia. Acclamant ultro, vinctique fatentur,  
 Et gaudent, aliisque movent suspiria votis.  
 Sic, ubi sylvicolas cogit Dictynna catervas  
 Jam resides, nimio solvi cum Tanarus, orat  
 Belluarum in seffu: suras inclusa cothurnis  
 Lecta cohors properat, corytosque implet, Et agros  
 Exsuscitat nervos. Omnis tunc sylva comantes  
 Expandit ramos: ripæ Ladonis, Et undæ  
 Cætibz exultant pulchris, tectique per umbras  
 Rimantur Satyri, sperataque gaudia mulcent.

Non una Harpalyce, non una hoc auxerat agmen  
 Antiope, Et nullo Teucrorum in pulvere Troiæ  
 Penthesilea minor. Dulcis rigor asperat ora,  
 Candida, Et implacidi grata est mistura decoris.  
 Tempora transacti sic post æstiva caloris  
 Prima reversuræ delectant frigora brumæ,  
 Incensosque artus alternus temperat horror  
 Lenis adhuc, mediique juvant confinia solis.

Has modò Berga regit, præstatque; atque implet bonorum  
 Alta ministerium; comitesque tuetur, Et ornat  
 Ars, dextra, ingenium, proavimque superba propago.  
 Illa quidem tanto par est, atque æqua labori  
 Prorsus, Et in medio supereminet agmine cunctas.  
 Sed non assuetam præfert fidentior ore  
 Letitiam; atque alacri tollit se frontis bonore  
 (Indolis excelsæ specimen) campumque laceffit,  
 Vixque armis capitur, bellatoremque fatigat  
 Ardua cornipedem, distantemque ardet in hostem.  
 Pallor obit vultus, Et iniquo pondere pressat  
 Mens frontem inclinat, visusque nitore remisso  
 Incertum vibrant; actu nec constat in ullo;

Ut pronum dixisse foret cuicumque sagittas  
 Experto Pappias correptam numine tanto  
 Interiùs carpi , magnisque ægrefcere curis.  
 Usque adeò præceps amor est , mutataque corda  
 Abripit , atque aliò , quàm quò se intenderat , aufert  
 Propositi nimiam , flatusque irridet inanes.  
 Restitit illa quidem , pugna nec cessit inertì ,  
 Congressuque impar animos , parmamque reliquit .  
 Nam , simul insolito percelli corda tumultu  
 Sensit , & interni pacem turbare sereni ,  
 Sollicitam properavit opem , collumque retorfit ,  
 Rejecitque jugum . Sed jam pervaserat hostis  
 Deprensi penetrale sinus , & cuspis adacta  
 Intrarat fibras , & venas hauserat ignis ,  
 Erminus inque alto regnabat pectore victor .  
 Quod potuit , flammæ statuit celare repostas ,  
 Pollicitique memor , quo se jactaverat ante  
 Cbristinae , pugnare malo ; pestemque tenere  
 Corda voraturam , nec vertere terga pudori .  
 Noxior inde lues , penitusque ingressa medullas ,  
 Et certa incerti cuique argumenta laboris .

Hæc aderat collecta manus . Sed plura supersunt  
 Agmina , quæ nondum , longè submota , coire  
 Permisit contracta dies , mox affore certa  
 Ocyus imperio , dextrasque , animosque datura .  
 Rapta nec Austriaco servabant oppida juri  
 Reliquiæ tenues , cognataque membra manebant  
 Interea vinci indociles , partoque repelli .  
 Non tamen inceptis satis hoc ; vis quando , favorque  
 Auxerat Augustum non unâ in parte , perempto  
 Gustavo , & sociis aliò tendentibus . Ergo  
 Regina expendens hinc illinc robora vires  
 Viribus impleri mandat , laudataque signa

*Dimittit , certosque jubet sperare triumphos.  
Plausibus in mediis Solum mox linquit , & alto  
Inter adorantes. conscendit in atria curru.*





## LIBRI TERTII

## ARGUMENTUM.



Um Armorum apparatus expediuntur , Regina venatu se exercet . Semel autem in Cervo persequendo concitata nox in sylvis , & tempestas oppressit . Tenebris circumfusam , & viarum ignaram Anachoretæ antrum , animarum salutem sub mercatoris personâ nuper Olmiæ negotiantis , Reginæque haud ignoti , opportunè recepit . Apud hunc indeprensam indeprensa noctem transigit , pluraque audit sibi ipsi profutura , præcipuè vanam esse Regum fiduciam universalis Monarchiæ potiundæ , cujus Asserti fidem fusiùs doceri contendens Mystam ad Quatuor summorum Imperiorum Synopsin efferendam perducit . Monarchiarum serie recensitâ ( à quibus Hierarchica , utpote altioris Ordinis se excipit ) eò processit Anachoreta , ut Quintam innueret , sed illis non annumerandam



dam ob scelerum immanitatem, & brevitatem periodi, atque ideò silentio transmittendam : Verùm Regina id impensius exigente eamdem persequitur, Catastrophenque, & Peripetiam Antichristi, supremamque Humani Generis Crissim evolvit eo ingenio, ut audita Reginam propius contingerent.



## LIBER TERTIUS.



**I**Nterea dum crescit opus, Martisque paratus  
 Accelerant, urgentque Duces, spelæa ferarum  
 Reginam vastare iuvat, saltusque timendos  
 Excutere, & magni veluti præludia belli,  
 Exercere manus, & prætentare lacertos.  
 Qualiter ancipitis palmæ succensus bonore  
 Auriga, & longâ desudaturus arenâ,  
 Certatum dum findit iter; non protinus urget  
 Quadrijuges, metamque rudi petit axe remotam:  
 Sed prius explorat, pulchrè num temo jugales  
 Componat: num fræna manu tractata valenti  
 Sufficiant; parvoque rotas in pulvere versat.  
 Mox avidos effundit equos, atque impete certo  
 Claustra fugit, campoque volat securus aperto.  
 Nec damas, capreaeque leves incessere tantum  
 Instat; ab horrendis turbare cubilibus Uros  
 Ardet, & insensis armatos cornibus Uros.  
 Nam minor, & teneros non dum sat firma per annos  
 Illa etiam arcanos ausum penetrare recessus  
 Aulæ Taurum, rabieque ardente ferocem,  
 Dum trepidant famuli, perque atria cursibus errant  
 Attonitis, ignara metus, atque obvia monstro,  
 Ignea flammivomo contorquens tela lacerto  
 Prostravit; raptumque caput nunc pendet ab altis  
 Postibus, & fractis prælusit cornibus Istro.  
 Tigris in ingenium, quid, cum revoluta cruentum  
 Irruit in cuneos, primoque Altoris in artus  
 Grassata est morsu? sed, vix scelus orsa, furoris

Exsolvit pœnas Domina mulctata sagittis .  
 Ergo feras quoties placuit turbare latentes ,  
 Nusquam lentu subit partes dignata secundas .  
 Post tergum subessor agit , comitumque caterva  
 Deficit , atque animis Dominam vestigat anbelis .  
 Illa acrem sublimis equum per lustra fatigat :  
 Aut pedes audaci vibrat venabula dextrâ  
 Rete comas , nodoque sinus collecta fluentes .  
 Qualis Amazonias Ponti per littora turmas  
 Penthesilea rapit , vel qualis cincta molossis  
 Fulta latus jaculis , iurasque evincta cotburno  
 Gargaphies per tesqua volat , Nymphasque sequentes  
 Deserit , & trepidas pacat Dictynna , latebras .

Unâ forte die , nimio provecta volucris  
 Impete cornipedis , cursu pravertere ceruam  
 Dum studet alipedem , notâ regione viarum  
 Excidit , atque altis penitus se condidit umbris .  
 Nox erat illunis , prætentæque sidera nubes  
 Abstulerant , Cœlumque duplex obsederat horror .  
 It secura tamen , sed circumfusa tenebris  
 Sapiùs incursat , nec jam satis imperat ira ,  
 Quod nimium præda , nimiumque indulsit habenis .  
 Ancipitem lux visa procul direxit ; amicam  
 Ergo facem sequitur , quamvis fulgore maligno  
 Ducat , & incertum periturus palpitet ignis .  
 Jam medias emensa vias accesserat antro ,  
 Quò nitor exibat . Videt hic adversa sereni  
 Ora Senis placido figentis lumine Cœlum ,  
 Verbaque cum Superis tacito sermone ferentis .

Substitit ad Mystæ vultum Regina verendi ;  
 Et , licet Heroas specie suspenderet ipsa ,  
 Nescio quid magnum rugis deprendit in illis ,  
 Quod neque Christina sit suspexisse pudori .

Illum fidereas spatiantem mente per oras  
 Proximus excivit strepitus. Consurgit, & agrum  
 Exbilarat, tenditque facem securus, & alti  
 Hospitis adventu permotus, limine prodit,  
 Cornipedemque tenet, veniamque Penatibus orat  
 Pauperibus, scabroque rogat succedere tecto,  
 Et prone in pluviam se non permittere nocti.  
 Ingreditur Regina lares, atque occupat antrum,  
 Punniceâque domo capitur, quam sola perornat  
 Mundities casti mores imitata Coloni.

Jamque anceps gratatur iter, nec tramite recto  
 Non errasse velit, cursuque basisse remisso.  
 Utque toro sedit, gramen quod struxit agreste:  
 Gratum est, & prodest, inquit, defendere tecto  
 Crescentes tenebras, intempestique Tonantis  
 Effugium debere tibi. Stupet Hospitis ille  
 Sydereos oculos, Majestatemque latentem  
 Sentit, & ignorat. Cultus, tempusque, locusque  
 Et species inducta mari venatibus apta,  
 Christinam probibent deprendi. Vilibus escis  
 Inde famem sedare parat. Dimittere curam  
 Hanc Regina jubet: potiùs refer, inquit ( & umbras  
 Dulcibus alloquiis non sit transire molestum )  
 Quid te, blande Senex, hominum commercia jussit  
 Linqvere, & in solis ævum consumere lustris,  
 Immitesque feras, aususque horrere rapaces,  
 Quos locus invitat, tutelaque nulla coercet.

Sylvicola obsequitur, jussuque sedile recumbit,  
 Inde subit: non ista meæ fortuna latebra,  
 Ut timeat raptus sperantis præmia dextræ.  
 Me mea paupertas, nullique optanda tuctur  
 Esuries avido. Dedit hæc mihi ducere vitam  
 Cardine sublato ( quamvis opulentia tantæ

*Reginæ auspiciis nusquam non tuta, nec ullus  
 Sit locus infidiis. At nec nocuere ferarum  
 Agmina, seu nostro nunquam tentata vicissim  
 Insultu: seu cura Poli sua signa secutos,  
 Confisosque sibi, prætento Numine præstat  
 Incolumes, nullisque finit patuisse periclis.*

*Substitit hic paulum dubius num tenderet orsis  
 Ulterius: tutumque foret recludere pectus  
 Hospitis ignoti tantæ in caligine Gentis  
 Auribus; interius sed Cælo urgente profari,  
 Obsequitur stimulis, iterumque resumit, Et inquit:*

*Si, me quid turbis hominum procul abstulit olim,  
 Scire cupis, quamvis quæri tu dignior, edam.  
 Forsitan in nostris aliquid non prorsus ineptum  
 Casibus invenies, Et te mea fata juvabunt.  
 Non me segnities, studiumque ignobilis otj  
 Urbibus exemit, vitæque addixit inerti.*

*Et me cæcus amor, fucoque instructa decoro  
 Ambitio allexit, dudumque in devia traxit.*

*Nam neque me generis, censusve eduxit egenum  
 Natura: Et, spoliis si fas meminisse relictis,  
 Splendida progenies, Et Regum proxima cumis  
 Edidit, Et largo perfudit prodiga cornu.*

*Miscuimus mox bella manu, placuitque cruoris  
 Humani titulos nostris adjungere fastis,  
 Sponteque venturas in nos arcescere Parcas.*

*Et, nisi vesana furias miserata juventa  
 Cura Deum in præceps sese objecisset eunti,  
 Plorarem fletu deliria serus inani.*

*Redditæ lux tandem; summoque à littore vidi  
 Naufragium, Et timui, quod me timuisse pudebat  
 Ante: nec offusis indulsi longius umbris,  
 Meque mihi asserui: nec jam temeraria Virtus*

*Abstu-*

*Abstulit illectam laudum dulcedine mentem.  
 Ut me collegi ; mensuraque sola laboris  
 Discrimen , pretiumque fuit : mansura mereri  
 Capimus , Et minimùm pereunti fidere vitæ.  
 Nec minor in parvo spes adsuit . Altiùs ire  
 Institimus , prædæque capi melioris amore .  
 Nec tantum comites , luxusque , Et fulgida vestis ,  
 Quantum ausûs , animique dedit pannosus amictus ,  
 Nudatumque latus , pallensque , Et vilis egestas .*

*Pertulit Et nostras Christinæ nomen ad aures  
 Fama ; sed immensum quem præterit illa per Orbem ?  
 Scilicet haud adeò Genitor , cum Victor ovaret ,  
 Attonitas habuit rerum longo ordine gentes  
 Gestarum ; Reges ut mox suffecta Virago  
 Deffixit , mentesque hausit virtutis imago  
 Ardua , conatus jam prætergressa viriles .*

*At strue tam pulchrâ , tantoque superba paratu  
 Quò se Virgo feret , si non consentit Olympo ,  
 Altaque cum Superis si non communicat acta ,  
 Authoremque Polum , Didosque meretur amicos ?  
 Quantus erit , spoliū quicumque hoc tollet opimum  
 Cœlitibus ! Quos hæc non vincet palma triumphos ?  
 Hæc mecum : certusque mori , Quercumvè mereri  
 Tam pulchram , totis intendi viribus ausum  
 Incitus : Et magno spes est accensa periclo .  
 Dissimulor cultu , momentaque nactus amica  
 Reginam aggredior , monitusque inculco salubres :  
 Errantesque gradus hortor revocare , viamque  
 Carpere non dubiam , Divosque audire vocantes  
 Vocibus assiduīs Regni melioris ad Ostrum .*

*Si , quæ suscepti fuerit fortuna laboris ,  
 Exquiris : duro Virgo non abnuīt ore .  
 Sed neque permisit mibi se , paulūmque morata*



*Sic mea sedato refecuta est pectore dicta:  
 Num tuus in meritas ausus nos egerit iras,  
 Scire potes, quod, cum legum sancita potestas  
 Addicat gladio, quisquis seducere vile  
 Tentarit vulgus, nedum Regale cacumen;  
 Te exsortem, tutumque volo. Furare periclo  
 Ergo caput: lentus nostrum ne sperne favorem.  
 Ipsa iter insistam, quâ me pro Numine Virtus  
 Dirigit. Auspiciis quis nos bis auferet error?  
 Tu tamen interea non intermitte: Sed olim  
 Cura decet tam justa Deos. His nubila corda  
 Tradimus; Hos dubias par est purgare tenebras.  
 Hic propius commota Senem Regina tuetur:  
 Palliaque obnubant quamvis diversa loquentem:  
 Ora recognoscit: tantoque impensius audit.*

*Ergo Mystra subit, sumpturus tempus in aptum  
 Spes interdictas, spatiumque daturus, opertas  
 Semina radices peragant dum jacta, recessi,  
 Nec procul esse tuli; Sylvis sed tectus opacis  
 Hospitor hoc antro, dilataque vota retractio  
 Pectore nil dubio. Nam cur Heroida tantis  
 Parrhasiam cumulent opibus, similemque laborent  
 Cœlicolæ, si tot mox irrita dona perirent?  
 Non tamen inditiis hac stat fiducia solis  
 Versuri in melius cursus, nam Numen amicum  
 Pulchrius explicuit sese, manifesta que signa  
 Misit, & asseruit per pignora certa salutem,  
 Prospexitque sibi; Supero namque Iris ab axe  
 Certior, & potior, venturi fœderis Illi  
 Numcius, & prædes. Nec me spectacula Cælum  
 Hac nescire tulit. Spatio distantia longo  
 Ista tamen, mediûque procul patet area campi.  
 Scilicet impulsum dominabitur ante per Orbem,*

*Exuvias-*



Exuviasque feret Regum, prolataque tendet  
 Imperia, Et Curru victrix spatiabitur alto,  
 Murice palmato spectanda, Et divite Lauro.  
 Sed quàm parvus bonos! quàm non aequanda labori  
 Præmia magnanimo! pensataque gesta malignè!  
 Nam vetat ulterius certi mens Numinis ullos  
 Orbis ad Imperium votis audacibus ire.

Ergo parem meritis mercedem Fata negabunt.  
 Destituetque avidam cursus. Pulcherrimus ardor  
 Pectoris, atque operum magnorum plurimus ordo  
 Indotatus erit. Quis te, Regina resumpsit,  
 Non æquas Superùm docuit deprendere lances,  
 Jusque Poli inversum, confusaque metra Tonantis?

Non hanc, ille refert, audaci mente mereri  
 Tendimus invidiam. Nimiùm caligo coercet  
 Alta laborantem, visusque objecta retundit;  
 Quamvis immeritis etiam se proferat ultrò  
 Illa dies animis, nec dedignetur adiri.  
 Sapiùs ast acies illuc admittit amicas,  
 Prolatosque sinus, aditusque indulget apertos.  
 Hinc Vatum serie Sexus decoratur uterque,  
 Exitus incertas quos non errasse per umbras  
 Monstravit; sternuntque fidem transacta futuris.  
 His liquet Indicibus modicùm tibi claustra patere,  
 Ambitio, Et frustra jam vim sperare peractam.  
 Scilicet haud uno tantum sub Rege coibit  
 Terrarum, quantum Proavi coisse priores  
 Videre; angustà se nunc spes versat arenà.

Par igitur meritis si par sperare negatur  
 Sceptrigeris culmen, tot se objectare periclis  
 Quis velit ulterius voto frustratus inani?  
 Dedecet ingentes animos non æqua labori  
 Præmia sectari: pretio decrescit adempto

*Gloria conatus . Hoc si tanto Orbe potitum  
 Torset Alexandrum ; numquid Regina Trionum ,  
 Cui , quidquid Superos primis bucusque dedisse  
 Regibus audimus , forsitan sit vile , locari  
 Inferiùs , pendique ferat neglecta minoris ?  
 Haud equidem . Sint ista palam ; nec donet Olympo  
 Spes avidas parvo terræ contenta teneri  
 Limite , contemptu bellum , sceptrumque relinquet .*

*Annuit , ac Druydæ Virgo subrisit , Et inquit :  
 Æqua putas ; sed plura juvat novisse , gravaris  
 Fusiùs optantem ni me per singula tractim  
 Ducere ; vix summâ quando hæc libavimus aure ,  
 Ignotumque manet tantum per fata vetari  
 Regibus . Occiduas nondum nox vergit in undas .*

*Si piget implacida deprensam tædia noctis  
 Ferre , Senex inquit , parvumque , Et inane cubile  
 Affatu nescire petis ; ne despice mensæ  
 Pauperis oblatus . Nostra irritata placebunt  
 Pleniùs esurie cumulata fercula mensæ .  
 Hac vice promeriti gratis parebimus orsis ,  
 Seù transacta velis , seù successura revolvi ,  
 Gnara olim quamvis , nostræ nec vocis egenti .  
 Admisit tunc Virgo cibos , vultuque sereno  
 Fura nec hospitii , tenues nec respuit escas .  
 Latior ergo senex facili dignatus bonore  
 Incipit . Adversus sedet hæc , Et pendet ab ore .*

*Naufraga cum tandem revocato ad littora Ponto  
 Terra coli cœpta est : dudum novus Incola Mundi  
 Continuit sese , crimenque , nefasque refrigit ;  
 Namque memor cladis , quoties se nubibus Æther  
 Induerat , raucusque fragor per inane tonabat :  
 In fluctus trepidabat agi , volucrique tumultu  
 Plana relinquebat , montesque micabat in altos .*

*Paulatim longos posuit Gens aucta timores.  
Mox minùs, atque minùs veteris meminisse pericli,  
In pejusque rapi, rursusque merere piari,  
Saviùs inque diem turbare, Et viribus uti.*

*Sorduit insanis ut Pax cultoribus Orbis,  
Humanusque cruor funestas polluit iras;  
Omnis in armato posuit se robore Virtus,  
Non sincera tamen; nam, sæpe valentior, idem  
Deterior, graviorque fuit. Vis ergo, timorque  
Infirmos docuit cultu, domisque subire,  
Obsequio, Et precibus, tumefactaque corda Potentis  
Plaudere suppliciter; ne, quàm non debuit, ire  
Arbitrio vellet: sed sponte ad jussa paratos  
Exciperet, turbæ Dux, Et Tutela minori.  
Hinc se composuit, sensimque ad fræna redactus  
Impetus effusus, nimiosque coercuit ausus,  
Auxilioque fuit miseris, partesque labantes  
Extulit, innocuis vindex, Et sontibus ultor.  
Quin, si contiguus patrios incesset hostis  
Agmine directo fines: prior ipso periclo:  
Objectare caput, primisque occurrere telis  
Ardebat, pulchrumque mori pro laude placebat.  
Terminus armorum Cives, Patriamque tueri,  
Irarumque fuit. De quâlibet arbore victor  
Cingebat crines; Regnis nec dives ademptis  
Hostibus, at salvo remeabat limite, letus.*

*Primus in Assyriis sese Ninus extulit oris;  
Exemploque nocens, plusquam furialibus armis,  
Latiùs armatæ contagia dira per Ortus  
Ambitionis agens, vicinas obruit Urbes.  
Non tamen hic adedè bellis damnandus iniquis,  
Debita Cœlicolis quàm quòd dare thura profanus  
Sustinuit Belo, votisque vocare parentem.*

*Ergo alias , aliasque hausit longo ordine terras ;  
 Plenior inque dies , spoliisque hostilibus auctus  
 Usque sub Ethiopas , Nabathæaque Regna tetendit  
 Perpetuo crescente malo , Mundique vocari  
 Obtinuit Domitor , Princepsque , atque una Potestas ;  
 Plurima restarent quamvis intacta , nec illo  
 Segnior extulerit pharetrata Semiramis ausus .  
 Sed prior , & sexu melior , sibi nomina Conjux  
 Afferuit , retinetque decus , seriemque Nepotum  
 Duxit in Imperium magnum : volventibus annis  
 In præceptis donec meruit mollissimus Heres  
 Sardanapalus agi . Tantorum dedecus Iste  
 Sceptrorum , generisque lues , & terminus idem .*

*Excipit Assyriæ Cyrus fragmenta ruinæ .*

*Nec sat ; Achemenios , Medosque coegit in unum ,  
 Longius & vires , nomenque extendit in Orbem .  
 Altiùs hunc Regni anxietas , præsagaque Vitis  
 Tensa nimis ramos , nimumque effusa corymbos  
 Divite luxuriâ , per sæva pericula , niti  
 Dum vetat , evexit : Pietas non defuit illi .  
 Namque expositus Avo nutricem repperit acrem ,  
 Nutricemque Canem . Mox à Pastore repertus ,  
 Custodesque inter pecoris digestus , & altus  
 Præcepit sceptrum , Regemque exercuit ante ,  
 Vilis , & incultus , quàm destitit esse bubulcus .  
 Ille omnes tenuit citra Indi flumina terras ,  
 Pinguiæque Ægypti , Libyæque exusta subegit ,  
 Joniæque etiam sceptrum porrexit in undas  
 Victor , & Europam vicinâ terruit umbrâ .  
 Nobilis Imperio ; sed , quod miseratas Idumen ,  
 Solverit exilium , Templumque , & Liba reponi  
 Jusserit , & largo sumptus suggererit auro ,  
 Nobilior , meritisque etiam laudatus in Astris .*

*Longa per assertum durarunt stemmata Regnum ;  
In quibus Ille fuit , montes qui vallibus æquos  
Reddidit , Et famulâ Neptunum compede vinxit ,  
Effugique reum tentati stygmate plexit ,  
Et non hæsurâ tergum vibice perussit .*

*Sed satis in Medis . Aliò Fortuna favorem  
Intendit mutata suum . Jamque ordine verso  
Persica Pellaïs concedit Laureæ fertis .*

*Græcia cùm fractis animis post damna jaceret  
Plurima , communes non tam communibus armis  
Ultura insultus Persas juravit in hostes ,  
Quàm Macetum compulsâ metu victoribus impar ,  
Nec satis arbitrio fidens . Sed Martis in ipso  
Obvia procinctu Ductorem Parca peremit ;  
Resque Asiæ incertas , cui tunc est visa cavere ,  
Impulit in pejus ; Natum nam Vota minori  
Suffecere Patri : mandataque Bactra Philippo  
Sumpsit Alexander , Mundumque evertit Eoum .*

*Nomen Alexandri pectus perstrinxit amicum ,  
Effulsitque oculis lux improvisa serenis ,  
Persuditque genas , Et se propè prodidit Hospes ;  
Mystaque non subito verba interjuncta resumpsit .*

*Hic est , quem magnæ vis alta , Et fervida mentis ,  
Indomitumque decus dextra damnare Parentem  
Impulit , Et falso stirpem debere Tonanti .*

*Atque equidem in nullo tantum est Heroe coactum  
Roboris , atque animi : major majore periculo  
Semper , Et immensâ sumens à mole vigorem .*

*Is natum Arsâmo , repetitis cladibus , Orbe  
Exiit Assyrio , Medoque , Et Persidis oris :  
Invictâque manu prosternens cuncta , nec ullis  
Objicibus vetitus , reserataque Regna triumphis  
Mensus , Et Alcidis , Bacchique immanibus actis*

*Regina erga  
Alexandrum  
& Cæsarem,  
quorum si-  
mulacra ex  
marmore do-  
mi habebat ;  
mirum in  
modum effi-  
cta .*

*Acta supergressus dices penetravit ad Indos,  
Oceanique intravit aquas; nec limite tanto  
Letus, ad occiduas se jam converterat oras.  
Rupit iter Fatum, crescentemque una morata est,  
Sed neque Mors Hominem satis est testata peremptum,  
(Tantus & in functo mentiti Numinis Index.)*

*Hic tamen, humani qui dedignatur haberi  
Stirps generis, nascique Jovis de sanguine pugnat,  
Jam nova Regna tenens, & fastus plenus, & iræ:  
Ut procul in Sacra venerabile Nomen Jebu  
Fronte videt, trepidâ dedoctus mente tumores  
Procidit ante pedes, & se submitit Jaddo.  
Vis eadem nullis mutata, aut debilis annis*

*Terrarum Dominam mersurum contudit Hunnum,  
Quodque nec objectæ poterant prohibere phalanges,  
Non juga, non fluvii, Decus hoc evicit inerme,  
Nudaque Majestas, tantùmque inscripta Tiara.  
Et supereſt, qui pugnet adhuc crescente furore  
Illum noſſe Deum, cujus vel nomen & umbra,  
Exarmat gladios, & Mundi ſceptra tenentes?*

*Imperii ſpolium, ſectumque in fruſtra cadaver  
Invaſere Duces, Dominique potentis Imago  
Didita per ſamulos longum permansit in ævum.*

*Extulit inde caput Romana Potentia, cujus  
Ora Lupæ gentes ſunt degraſſata per omnes;  
Tantaque congeries avidâ minor extitit alvo.  
Lentior, & ſenſim Mundi hæc eſt jure potita;  
Latiùs at metas, & fuſiùs ante peractis  
Protulit Imperii, tenuitque diutiùs Orbem.  
Olim tantus erat vaſtiſſimus ambitus, olim  
Rerum Roma potens, primus cùm Caſar babenas  
Arripere eſt auſus, vetitumque inſiſtere Culmen.  
Ille quidem mitis, merituſque ad ſceptra vocari,*

*Quique,*



*Quique, quod invitus civiles sumpserat iras,  
 Noxior ipse sibi, veniamque expertus iniquam.  
 Sed Patrie diras temeratae passus, Et enses  
 Occidit in cursu, vittaque piacula solvit  
 Tentata, Et largo pensavit sanguine Regnum.*

*Certiùs Augustum visa est Fortuna fovere.  
 Nec minor Hic altà Fulo virtute; cruentas  
 Si tamen excipias Tabulas, Sceptrumque relictum  
 Privigno, monstrum juxtà quod cresceret ipse  
 Pulcbrìus in laudes. Multum Regina Canopi  
 Contulit incerto Mundi de Jure. Saluti  
 Partibus Antonj fuerat, si adversa fuisset.  
 Usqueadèd est funestus Amor, de tramite recto  
 Cum trahit abreptos, Et sumptis regnat habenis.  
 Objce sublato, Partibusque timore subactis,  
 Crassorumque datis spoliis, cultuque redemptis,  
 Unus in immensà dominaris victor arenà,  
 Octavi, atque alto jam tangis vertice Cælum.  
 Ne tamen in toto videaris Maximus Orbe,  
 Respice Bethlemis nudum Præsepe. Tumentes  
 Subsident animi. Potior, majorque Potestas  
 Exerit inde Caput, quam tu, si poplite flexo,  
 Si donis, si mente coles: multumque, diuque  
 Nunc poteris felix, atque olim Divus haberi.*

*Julia post illum Dominos tibi, Roma, dedere  
 Germina: mox Flavj fons Sanguinis: inde favoris  
 Imperium merces, merces nunc ensis, Et auri.  
 Arctica nutantem donec Bellona ruinam  
 Impulit in præceps, laxataque vincula rupit.  
 Et nunc trans Istrum vix restat nominis umbra.  
 Cætera barbaries, inimicaque forbuit ætas.*

*Non tamen hæc inter Terrena Culmina molis  
 Ille sacer numeratur Apex, qui vertice Cælum*

Hierac-  
chia.

Intrat,

*Intrat, Et in patriis etiam jus vindicat Astris.  
Hunc major distinguit bonos, majorque potestas  
Erigit. Humanas quantum natura coruscat  
Diva super sordes: tantum suffecta Tiara  
Eminet, Et Regum Vittis præfulget, Et Ostro.*

*Non hæc Fortuna subjecta est casibus ullis  
Incertæ: ridetque fugam revolvibilis ævi  
Integra, Et illis vires instaurat, Et auget.  
Quin neque Tartarei fraudes, furiasve Barabri  
Horret, Et exortas inimica in prælia pestes  
Spernit, Et infringit, sumitque à clade vigorem,  
Et desertricem subigit per fulmina Pblegram.  
Nempe omnis secura metus, Et certa Superni  
Polliciti, Et nullis unquam cessura procellis,  
Ardua perfruitur nimbis, atque imperat undis  
Argo hæc: Et solvens Romanæ è portubus Arcis  
Tramite non flexo Superas appellit ad oras.*

*Non huc ambitio, non huc conatus, Et astus  
Tollit anhelantes; sed, quos elegerit Æther  
Invitos etiam, detrectantesque teneri,  
(Usque aded Humanis deberi respuit ausis)  
Arripit, Et Solio cognato imponit, Olympus.*

*Turbine tam celeri, quàm sum tibi panè remensus,  
Maxima Sceptrorum quater est mutata figura.  
Et modò tantarum quanam vestigia rerum  
Stant super, ut credi Moles audita fuisse  
Non timeat? Sacris, si quæ monumenta supersunt,  
Ingeniis debent, quòd non intercidit omne  
Nomen, Et elapsis saltem levis umbra perennat.*

*Semidei nunc ite Duces, quos prodiga lactat  
Gloria: ceu lentè claudat se circulus ævi,  
Sollicitate mori, fatumque arcessite ferro.  
Ite, superbifico quos educat Aula tumultu,*

*Terra-*

*Terrarum Domini : cœu vos impellat in escas  
 Defectus jejuna fames , depascite fines  
 Contiguos , semperque novos deposcat inanis  
 Esuries , venterque cibos . Pulcherrima tantis  
 Præmia contingent votis : caligo , ruina ,  
 Nullaque , vel dudum non duratura , sepulchra .  
 Tu tamen hæc olim tenuisti prorsus , Et umbras  
 Aptius ut fallas , promi tibi rursus amasti ;  
 Nec piget obsequi promissi : Et tendimus ultra .*

*Hactenus in terris tanta ad fastigia tolli  
 Regibus indulsit Fatum . Minus exit in altum  
 Ambitionis iter , metisque includitur arcus .  
 Seu Pater omnipotens tantum Mavorte vetarit  
 Turbari , vertique Caput jam posse per unum .  
 Surgere seu jussas Æterna ad præmia Mentis ,  
 Lustratasque iterum , Natique Cruore redemptas ,  
 Cessurâ mercede capi miseratus inanes  
 Fregerit allectus , Et vim contraxerit ausis .  
 Quodque minus distat ruituri terminus Orbis ,  
 Fatalisque dies , magis hoc , tellure relicta ,  
 Fusserit Astra sequi , dignosque optare triumphos .  
 Hoc effata Patrum , Sexus hoc monstrat uterque ,  
 Ipsius ut facta est vox internuncia Cœli .  
 Obstitit hoc quemquam post plurima secla Potentum  
 Tollier in tantum ne Gens conspexerit ulla .*

*Una quidem superest viros missura Potestas  
 Longius effusas , Et transgressura peractas .  
 At scelus , Et clades , contractaque meta furoris  
 Infandi , finemque sacros habitura per ignes ,  
 Excipit à Regnis turpissima Regna profanis ,  
 Quamvis vasta nimis , quamvis excesserit omne  
 Ille tumor spatium , vetitisque accesserit Astris .  
 Sed potior quæcunque quies , stellasque cadentes*

*Antichristi  
 Periodus , &  
 Catastrophe .*

*Audire ,*

*Audire, atque artus operi reparare diurno.  
Nam minùs hæc Homines contingunt bella. Ciebunt  
Scilicet hi Superos, armataque Tartara, motus.*

*Acriùs exarsit tam magni Martis amore  
Virgo, nec ingentes passa est nescire labores:  
Cessantemque senem tantos evolvere casus,  
Imperio propior, nec sat privata coegit,  
Cerulea nam subitis fulserunt lumina flammis  
Impatientsque moræ verba interemissa resumii  
Fussit, Et in lucem contentis cursibus ire.*

*Mysta Re-  
gina de-  
prendit.*

*Regales tunc Mysta notas, Et jussa secutus  
Reginam prendit: pulchrèque usurus amico  
Tempore, dissimulat, commotaque pectora cautus  
Sedat, Et ambages in rem confisus ituras  
Virginis, insequitur; nec jam velit ipse morari.*

*Turcarum  
Imperium.*

*Lunigeri forsan miraris sceptrâ Tyranni  
Traclibus immensis tot jam dominata per annos  
Arceri à Quatuor, nec in bis meruisse locari.  
Quippe Othomanus apex nimiùm consurgit in altum,  
Perque Asiæ, Libyesque plagas se fundit, Et ipsam  
Crescit in Europam, trepidamque elatus obumbrat.  
Sed nostris Gens illa malis se debet. Inertes  
Rivales auxere Scytham; nec sustulit illum  
Martia vis animi: sed amantes ocia Grajos  
Indignata pati Turcam Fortuna secuta est.  
Caucaseis hoc stravit iter: nec defuit unquam  
Æmulus; atque etiam nunc æquo Persa Gradivo  
Stat contra. At quoties Veneto multatus ab hoste  
Cessit, Et Austriacis pacem quæsit ab armis?  
Hinc tamen invisum Superis conflabitur olim  
Imperium, Et vires Vis hæc transibit in illas,  
Fiet Et immanis non fictæ accessio Phlegræ.  
Hæc, quæ tanta patet, si pars erit illius una,*

*Molis*

*Molis inexhausta quantum se proferet Orbis  
Tot nova Regna trabens, atque Orci viribus auctus?*

*Vaticinis si certa fides, quos instruit Æther,  
Tempus erit (nec longa nimis distantia restat)*

*Efferet extremo cum se conamine Pluto;*

*Inque uno congesta viro vis omnis Averni,*

*Qua datur, invisos odiis immanibus ibit*

*In Superos. sedesque iterum sperare beatas*

*Cum sciat in vetitis: cunctas regnare per oras*

*Poscet Et ereptis ulcisci Gentibus Astra,*

*Consumetque scelus; ni se manifesta per arma*

*Objiciat Numen. Fidi labor irritus omnis*

*Aginis: inque unum Cultor, Cultusque jacebunt.*

*O Mundi spes, atque salus, tantumnè licere*

*Ausibus infernis! tantum se tendere Sontes!*

*Et tantum lugere Pios! Cur rursus in undas*

*Non placet ire solum? Cur non telluris biatu*

*Sorberi Gentes? pollutovè aeris baustu*

*Corrumpi mortale genus? glebavè negante*

*Fœnora destitui populos? Terramve cremari*

*Ignibus æthereis? At non permittere Monstro,*

*Hostis Et impuri non indulgere furori*

*Pectora vota tibi, clademque augere pudore?*

*Abripior quò mentis inops? Quid contigit unquam*

*Pulchrius Innocuis, ipsos quàm tela reflecti*

*Cedis in Authores? Ipsos conflare triumphum*

*Partibus afflictis, fusosque in Regna levare?*

*Durat in Assyriis Babylon pharetrata ruinis*

*Euphratis quondam, propior nunc Tigridis undis.*

*Terra nocens, semperque Piis infensa, fidemque*

*Exuta in Superos, furiisque agitata profanis.*

*Sæpius Isacios hæc est populata Colonos,*

*Primaque damnatis erexit manibus Aras,*

Unde Superstitio dirum caput extulit Orbi.  
 Hæc Pesti natale solum. Miserabilis ortu,  
 Infelixque nimis tam diro, Et noxia Tellus,  
 Et, si non alio læsisset crimine Cælum,  
 Hoc satis irati fulmen meritura Tonantis!

Principiò tamen Ille decus quasunque per artes  
 Afferet, Et clarum fingendo nomen adeptus  
 Callida venturi ponet fundamina Regni.  
 Editus impuris nam vix incestibus Infans  
 Impia Vipereæ proles certissima gentis  
 Tempora præveniet, specieque tegente furorem  
 Mentibus illudet, crescentesque adstruet umbras.  
 Quas fraudes? quos illa dolos? quos ibit in astus  
 Versicolor Pestis, faciesque à corde rebellis  
 Semper, Et à tragico diversa aulaeæ theatro?  
 Quos non ingenium per blandos ductile mores,  
 Pulchraque letibifero species prætenta veneno  
 Fallet, Et invisi vultus simulator honesti?  
 Fertilis ille quidem per se, commentaque mille  
 Neclere mente capax; sed quid sub Dite Magistro  
 Artibus, insidiis, animisque, Et viribus auctus?  
 Criminis, Et labis, si picta in fronte moreris,  
 Osor erit: diri subeas si pectoris antrum,  
 Mille ibi tunc scelerum facies, inimicaque cernes  
 Agmina Virtuti, sitibundaque monstra cruoris  
 Humani, Et patriis quidquid bacchatur in umbris.  
 Auctibus usque aded crescet provecta nefandis  
 Indeprensa lues trans fines stirpis Apellæ,  
 Exsectosque suos, infecti ut plurima Mundi  
 Pars eat in tabem, mox triste in funus itura.  
 O scelus! ò nimis Juda Fæx hausta tenebris:  
 Haud satis est turpes dudum non prendere fraudes,  
 Crescentesque dolos ulcisci, Et sumere pœnas?



Ultrò etiam pronis itis cervicibus? ultrò  
 Per vestras oratis opes, Et sanguine toto  
 Imponi terris, Et cladibus Orbis abuti?

Ille tamen cèu vile decus, titulique pudendi,  
 Sceptra tenere manu, vittasque inducere fronti,  
 Segniùs accedet, nec sat dignabitur Ostrum.  
 Numinis in Trini sese commercia tollet,  
 Impurumque caput violatis inferet Astris;  
 Æquæusque Patri, genitusque è Stirpe Tonantis  
 Contendet credi, redimendo debitus Orbi:  
 Speratusque diu, tandemque in tempora missus  
 Postrema, Et pleno rediturus in alta triumpho.  
 Ficta nec insano deerunt miracula Monstro  
 Sapiùs, Et Magicæ damnata potentia Virgæ:  
 (Ditis opus) vafroque oculos fallente Magistro  
 Splendidus innumeris imponet Gentibus Error.

At, quos pura Fides, quos non concussa tenebit  
 Vis animi, Et nullis obnoxia corda periclis,  
 Numinis irrisi certus saturare dolorem  
 Differet innumeras per clades, longaue dudum  
 Per tormenta trahet. Sed quid tibi proderit ensis,  
 Flammaque, vel totos mors circumducta per artus,  
 Ingeniose Furor? sunt hæc elementa salutis  
 Scilicet innocuis, teque bis ulciscimur armis.

Latiùs hinc rabies se tendet. Proxima tantùm  
 Perdere vile nefas: Immani mole superbus  
 Militis, Et Gazæ (namque illi dives opertum  
 Arbiter Umbrarum per sæcula proferet aurum;  
 Explebitque famem). Reges consurget in ipsos,  
 Mandabitque coli, Dominusque, Deusque vocari  
 Exiget, Et primum vectigal, Thura reposcet.  
 Pigra nec, obsequium Gens circumfusa Mabomæ  
 Promittet, jungetque manus. At Græcia mendax,

*Diffidioque furens , castosque perosa Latinos  
 Fœdus in infaustum studiis ardentibus ibit.  
 Mox , quasunque trahit perversa in dogmata mentes  
 Sceptri sola fides , vel tuta licentia juris  
 Contempti , aut , Cœli fugiat quò vindicis iram ,  
 Inficiata Polum , vigilesque Amentia , Divos ,  
 Succedent castris , vexillaque nigra sequentur .*

*At verè Romana manus quocunque sub Axe  
 Sparsa Palestini contemnens iussa Tyranni ,  
 ( Namque ibi se , Christi Nomen mentitus , & acta ,  
 Efferet , & Solymæ funestus polluet aulam )  
 Expediet gladios , animasque vocabit Olympo .  
 Sed nimis inferior numero ; ( nam singulus hosti  
 Centeno occurret , jurati viribus aucto  
 Ditis , & insidiis : ) & , quòd cecidisse juvabit  
 Usque sub extremam Superis cessantibus horam ,  
 Sæpè redundanti complebit sanguine campos ,  
 Inque diem fœdis decrescet cladibus hausta .  
 Non tamen oblita post hæc Cœlive , suive  
 Reliquia ponent animos , Monstrumque superbum  
 Orabunt veniam , recipique in fœdera poscent .  
 Lata sed intacto subitura sidera collo ,  
 Libera servitio præponem funera turpi .  
 Pulcbrîus utque cadat supremi audacia Martis ,  
 Sponte Palestinis , quà confertissimus Hostis  
 Intendet cuneos , currusque locabit , & arma ;  
 ( Hæc Regni , & belli namque Arx ) dispersa coibunt  
 Agmina , & invictis consument orsa lacertis .*

*Ergo dies aderit sinem visura duelli  
 Imparis , & certus fati , propiorque triumpho  
 Impius effusis spatium vix nactus in agris ,  
 Nec satis immensâ distentus mole , vocabit  
 Turgidus invisum dira ad spectacula Cœlum*

*Auxilii in socios objurgaturus inane.*

*Atque equidem tanto vultus se promet Olympi  
Lumine perfusum, nullis ut riserit ante  
Fulgidior radiis. Hinc Hostis rebitur ipsos  
Jam sibi blandiri Superos, veniamque mereri  
Obsequio. Sed lecta Manus præludere Divos  
Funeribus confisa suis, propiora parare  
Præmia jam credet, finemque asferre laborum.  
Impatiensque mora lituos præcurret, Et illuc  
Intentis oculis per vulnera scandet in Astra,  
Et sternet pariter, pariter miserebitur hostes.*

*Cornua diluvio sed jam protenta coibunt  
Immenso: mediusque parùm divortia campus  
Obvia tardabit. Nec jam sub nube latebit.  
Infernâ, sed luce palam se prodet: Et omnes  
Tartareas acies regni Dominator opaci  
Promet, Et invisum tumidis mugitibus agmen  
Conficiet, raucoque canet pæana fragore.  
Non impune tamen; lævâ nam parte tonabunt  
Ardua tunc Cœli, camposque ardentibus Æther  
Implebit radiis. Mox se digestus in arma  
Proferet, Et latè Cœlestia classica clangent.  
Qualiter illuvie terrasque, polumque profundâ  
Cum gravat æstiferi regnator turbidus orbis  
Auster: in adversum Boreas si tendit ab Arcto  
Arduus, Et nitidis nigrantem flatibus urget:  
Contrahitur, tantùmque suas sparsurus arenas,  
Deformes nebulas, fædosque recolligit imbres.  
Talis erit Ditis gressum revocantis imago,  
Tristiaque attonito repetentis regna tumultu.*

*Illicet adversas partes sacer exuet horror  
Viribus, atque animis. Trepidus fluitare videres,  
Nec jam signa sequi, sociùmque impingere versos*

*Ordinibus . Primus volucres timor auferet alas .  
Cœlicolũ pedibus sed quis vitaverit iras ?*

*Ergo acies omnes funesto in pulvere fusas  
Calcabit , penitusque truces Mars obteret hostes .  
Tunc formidatam contentis viribus Hastam  
Vibrabit Michael , qualem super Astra supremam  
Impulit in Sontes , totoque eiecit Olympo .  
Illa trabens flammæ , tonitruque audita per omnes  
Terrarum , Cœlique plagas non flexilis ibit  
In Caput impurum ; sed rectis ignibus acta  
Corripiet , teloque artus populante corusco  
Hauriet , Et lacerum cognato reddet Averno .*

*O lætas , pulcrasque vices ! fumante ruinâ  
Pinguescet Tellus , Et Cœli jura resument  
Impulsas vires , cultusque , Et tburæ redibunt  
Numinibus , jungentque Homines commercia Divis  
Lustratos : Pastorque Unum reget Unus Ovile .*

*Illius auspiciis Terras Astræa reviset ,  
Alternasque colet sedes , nec sentiet ullum  
Discrimen . Primi felix tunc vena metalli  
Vel steriles ditabit agros : tunc aurea Roma  
Fiet , Et invisi pensabit sæcula Ferri .  
Ille manu facili præcurrens vota refundet  
Largus opes , studiumque sui , curamque perosus  
Ociâ commisso transcribet providus Orbi :  
Legibus occurret nimis , frangetque rigorem  
Objectans veniam gladio , Regique Parentem  
Consilii , atque animi nullis non certus in actis .  
Inde serenati facies constabit Olympi :  
Inque vicem Reges animis fidentibus enses  
Jam tandem ponent , lituique , tubæque tacebunt ,  
Altaque fraternas neclet concordia Gentes .*

*Sed mox , completis Superiorum sedibus , Æther*

*Consta-*

*Constabit numero : summam nec calculus ullus  
Destituet , penitusque Poli se Regia tendet.*

*Ergo recensurus resolubilis agmina mundi ,  
Dissimilesque acies , meritumque , scelusque supremâ  
Lance repensurus diversi à partibus Orbis  
Horrificis trepidas solvi clangoribus Urnas  
Mandabit Judex , defunctaque sæcla citari.  
Ante capax animæ quicquid spirabit , in unum  
Deficiet , Tellusque suis viduata colonis  
Ubera desertis lugebit squalida glebis ,  
Mugitusque dabit , casumque minata supremum  
Submittet montes , vallesque attollet in auras :  
Totus & humana campus perdetur , & omne  
Ambitionis iter . Nereus consurget in Astra  
Fluctibus , & trepidas illidet cautibus alnos ,  
Æquoreumque pecus tumefactis expuet undis  
Littus in abruptum . Nec jam spirabilis aer  
Omnia ventorum perpessus bella rubebit  
Igne superfuso , correptaque machina flammis  
Corruet in cineres , bustoque ardebit in uno.  
Quinetiam rutila concordia sacra Choraæ  
Turbabit cursus , & Cælo vulsa repente  
Concidet in terras . Phæbe non hauriet ignes  
Obvia fraternos ; namque Hic quoque luridus ibit  
Lampade sanguineâ , morituraque lumina condet  
Nubibus in nigris ; nec jam discrimina ducet ,  
Assuetasque vices , facundumque instruet annum .*

*Sed mora Justitii non longa . Erumpet ab antris  
Umbrarum Examen , rursusque replebitur Orbis .  
Dispersi Cineres , vel , quos sitientibus undis  
Sorbuit ira maris : vel , quos fuga præpetis ævi  
Transtulit in glebas , varioſve aptavit in usus  
Pauperior luxus ; conflatis artubus ibunt*

*Antiquam in speciem, vitamque repente resument,  
 Terribilesque Tubas gressu trepidante secuta  
 Tristis ad horrendum stabit Natura Tribunal.  
 Poscet inaspecta latebroso piacula mentis  
 Quæsit nullus; nam se nox alta refundet,  
 Pectoraque evolvit: tenebraque, sinusque profundi  
 Destituent trepidos: inscriptaque crimina fronti  
 Ipsa reos peragent, Et Sontes Culpa loquetur.*

*Hunc liceat transire diem; pars optima quando,  
 Et secunda Poli, velit hunc per tela, per ignes  
 Effugere. Exacto Sontes examine manes  
 Manibus à Puris diriment mercesque, locusque.  
 Tunc, quicumque nocens tristes mittetur ad umbras,  
 Serviet æternum. Meritos qui scandet in axes,  
 Rex erit immunis fortunæ, Et temporis expers.  
 Cui si componas, quicquid per jura, nefasque  
 Implevit Reges, semperque reliquit inanes:  
 Sprenendum, minimumque voces; Regina Trionum  
 Cui nunc invidet pulchrè, mox pulchrius æquet.*

*Talia nectentis percussà in fronte refulsit  
 Per rimas immissa dies. Nec plura; tacenti  
 Promeritum testata satis consurgit, equumque  
 Scandit, Et ad trepidam Regina revertitur Aulam.*



## LIBRI QUARTI

## ARGUMENTUM.



Hristina satis non habens Indigenas armorum, & litterarum studiis celebres reddidisse, eosdem satagit mercaturâ locupletare cum remotissimis etiam Regionibus commercia instituendo. Hinc

Classe comparatâ, & Navarco Cœli, & maris scientissimo eidem præposito ad Bonæ-spei Promontorium mandat appellere, atque ibi Castrum excitare, quod Coloniae sedes, & Negotiationis cum utrisque Indis, qui hinc Gammâ, inde Columbo Ducibus latè jam patuerant, & celebrabantur, opportunum esset Emporium. Inter eos, qui conscendere, altero alterius ignaro, Berga fuit, atque Erminus. Hi mutuo amore affecti, sed non conventuri, desperatis rebus se vectoribus immiscuere; nam furori impares, & spe vitæ projectâ, procellis potiùs, & naufragio effugium ab ineluctabile malo, quàm ipsos sibi manum inferre, maluerunt. Hos tamen melior fortuna, & felici-

cior manebat exitus, ut videre est in fine hujus libri. Pluto in dies de Christinâ suspici-  
fior, nec satis fidens dolosos Hæreseos casses  
eam detenturos, omnibus, & singulis il-  
lius inceptis adversari, atque hostem se ferre  
constituit; emissæque Classi exitium medita-  
tur. Jamque erat, ut voto potiretur, nisi cu-  
ra Numinis, & tutela instanti eam periculo  
eripuisset. Polliciti namque memor, quo  
Christinæ per Bergittam se rebus affuturum  
promiserat, Tempestatem in illius profectum  
convertit. Venti igitur, Numinis imperio,  
laborantem Classem in tria agmina partiti,  
per ultimas Orientis, Meridiei, atque Occi-  
dentis oras addictis flaminibus circumve-  
xere, ut undique, ubique (quod Cœli intere-  
rat) Christinæ nomen innotesceret. Hujus  
erroris occasione Terrarum, & Gentium il-  
larum species exhibetur. Universæ denique  
Classis ad Moluccas conventus, atque Ermi-  
ni, & Bergæ præter spem Conjugio, & Re-  
gno potitorum casus in melius conversi effe-  
runtur.

## LIBER QUARTUS



**L**Atius hæc inter moles suscepta Gradiui  
 Tenditur, inque dies profert se cura, laborque  
 Anxius hinc, illinc; nam, quò majora coire  
 Senferat Augustus rediuiui in prælia martis  
 Agmina Gotorum, tantos hòc auxerat ipse  
 Impiger objectus, ut non sat duceret Arcto  
 Obniti, infessæ totis sed fideret oris  
 Pellere Teutoniæ, cladesque abolere receptas.  
 Acrius hinc hostis metitur sedula vires.  
 Christina, Et plures molitur cauta paratus.  
 Sat sed inexpléta non est incumbere menti  
 Armorum in curas, terræque urgere labores:  
 Arripit Et Pontum, pelagique impenditur undis  
 Hinc, mora dispositis dum provida consulit armis,  
 Multiplicatque acies, Et proficit undique bello,  
 Imperat Oceanum complexum fluctibus Orbem  
 Auspiciis intrare suis, ignotaque, Cives,  
 Astra sequi, mersisque diu se ostendere terris.  
 Nuper ab Hespertiis felix audaciâ Regnis  
 Indignata pati Mundi confine vetusti  
 Classibus emissis geminis deprænderat Indos  
 Nequicquam pugnantem Salo partitaque fluctus  
 Hinc Orientis opes, hinc Regna incognita seri  
 Solis, Et occultum proavis detexerat Orbem  
 Ergo animi exuperans argenti à cardine cunctas  
 Amplexa est gentes, mundumque hinc, inde relectum  
 Quòd, nisi posterior vitæ prodisset in auras,  
 Auspice Christina transmissi Gotus haberet  
 Oceani titulos, phœbumque teneret utrumque.

*Ne tamen Arctois sedes submota noceret ,  
 Præreptusque labor , pubem , pinusque parari  
 Fussit , Et abscissas per fœdera jungere Terras .  
 Sed non in tantos se sustulit ardua cursus  
 Ausibus humanis ; mens illi hæc indita Cælo .  
 Scilicet intererat Superùm per singula tendi  
 Virginis Arctœ Nomen , nullosque latere  
 Hanc , ( quâ non ulli resipiscere cariùs emptum est , )  
 Præfussisse Jubar Populis quocunque sub axe  
 Tramitis in rectum vertendi , Regia tutum  
 Quâ via monstrat iter , quâque incessere Parentes .*

*Vandalicâ tunc forte Gyas degebat in Aulâ ,  
 Urbe Gyas Tyriâ prognatus , Et ætheris anceps  
 Ingenium , Et Pelagi primis edoctus ab annis :  
 Cui ludus vicisse hyemes , ventosque furentes  
 Cogere quod vellet , sevâque utroque sub Axe  
 Tempestate frui , mox post dispendia cursus  
 Fluctibus eversi rursus pugnata subire  
 Littora , Et optatâ incolumen regione potiri .  
 Hunc oneri Regina parem delegit , Et altum  
 Misit in Oceanum , commissasque imperat alnos  
 Dirigere , Et primi curam Reçtoris habere .  
 Præcipuè tamen ille Labor mandatur : ad oras  
 Siftier Æthiopum , cùm jam transmiserit ingens  
 Afrorum Cornu : quod nunc sperare Carinas  
 Spes sublata jubet , vetitumque recluditur aquor :  
 Atque ibi Christinæ de nomine dicta locare  
 Oppida , Et è patriâ transcriptos pube Colonos  
 Hic sedes optare novas ; Notus unde profundo  
 Totus , Et Eous lustrari posset uterque .*

*Omniibus instructas armis retinebat in actâ  
 Anchora deductas altis navalibus alnos  
 Ter numero denas ; qualem non duxit Jason*

*Insuetum per iter , nec quales debita fatis  
Præstitit Æneæ venturo in regna Cybelle.*

*Erminus hæc inter frustra luctatus amori,  
Nec jam par oneri : postquam via nulla potiri  
Conjugio Bergæ , spesque omnis prorsus abacta,  
Despondens animum , projectâ luce mederi  
Decrevit morbo , ferroque evadere curas.  
Nec minor in Bergæ furor est , populante medullas  
Peste , nec ulterius flammis crescentibus æquâ.  
Polliciti nam Virgo memor , votique superbi,  
Contemptique thori , toties quem reppulit ante,  
Erubuit dici inferior . Num Berga feretur  
Propositi inconstans , famæque oblita prioris?  
Quid Pater , & Cives ? Dubiæ hæc retinacula mentis ;  
Luctantisque animi . sed cunctis altiùs horret  
Censuram , Christina , tuam ; cui sæpè maritas  
Damnarat tædas , prætentæque nomina fraudi.  
Ergo certa mori vitæ præferre pudorem  
Constituit . Trepidus turbo hic versabat Amantes ;  
Cum sors immodicos tandem miserata furores  
Mitiùs incubuit , mentemque immisit amicam,  
Ostenditque rates ventis jam læta parantes  
Carbasa , & antiqui metas trans Orbis ituras .  
Inde animos utrinque subit sententia terras  
Linquere Vandalias , & clam conscendere Classem.  
Forsthan externi Genius , Fortunaque Cœli  
Auxilium diversa feret , claudetque cicatrix  
Vulnus , & ablatus longè minùs bauriet ignis .  
Sin secùs , æquorea longinquâ in parte procellæ  
Succedent manibus ; nec mors illata nocentes  
Arguet : & fato potiùs periùsse juvabit .  
Hoc sedet , hæc dubiæ lecta est medicina saluti .  
Hinc cultus , nomenque simul mentitus in alnos*

*Diversi scandunt varias , ignarus uterque  
 Consilii alterius , tantumque relinquere tristis ,  
 Quem mens non discors , Et Sors ducebat in unum.*

*Haud mora: dimittit puppes sublata volucres  
 Anchora , Et ( augurium cursus ) tumuere secundis  
 Suppara flaminibus . Primo vix littore funes  
 Solverat , Et medium Classis properabat in altum.*

*Ite pares Animæ , meritum queis Fata laborant  
 Christinæ blandita thorum . Nil unda nocebit ;  
 Nil furor Æolius . Quando disceditis Orbe  
 Longius antiquo , tanto Fortuna propinquat  
 Ocyus ; baud solum felix contenta parare  
 Connubium , sed Regna simul , nomenque datura .  
 Nam ; si quid dexter nostris indulget Apollo  
 Carminibus , memori recolent vos ore Nepotes ,  
 Nigra nec invisit famam Styx obruet umbris .*

*Interea provecta vadis volat aquore Classis  
 Parrhasis , Et validis Aquilonibus acta per aquor  
 Urget iter ; mediasque fugit leto agmine terras ,  
 Oceanumque subit , dextraque à parte Britannos  
 Linqvit , Et Herculeas angusti limitis oras  
 Præterit , Et ridet metas animosa vetustas .  
 Nec solum tenues veterum reminiscitur ausus  
 Nautarum in fluctus , repetit sed nubila mentis  
 Humanæ ; Et longâ clausum caligine verum .  
 Rumor erat quondam nimis vel solibus ustos ,  
 Attonitosve gelu nimio squalere vacantes  
 Terrarum tractus , Et nullos ferre Colonos .  
 Par quoque fama fuit commentos esse Poetas  
 Antipodum gentes , inversaque corpora miro  
 Fulcisse ingenio , nec labi in Sidera passos .  
 Hic adeo nunc error abijt , ut noctis avitæ  
 Nos etiam pudeat ; nec sat parcamus ineptis .*

*Nam*



Nam , quos bruma præmit , populis obnoxia præstat  
 Corpora , Et immitis reddit patientia Cœli  
 Firmior , atque artus durat , Natura , valentes .  
 Et , quos incussis recto Sol tramite flammis  
 Afficit immodicus , radios nec temperat umbrâ ,  
 Nubibus hos reficit pluviis , incensaque Regna  
 Temperat illa Parens , certoque reciprocatur imbre .  
 Quodque superficies porrecta absolveret Orbem  
 Prorsus , Et occiduis exceptum fluctibus axem  
 Flecteret obliquo terrarum margine Phæbus  
 Littus ad Auroræ , cui non ridenda videri  
 Simplicitas poterat , dubiæque infantia mentis ,  
 Vel , cum velivolum nondum Victoria cursum  
 Cardine ab Hesperio seras molita per oras ,  
 Perque Austri latebras , Et per cunabula Solis  
 Carbasa convertit , Patriamque sinistra revistit ?

Hæc , vario sermone , via dum tædia mulcet ,  
 Plurimus evoluit Væctor , Proavumque tenebras  
 Pars minor excusat , major traducit , Et urget .

Crescit iter liquidum fufis per lava , nec una  
 Insula Fortune quondam de nomine dicta  
 Apparet . Classis portus intrare recusat  
 Incita ; nam dotis decrevit fama beata ,  
 Et vani titulos jam non mentitur Elysij .  
 Cursibus instanti natalis transfuga ponti  
 Impingit Classi Piscis , nimboque volucris  
 Obruit attonitis turgentia vela Carinis .  
 Infelix ! gemino quamvis hunc larga favore  
 Distinxit Natura parens , cunctisque negatas  
 Indulsit pennas auris , Et fluctibus aptas .  
 Nam desertorem Cives sub nota reversum  
 Æquora diripiunt , peregrinaque Regna petentem  
 Diserpunt veræ volucres , pœnasque reposcunt

*Aeris arrepti ; miseroque negatur utrinque  
Perfugium . Nusquam tutum quæsisse receptus :  
Invidiamque luit nimium potuisse vagari .  
Præterit hæc Classis contenta , atque alite flexu  
Longa per immensi rapitur dispendia cursus ,  
Et Virides transit , dictasque à Principe terras  
Fluctibus ambitas , sociasque hinc , inde minores .*

*Famque diu sine nube Polum , sine turbine Pontum  
Præstiterat non fluxa fides ; Et versa per Austrum  
Obliquat cursus , sensimque inclinat in Arcton ,  
Æthiopasque petit Classis vix passa nocentis  
Tædia Desidiæ , medio quæ torpet ab axe  
Solis iners pelagus : Latè cum cepit ab alto  
Audiri fremitus , nullâque urgente procellâ  
Misceri anterior , seseque attollere Gurges .  
Arma citi expediunt : trepidis timor anxius omnes  
Intendit vires . Strepitus crebrescit , Et æstus  
Densior ebullit , seque altiùs erigit æquor .*

*Ardua vicinis Libye quæ tunditur Austris ,  
Rupibus aeriis altè consurgit in Astra ,  
Fusius Et medias tendit spatiosa per undas ,  
Atque indignantes immensis cautibus audax  
Longiùs intrat aquas , Tethynque umbone repellit .*

*Terminus hic Mundi , limesque , Et meta vetusti ,  
Sive quis in Zephyros , ab Eois solveret oris :  
Sive quis occiduis à Gadibus iret in Eurum ;  
Æquoris oppositi discordia tanta rebellat .  
Scilicet hic latè non unus Clausura tuetur  
Oceanus , prohibetque aditus , pariterque retundit  
Alterius furias , Et fluctus fluctibus arcet .  
Nam pudor , Et crimen , secti si proditor Orbis  
Commissum reserasse latus culpetur , Et alnos  
Excepisse sinu , nec sat clausisse latebras .*

Hoc etiam positis visa est Natura cavere  
 Obijcibus, geminumque solo secuisse Profundum.  
 Hinc furor, & rabies, formidatusque carinis  
 Incurfus. Pinus alio flexere volucres,  
 Undosumque Chaos velis, & remige Nautæ  
 Vitavere procul. Cui diræ accedere pesti  
 Contigit, & tantos audire impune fragores?  
 Nullus ibi Triton, nullæ lufere choreæ  
 Nereidum: minor ipse suos Regnator aquarum  
 Inde rapit currus, & sceptri jura relinquit.  
 Non opus externo miscenda in bella furore.  
 Sat sua tempestas, iratis sufficit undis,  
 Et tantum Æoliæ nunquam potuere procellæ.  
 Tunc quoque trans morem, majus cen dedecus esset  
 Jam nec ab Arctoo sat se defendere mundo,  
 Sævior in pugnas vires eduxerat omnes  
 Pontus, & immixtas undis ructabat arenas.

Ergo per indomitas immensi gurgitis iras  
 Vandaliæ Puppæ, non cæco turbine raptæ,  
 Spontè sed hoc ausæ, rostris spumantibus intrans  
 Mortis iter vastæ. Phæbeos scandere currus,  
 Et regere: Infernæ perfringere limina portæ,  
 Et vinctum trahere inde Canem, non exigat unquam  
 Hos animos. Tonitrus, tentata insania Ponti  
 Rupit, & ex imo se substulit obvia fundo.  
 Mugitus dabat unda furens, raucumque fremebat  
 Africa monstrifero latè pulsata profundo.  
 Vela quis horrendo non crederet hausta barathro?  
 Illa procellosos dudum luctata per æstus  
 Exuperant, rectosque tenent interrita cursus  
 Indignante Salo, totisque in bella citato  
 Viribus, atque omni sublato in sidera fluctu.  
 Qualis, ab Oetbæis dum surgit in Astra favillis

Provocat Alcides flammæ, mediosque per ignes  
 Volvitur, & sequitur cupidus incendia membris:  
 Non secus Arctœa glomerata per alta Carinæ  
 Irrumpunt, fluctusque secant; quæque unda debiscit,  
 Quæque abit in cumulos, iterumque, iterumque feruntur.  
 Nec tantum tentare vadum, litusque videntur  
 Tendere ad ulterius: quantum freta cæca domare;  
 Et formidatum penitus submittere monstrum.

Ecce autem exhausti jam jam sub fine laboris  
 Instaurare Malum vires, alioque tumultu  
 Attolli Oceanum, geminoque à cardine verti.

Viderat emissas Arcturi è sedibus alnos  
 Arbiter Umbrarum longinqua in Regna citari  
 Austrorum; certusque nihil vulgare parari,  
 Cessurumve sibi, quod Virgo Arctœa moveret:  
 Ex quo tentatas elusit provida Tædas,  
 Pellacesque dolos, astusque retexit opertos.  
 Jamque aliquid spirare videns tellure remotum,  
 Et confine Polo, Stygiisque haud utile Regnis:  
 Ipsius obniti inceptis, & tendere contra  
 Constituit, nullosque pati procedere cursus.  
 Ergo, ubi ab Ethyopum vidit se exolvere Classem  
 Fluctibus, atque Erebo non suffecisse Profundi  
 Dissidium: socias furibunda in bella cohortes  
 Aeris excivit, tempestatumque potentes.  
 Illicet extremi tonat angulus undique mundi,  
 Incestantque diem nubes, Solemque, Polumque,  
 Eripiunt. Solo mæret desertus in antro  
 Æolus: insani baccantur in aere Fratres,  
 Infensaque latus commissum fronte tuentur,  
 Intenduntque animas, omni que à parte rebellant.  
 Qualis in Æmatbiâ rabies civilis arenâ  
 Civibus opposuit cives, atque obvia pilis

*Pila dedit, paribusque armis paria arma cruore  
Imbuit Ausonio, cognataque jura resolvit.*

*Jam furor ille prior, rabiesque domestica clausi  
Oceani, tranquilla quies, paxque alta videri  
Huic poterat collata malo. Nox, unda, procellæ  
Ingeminant; nomenque timor non invenit ullum  
Par byemi insanæ, responsurumque periculo.*

*At non sub tantâ crescentis mole furoris  
Destituit trepidos, promissaque liquit in arcto  
Attonitas Tutela rates, sed vertit in usum  
Hostiles objecta minas, byememque profundam  
Frena pati jussit. Mundi nam Rector in undas  
Lumina declinans, deprensaque robora cernens  
Cardine in extremo furibundi fraudibus Orci  
Christinæ insensi, latè jaclare Carinas  
Permisit Pelago, metasque negare propinquas:  
Naufragium vetuit, stimulosque rependit habenis.  
Flamina quinetiam cum jam flectenda, coegit  
Permutare vices, quâ foret utile, verti  
Lege pari incessus. Tanto sic usa tumultu  
Convaluit Classis, stygiisque est aucta procellis,  
Profecitque malo. Nam, quæ fuit una, repente  
Vertitur in trinam, Dominamque imitata resurgit,  
Lataque multiplicat, fruiturque, et crescit ab hoste.*

*Convenisse putes Ventis, sic agmine secto  
Impulit, inque alias rapuit certo ordine terras  
Partem quisque suam. Triplici tunc tramite fusæ  
Lymphantur, pelagusque secant declive Carinæ  
Velivolæ: liquidique perit levis orbita lapsus.  
Adjuvat ipsa Thetis cursum, ventisque coactis  
Conspirat, sternitque vias, et commodat undas,  
Versa retrò partim, partim directâ per Austrum,  
Limitis Eoi partim digesta per ortus.*

*At primum da, Musa, mibi revoluta per Eurum  
Vela sequi. Pars illa minus manifesta, diuque  
Delituit; longasque moras pensare reposcit.*

*Littora prætereunt transmissa. Ipse arduus Atlas  
Conditur, & nota pereunt consinia terræ.*

*Jam nova mutato mirantur sidera Nauta  
Ire Polo, facibusque aliis ardere serenum;  
Nullaque jam mundi superant vestigia primi.*

*Hic, ubi tantarum campus se pandit aquarum,  
Quantus & equorei currus lassare Tonantis  
Possit, ad extremi si tendat linitis oras:*

*Terra fuit quondam, quæ nomine nomina magni  
Sumpsit ab Atlantis, si non manavit ab illa*

*Nomen, & est titulos major largita minori.*

*Nam, si committas Asiam, Libyamque, deesset*

*Sic quoque par spatium, multumque excederet ambas;*

*Urbibus, & Populis aded celebrata, frequensque:*

*Ut simul & Libyen, Asiamque impelleret una,*

*Obsidio premeret, latèque everteret armis,*

*Oppida nec Cives, raros nec gleba Colonos*

*Sentirent; sed plena Viris tellusque, salumque*

*Ferveret, & totis fluerent commercia ripis.*

*Hæc, seu perpetuis aliò propulsa profundi*

*Fluctibus Occidua metis accesserit ora:*

*Sive Soli motu, magnoque Tridente fatiscens*

*Siderit inferius, montesque obduxerit altos:*

*Destituit patrias sedes, & destitit esse*

*Molis at immensæ dudam mansere per æquor*

*Reliquiæ, cenumque tenax, innabilis unda*

*Ut foret, & lentis probiberet fluctibus ænos.*

*Sed, quæ vel repulit, vasto vel sorbuit ore*

*Congeriem, pariter Vis eluctata morantem*

*Dispulit, & liquidi referavit claustra meatus.*

*Non*



*Non tamen ullius fisa est audacia tantum  
 Arripere undarum , serique cubilia Solis  
 Visere , Et ablatas , vel mersas querere terras ;  
 Donec ab Hesperiiis , Jani Vir natus in Urbe  
 Suffecit fatis , animosâque abiete vectus  
 Primus iter rupit , dubitataque littora prendit :  
 Attonitisque oculis , Et longa in secula clausis ,  
 Excussit tenebras , mancumque retexuit Orbem .*

*Hâc agitur Classis ; faciliq̃ volumine fluctus  
 Puppibus obsequitur , desperatumque recludit  
 Littus , Et ignotis jactatos applicat oris .*

*Vindicat Hispanis missum quæ nomen ab oris  
 Insula , Vandalicas admisit prima carinas .  
 Hinc loca , quot Lygurum , decus immortale , Columbus :  
 Americus quotquot de sanguine cretus Etrusco  
 Eruit , Occiduis nomen qui prestitit Indis :  
 Per freta detexit quicquid non cognita duri  
 Ira Magallani Thetidis compendia nacti ,  
 Lustravere Rates , non uno flamine ductæ ,  
 Sidere non uno , nec tractu gurgitis uno .*

*Terruerant primò gentes vexilla repostas  
 Gotica , Et Hesperius trepidavit miles ad alnos  
 Arcturi ; insensos namque buc quoque Fama Triones  
 Sparserat Austriacis , Et vulnera magna patebant  
 Martis Hyperborei . Sed nil hostile parantes  
 Abstinuit probibere rates ; namque inclyta Virtus ,  
 Et nomen , Christina , tuum , semperque perosa  
 Gens invicta dolos , pacem sperare jubebant ,  
 Infontesque aditus : sive ad commercia Classis  
 Iret : ab adversis seu cursu excussa procellis  
 Erraret pelago , littusque invita subiret .  
 Ergo peregrinas succedere portubus ultrò  
 Invitant puppes , longisque erroribus agras*

*Instau-*

*Instaurare trabes , & se reparare labori .  
 Fluctibus obvertunt proras , facilesque Juventus  
 Emicat in terras , gratesque excepta perennes  
 Concipit , & memores aeterna in tempora mentes  
 Testatur , jungitque manus , & tecta frequentat  
 Hospita , & intento percurrit singula visu .  
 Miratur prolem ambiguum , commixtaque gentis  
 Semina , non ullum sat consensura per ævum ,  
 Et nova tot variis animantia bruta figuris :  
 Aurifluosque amnes discit , montesque feraces  
 Argenti , & Casias , & Sylvas stirpis odora ,  
 Cinnamaque , & dulci distentas nectare menses ,  
 Ignivomosque apices , & biantia culmina flammæ .  
 Littora devexæ postquam Telluris in Arcton  
 Explorata satis ( longis nam tractibus inde  
 Funditur in Boream ) converso tramite fluctus  
 Flectitur in levos , propiusque inclinat in Austrum ,  
 Contentæque fugâ Cillin perlustrat , & aquor  
 Parcius insensum ratibus , Cancroque propinquat :  
 Peruviosque legit portus , Terrasque beatas  
 Ramentis niveis , & venâ divitis auri .*

*Sensit Amazonia postquam Regina catervæ  
 Arctoo venisse Viros , rata Classibus isdem  
 Affore Christinam , cujus jam fama repleat  
 Regna securigera , suspensæque pectora Pubis :  
 Agminibus latis Argentea flumina liquit ;  
 ( Gentis ubi sedes ) nimboque invec̃ta volucris  
 Flagitat affatus , & dextræ jungere dextram ,  
 Inque fidem recipi . sed mox , ut novit inanem  
 Rumorem adventus , deceptis irrita votis  
 Tristis adoratis vertit vestigia Signis  
 In Patriam ; non ante tamen , quàm fœdere jungi  
 Oraret , Dominaque ultro submitteret arcus ,*

*Muneraque offerret vittas, filicumque bipennes,  
Et sceptrum obsequii monumentum, Et pignus amoris.*

*Hinc per inæqualis fusi dispendia tractus  
Circuitu immenso campos subière patentes  
Tetbyos Australis, dubium quò dividit Orbem  
Linea, quæ pariter Lites, Et Sceptra diremit;  
Longius ablatas cum jam non duceret alnos  
Arctos; ab opposito sed Crux se proderet Axe.  
Inde iter obliquum per tot divortia magni  
Rursus adorta maris, Zephyroque impulsa per Eurum  
Fessa Mollicarum bibulas se Classis ad oras  
Applicat, Et tantæ vestigat nomina famæ.  
Non messis, fruticisve potens, non pinguis olivi  
Terra ferax, letumve jugum baccante corymbo.  
Quidquid habet succi, plantas expendit in illas,  
Morsu, Et odorato torquent quæ guttura sensu;  
Cætera defectis Tellus expirat arenis.  
Illius ad raptus Helenes hac dote superba  
Se tamen Europæ latè crexere Potentes;  
Certatumque diu: nec se lis tanta, furorque  
Composuit; nec finis erit; sitis improba donec  
Durabit lucri, Tellus nec fessa negabit  
Sufficere insanæ nocitura in pabula mensæ.  
Prob pudor! baud citius subiit novus Orbis habenas  
Alterius Partis, victum quàm nosceret hostem  
Luxuriâ. Et genti puduit cessisse minori.  
Anne parum fuerat flavi tanto igne metalli  
Arsisse Europam, tanto hoc quæsisse tumultu:  
Ut, non Imperii mittendi latius ausu,  
Numinis aut veri monstrandi, aut gentis amore  
Ducendæ in cultus, tantum maris æquor adorta;  
Sed furiis Auri, turpique cupidine rapta,  
Dicatur patrii necquidquam transfuga mundi?*

*Non*

Non impune tamen ; nam longa piacula mentis  
 Insanæ exolvit , bellisque , Et fluctibus hausta  
 Pauperior vanos luget defecta labores .  
 Sola nec admissi penas Astræa reposcit ;  
 Ipsa etiam vetitos ulta est Natura recessus ,  
 Deprensosque sinus , justasque exarsit in iras .  
 Inde peregrinam depascitur ulcere gentem  
 Dira lues Veneris , dulcique invec̃ta veneno  
 Corruptit fædo discordia semina morbo :  
 Et , quasi non fuerit sat multavisse Nocentes ,  
 Perstat , Et insontes carpit rediviva Nepotes .  
 Laudis , Et Imperii quod si ostentata cupido ,  
 Astur ut in mersis etiam claresceret Indis ,  
 Impulit in seras Tarteſſia carbasa terras ,  
 Cur non magnanimis diros Lestrygonas ausis  
 Arripuit , dextrasque suas expendit in illos  
 Hesperia armipotens , lustratisque expulit oris ?  
 Et nunc illa lues latè dominatur , Et escis  
 Vescitur humanis , hostique est una timori  
 Externo : nec festa semel convivium nostris  
 Artubus instaurat , nostroque cruore redundat .  
 Si propter fulvum patriis de sedibus aurum  
 Migrandum fuerat : monstro quod longius esset ,  
 Ire procul decuit , veterique excedere mundo .  
 Nam neque nos inter massæ fætura nocentis  
 Rara aded , exemplis ut non suffecerit olim  
 Sapiùs invec̃ta sua per contagia Pestis .  
 Non id vertendo reditura in pabula glebas :  
 Non tecta , atque urbes tollendo , Et corpora bello  
 Obvia vulneribus vallando , aut abiecte secta  
 Utile texendo iusta in commercia puppes ;  
 Sed vano fulgore nitens , specieque dolosa  
 Perstringens oculos , Et dux in devia raptis .

Scilicet Heroum genitrix ut pulsa recessit  
 Paupertas: capimur falsis, veroque relicto  
 Ducimur in præceps, tenebrasque, Et crimen amamus.  
 Una salus fuerat cæcas sectantibus umbras  
 Christinæ radiis lustrari. Hac auspice quisquam  
 Sanguine quæsitæ, Et partas crimine prædas  
 Dignari poterat? quando Hanc non una, manūque  
 Aucta suâ intactæ primævo in flore iuventæ  
 Crescentes inter laurus hoc pectore, Et ore,  
 Quo caperent alii, largiri Regna videret?

Hic socias reperere Rates, quas tramite secto  
 Impulit in varium jussi discordia cursus;  
 Sed mox Pontus iter, mutataque traxit in unum  
 Tempestas, agmenque iterum commisit amicum.  
 Dexter in Occiduos namque bos dum pellit Eoos.  
 Euris, Et ignotis hinc, inde ostentat arenis:  
 Portio par Classis ventis provecta sinistris  
 Funditur in levam, terrisque repulsa Libyffis  
 Trans Mauros, Arabasque fugit: vix ostia Rubræ  
 Tethyos, Et Persæ vix ostia Tethyos haurit,  
 Luminibus dubiis, Et caligantibus undâ  
 Præcipiti, Et flatus Zephyro integrante volucres.  
 Littora jam Tattæ prætervolat invia cæcis  
 Syrtibus, Et tandem veris allabitur Indis.  
 Substitit hic Zephyrus nautis impensus; Et oram,  
 Dat, Goa, quam celebras, puppesque expectat in alto  
 Ulteriùs vires dispensaturus in Ortum.

Hic mora parva Viris; sed non tamen antè recedunt,  
 Quàm Lusitanæ cognorint inchyta gentis  
 Imperia obstructæ quondam dominantis Erythræ,  
 Inviçtilisque animis Armusia sceptra tenentis,  
 Sumatram, geminamque Javan, meritumque beata  
 Nomina Zillanum, atque infra Gangis, Et ultra

N

Ostia,

Ostia, non unas tendentis Fura per oras.  
 Lusya nam Virtus Libyæ post extrema Regna  
 Sensim capta manu, pronoque sub Axe Brasylj  
 Deprensos tractus, ductore, atque auspice Gamma  
 Objcis immensi divortia vicit, Et expes

Caput Bo-  
 nae Spei.

Eluctata Caput, latè se fudit in Eurum:

Ac Ducibus confisa suis, quos nulla tacebunt

Secula, littoreos frenis compefcuit Indos,

Oceanumque diu tenuit, nautasque coegit

Non nisi permissis Tetbyn celebrare carinis.

Illius in prædas sed mox venere Batavi,

Anglorumque Rates; atque hinc res visa referri

Lusyadum cepta est tantis seu classibus impar:

Seu vis illa prior tractu jam deside victa

Substitit, atque animos posuit mollita superbos.

His aded visis, iterum vada falsa capefcunt,

Carbasaque intendunt Orientis in ultima primi.

Nec mora, nec requies, Synarum littora donec

Per varias acti diversi gurgitis undas

Clausa Peregrinis perlustrent alite cursu,

Suspiciantque procul Gentis decora alta potentis,

Per quam tanta Typis facta est accessio messis

Palladiæ, quantum nuper maris aquor adortis

Addidit undarum reſerati janua magni

Oceani: Invento quo non precioſius aurum,

Nec, quidquid tellure micat, vel candet in alto

Gurgite; nam laxis malè credita Grammata chartis

Impensâ ingenti, calamoque inducta moranti,

Sæpe labor, longusque oculis dubitantibus error:

Artifici nunc certa metro, specieque decora

Exsultant, spernuntque minas revolubilis ævi

Æmula Phœnicis, vitamque à funere sumunt

Rursus, Et baud unâ constant reparata juventâ.

Solerti



Solerti atque utinam fieri contenta fuisset  
 Haëlenus ingenio celebris, pacique litare  
 Fertilisheu! nimum Gens, & fœcunda reperti:  
 Palladis alterius nec se intendisset in artem  
 Fulmina nos inter commenta, atque orsa Tonantis:  
 Dedecus unde Armis, atque ingens auctio Mortis,  
 Virtutique locus sinceræ demptus, & igne  
 Haustæ Urbes, fumoque latens, & sulphure Mavors  
 Sordidus, & justà carituri laude triumphi.  
 Scilicet Humanæ tanta est audacia mentis  
 Ambitione furens, ut vel per crimina poscat  
 Tendi, & ab incensis etiam clarescere Templis.

Japponiam mox Classis adit; sed cauta cruentis  
 Longius abscedit populis, littusque redundans  
 Sanguine Christiadum, & Gentem execratur ab alto.  
 Inde Philippæo celebratas nomine terras  
 Arripit, & varii post longa volumina flexus  
 Austri Regna subit; tandemque allapsa Moluccis,  
 Assequitur socios, puppesque reducit in unum.

Huc prior appulerat medium permensa profundum  
 Tertia pars Classis; nam per directâ citatam  
 Impulerat Boreas, portuque excluserat omni  
 Fussus in obliquum mox se convertere cursum.

Itur in amplexus: discunt alterna vicissim  
 Prælia ventorum, lætique errore fruuntur  
 Pontivago; nimisque juvat meminisse pericli:  
 Regnaque dinumerant peragrata, & prorsus ab Arclo  
 Divisos tractus, alioque in Cardine Gentes.  
 Sed, quamvis Phœbi limes patuisset utrinque  
 Aut his, aut illis: quamvis Thitonia Conjux  
 In thalamis deprensa suis hos viderit: illis  
 Merferit Occiduos nusquam Sol gurgite currus:  
 Nulla fuit Tellus, cui non, Christina, pateres,

*Nullaque Gustaidem quæ non præceperit ora,  
 Alternumque decus cultu florentis, Et armis.  
 Erectæ hinc Gentes: hinc te per vota petebant  
 Excipere Indicole, frenumque subire beatum.  
 Quosque triumphando plausus habuere subacti  
 Gangis, Et Auroræ meliora in jura redactæ  
 Liber, Et Alcides: Solis per limen utrunque  
 Olim expectatam talis Te pompa manebat.*

Christina  
 etiam Ale-  
 xandra ap-  
 pellata.

*Nam nec Alexander, Nini nec martia Conjux  
 Par tibi visa satis: Teque bis non junxit Eous,  
 Quamvis alterius nomen, sexumque teneres  
 Alterius, Victorque Indum pacasset uterque;  
 Sobria nam semper, semperque intacta, nec ullo  
 Crimine deformis, lapsuque immunis ab omni.*

*Hæc læti recolunt Socii: rursumque vagari  
 Optandus, gratusque labor: cupidisque placeret  
 Eruere, Oceanus quicquid circumfluit ambit;  
 Sed Dominae imperium Maurusia Regna jubentis  
 Arripere immensos prohibebat tendere cursus  
 Longius, atque operum oblitos per singula ferri.*

*Hic, dum vela Gyas lustrat, pinusque recenset,  
 Deprendit procul esse duas, sociosque reposcit  
 Pectore sollicito, quamvis confidat in unum  
 Postmodò venturas; nec spem Fortuna fefellit.  
 Ergo iter intendunt, gavisæque robora vertunt  
 Littus ad Æthiopum, plaususque ad sidera tollunt.  
 Sic, ubi Strymoniam disjecit in Æthere nubem  
 Turbo rapax tepidi quarentem Cardinis auras:  
 In diversa fugit cuneis pereuntibus agmen,  
 Et vaga per varios jactatur Littera tractus:  
 Mox, cum pacati tempestas turbida Cæli  
 Cessit, Et optati constat pax certa sereni,  
 Instaurat sublimis iter, sociisque reversis.*

*Instrui-*

*Instruitur collecta cohors, sectosque volatus  
Leta reorditur, placidisque advertitur oris.*

*At geminas puppes, sociâ quas Classe diremptas  
Questus erat Rector, nec prævia vela secutas,  
Cura Poli propior meliora in fata vocabat.  
Erminus alterius vector: ratis altera Bergam  
Veſtabat; paribusque ambos Fortuna regebat  
Auspicis, medioque mari tranquilla parabat;  
Littora, & immunes à tempeſtate receptus  
Non unâ. Nec vana fides; namque hoſpitis ore  
Appulſus, Sceptrumque dedit, potioraque Regnis  
Fœdera Connubii, Gentemque & nobile Nomen.*

*Non Hos turbo rapax, non hos maris ira ſurentis  
Terruerant; nam nullus amor ſuperſeſſe, relictâ  
Cum ſpe conjugii quando ſpes pulſa ſalutis  
Fecerat optandum quocunque abrumpere vitam  
Implacidam fato, diramque evadere peſtem.  
Hinc, ubi Maurorum luctata eſt Classis in undis  
Transmiſſura vadum, vel; cùm renovata laborem  
Inſtauravit byems: nullum creſcente periclo  
Tentarunt lenti effugium tot caſibus ante  
Fruſtra exploratum, venturaque fata manebant  
Immoti, atque aliis olim ſub fluctibus hauſti.  
Quin neque, cùm Classis geminis erepta periclis  
Agmine partito tantum eſt revoluta per æquor,  
Ægra favor Superùm permulſit corda; nec ulla  
Suspendit curas ſpecies peregrina latentes.*

*Ergo opis expertes Boreas ducebat in Auſtrum  
Flamine directo: medio pulcherrima ponto  
Inſula cùm viſa eſt properanti occurrere Claſſi:  
Advertere oculos leta ad ſpectacula Nautæ  
Pertæſos pelagi, longisque erroribus ægros;  
Admotamque magis plauſu majore ſalutant.*

*Hunc*

Hunc tepor, & modicus Sol afficit: ille serenum  
 Nube probat nullâ temeratum: suspicit ille  
 Desuper objectos & fructu, & flore comantes  
 Arboreos fœtus, & olentes cinnama sylvas.  
 Diversos diversa trahunt. Vox omnibus una est:  
 Quid sinus, & saltus, porrectaque fertilis alvi  
 Area? quid satura valles, fontesque, lacusque  
 Fluminaque; externa si par est intima formæ  
 Gratia? Perpetuo sed cur riget abdita vallo?  
 Quis locus? Elysi numquid Domus illa beati,  
 Felicesque piis sepositæ Manibus umbra?  
 Hæc Nautæ, fluctusque secant; sed flexa retrorsum  
 Ora tenent; ventisque animo properantibus obstant.

Altiùs at geminos species intravit Amantes;  
 Pulchra; nec in solis hæserunt plausibus oræ  
 Ridenti. Votumque fuit par protinus ipsam  
 Arripere, & reflui contemnere gurgitis æstum  
 Forte revertentis, nullosque audire timores.  
 Nec mora consiliis: alterque, atque alter in undas.  
 Erminus invisam nam jam perferre salutem  
 Impatiens, tantisque diu superesse periclis  
 Non intellecto se jecit in aquora saltu.  
 Mens eadem Bergam, nec segnior impulit ausus  
 Tradere se ponto, cautesque tenere propinquas.  
 Nam, seu vicinis allabi portubus oræ  
 Prærupta Fortuna daret, litusque subire:  
 Gratum erat in solis vitam consumere lustris,  
 Occultasque fâces, gemitusque efferre latentes,  
 Et longas satiare moras. Sin rupibus altis  
 Illidi, aut vasto fuerat fatale profundo  
 Sorberi: sævis levior sors ignibus omnis,  
 Et mors perpetuo potior quæcunque tumultu.  
 Sed non tam parçè miseris Fortuna favebat,

Exitus ut docuit : Mittendi corpus in undas  
 Illa pares ausus parti suggestit utrique :  
 Illa oculos aliò sociorum vertit , opemque  
 Abstulit ingratam : pìctis de puppibus illa  
 Præcipites leni deduxit in æquora lapsu ,  
 Supposuitque manus , Et fluctus stravit biantes :  
 Repperit ipsa vadum , quà se porrecta per Austrum  
 Inclinat rupes , ripæque immisit aperta  
 Depositum , larvasque oculis utrinque removit ,  
 Sincerosque dedit vultus , atque oribus ora  
 Objecit ; non ante tamen , quàm tuta tenerent  
 Littora ; ne subito vis intercepta tumultu  
 Proderet attonitos . Namque baud experta per æstum  
 Brachia dum jactant , Et littora longius absunt :  
 Alter in alterius complexum cominùs actus ,  
 Incidit imprudens , correptosque alligat artus ,  
 Auxiliumque tenet , vicinaque fata moratur ;  
 Admovit Fortuna manus , nexusque nocentes  
 Leniter incessens , tutæ commisit arenæ  
 Implicitos . Bibulà postquam tellure recepti  
 Excessere mari , seque exolvere vicissim  
 Nexibus , Et pariter longis obtutibus egros  
 Tentavere oculos ; mediù caligo timoris  
 Fuit , ne trepidos notè ad spectacula formæ  
 Haurirent animos inopini gaudia casus :  
 Hæseruntque diu , nec sati in prospera versi  
 Admisere fidem , certumque babuere favorem .  
 Hinc rubor , atque illinc ; mox pallor , rursus ab igne  
 Suffusi vultus , aliique in pectore fluctus .  
 Erminus inde prior , postquam collecta recepit  
 Pectora paulatim , sic est aggressus amantem .  
 Tantum de Superis fas est sperare ? nec ultra  
 Invida fata premunt ? an me jam morte peracta

Regna sepulta tenent , Et imagine ludor amata ?  
 At , seu jam manes , umbræque erramus inanes ,  
 Stamina seu restant , Et durat vita superstes :  
 Permittisne coli , tandemque exuta rigorem  
 Respicias orantem , longumque admittis amorem ?  
 An repetenda fuga est , iterumque redimus in undas ?  
 Sed neque naufragium per tot vetuisse pericla ,  
 Et procul à patriis ablatum sedibus unà  
 Huc carum vexisse caput , Bergamque dedisse ,  
 Numinis est duri , sortemque urgentis iniquam .  
 Tu superes placanda mihi . Jam Numina primas  
 Mutavere vices , atque invertere tenorem .  
 Forsitan ( Et nostræ pateat si stirpis Origo ,  
 Nos quoque nam Regum sanguis ) non arguar impar  
 Ambitis , Regina , thoris . Fiducia genti  
 Nulla tamen nobis ; sed tantum poscimus uni  
 Hanc animam debere Tibi . Tu Regna , Genusque ,  
 Unica votorum Tu spes , Et summa meorum .  
 Si quicquam meriti temerarius arroget ausus ,  
 Arroget à solo , longoque insistat amori .  
 Scilicet à teneris tibi nos devovimus annis :  
 Prævenitque oculos mens dedita , Et arsimus igne  
 Oris inaspecti . Nec solum fama decoris  
 Me Tibi devinxit , sed vis invicta , vigorque  
 Martius , atque uni toto cessurus in orbe  
 Christine ; in numero quando Hæc censenda Deorum .  
 Nam neque me tetigit ditionis cura paternæ ,  
 Hæsuramque Tibi sceptrum : nec , littore in isto  
 Te mihi si indulges , quicquam superesse relictum  
 Indorum in terris , aut nostris rebor in oris .  
 Non fuit in nobis tanto pugnare furori .  
 Obniti inceptis , venienti occurrere flammæ ,  
 Ille Deus vetuit , vetuit qui posse mederi .

Terre.



Terreri poteram , generi quod dura virili  
 Esse ferebaris , tædæque perosa maritas .  
 Id fuit in causâ , cur cresceret ignis , & ipso  
 Hoc , quòd non ulli prædelibata venires ,  
 Aliùs ardebam , fatoque instante trabebar .  
 Nam , neque perpetuò vis duratura rigoris  
 Visa , nec ex aquò crimen commune piandum  
 Et mihi sperabam , si culpa , & labe carerem .  
 At , de me statuat quicquid fortuna , placebit .  
 Nam , si me thalamis dignaris flexa beatis :  
 Jam nunc plura tuli , quàm quæ daret Indus uterque .  
 Sin prior urget hyems , nec præbent fata recursus :  
 Proderit extremæ saltem sub tempora vitæ  
 Te semel affatum , causam evoluisse propinquæ  
 Mortis , & banc mecum veniam mox ferre sub umbras .

Dixerat , & lacrymæ commendavere precantem ;  
 Motaque , proposito nec jam par Berga priori  
 Vincimur , exclamat ; sed non modò vincimur : olim  
 Succubui fatis . Non hæc victoria primum ,  
 Ermine , parta Tibi , frustra Cupidinis armis  
 Restitimus ; forsanique pares præcepimus æstus .  
 Quanta sed obstiterit nutanti Causa pudori ,  
 Colligere inde potes , quòd me quoque traxit in æquor  
 Par furor , & cæcis pelagi jactarier undis  
 Maluimus , longas animi quàm ferre procellas .  
 Nec serò ignoscēs , dubiam Cbristina morari  
 Si potuit , justusque timor suppressit amorem .  
 Sed neque tu nobis veniam poscendus , at Illa ,  
 Auspice quâ nimios concepi debilis ausus  
 Æmula gesta petens , & non imitabile robur  
 Mente sequi imparili , nec respondente labori .  
 Me tamen baud tantum retro cessisse pudebit ,  
 Illuc eniti quantum tentasse decebit ,

*Una tenet sociis , quò se Christina , repulsis.  
 At neque Tu parcè culpam , casumque levabis ,  
 Quòd non majori poteram mercede referri:  
 Nec priùs optandi descendo in fœdera vincli ,  
 Quàm toto lustrata mari , toto orbe redempta  
 A lapsu , Superisque palàm prohibentibus usquam  
 Posse mori , nusquam passis procul esse furoris  
 Materiam ; fatis ut jam pugnare vetemur  
 Cominùs admotis , Et sit constantia crimen.  
 O' utinam , norit cùm me Regina jugatam ,  
 Norit Et hos casus , culpamque in fata releget!  
 Hec ait , Et merito dextram permisit Amanti:  
 Primaque perpetuos bilaris consensit in ignes.*

*Interea fidos præstent dum tectâ receptus ,  
 Et sacer accedat justas Hymenæus ad aras ,  
 Scire libet , quorum Fortuna advexerit oris  
 Fluctibus ereptos , quos nutriat Insula mores.  
 Alter in alterius nam dum se vultibus implet ,  
 Declinare solo visus , terræque vacare  
 Neglexit ; species sed mox tam pulcra tuentes  
 Traxit , ut alterius vel post spectacula formæ  
 Cuilibet obversos parti suspenderet ambos.*

*Omne latus vivo circumdant aggere rupes ,  
 Excluduntque aditus : insultantesque procellas  
 Despiciat ex alto Tellus , atque imperat undis.  
 Ambitus erectæ tantum se porrigit oræ ,  
 Area circuitus protendit quanta Sicanos.  
 Bis duo per medios incedunt flumina campos ;  
 Ostia sed claudunt Sylvæ , lapsuque reducto  
 Nais in Oceanum condit se dulcis amarum.  
 Neve sinus possint puppes intrare repostos ,  
 Flexilis objicitur cautes , spaciumque relinquit ,  
 Per quod inexpertæ metuant intrare. carinæ ,*

*Auspice sublato , refugaque accedere ripæ.  
 Aurea ridentis constat clementia Cœli:  
 Non æstu nimio , nimio nec frigore lasa  
 Temperie fruitur : sæcto nec vertitur anno  
 In quatuor partita vices . Discernitur ipsi  
 Circulus , & vario distinguit munere Soles.  
 Semper habet flores , fructus sæcunda recentes  
 Semper habet , veterique novus succedit , & haret.  
 Fœtus ; & imparilis constat par gratia partus.  
 Hic tumet in cliuvm , modicam submittitur illic  
 In vallem . Pars nulla vacat , non angulus ullus  
 Dote caret pulchrâ ; nam vis materna frequentes  
 Ejaculatur aquas , & fontibus irrigat arva:  
 Vitalesque trahit venas . Hac parte comantes  
 Elevat arboreos fœtus non cortice nigros ,  
 Robore non curvo turpes , umbræve nocenti  
 Infames , sed fronde simul , truncoque decoros .  
 Hospitibusque patent , & præstant tecta canoris ;  
 Ominis infausti sed non admittitur ales.  
 Omnis , odorifera quæ lata est laudis honore ,  
 Et , quæcunque dapes componit , & instruit arbos ,  
 Palmaque Palmarum princeps , quæ sufficit una ,  
 Multa petens hominum quicquid desiderat usus ,  
 Sive colat terram , terræ seu præferat æquor ,  
 Majores hic pandit opes , atque explicat umbras.  
 Per nemora exsultant Lepores , Capreeque , gregesque  
 Damarum : longè Tigres , inæque Leonum ,  
 Atque Ursi informes , & quicquid denique sævis  
 Unguibus invehitur , rabido vel dente minatur ,  
 Transmissove nocens inspirat fata veneno .  
 Vitreus in medio liquidarum campus aquarum .  
 Porrigitur ; nitidoque lacu , ceu fonte perenni  
 Annibus hinc , illinc terris alimenta daturis .*

*Pabula dispensat largè, viresque ministrat.  
 Fœnore respondet margo, limboque virenti  
 Circuit altrices, Et circumplectitur undas.  
 Intus Piscis bebet, nec caudę plausibus altas  
 Concitus urget aquas; fundo sed prodit ab imo  
 Arduus in flores, Et ripa proximus hæret:  
 Pulchrius in pictos ubi se Ver pandit honores.  
 Huc coit unda frequens, buc cœtu Nais amico  
 Ingruit, Et factò concurrunt agmine Lymphę:  
 Mox discessurę in rivos, amnesque futurę,  
 Segnius evadunt, certantque exire secundę.  
 Haud secus, hybernâ Boreas cùm surgit ab Arcto  
 Ripheâ de Rupe trabens, byemesque, nivesque:  
 Flumina consistunt, Et pigrâ compede vincti  
 Cunctantur, lentique negant procedere fontes.  
 Fluctibus bis melius posset Galatęa lavari:  
 Gratius bis blandę canerent Syrenes in undis:  
 Dulcius hic queruli plorarent funera Cycni.*

*At, licet in tantâ telluris dote beatę,  
 Obvia gens nulla, atque hominum vestigia nulla.  
 Unda rates nescit, nescitque intactus aratrum.  
 Campus; Et omnis abest versantis rura laboris  
 Indicium. Non Sylva casas, non culmina villas,  
 Ostia non Urbes, nec norunt oppida portus.  
 Non tamen in vacuâ subiit cultoribus orâ  
 Despondere animos; nam nulla injuria Cœli  
 Temperie in tantâ, telluris in ubere tanto  
 Nulla timenda fames. Pruna undique, Et undique fraga,  
 Et calami dulces, Et nectare canna redundans,  
 Milleque pomorum species. sed totus in ipsis,  
 Quem poscat luxus, nedum natura, paratus.*

*Ergo, ubi successit Phœbo nox prima peractò,  
 Communem subiere thorum sub tegmine vivo*

Cedro-

*Cedrorum stellis interpellantibus umbras  
Luce verecundâ, tēdasque imitantibus igne.  
Et tamen, emerito quamvis non pugnet amori,  
Tunc quoque Parrhasio se Berga avertit ab axe.*

*Ducite Nestoreos annis concordibus annos  
Par fœlix. En parta quies tam dulcis, Et expers  
Curarum, nullis ut jam procedere votis  
Ulteriùs restet. Sed non hæc summa favoris  
Visa satis Superis. Reges Vos, prospera, Reges  
Hic etiam fortuna creat. Novus incipit ordo  
Fatorum. Quodcunque patet telluris, Et unda,  
Vos manet; inque eadem consurgent jura Nepotes.  
Sola nec incultos ornet quod gratia tractus,  
Effusamque plagam, camposque hinc inde patentes  
Erudiat nullus, nullus domet arva colonus,  
Sit minus hinc glebæ pretium. Fœcunda, feraxque  
Se vobis servabat humus, dotemque tenebat.*

*Frugiferas quodcunque pecus colit utile terras:  
Armentum, quodcunque juvat, vel ditat Agrestes,  
Mox dabit alma Parens. Iterum si fessa negabit  
Ordiri Natura Greges. Hos Fata ciebunt  
Finibus à nostris. Aderunt; Superùmque secuta  
Imperium lentos imitabitur ungula remos.  
Invenient doctæque manus, venterque colendi  
Instrumenta soli. Terram submittet aratrum,  
Falx segetes, pinus, Et robora dura bipennis.  
Interea faciles præbebunt pabula Divi.  
Sylva feras, pisces submittet littus in escas,  
Poma dabunt rami, lucentes pocula rivi.*

*Una maris moles poterat nocuisse videri,  
Et vestrum pressisse decus; sed Numen amicum  
Non feret, Et latè puppes penetrare docebit,  
Vosque retro patuisse dabit, nomenque superbum*

*Efferet*

*Efferet in gentes , cunctisque loquetur in oris .  
Nec , quod in opposito Solium vos mansit in Orbe :  
Nota minus sint dona Deum , gratesve malignè  
Solvite . Consuluit regno Fortuna parato ,  
Quod malè damnatae metuens contagia partis  
Immensis hoc clausit aquis . Nos bella , furorque .  
Exagitant , densumque nefas , diroque veneno  
Infecti , nigrique dies : ibi prima renident  
Secula , Et innocuis respondet moribus aurum ;  
Unaque Christinae Tellus non indiga cultus ;  
Sed non Christinae pariter caritura favore .*





## LIBRI QUINTI

## ARGUMENTUM.



Incipitem Christinam, nec  
 satis de Regno deserendo  
 cum Cœlo conventuram  
 Virtus in somnijs consulta  
 solatur, & confirmat, ju-  
 stique Regiminis præcepta  
 demonstrat. Proximiùs in-  
 stantia bella meditantem subit Differentia  
 inter priscam, & nostrorum temporum à sin-  
 cerâ præliorum methodo penitus abhorren-  
 tium Militiam: quò discrimine offensa hæret  
 ab incæpto. Cur se expeditur, & proposito  
 institerit. Jam jam conscensuræ O externa præ-  
 cipui Vir nominis & experientiæ se præten-  
 dit, celebri illâ, & adhuc indecisâ Quæstione  
 objectâ: Præstet ne Reges bella per se gerere,  
 an Vicarios sufficere; quam partem præligen-  
 dam contendit, periculis, quibus Ipsa præ cæ-  
 teris summis Capitibus obnoxia esset, osten-  
 tatis. Cui Regina ita satisfacit, ut de senten-  
 tiâ decederet, & Dominam inter primos ad  
 conscensum deduceret. Classis ad Germa-  
 niæ

niæ oras appulsus . Domus Austriacæ Septentrionalis sub Ferdinando II. Imperatore Castastrophe , & ejusdem sub Ferdinando III. ipsius filio , pariterque Imperatore lætior status , & vis auctior . Veterani Gotorum Exercitus Stettini hyberna habentis fides non firma , & Tyro ab eodem ad prosperorum successuum diffidentiam tentatus . Regina alterius partis insidias , alterius sollicitudinem odorata , concionem advocat , atque ibi de se , de Hoste , deque utriusque viribus , & belli gerundi ratione tam magno , & certo differit animo , ut spes , quæ refederat , plenius excitaretur . Apparitio Germaniæ suas opes , & Incolas Christinæ offerentis . Hinc fontium consternatio , & supplicium : Mox exercituum lustratio , & militaris disciplinæ severior exactio : Postremò Christinæ in Gotiam reditus , quo gliscentes compescuit turbas , atque inde in Castra recursus tantâ celeritate absoluti , ut utrîque ex illò nunquam non præsens haberetur .

## LIBER QUINTUS.



**O** Sator Humanæ, primique in labe Parentis  
 Eversa Affertor Gentis, qui Sidera torques,  
 Qui Fatum, Sortemque premis, nulloque labore  
 Cuncta creas, tutaris, alis, largiris, Et ornas:  
 Quàm præsens, quàm multa fuit Tibi cura salutis  
 Virginis Arctœ! Quàm Te per singula sensit  
 Undique, ubique Patrem! Tu nuncia jussa per auras  
 Misisti incertæ cursus: Tu cæca vagantem  
 Per lustra ad Mystam duxisti, atque illius ore  
 Prendere res fluxas docuisti, Et fidere Cælo.  
 Audiit hæc vigilans. Sed nec sopor ipse supernæ  
 Expers cessit opis; namque hæc quoque dirigit anceps  
 Consilium, tenebrasque aperis, atque instruis umbras.

Ex quò Sylvicolæ tenuit monstrante caducas  
 Spes Regum in nimium fusas, suspectaque pridem  
 Inspexit propius vafri commenta Magistri;  
 Nulla animo requies. Dimotos mente recessus  
 Itque, reditque frequens: Mystam compellat, Et audit  
 Aulæ in strepitu, medioque in turbine rerum.  
 Quin, quoque composuit cum nox provecta labores  
 Terrigenum; monitus Vox sacra inculcat eosdem:  
 Supremique obitus, tristisque recursat imago  
 Iudicis, Et varie mûcta hinc, hinc præmia partis.

Illæ quidem meliora videt, refugitque reverti  
 In primos revoluta dolos, Et Vatis adhæret  
 Admonitis constans, patriumque affectat Olympum;  
 Terrenæ sed laudis amor, Sortisque superbæ  
 Dediscendus bonos, Et spes ponenda triumphi,

*Cœpta morabatur , luctâque tenebat in altâ  
 Diductum pectus , casumque minantia corda.  
 Usque aded Laurus , pellexque insederat Aula  
 Regnatæ ambitio , mentique offuderat umbras.*

*Nocte sub extremâ sed dum semel ista retractat  
 Penè vigil : sensim species se talis anbelæ  
 Obtulit , atque animum pulchrè est solata labantem.  
 Mons erat aerio sublatus in Æthera clivo ,  
 Cujus in extremo Fani radiantis ab auro  
 Ulterius surgebat apex . Latus omne secabat  
 Arcta per anfractus , Et iniquas semita rupes.  
 Hoc iter ingressam tunc se Christina videre  
 Visa fuit , tantoque jugum tenuisse labore ;  
 Compositæ quamvis ut frons sudore maderet ;  
 Obvia quem Virtus patefacto in limine Templi  
 Tersit , Et amplexu vires , animumque refecit.  
 Tunc sic orsa loqui , causamque efferre viarum :*

*Ex quò Te nobis dignata es , Diva , fateri  
 Præmissis radiis tenero pubentis ab ævo ,  
 ( Fido equidem ) satis ipsa tenes , quo ardore sequamur  
 Numen , iterque tuum . Dubio te lumine primum  
 Hausimus ; inque dies adolevit cultus , amorque ;  
 Crescentis quantum se protulit ordo juventæ.  
 Et nunc haud alio mens est intendere gressus  
 Auspice ; sed reliqui certum est hîc ponere , quicquid  
 Staminis indulget Lachesis , nec retro relabi.  
 Verùm iter implere inceptum , metamque tenere ,  
 Grande nimis pretium ; Regni si sorte carendum ,  
 ( Namque hoc indictum ) sceptrisque est Laurus emenda.*

*Hoc metuens ( quando inde vigor , mensque agra fatiscit  
 Propelli folio impatiens , Et ponere vittas )  
 Ad te confugio , duras evadere leges  
 Ut liceat ; decoris nec sit tibi , Diva , minoris ;*

*Si, non*

*Si, non juris Inops, sed te Regina sequatur.*

*Non tulit Heroium Genetrix tam iusta rogantem  
Ulteriùs proferre preces; sed amantibus ulnis  
Implicuit: propiùsque parem mirata; parumper  
Hæsit in obtutu; mox læto hæc reddidit ore:*

*Pulchros pone metus, nostræ Dos prima Catervæ,  
Atque degenerem dediscant pectora curam.  
Ipsa licet poscas regnis caruisse; repulsam:  
(Certa fides) invita feres. Fortuna recedat  
Quin quoque si Solii Natalis: sceptrâ redirent  
Ultrò, recusantique aliud succresceret Ostrum.  
Hoc iter ingressos non est nescire Tiaram,  
Et privata pati. Merito diademate frontem  
Cincta perennabis Regina, Et maxima Regum.  
Nec decus hoc, fluxi quantum finit ambitus avi,  
Constabit. Te certa manent, carituraque sine  
Imperia; inque ipsis etiam dominaberis Astris.  
Tu modò perge libens, clivi quâ semita ducit  
Fida; nec admonitus dedisce oblita priores.*

*Si tamen interea, quæ te crescentibus annis  
Sæpiùs edocui non sat deprensa, tuoque  
Nunc sub Patre latens, nunc Regibus abdita magnis,  
Audieras Cælo quos me tollente relatos,  
Percensere simul collecta, animoque per ipsos  
Insertare oculos amor est, altèque tenere:  
Perlege, quæis Paries vestitur pulchriùs auro  
Textile, vel Numidum crustis, plumæve Canopi  
Carmina, quæ prostant; parituramque instrue mentem.*

*Sic ait, Et Phano inducit. Legit illa magistros  
Sceptrorum numeros, gnaroque in corde recondit  
Haud nova legitime recoquens præcepta Tiaræ.*

*O', quicumque sedes Regali in culmine Sortis  
Sive ope subvectus: votis seu lectus: avito*

*Seu jure incedens Cognata ad Sceptra vocatus,  
 Pone truces animos, tumidosque averte serenâ  
 Mente procul fastus; nec te circumspice: Majus  
 Namque sub imperium tua te quoque subdit origo  
 Inferior; qualemque dabis te Civibus, aequè  
 Experiere Jovem: mensura examinis una est.  
 Nec tibi sat placeas, quòd te cessura potestas  
 Imponit reliquis; sed, quòd virtute superstas  
 Ipse tibi innitens, phaleris, Et cortice dempto  
 Fortunæ, censuque tuo, meritisque redundans:  
 Legibus addictus, quamvis commissa minorum  
 Fata supervenias lex ipse, Et regula juris.*

*Singula mente vigil percense, atque inspicere lentus  
 Consilii; arreptum sed mox contentiùs urge  
 Propositi constans, soloque in fine quiesce.*

*Non, qui blanditiis, Et linguæ pellicis arte  
 Captabunt Regem; sed, qui te cominus ipsum  
 Murice convenient posito, tecumque loquentur,  
 Gratus ames, Et largus opes, Et pectora pandas.*

*Arma domi sedeant; ni pax temerata, decusque  
 Pulsatum. Pulchris quòd si clarescere pugnis  
 Gliscit, Et æternas ardet Mens fervida laurus:  
 Tecum bella geras; in te conmittere. Nullus  
 Justius emerito contingit Marte triumphus,  
 Quàm, si conterimus, quos intus suscitât hostes  
 In nos Massa parens, totosque exerta lacertos  
 Illa comes Regni, vetitoque incensa Libido.*

*Nec tibi sit; lætos si Sors indulserit auctus;  
 Tantus amor tendi, quantus radicibus ætâs  
 Altiùs insigi, firmoque increfcere trunco;  
 Numinis ut speciem provectior induat ætas,  
 Longaque per meritos currant anathemata ramos.*

*In Superos unus persflet consensus, Et una*



*Conspiret pietas . Flexus , divortia tollas ;  
Nam dubitata Fides , nec sat de Numine certa  
Nutat Et in Regem , crimenque à crimine discit .*

*Nominis , atque Animi victuri in secula curam  
Sume parem ; nam par sequitur censura potentes ,  
Et miseros , retegittque sinus , tenebrasque resolvit  
Intima perlustrans . Famae hinc , Nemesisque suprema  
Examen duplex . Hac vivos , illa peractos  
Excudit , Et pensat ; gravius sed Regibus instat .*

*Ocia proscribas : Artes , Commercia tendas ,  
Et gemina studiis Pubem succende Minervæ ;  
Sitque voluptatum nullarum sola voluptas ;  
Exemplarque tui propone , Et posce referri .  
Nec prodant vel blanda levem , vel dura jacentem :  
Perque vices justas pro re mitemque , gravemque  
Ardua temperies monstret . Subeunte periclo  
Objece te adversis , Et te tutare , tuosque  
Impiger , Et crescat Virtus congressa sinistris .  
Quod si contingat non eluctabile fatum ,  
Turpis Et effugii via sit ; praeponere pudori  
Funus , Et arreptum decoret mors pulcra sepulcrum .*

*Te nosce introrsum ; nam , qui se noverit , idem  
Fit similis , parilisque Deo ; nec Numine quicquam  
Cogitat indignum ; sed re consistit , Et ore .  
Hinc tegere expositos , Et respondere merentis  
Supplicibus votis : hinc per declive labantes  
Corripere , Et letos compescere crimine fontes  
Mos subit , Et certo Lanx constatura tenore .*

*Dotibus bis praestans : ut venæ divitis Aurum  
Sapius in varias quamvis transforme figuras  
Præstat idem pretio , specie nec deficit ulla :  
A nuat ipse licet , reliquis sic eminent Heros  
Perpetuò , Et nusquam Fortunæ obnoxius , ima*

*Post regimen Terra, summis dominatur in Astris.*

*Hactenus inscriptus Paries; fecunda, feraxque  
Consilii namque inde seges, complexaque iusti  
Congeriem latè Sceptri. Nec longiùs hæsit  
Mira oculis species: Luxque orta, Et somnis abactus.  
Plenior hinc animis, Et imagine mancipe Sceptri  
Inceptus Regina suos fidentior urget.*

*Collectas Acies sed dum vicina periclo  
Acriùs expendit; ludosque examinat omnes  
Ambigue sortis; paulùm cunctata resedit  
Ignea vis animi. Namque olim versa subibat  
Mavortis species, variumque ab origine primà  
Pugnarum ingenium, casusque licentia major  
Incerti, atque altè mersa in caligine Virtus.*

*Auxerat hanc curam Monitor non unus, ut acris  
Deferveret amor, læsusque remitteret ardor  
Bellorum; quosque illecebræ, Regnique voluptas  
Non poterant: bos vilis bonos, Et turbida laudum  
Gloria damnaret stimulos, Et frangeret ausus.  
Consilii que auctor se clam subjecerat Orcus:*

*Scilicet, Heroum quisquis præfulserat armis  
Temporibus priscis, animo confisus, Et ense,  
Degenereſque astus, fraudeſque, doloſque perosus  
Miserat æternam mansura in secula famam:*

*Nulli certa quidem, magnisque exempta periclis  
Alea contigerat martis: semperque licere.  
Non minimùm Fortuna sibi, dum cernere dextrà  
Poscebant Reges, Et causam dicere ferro:  
Obtinuit. Rarò, sed qui præstabat, abibat  
Congressu inferior; Sortemque errare pudebat.  
Sapiùs; Et fortes prudens consensit in actus;  
Aut minor excussa est, Et vi submota recessit.  
Innumeris quoties pugnam pro millibus Unus*

*Arri-*

Arripuit ? Duxque ipse Ducem nudo ense reposcens ,  
Et circumfusus tuta ad spectacula turmis  
Pace velut mediâ subiit certamen , Et altam  
Transegit litem populorum sanguine largo  
Staturam ; secuitque nefas , pacemque redemit ?  
Quòd si collatis placuisset viribus iram  
Testari , Et totis aciem miscere catervis :  
Lancibus æquatis , campo digesta patenti  
Tendebat Pubes , Et Cælo teste probari  
Ardebat ; pulchrumque mori Victoribus ipsis  
Æquabat Victos , nomenque ferebat in astra .  
Abditus aeriâ latitabat rarus in arce  
Æmulus , Et fidens muro , propiorque timori  
In longum ducebat opus , fatumque trabeat .  
Arma Viris Ensis cunctis præstantior armis .  
Nam , cui plus animi dederat fiducia major  
Roboris experti , poscebat cominus hosti  
Conseruisse manum , propiusque incessere ludum .  
Ut crevere metus : cœperunt longius ictus  
Vibrari ; Et varios invenit degener usus  
Telorum ingenium . Tunc tecti fraudibus ausus :  
Tunc dolus in pretio : tunc casibus obruta Virtus .  
Sed neque tam multe trepidos texere latebræ ;  
Nam quid claustra juvant , admotaque mœnia Cælo ,  
Et Thebana super ductæ miracula turres ?  
Vis subit interius , tacitoque invec̃ta furore  
Mergitur , ut surgat ; versoque in bella ligone  
Arcanum luctatur iter , quâ nobilis ira  
Tendere , mors instet quamvis vicina , recuset .  
Si vetat unda viam , tellusve infida debiscit ,  
Nec patitur constare gradum ; tunc tramite verso  
Impetus erumpit , facibusque lacescit , Et ignes  
Eminus eructat . Piceo ruit imbre procella ,

Mandatamque luem spargit per inane . Nec ullus  
 Incendisse domos , Et Tempia arsisse Deorum  
 Aut pudor , aut crimen ; sed vis , Et fertile robur  
 Laudis . Abest Auctor sceleris , nec mitigat ausus  
 Ipse quoque expositus , pariterque in parte pericli,  
 Exutusque hominem , sed non discriminis expers :  
 Hoc uno tristis , propius spectare ruinam  
 Quod nequit , Et gemitus audire , Et cernere casus ,  
 Dimotumque nefas haurire , Et crimine pasci .

Nec minus in pelago Chaos est distantibus armis ,  
 Longinquoque malo grassante , atque alite flamma .  
 Scilicet baud quemquam Regum prospectat ab astris  
 Juppiter , ignivomis quem non Salmonea nimbis  
 Arguat ; Et rutila jactare incendia dextra  
 Miretur , vano nec jam terrere tumultu  
 Proxima ; sed longè plusquam Vulcania tela ,  
 Quà furor hortatur , jaculari : Ignemque vetustas  
 Dedicasse vias , Et in Æthera surgere Fulmen .

Ergo quis insano cupiat clarescere Marte ,  
 Humanumque genus scelerare , Et perdere vires ;  
 Si pulchrum certamen abest ? Si viscera terræ  
 Eruius septi tenebris , Et busta subimus  
 Ante diem ? Nullus forti committitur Hector  
 Pelide ? Nil luce palam ; sed nocte , nigroque  
 Cuncta latent fumo , crassaque erramus in umbrâ ?

Læserat hoc Mentem nil non immune pudoris  
 Sumere passuram , penitusque à labe remotum .  
 Postmodò rem propius permensa : Hoc dedecet , inquit ,  
 Immites animos , Et quos hortante furore  
 Per se bella juvant . Pacem Nos querimus armis ,  
 Humanumque Genus mansura in fœdera tandem  
 Ducere , quâ patitur , ferroque , atque igne mederi .  
 Nec scelus est sceleri succendi , Et jura fidemque

Ulcisci

Ulcisci illufam , juftasque refofcere pœnas.  
Ex quò Mortales funeſta in prælia traxit  
Seu confine ſolum , ſeu læſæ injuria partis:  
Ira recens quicquid , quicquid rudis obtulit ætas ,  
Armavit nudas cæca in certamina dextras.  
Fuſtibus inveſta eſt acies ; Et ſaxa rotavit  
Mars prior , Et raptis præfixit cornibus baſtas.  
Prodidit ut Calybem Tellus effoſſa ; minari  
Incœpit ferro jam vis inſtructa , nec ante  
Sarcula conſlavit , rutilos quàm condidit enſes.  
Hic gradus in pugnas ; quicquam nec liquit inauſum ,  
Et , quæ non novit , tantum Gens prima pepercit.  
Ventum eſt ad flammas : facta eſt acceſſio cladum  
Ignis ; Et iratis incendia junximus armis.  
Nec ſatis eſt jaculare faces : conſolata molares  
Æra vomunt : latè flammis , Et molibus urbes  
Diſſiliunt , pariterque ruunt , pariterque coruſcant.  
Quid tamen inſolitum ? Nunquid non ignibus Aſtra  
Bella gerunt ? Alio nunquid periére Gigantes  
Ingenio ? Puduitve Jovem per tela triſulca  
Ire ſcelus contrà , magnumque parare Triumphum ?  
Ibimus hæc Ipſæ , ferroque , atque igne ſequemur ,  
Quà Virtus , Mavorsque vocant ; inimicaque regna  
Perdemus ; ni victa genu vis æmula flectat  
Ocyus : atque armis imitabimur arma Tonantis.  
Hæc ſecum ; Et dubii compſit ſe Martis imago :  
Applicitaque rates , mileſque accinctus in acta.

Sed neque tunc hoſtis ceſſavit Pluto propinquos  
Claudere digreſſus , vicinaque geſta morari.  
Nam diſceſſuræ cùm fruſtrà inneclere caſſes  
Tentaſſet Tædis , Et Imagine Martis iniqui :  
Fertilis in fraudes diverſo callidus aſtu  
Impulit Oxternam geminas obtendere vires

Oris , Et ingenii , cui cura à Rege secunda.

Hunc , Pater ut quondam , pleno Regina favore  
Extulerat ; nam summa fides , rebusque gerendis  
Per Belli , Pacisque vices exercita Virtus :

Momentumque fuit Gustavi in partibus ingens ,  
Consilii prudens , Et , cui mandaverat uni  
Fatorum ignarus Nata moderamen , Et Arctos .  
Ille viam nactus , secretâ in parte vacanti  
Submissus Dominae veniam praefatur , Et inquit :

Admotam sceptris quo Te , Regina , paternis  
Suspiciam cultu , quanti Hoc reverentia pendat  
Nostra Caput , videor sat jam testatus abundè ,  
Quòd coëptis obscure tuis , cursumque tenere  
Haud unquam tulerim , quamvis obnitier orsis  
Ausus , Et effusum toties contra ire Parentem .  
Scilicet excelsæ tanta est præstantia mentis ,  
Tanta dies animi , tantum se rebus in arctis  
Consilium profert ; ut dissentire putarim  
Esse nefas , dubiosque aliò convertere cursus .  
Nunc quoque lex eadem ; ni me vicina monerent  
Prælia , Et extremis visus Gustavus in umbris  
Tristis , Et iratus , studio ceu læsus inerti :  
Officii meminisse mei . Permite precanti  
Ancipites proferre metus ; liceatque supremum  
Obverti , atque abitus interpellare propinquos .

Quò magis instat iter ; minùs hòc laudare fatemur  
Discessus , Regina , tuos ; nec vana timoris  
Causa mei . Nondum patuit , num præstet in arma  
Tendere , Et incertis animam committere fatis  
Terrarum Dominos , Et rerum frena tenentes :  
An pondus mandare Duci , legataque bella  
Tradere , Et auspicium Capiti præstare minori .  
Tu melior pensare vices , alternaque fata

Versare ,



*Verfare , atque aquâ suspendere lance periculum .*

*Scilicet absentes auget reverentia Reges .*

*Quodque magis distat , magis hoc se tollit , Et auget  
Majestas . Divos sic Mens biimana veretur*

*Eminus elatos vix auditura propinquos .*

*Nec dubitare vetet , nullum tibi cernere dextrâ*

*Progenieve parem , cui sarcina tanta recumbat .*

*Sæpe animos nocuit nimios habuisse , modumque*

*Excessisse manu , nec quenquam nosse priorem .*

*Cautius ille subit , ratio reddenda recepti*

*Cui Gladii incumbit : nec freno exempta potestas .*

*Nempe , alto ut jaceant disjectæ in pulvere partes :*

*Vulnera magna quidem , salvo sed Rege mederi*

*Quæ valeat Mars alter , erunt . Hoc rebus adempto*

*Indocilem fisci redimet vis nulla ruinam .*

*Utque alibi victrix prudentia tractet habenas ;*

*Cedibus in mediis , cæcique in pulvere campi*

*Cui sat consilium constat , nec casibus ullis*

*Fluctuat ? impulsâ cui stant sub mole lacerti ?*

*Ipsam etiam Laurum pulchri sub fine laboris*

*Inficit , Et nigrâ funestat fronde Cupressus .*

*Atque utinam longè nobis exempla venirent ,*

*Proxima nec tanti succurreret alea casus .*

*Regibus in cunctis timor hic pensandus ; at inde*

*Major , ubi nullo reparatur germine truncus*

*Ultima perpeffis ; Et stirps expirat in Unâ .*

*Nec , tibi quod constas quocunque in turbine rerum*

*Nuda metus omnis , satis hoc secura pericli*

*Constabis : tanto Patriæ vinciris amore .*

*Hanc tua nam pariter ( Divum quod cura repellat )*

*Obrueret clades , unusque bauriret biatus .*

*Nam , velut Æolii rejerato carcere fratres*

*Æquora subvertunt , omnique à parte rebellant :*

*Sic Te sublatâ vicinâ protinus omnes  
 Insurgent Gentes , ulciscunturque timorem ,  
 Quem Pater incussit , nunc Gnata instaurat , Et auget .  
 Sed , neque si liceat tantas evadere moles  
 Bellorum , partumque decus , finesque tueri :  
 Hoc tua Regna volent ; nam Te pereunte perirent  
 Certatim Cives , omnisque fatisceret Arcos .*

*Sed cesset pietas , Et vis animosa recuset  
 Usquam frena pati . Majestas una tenebit  
 Degeneres ausus ; nec par dignabitur impar ,  
 Iniicietque manus . Jam nunc , quâ tenditur ingens  
 Ambitus Europæ , si quis novus advena Regnis  
 Vectus ab externis quæ sit Christina ? requirat :  
 Audiat Hanc sortis transgressam fata caducæ  
 Transcribi in Superos ; Hominemque in cortice tantum  
 Proferri , atque ingens habitare in pectore Numen .  
 Scilicet hoc tecum pretio Germania discors  
 Concurrat , nec tota quidem ? divinaque tela  
 Consumat miles , vel Dux virtute secundus ,  
 Aut genere ? ( occursum nam ne speraveris usquam  
 Cæsaris ) Usque adeo præceps , Et prodigus ardor  
 Imparis objectus , contemptaque norma duelli ?  
 Hoc me , dum studio fervebant Aula , Parensque  
 Conjugii , tantumque Thorum , stirpemque sonabant ,  
 Continuit : precibusque unus , Divisque peperi ;  
 Ne , Te dum nimium Terris miscere pararem ,  
 Detraherem Superis , atque impia vota moverem .  
 Ergo Jovi , qualem prisca finxere Parentes  
 ( Regibus exemplar ) cum te celsissima Virtus  
 Esse parem dederit : mores imitare Tonantis .  
 Ille , ubi decrevit devotas plectere gentes :  
 Bella geri mandat , nec se demittit Olympo ,  
 Sed Martem pugnare jubet , pariterque nocentes*

*Prosternit populos , majestatemque tuetur .*

*Prima igitur nostri sunt anxia vota precatus ,  
Ne Tibi Hyperborei sordescant ocia mundi ;  
Et , quæ Marte Parens , & , quæ Tu mente parasti ,  
His latere bonis , nec per dispendia cursus ,  
Quæ placeam , differre velis . Quodd Martius ardor  
Si nequit expleri , sopitaque bella movere  
Decretum , fixumque sedet : da viribus arma  
Humanis humana geri , nec dispare palmam  
Pignore sollicita , sed Te , Fatumque Tuorum  
Respice , & insanos hominum miserata tumultus  
Crimen ab ignaris , sacrumque avertè furorem .*

*Hic finem orandi , facieque obnoxius hæret  
Suppliciter blandâ : sed nil cunctata reponit  
Hæc Regina vices ; paulumque accensa profatur :*

*Par erat , ut , quando tam sero in tempore adisti ,  
Abnuerem veniam . Sed , ne videamur inanes  
Consilii , atque olim suscepti in bella paratus  
Mole trahi , atque æstu non posse urgente referri :  
Ire libet contra , decretaque nostra tueri .*

*Quodd tibi , quodd Patriæ placui , magnoque Parenti ,  
Haud mihi sat placeo , si me non jure probari  
Emeriti monstrent mediâ virtute labores .  
Sed neque Se Genitor nullis me in vincla daturum  
Edixit thalamis , optaturumque Nepotum  
Hinc sibi progeniem ; tractu quod deside lapsa  
Suppressam nullo pensarem pignore Gentem .*

*Pondera Legatis at si transmissa reclinem ,  
Arduaue armorum patiar momenta sedendo  
Transigi , & incumbam suffectis lenta lacertis :  
Sat mihi , sat Patriæ , sat respondebo Parenti .  
Quæ tantum calatbis , quæ tantum dedita plumis ,  
Quid daret illa minus ? Pudet heu Patriæque , Patrisque ,  
Si*

*Si me tam nullâ permittant dote placere .  
 Non tantum Famae solito confidimus ori  
 Mentiri , quantum solidis innitimur actis  
 Roboris expensi . Non me gens ulla loquatur ,  
 Quam dederit rumor , sed , quam monstraverit hostis .  
 Nec , mihi quod dispar Dux congressurus in armis  
 Obveniet , cessare libet . Quâ parte latebit  
 Ille supremus Apex , illuc intendimus ense :  
 Et petitur nobis quocunque in milite Caesar .*

*An , si tralati jaceam certaminis experts ,  
 Ocia concipiam ? pariterque immunis ab aestu ,  
 Ancipitique malo , thalamo si claudar inertî ,  
 Desidia solvar ? Non hæc mihi pectora finxit  
 Jupiter , aut Virtus . Quâ fervet summa pericli ,  
 Illuc mente feror ; vicinaque longius absum .  
 Et , cûm digressi poteram vix arma Parentis  
 Aure sequi tenerâ ; jam tunc , Pater inclyte , gestis  
 Intereram conserta tuis , Et Matre carebam .  
 Mitiùs ergo mihi quisquis pendente ruinâ  
 Consultum , carumque volet ; conamina tollet  
 Objcis , Et cupiet mea me tractare pericla ,  
 Cominûs Et nostri , litem cûm transiget ensis ;  
 Admonuisse Deos , atque incussisse pudorem .*

*Pomerania . Adde , quod Hermionum Germana ad littora tractus ,  
 Proximus adversos ducit quâ cursus in hostes ,  
 Et brevis Arctoas limes determinat oras ,  
 Non minûs est nostri , tellus quàm Gotica juris .  
 Nec vanos compone metus . Plus aula timori ,  
 Exermisque mihi frons est infida sereni .  
 Respicit audaces Mors immatura , timetque  
 Criminis invidiam , meritisque in sæcula mitti  
 Dat spatium gestis , citiùsque occurrit inertî .  
 Sed , neque de Quatuor , quorum pars plurima mundi*

*Prædæ*

*Præda fuit, quemquam numerabis ab hoste peremptum,  
Dum caluit Mavortis opus. Nam vana feruntur  
De Tomyri in Cyrum, quamvis potuisse fatemur.  
Ast horum extremos ævo, sed robore primos  
Hostibus invictos, intercepistis, Amici.*

*Nec tua te virtus, Genitor, nimis obovia fato  
Forsthan eripuit, sed proditor abstulit ensis.  
Quod si contingat fato properante reverti,  
Quò rapimur cuncti, quæ me via pulchrior unquam  
Inferat Elysio, paribusque immisceat Umbris?  
Hæc merces, non pœna foret. Non longa rogamus  
Tempora, sed nullo nutet quod tempore, Nomen.*

*At me Regnorum teneat fortuna meorum,  
Iniiciatque moras, ausisq; insertet habenas.  
Non ita Gotorum leviter tutela, salusque  
Insedere Deis; ut, quos ad sceptrâ vocavit  
Cura Poli, jussitque humeros supponere moli,  
Auferat ante diem; commissaque machina retrò  
Vertat, Et ingenti trepidet lapsura ruinâ.  
Quin, medios etiam libuit cum rumpere cursus,  
Et princeps mutare Caput: Victoria casum  
Temperat, Et lauru redimit palmata cupressum.  
Par tenor, Et melior Divos præstabit amicos;  
Pleniùs Et meritis donis cumulabimus aras.*

*Sed, neque si pugnem gressus inhibere citatos,  
Quà Bellona vocat, sim par in bella trabentes  
Suspendisse Deos, violentaque fata tenere.  
Indignor stimulis, cogorq; invita fateri:  
Hos abitus non sola paro. Subit alter, Et hæret  
Æmulus, Et nostri partem sibi vindicat ausus.  
Hic tibi, ( si Patris monitus sat prendis in umbris. )  
Quòd me tam lentè patiari capeffere bella,  
Succenset, nimiasque moras incusat, Et urget.*

Gustavus  
non ab hoste,  
sed à commi-  
ssione prodi-  
toris interce-  
pti haud sa-  
lius Christi-  
anæ fiducia  
fuit.

*Et mihi nec tacitus, nec raro occurrit; Et illa  
Plurima vox instat: Quando per tela, per ignes  
Testabor te, Gnata, meam; rursusque renatam  
Gavisus, geminâ solabor prole sepulcrum?  
Huic tantum purganda vocor; nec fronte protervâ  
Inficior crimen. Cumulata piacula solvam  
Jam jam, lese Parens, veniamque merebor abundè.*

*Hæc dedit, Et toto majestas prodita vultu  
Ultrâ est visa loqui. Trepidus non pertulit ille  
Instantes oculos, Et toto pectore cessit  
Proposito; penitusque novos consensit in actus  
Martis, Et extremas primus deduxit ad oras,  
Postmodò cum totis ingressa est viribus æquor.*

*Sed mora longa nimis; nam, quamvis stringeret umbram  
Cardinis aucta dies, Et ver optabile nautis  
Alliceret cupidas nota in commercia puppes:  
Clausus erat pelagus; Boreaque in claustra furebat  
Auster, Et infestos inimica in littora fluctus  
Jam dudum urgebat, ceu Vandala bella tenere  
Vellet, Et obversus cognomina Regna tueri.*

*At residem Regina Thetin non pertulit ultrâ,  
Injecitque mari classem, vetitumque per Austrum  
Rupit iter, flexis obliqua in flamina velis  
Impatiens; Specimenque dedit, quo turbine terras  
Incessura foret nil auræ, aut indiga fluctus:  
Sed ferro factura viam per plana locorum  
Nunc quoque Gustavi latè protrita catervis.  
Totque acies inter, fulgentesque ære phalanges,  
Haud illam interior famulatus, pallave dispar  
Dedecuit. Secum duri in certamina Martis  
Quas habuit Socias, idem simulavit amictus  
Esse mares; sexumque manu vis mascula texit  
Thermodontiacas olim molita bipennes.*

*Qua-*



Qualis, ubi insuetos audax deduxit Jason  
 In fluctus Divum pueros sibi vellera Phryxi  
 Aurea pollicitus (penitus ni Gracia mendax)  
 Ipse super cunctos; quamvis comes iret in undas  
 Castor, & Alcides, Regumque ex ordine sanguis  
 Plurimus; incedens habitu praeignis, & ore  
 Undique concitos in se convertit Achivos  
 Auspicio, atque Ducis non impar visus bonori.  
 Talis ad appulsas concessit Virgo carinas  
 Heroo non lenta gradu, cursumque citari  
 Imperat, & versi redimi dispendia ponti.  
 Idem omnes simul ardor habet, nec praeterit ullum  
 Gloria, Germano quae stans in margine laurum  
 Exerit, & rutilo puppes invitat amictu.  
 Atque aliquis senio gravior: qui plausus, bonorque,  
 Cum referet se classis, ait, redeuntibus una  
 Puppe coronata, nexisque ad vela Corymbis!  
 Inque vicem qui maeror erit, luctusque, pudorque  
 Desedisse domi, nulloque hilarare relatu  
 Pocula, sed tacite festas transmittere mensas?

Interea vanos posuit contempta tumores  
 Tempestas; victusque animis audacibus Auster  
 Concessit Boreae, patriosque refugit ad aestus.

At jam fama quatit tanta praenuntia Classis  
 Austriadas; visaeque procul descendere nubes  
 Vertice de Scythico, nigrosque impingere nimbos  
 In latus obversum. Sed, quamvis plena propinqui  
 Argumenta mali; medio irrepserunt timori  
 Gaudia Theutonia; nec, si fas posse morari,  
 Exclusisse velit Cimbro; seu gloria magni  
 Sollicitat belli; seu mens praesaga futuri  
 Tempora temporibus sentit pensanda secundis  
 Nubila; magnanimae seu pectora noverat hostis,

*Cui crevisse labor, sed decrevisse voluptas;  
Sive reversuram primi in commercia ritus  
Vaticinata Fides, excussuramque tenebras.*

*Hostibus hi motus; sed tractus fida propinqui  
Littora Vandolico nuper sub jure recepta  
Exceptura trabes lato fervere tumultu,  
Obviaque oppositas Dominae prodire per undas:  
Nec dubitata Ratis, quâ se Regina ferebat  
Classibus in mediis; tantum de puppe superba  
It jubar, Et tremulis tranquilla per alta cerucbis  
Imperat. Illam omnes stipant largo ordine pinus,  
Deducuntque vadis; sed jam sub fine viarum  
Decedunt, cobibentque fugam. Subit Illa per alas  
Altior, atque intrat visos accedere portus.  
Utque solum tetigit: Tellus, ait, hospita quondam,  
Portio nunc Patria, Et sceptris pars addita nostris  
Accipe me facilis non tam protendere fines,  
Quam cupidam preferre decus; nec crede Parentis  
Progeniem, dederò si non virtute Parentem.  
Dixerat: excipiunt acies inclinibus armis,  
Submissoque genu, quondam post mille trophæa  
Quam primi absentem victrici morte perempto  
Jussere Patri, Regnatricemque subactâ  
Theutoniæ, Et pariter proclamavere Trionum.*

*Hic Arx armorum; sedet hinc Mavortia gesta  
Ordiri, Et longi seriem disporre cursus.  
Nam pelago consine latus, tutique receptus  
Classibus, Et Cimbris non dissita finibus ora;  
Multiplicisque ferax Cereris, gregibusque redundans  
Pingue solum, populisque frequens, atque urbibus altis,  
Stetinum quas una præit; præit amnis Odera, illud intricillo  
Ut reliquos amnes, majoremque egerit urnam  
Agmine non uno, cui Baltica Doris amico*

*Occurrit*

Occurrit gremio, mistisque reciprocatur undis.  
 Fœdus, & in varias spargit commercia ripas.  
 Dextra abit in Danos; fines sed læva Polonos  
 Respicit; oppositos pars obvia Saxonas intrat,  
 Unde iter effusum diversæ partis in oras,  
 Germanumque latus discors; atque Austria regna.

Pandite Pierides, Romanæ Machina molis  
 Cui tunc institerit, seri Quem fecerit Orbis  
 Supremum fortuna Caput. Caliginis alta  
 Vos quando nox victa fugit, semperque recentes  
 Se referunt casus, nullæque ætate senescit  
 Visa semel facies transacti. Evolvite clausas  
 Retro vias, magni species quod turbida belli  
 Prodeat, & rerum melius se digerat ordo.

Proximior primo mundi sublatus in Arcem  
 Absolvit postquam longis anfractibus ægrum  
 Ferdinandus iter, meritumque admisit Olympus;  
 Nominis, Imperii, causæque, & ponderis alti  
 Auspiciis, & fessas excepit Natus habenas.  
 Ille laborantis primum fundamina molis  
 Circujt, & laceros reparavit providus artus  
 Acribus incumbens studiis. Nec vana timoris  
 Cura supervacui; dubio nam vertice nuper  
 Nutavit Genitor, mutiloque pendit ab axe.

Plurima principiò jactans Germania frenum  
 Fregit utramque Fidem, geminoque instincta furore  
 Crimina criminibus cumulavit sacra profanis.  
 Inde Palatinos complexa Bobemia Reges  
 Reppulit Augustum. Ruptis binc Dacia metis  
 Pannonas arripuit, propiusque accessit ad Istrum.  
 Parte aliâ trácibus Danus Dux additus orsis  
 Miscuit externos flammis civilibus ignes.  
 Sed, quo præcipuè nutarunt turbine fulcra

Culminis excelsi, Gustavi signa secutus  
 Sanguineo Austriacas fœdavit turbidus oras  
 Diluvio, & campos Boreas afflixit, & arces;  
 Reliquiæ ut superent, nec dum sit ducta cicatrix  
 Cladis, & Arctœ durent monumenta procellæ.  
 Ille quidem magnis æquus cervice valenti  
 Ponderibus, multumque tenens de stirpe superba  
 Sanguinis, atque animi: toto sed robore contra  
 Erexit Fortuna manum, seque obtulit hostem.  
 Hinc de tot Ducibus, qui se pro Casare fatis  
 Hac tenus obtulerant dextris, & mentibus acres  
 Fortis in arreptis nemo sat constitit armis.  
 Seu dubitata fides; seu sors non prospera belli  
 Verterit, & crudi segetes afflixerit orsus.  
 Tillius Huic prudens Venerem, Bromiumque perosus  
 Impendit sese, trepidæque ambage timendo  
 Affixus clavo, cœcâ est luctatus in undâ  
 Casibus ambignis, & tempestate perenni.  
 Vandala de fracto donec temone procella  
 Abstulit in fluctus Gustavo nempe sinistris  
 Congressum fatis, nec tantis viribus æquum.  
 Plemior Hoc animi, totusque cruore redundans  
 Casareas duxit turmas Popenajus, & alas  
 Impiger audaces quocunque in turbine Martis  
 Intulit insultans hosti, semperque laceffens  
 Fata manu, largusque animæ, centumque decorus  
 Pectora vulneribus, ejus fors objecit versa  
 Substitit ad Luzen, pugneque recrudit ardor.  
 Hoc quoque Gustavi quamvis jam lumine cassi  
 Reliquiæ traxere caput; magnæque cadenti  
 Morte parentantem major secum abstulit Umbra.  
 Fortior Alterutro totas molitus habenas  
 Non semel Austriadum lacerum Frillandius axem

Gustavi  
 erit nobil-  
 itis.

Rexit,

Rexit, Et ingenti tenuit virtute ruinam.  
Sed, quem bellorum tot non hausere pericla  
Stragibus in mediis: omni violentior hoste  
Torsit in abruptum, nec bonoro funere mersit  
Ambitio, Et partes mens dedignata secundas.  
Nempe agrè admissum pleno dum jure retractat  
Sapiùs imperium, summoque assuescit honori;  
Dedidit privata pati, propiorque timeri,  
In sua civiles exciuit fata furores.  
Nec levis ille timor, solo qui sanguine fisti  
Jam poterat. Cecidit tentati victima sceptri,  
Vel nimis in præceps effusæ Caesaris iræ.  
Post Hunc non habuit, cui se committeret anceps  
Austriacæ Tutela Domus. Hinc sustulit ensen,  
Auspiciumque Patris Natus; nec viribus agris  
Despondit teneros tantâ sub mole lacertos  
Jam tum duratâ meditatus mente labores.

Ergo tot adversis monitus reditura putare  
Prælia, Et erectus Cbristinae ad nomen, Et arma  
Concussas cauto reficit munimine partes.  
Nec reparare sat est, sed rem majoribus implet  
Auctibus, Et plures trahit in certamina vires.  
Illum consiliis, opibusque, Et milite Roma  
Fulcit, Et Augusti Gens Italia dedita juri,  
Auspiciove, juvat; sed fusiùs auget Iberus.  
Nam consanguineum tutari in Casare culmen  
Anxius occidiùs agit hinc à Gadibus usque  
Agmina, Et extremis inde aurum mittit ab Indis.  
Hæc sed ab externis collegit robora Regnis;  
Indigenum vis plura dabat; nam limite largo  
Tenditur, Et densis feruet plaga martia turmis.  
Auxerat has acies Cimbris subductus ab armis  
Saxon, Et Austriacos post ultima fata sequutus

Gustavi; Et Svevos prælata in castra reversus  
 Translulerat socios non hæc exempla reliquiis  
 Pollicitus lacerum cum se committeret Arcto.  
 Ipsa etiam Augusto visa est mutata favere  
 Fortuna, Et tacitis infringere cladibus hostem.  
 Illius instinctu ceptum est per Vandala castra  
 Turbari, Et cuneos fraus est invec̃ta per omnes.  
 Nempe novis postquam veteres cojere manipuli,  
 Jusque auctum hospitii: sæpe inter pocula miles  
 Emeritus rudibus seriem Tyronibus aclam.  
 Dum memorat belli, raptique in imagine Regis  
 Heret, Et exactos memorat pleno ore labores:  
 O, ait, invicti Divis corrupta malignis  
 Laurea Gustavi! quantum distamus ab illo  
 Tempore, fulmineus quo Rex in fronte suorum  
 Inducens acies primos pedes ibat in hostes;  
 Spumanti seu vecl̃us equo pugnacibus alis  
 Sanguineum signabat iter! Tunc certa triumphi  
 Spes erat, Et nunquam nostros frustrata lacertos  
 Alea congressus. Nam quis tanto auspice pulchram  
 Lentus inire viam, cuneisque, aut obijce valli  
 Sistier, aut medios passus consistere cursus?  
 Scilicet omnigeni tanta experientia Martis,  
 Tanta Ducem virtus firmarat, tantus ubique  
 Fortune, superumque favor; non baserit unquam  
 Ut dubia, Et plenis Victoria plausit alis.  
 Hinc alacres socii, pluresque, hinc territ̃us hostis;  
 Rarus, Et attritus. Sed nunc verso ordine vires;  
 Crevere Austriacis, Et fœdera nostra reliquit  
 Omnis, Et adversas sequitur Germania partes.  
 Nec melius Superos, nec te, Fortuna, tenebit  
 Prima fides: mens illa prior cum Rege recessit.  
 Illa dies Cimbris terræ, cœlique favorem

Abstulit.



*Abstulit . Infensis molimur praelia Divis .  
 Nec , quod ab arrepta nondum nos repulit ora  
 Austrius , hoc debet ( fas sit manifesta tueri )  
 Vis Arctoa sibi . Dum se parat ille , diuque  
 Implet , Hyperborei dilata est causa recursus .  
 Jamque aderit tantus Latius , Et tantus Iberis  
 Viribus , atque animis , ut non sat norit utrosque ;  
 Si nos Germanis contentus pellere terris  
 Stabit ad has metas , Et non transmittet in Arcton .  
 Nam quid Virgo rudis , quamvis interrita , quamvis  
 Vera Patris soboles ? Utinam meliora sequatur .  
 Consilia , Et pacem positis sibi comparet armis ;  
 Ne manibus partas nostris , ductuque Parentis ,  
 Reliquias perdat , patriâque in sede laboret .  
 Ignis ut occultas viridi non prodit in escâ  
 Principio vires , sed pabula fumida lentè  
 Preparat , Et tacitâ disponit peste favillas ;  
 Mox latebras odit , flammâque eructat apertas ,  
 Vorticibusque subit rutilus , Et sydera lambit .  
 Non secus infidâ diffusum fraude venenum  
 Insuetas sensim mentes , ignaraque corda  
 Prætentat ; mox nacta fidem fraus crescit in omnes  
 Certatim cuneos , atque agmina tota pererrat .  
 Nec scelus esse putant Natæ præferre Parentem .  
 Hinc prior ille vigor , speciesque , Et fama parumper  
 Visa minor , sexûsque aliquid rediisse relictî .  
 Sic , ubi non constat facies turbata sereni ;  
 Paulatim subeunt nubes , Austroque trabente  
 Nubila Phœbei vultus suffunditur astri .*

*Non latuere doli Reginam , cujus opertos  
 Mens assueta sinus primo deprendere visu .  
 Degeneres nec passa moras jubet ocyus omnes  
 Sistere se cuneos , clivoque è cespitis alto*

*Interfu-*

*Interfusa genas maculis, quas ira vicissim,  
 Alternatque pudor; geminos sed temperat æstus  
 Ardua vis animi; penitusque ignara timoris  
 Incipit, & quamvis pacatis vocibus instet,  
 Stant gelidi, & pallent percussâ mente Nocentes:*

*De Duce militibus ne sit sententia præcox,  
 Mos fuit eventus expectavisse futuros.  
 Gratulor in nostris tantum se tendere mentem,  
 Acris ut antevolet casus censura latentes,  
 Successusque operum. Cæpti fiducia nostri  
 Unde mihi constet, trepidis Exercitus anceps  
 Inquirat studiis. Dabimus; sumptique pericli  
 Reddetur ratio; sed quos timor indicat ægros,  
 Arguit baud fidos, & summam cogit in arcum.*

*Non prius Austriaco sumptis decrevimus armis  
 Committi, quàm nos, pariterque expendimus Hostem.  
 Nec vacuum, & longis attritum cladibus illum,  
 Finximus, atque agrè reparantem damna paterni  
 Naufragii, atque artus, protritaque membra trabentem;  
 Sed vegetum, plenumque suis, plenumque coactis  
 Viribus hinc, illinc, gazisque, & milite ab omni  
 Parte redundantem, titulisque enormibus æquum.  
 O utinam cunctas trahat in certamina gentes  
 Imperio baud latas nostro; nam pabula crescent  
 Palmarum. Numero non stat Victoria. Rara  
 Bella gerunt dextræ, momentaque prima laborant.  
 Congeries discors; varium lingueque, polique  
 Ingenium nulli, vel tantum militat hosti.  
 Gens Arcæoa mihi satis est, si pectora constent,  
 Si virtus, si prima fides; nec plura petuntur  
 Auxilia, in plures ne cedat adorea partes.  
 Lucra ( nec inficior; ) sed tantum lucra triumphi  
 Persequimur; laurumque animo pensamus, avaro.*

*Nam*

*Nam spolia, Et prædæ latè crescentis acerous  
 Vos manet: at nostri merces Laus sola laboris.  
 Interea urgendis quæcunque exercitus actis  
 Exiget, baud longè tellus Arctoa per undas  
 Suggestet, Et largo mittet festina paratu.  
 Sed neque Germanæ constabunt fœdera Gentis  
 Addita Cæsareis. Timor hanc barere coegit,  
 Non amor. Ut primùm fines intrabimus Hostis;  
 Agmina convertet, notamque redibit ad Arcton.  
 Nunc quoque pro nostris intendunt vota trophæis.  
 Corporibus distant, animisque hæc Signa sequuntur  
 Theutoniæ populi, libertatemque receptam  
 Vindice Gustavo memores ad nostra reverti  
 Vexilla appropèrant. Non hanc spem fingimus: olim  
 Sollicitant nostras tacitis oratibus aures.  
 Nam, quod plus crevit collecto robore Cæsar;  
 Hòc magis antiquos acuit vis aucta timores.  
 Hæc vulgare piget; quod mox debere catervis  
 Plura meis possim. Certamina tanta parantem  
 Nemo putet leviter me pensavisse futura,  
 Singula sed penitus circumspexisse pericla,  
 Indigenisque meis etiam me posse relinqui.  
 At, licet abscedat quicquid contraximus usquam,  
 Me manet baud dubius certo Sponsore triumphus.  
 Ipsaque destituam nisi me, non miles, Et aurum  
 Deerit, Et in magnis quicquid Bellona requirit  
 Ausibus. Humanis non tantùm innitimur armis.*

*Hæc dabat; objecit cùm se subito ore refulgens  
 Humanâ major specie, turritaque frontem,  
 Visa priùs nulli Mulier: Germanica qualem  
 Lîmina transiliens Drusus, finesque repostos  
 Depopulaturus probibentem longiùs agmen  
 Tendere pertimuit, collectæque signa retorfit.*

*Tunc nec voce minax, nec torva, aut turbida vultu  
Accessit propius clivo, sicque ore locuta est.*

*Terrarum, latè nutrit quas Rhenus, Et Ister,  
Reginam, Regina, vides. Te sorte secundâ  
Promissam expecto, dudumque morantia fata  
Urgeo; nam nostra tu spes, atque ara salutis.  
Sperne dolos, quosunque parat vel territus hostis,  
Vel lymphata fides. Nullis minuere periclis,  
Nullius abscessu. Tu vim, momentaque rebus  
Inspiras: te cuncta manent, te cuncta sequuntur.  
Ipsa ego Te ducam; nec te violata timebit  
Libertas. Nostris Et Djs uteris, Et armis.  
Dixit, Et affusis circum se miscuit auris.*

*Num Spectrum hoc Pluto, (cùm non procederet ullum  
Mustifide ingenium fraudis,) conflaverit, unde  
Arma inter saltem fîsam fallacibus umbris  
Carperet; utque Patris, Nata sic victor ovalet  
In Spolio: An custos, atque anxia sortis Alumna  
Finxerit auxilii manceps Birgitta Superni,  
Nemo satis deprendit adhuc. Sed noxa salutis  
Fertilis hortatur Divæ, Cæloque referre  
Utile Portentum, versasque ad jussa phalanges.  
Nam trepidi Monstro se submissere Nocentes  
In Superos etiam prolapsos crimine fassi,  
Cælicolis tantus cùm sit consensus in ipsis.*

*Dixit tunc multa nefas; nec tarda pepercit  
Ignaris fraudum; sed conscia pectora culpa  
Non pudor absolvit, vindex sed pœna piavit.*

*Hic dolus ingentem sensim serpente veneno  
Laturus cladem monuit solertiùs acres  
Evigilare Duces, Et custodire cohortes.  
Sed, quasi contractam veniâ detergere labem  
Agmina non possent; placuit lustralibus extis*

*Publica communis celebrare piacula noxæ.*

*Area deligitur, quâ se ingens explicat æquor.*

*Hinc eques, inde pedes partitis ordine metis*

*Tenduntur, justoque tenent discrimine campum.*

*Hujus in extremo niveâ stat veste Sacerdos,*

*Dissectæque Canis trepidantia viscera tollens*

*Parte ab utrâque jacet. Pariter scelus omne faceffit;*

*Et puræ redeunt excussô crimine turmæ.*

*Obscenum Regina sacrum prohibere parabat,*

*(Utilis imperio quamvis dementia, quamvis*

*Gentis ab antiquâ manaret origine ritus)*

*Gnar. sed in vulgus quantum dominetur inane*

*Vana superstitio, cûm Legibus ære canoro*

*Obstrepere Tubæ turbam retinere profanam*

*Abstenuit contenta procul deliria moris*

*Ridere insani, nec consentire furori.*

*Inde Jubet melior lapsas attollere mentes*

*Ocia nesciri, patriæque redire rigorem*

*Militiæ, Et nullos normam mutare per actus.*

*Quicquid contempto lymphata licentia freno,*

*Quicquid luxus iners, quicquid male blanda voluptas*

*Hauferat inveci per languida corda veneni,*

*Retrò peregrinas migrare coegit in oras;*

*Protulit unde mali se stirps, Et labis origo.*

*Interea Arclois turbari in partibus audit*

*Extremis; enormis ubi confinia Moscus*

*Incolit, atque aliquid pariter movisse Polonos.*

*Nec minùs in mediis non sat constare quietem*

*Sedibus, Et primum non consentire tenorem.*

*Non tulit hoc agrè; rebusque usura sinistris*

*In specimen Virtutis abit rate vecta volucris*

*Milite cum raro. Non intellecta recessit*

*Stettino, atque aulam non intellecta revisit.*

*Nec mora: sopiti motus, plexique nocentes,  
Et repetita Thetis, subitque in castra recursus.  
Non fuit ex illò de tot sua castra secutis,  
De tot in Arctoïs ævum ducentibus oris,  
Vel semel absentem qui per momenta putarit  
Christinam; Et parti reverentia crevit utrique.*





## LIBRI SEXTI

## ARGUMENTUM.



**I**N procinctu movendi adversus Ferdinandum III. Christina impatiens Dani injurias ulterius digerere, qui Amici, & Affinis speciem præferens inimicum interiùs coquebat, & Austriaco favens quotidie rem Gothicam carpebat: dilato Cæsare signa convertit, & præcipiti cursu ad ultionem properat. Simultatis, & irarum causæ. Danus nec opinâ irruptione tantum non oppressus inicit se Classi, quâ plurimum poterat, & Reginam ad æquoreum provocat periculum, quæ bis terrâ jam victrix ut maritimos terrestribus adderet triumphos concitis undique navibus certamini se præstat. Pugnæ apparatus, & quæ huic prælusere, prodigia. Conflictus, in quo, dum Christina hostilem in navim saltum destinat, sublapso ponte in mare procidit. Hinc Danis aucti animi, & ferocior in Prætoriam incurfus. Sed Reginæ, quæ se fluctibus

bus celerrimè expeditur, Rex ex insperatò  
 impingens retrò fertur, Hostiquè ægre ere-  
 ptus ad extremum suorum agmen recipi-  
 tur. Svecæ Procnis de Deumnove Dano,  
 cui clam nupserat, querelæ, tentata ultio,  
 & penè exacta, mox, reo abundè purgato,  
 sublata suspiciones, & amor reintegratus.  
 Sincera hæc inter Christinæ de Dano Victo-  
 ria, cui ex adverso Norvegiæ littore in pro-  
 fligatæ, & incensæ Classis aspectu sortem  
 suam conquesto, & sub auroram curarum,  
 & laboris defatigatione in somnum prola-  
 pso Divus Henricus Daniæ olim Rex se vi-  
 dendum præbet, & ad pacem imploran-  
 dam, unicum à cladibus effugium, adhorta-  
 tur. Huic Victus obtemperans eam Victricis  
 indulgentiam experitur, ut vinci profuerit.

## LIBER SEXTUS.



**T**Alia per Succos; sed, qui se Teutones olim  
 Gustavo addiderant Socios nil Saxone moti  
 Verso aliò rupere moras, nomenque dedere:  
 Ostentique fidem non unà implère pbalange.

Excivit Gallos etiam vaga fama remotos,  
 Qui memores parti Sveco discrimine lucri  
 Ocyùs accelerant, recipique in fœdera poscunt.  
 Aggerat Orator Gentem facundus amicam,  
 Comminùs Et veteri fatum movet intimus Hosti.

Adventum, Regina, tuum quo Gallia plausu  
 Gratetur, quantoque exultet lata tumultu,  
 Noverit ille probè, nostræ qui semina gentis  
 Noverit, atque unà ductos ab origine patres.  
 Nec consanguinei tantùm vis germinis addit  
 Francigenas Gotis, soloque annectimur ortu.  
 Pignora cum magno nuper renovata Parente  
 Nota tibi, Et certo sociatæ fœdere dextræ.  
 Hinc tibi legamur testanda cominùs ergo  
 Latitiæ, Et stabili quocunque in turbine vincli.  
 Quòd si cognatas propiùs dignaberis oras;  
 Obvius occurret Rex primo in limine Regni,  
 Excitique aderunt totis è sedibus omnes  
 Certatim Cives, Et nulla morabitur ætas.  
 Nam quis progeniem Proavùm, Numenque Trionum,  
 Et jam Gotorum Dominam, Dominamque futuram  
 Germani latè mundi cunctabitur usquam  
 Usurpare oculis, habituque, atque ore beari?  
 Interea nostro pro se Rex utitur ore:

Quod Ger-  
 manie Spe-  
 ctrum futurà  
 prædicator.

*Armorumque tenet quicquid Gens dives, Et auri,  
Evocat, Et socii festinè in commoda Martis  
Colligit, inque omnes admitti flagitat usus.*

*Tu modò, quàm statuas ordiri in parte labores,  
Elige: sollicitæ peditumque, equitumque catervæ  
Effundent sese, teque, Et tua signa sequentur.*

*Sed, si consilio locus est, Et Regis amici  
Pondus habent monitus olim tot rebus, Et annis  
Expertis, ac vires, inimicaque fata tenentis;*

*Noscentisque probè, quò constet summa triumphi:  
Hinc procul Hispanas bellum migrabit in oras,  
Cimber Et occiduum turbo se vertet in orbem.*

*Nec te longinqui teneant fastidia cursus.*

*Omnis in accessu labor est. Cùm litora classe  
Hesperia arripies, portusque intrabis apertos,  
Protinus attonitas solo vel nomine terras*

*Impelles, nullusque viam remorabitur agger.*

*Rarus in eversâ superest regione colonus;*

*Nam, quos assidui non exhausere labores*

*Bellorum; tractus hos excivere relictæ*

*Orbis, Et Indorum pellex sibi transtulit aurum.*

*Sed neque te classes tantis conatibus aequæ*

*Destituent. Aderit Batavus juratus Ibero*

*Hostis, Et in nostris quotquot navalibus hærent*

*Turrite puppes, Arctoæque robora ducent*

*Agminibus sociis, sistuntque ad litus amicum.*

*Nam Lusitanus nullo non tempore discors,*

*Nuper Et invisis exutus colla catenis*

*Te dudum expectat, pronasque invitat ad oras.*

*Nec mora; jam victam scandet Gens nostra Pyrenen,*

*Auspiciisque tuis nunquam disjuncta coibit.*

*Hinc Tarteſſiacas ingens indago latebras*

*Cinget, Et effugium terris prohibebit, Et undis.*

*Hespe-*

*Hesperia excepta divulsæ machina molis  
 Sidet, & Austriadum Gens expirabit inanis.  
 Inde vigor manat, quo se Germana tuentur  
 Membra: fluunt vires illinc, quibus Austria constant  
 Fulcra domus, sceptrique fides casura labantis.  
 Gnarus enim solo non posse à milite Quintus  
 Carolus Imperii retineri frena vagantis  
 Callidus Hispanas funem religavit ad ansas  
 Consilium, atque aurum seris ducturus ab oris,  
 Perque suos Belgas alternaturus utrinque  
 Auxilia, & Gentis commercia fida bimenbris.  
 Hæc tu, si Martis sequeris compendia prudens,  
 Prælia multorum properè glomerabis in unum  
 Bellorum, stabilemque feret sincera triumphum  
 Palma; nec inde semel sublato fomite rursus  
 Concipient avidæ rediviva incendia flammæ.  
 Sin secus, in cassum redituro exhausta labore  
 Submerges Istro, Qui mox emerget Ibero;  
 Cumque minùs speres quicquam superesse pericli,  
 Ingruet ille furor Lernæi more veneni  
 Fertilis, & primas spumabit pejor in iras.  
 Nam memor, & doctus nullis obliviam pactis,  
 Cum datur, & refert; consurgit, & induit arma.  
 Gallica sic toties objectus fata moratur,  
 Nec finit Imperium Francorum sanguine partum  
 Converti, meritaque iterum se reddere Genti.  
 Baltica nec Cimbrum sic interjecta tuetur  
 Unda solum, tantis ut sat valleris ab Hostis  
 Viribus; occidui penetravit ad ultima Mundi,  
 Extremisque tenet lustratos solibus Indos.*

*Te vocat iste labor; nam quis te dignior Orbis  
 Auspicio occurrat, libertatisque redemptæ  
 Europæ? Et sociis ingens stat gloria dextris.*

Par operi merces, *Et responsura parantur*  
*Praemia . Tu tantum nostros dignata lacertos*  
*Exere lustralem votis communibus Ensem,*  
*Quod si Relligio, cui tu tutela videris,*  
*Libera te tangit : non illic una coercent*  
*Vincula discordes . scelus est ibi morte piandum*  
*Suspicio exorians ; dubique inquiritur omne*  
*Pectoris arcanum : labat hic, excluditur inde*  
*Quodlibet arbitrium . Sed te vis inclyta martis*  
*Sollicitet potius, Virtusque habitura trophae*  
*Aeterna, Et populis impensum robur amicis.*

*Celtigenas quandoque graves Regina futuros*  
*Noverat, Et nexu non constatura perenni*  
*Vincula ; sed Regni famam sociare potentis*  
*Proderat, atque aliis carpturi in partibus hostem.*  
*Pleniùs ergo suis usura in tempore fatis*  
*Annuit Oranti, lætoque hæc reddidit ore .*

*Et, quod cognato veniens gens Galla canali,*  
*Et, quod jam propius sancito fœdere nexa*  
*Gaudeat appulsu Germana ad littora nostro,*  
*Gratum est ; Et memori meritum sub corde recondo,*  
*Quodque iterum vires, Et tanti robora Regni*  
*Sit junctura meis, eademque aditura pericla :*  
*Arctius adstringor, pactisque, animisque coimus.*  
*Nec minor in nobis amor est accedere vestris*  
*Finibus, Et magni dextram contingere Regis.*  
*Nunc animos junxisse juvet, nexuraque fines*  
*Agmina, Et oppositi divortia tollere tractus.*

*Utile consilium transmittere Bætis ad oras*  
*Armorum molem, sectæque cubilia Gentis*  
*Excutere, Et Bisidi radicem excidere trunci.*  
*Sed modò ne placeat tam longè intendere cursus,*  
*Plura monent ; poscitque alios ea cura lacertos.*



*Haud bellum cum Stirpe gero. Sat cœpta Parentis  
 Urgere, Et properâ Germana absolvere dextrâ  
 Libertatis opus, finemque imponere cladi.  
 Quin, si Casarea poterunt se frangere vires,  
 Et metas, moremque pati: sine cadibus ullis  
 Pax erit, Et puri condentur sanguinis enses.  
 Haud mihi bella placent nimii sitibunda cruoris,  
 Et nullum passura modum. Componere motus  
 Crescentes, legesque suas, Et reddere cuique  
 Ritus jura sacri, violentaque fræna tenere,  
 Unus amor nobis: hæc ansa, Et summa laboris.  
 Nam, neque si cunctas sit promptum flectere mentes  
 Unius in normam Cultus: injecta placerent  
 Vincula. Discordes satis est inbibere tumultus;  
 Pleniùs incertis dum se communicet Æther.  
 Non laudanda petit, nullique probanda Deorum,  
 Qui, quod Cœlicolæ non exegere, coactos  
 Urget; Et baud placitas invitis destinat Aras.  
 Mens ea sit cunctis, quos nomine censet eodem  
 Una licèt distracta Fides. Si tendere fines  
 Hoste procul pulso, furiasque implere decoras  
 Martia vis gliscit, Cœloque impendere dextras:  
 Tunc ego consilium titulis, Et fœnore longè  
 Pulcbrius expediam dux ipsa, Et fœderis auspex:  
 Longiùs impurâ quamvis distemus ab Helle,  
 Cantat adhuc vestros ubi didita fama triumphos.*

*Interea, minimum quamvis protendere metas  
 Sollicitè; socios quocunque juvabimus auctu,  
 Patris Et invicti jam nota exempla sequemur,  
 Plurima ditandis quem cura impendit amicis.  
 Sed melior quis testis erit, quàm Gallia nostris  
 Plenior impensis, metasque egressa priores,  
 Et Rheni confinis aquis, olimque futura*

*Inuicit Con-  
 stantin. à  
 Gallis unâ  
 cum Venetis  
 expugnatum.*

*Proximior Rhetis, atque Istri proxima ripis?  
 Nos aliò Bellona vocat. Quam sanguinis ordo  
 Non movet, Et Regni sat nunquam implenda cupido;  
 Huic labor, Et laurus satis est, Et conscia Virtus.*

*Sed moror accinctos. Properate ad præmia Galli  
 Laturi ex animo prædas. Certemus utrinque:  
 Vos meruisse manu, me largâ excedere dextrâ.  
 Dixerat: Ille viam populosa ad mœnia carpit  
 Liligerim; atque aliis Regina est reddita curis.*

*Cæsar ut Arctoas jam transmisisse carinas  
 Audiit, Et sensim Germanos addere vires  
 Partibus adversis: tantus ne cresceret Hostis,  
 Inque dies aliquod se se subduceret agmen:  
 Furata censet collecta examina molis,  
 Digerit inque artus, animosque, atque arma ministrat.*

*Famque pares ambo properabant signa vicissim;  
 Infestasque acies intendere; versa repente  
 Cùm flexit Regina viam, Germanaque Danis  
 Prælia postposuit, cursumque retorxit in Arcton.  
 Usqueadè infidas manifesto prætulit hosti  
 Ulcisci infidias, atque indulgere dolori  
 Magnanimo, fraudesque prius, mox bella professo  
 Austria Marte sequi, cæptosque urgere labores.*

*Turbidus, exterius speciem mentitus amicam  
 Danus, Et Arctoïs concordia pectora fatis  
 Cæsaris occulto non unâ in parte favore  
 Herebat causæ, dudumque juvabat operto  
 Auxilio; Et, propius quod Mars spectabat ad enses:  
 Sapius hîc aliquid Sveco de jure latenter  
 Carpebat, confine solum, confine profundum  
 Affectans, jungensque sibi; monitusque propinquis  
 Abstinuisset plagis, limenque, modumque tenere,  
 Haud unâ bortatus ludebat callidus arte,*

*Cresce-*

*Crescebatque malo questus frustratus inanes.  
Tantum ausus, animique dabat Germanicus hostis,  
Æmulaque æternum Gens, Et spes improba lucri.  
Addiderant stimulos Regio contermina Regnis  
Vulsa suis olim, subitaque accomoda fraudi,  
Cognomenque genus, titulique hinc, inde vicissim  
Adscripti sceptris, Et stirps communis utrinque.*

*Regibus hæc olim bellorum semina Danis:  
Altiùs ast aliæ memori sub corde latebant  
Irarum causæ, atque animi discordis origo.  
Scilicet in cassum votis ambitus anbelis.  
Parrhasius nuper Thalamus, ducturaque secum  
Jus Christina Patris, spatiumque immane propinqui  
Cardinis, Et major Regnis dos, Ipsa, superbis.*

*Ergo, ubi non ullo converti vidit in æquum  
Admonitu Regina nefas, serpentia damna  
Dissimulat, questusque premit, majoribus orsis  
Ceu vacet, Et Danas transmittat Caesaris armis  
Implicita offensas non suspectura duorum  
Viribus, atque idèd momenti oblita minoris.  
At mox confisum geminæ matura secuta est  
Pœna duplex noxæ; tentatæ scilicet oræ,  
Et malè perpensæ Christina vindicis iræ.*

*Qualis ab æstivis proruptus nubibus ignis  
Nuncius accensi Terræ in delicta Tonantis  
Vix referat nimbos, cladenique ostentat apertam;  
Et jam præcipiti transmissæ fulmine circum  
Dissiliunt turres, fumantque cadavera campo.  
Impete non alio Regina it concitus ardor  
Per latus obliquum, laxisque irrumpit habenis:  
Festinator iter: properantes alite cursu  
Non montes, non unda tenet, nullique morantur  
Objectus: deprensa viam dant oppida; Et hostem.*

*Nec*

*Nec novisse vacat, nec præsensisse periculum.  
 Ponè facès ardent: volucris vix lampade flammæ  
 Corripuere domos, incensaque semita lucet;  
 Cùm subit ulterius præceps, atque occupat omnes  
 Sparsa aditus acies Et transilit ocyor ignes.*

*Fama tamen cladis, quàm non velocior ullus  
 Nuncius ad Regem pennis trepidantibus acta  
 Claustra monet portis everti. Ille arripit arcem  
 Excitus aeriam properè, nec credita circum  
 Agmina dinumerat visu defixus, Et ager.  
 Non secùs, Eridani Pastor, prope fluminis oram  
 Cui natale solum: si quando noctis aquosæ  
 Tristis hyems mutavit iter crescentibus undis  
 Aggere disjecto: miratur luce reversâ  
 Injuetosque lacus, inopinaque stagna, nec usquam  
 Culta videt, raptosque greges, armentaque luget,  
 Deque suâ trepidus jam desperare salute  
 Incipit; atque abolet major jactura minorem.*

*Post, ubi collegit sese, mentemque recepit  
 Percussam, scandit cymbam festinus, Et oras  
 Arripit aquoreas Danus; nam plurima distat  
 Insula, Et ingentes tutantur litora classes,  
 Objectumque salum. Vocat hinc in prælia cives  
 Dispersos, minuitque metus, atque expedit arma.  
 Nam, quamvis ætate gravis, sparsusque pruinis  
 Tempora: crudus adhuc, responsurusque labori  
 Stat vigor, atque olim multis vis incluta palmis  
 Exuperat, retinetque animos, Et sufficit armis.  
 Qualiter exhaustus senio, raroque relinquens  
 Tuta leo Lybies quondam vastator adustæ:  
 Defectum si fortè petit venator, Et audet  
 Cominùs instare explicito, telumque minari:  
 Se recipit cautus, vicinumque arripit antrum*

Roboris exacti gnarus, viresque retentat  
 Antiquas, meminitque sui, furiasque peractas  
 Verbere sollicitat caudæ, poscitque timeri.

Profuit exemplum trepidis, stimulosque secuta  
 Indomiti Regis raptim cojere phalanges  
 Dispersæ; Et, toto Rector dum robora ponto  
 Colligit; ancipiti sunt ausa occurrere fato,  
 Fortunamque manu tentare, Et cernere ferro.

Ergo acie instructa patria sub manibus altis  
 Hostibus objiciunt animas, Et morte tueri  
 Pignora dulce Viris, thalamosque, Et busta parentum.  
 Vandala sed virtus obtundi nescia Danos  
 Savius afflixit, spemque interceptit eodem  
 Diluvio incumbens, Et inanes obruit ausus.  
 Sors eadem, junctis quæ se Norvegia metis  
 Porrigit, incubuit latè: sata versa, penates  
 Disjecti, incensa turres, Et, supplice quicquid  
 Oratu abstinuit, veniam nec prætulit armis.

Restabat Dano Regni pars aquore clausa,  
 Turritaque rates, infestusque undique pontus  
 Puppibus, Et magnis possessum classibus aquor.

At Regina parùm Terra contenta trophæis  
 Si non Et pelago vicisset: jusserat alnos  
 Affore Vandalias, Et decertare Profundo.  
 Nam, quoddam in aquoreis aded consideret ausis  
 Danus, Et baud ulli vim genti adscriberet undis  
 Fama parem: minor inde timor, majorque cupido  
 Hæc, ubi tantus erat, committi, Et tendere contra.  
 Adde, quoddam in numero misceri, Et perdere tela  
 Non tulit, Et cæcam dignari bucusque ruinam  
 Congressu Regina suo. tunc digna putabat  
 Prælia, Et invictam meritura pericula dextram,  
 Cum par discrimen, plenumque obsisteret agmen.

Ergo

Ergo, ubi concitè se præstare Carinæ,  
 Ingressa est Regina salum, nec distulit hostem  
 Elicere impavidum, seque indulgere periclo.  
 Plenior ille aderat numero, dudumque paratus  
 Mole Carinarum, turesque equantibus altas  
 Puppibus, Et latè fisus turgentibus alis.  
 Nec mora: cùm primùm sublati æquora ventis  
 Strata vident; placuit nullo statuta tumultu  
 Pugna, nec Æolio palmam debere favori.

Hinc, ubi se promptis stabili porrecta sereno  
 Lecta dies; parili succedunt ordine Partes  
 Frontibus adversis, spatiosaque cornua tendunt  
 Se in medio curvante sinu, puppesque tenente,  
 Regibus infestas, vexillaque prima per auras  
 Spargentes auro pulcras, atque ære timendas:  
 Mox se versuræ, quod Mars, Ventusque vocaret,  
 Usuræque suis pleno in discrimine Divis.

Jamque erat, ut paribus succinctæ viribus ambæ  
 Fulminibus classes magnis certamen inirent;  
 Cùm mare turbari in medio, geminoque repente  
 Crescere dissidio, trepidosque attollere fluctus  
 Advertère simul. Pelagi discordia secti  
 Alterutram tenuit partem, libuitque videre,  
 Quid novus iste furor ventis absentibus ortus,  
 Et non Æolio tempestas vellet ab antro.

Ecce autem geminæ membris immanibus Orce  
 Dant extra deformè caput, sinuosaque terga  
 Exertant, regeruntque haustas singultibus undas.  
 Horrent colla júbis, atque ardent lumina flammis  
 Sanguineis: pulsata gemunt sub verberè caudæ  
 Æquora falcate, latèque in sidera surgunt.

Ilicet adversum rabies se torquet in hostem  
 Æmula; Et, illis quod plus incursus haberet

Mutuos



Mutuos infensi, rapiunt spaciōsa vicissim  
 Æquora, & immensis proludunt orbibus ira.  
 Convenisse putes; tanto mox ariete monstrum  
 Impegit monstro. Non is turgentibus alis,  
 Remorumque actū propulsas impetus unquam  
 Concitat in puppes puppes, & texta resolvit  
 Robora, cū rostris inimica in rostra citantur.

Diffiliunt squamæ; consertisque oribus ora  
 Discerpunt. Nunc subter aquas conduntur, & hærent  
 Nexibus impliciti, seque eruta tollit arena.  
 Nunc se dissolvunt, atque ardua corpore toto  
 Erigitur moles, classesque, & litus obumbrat.  
 Nunc se prosternunt, glomerantque volumine pontum  
 Immenso, & subitis inclinant fluctibus alnos.

Proximior Dano sed quæ pugnabat in hostem  
 Bellua, nequicquam dudum luctata remitti  
 Capit, & adverso segnis concurrere monstro.  
 Mox minùs, atque minùs proferri, & tendere contra;  
 Donec inæquali congressu territa lapsu  
 Subducta est tacito, nec se ampliùs extulit undis.  
 Auguriumque rates Martis traxere secundi  
 Vandalicæ, & leto strepuerunt classica plausu.

Utraque tunc pariter Classis promota repente  
 Concitat incursus, & mutua damna laceffit;  
 In latus æquato nam vela intenderat ore  
 Per medium incedens Boreas utendus utrisque  
 Puppibus, & parili dispensans flamina lance.  
 Artica nam Doris tractari nescia remis  
 Carbascis habilem tantùm se præstitit alis.  
 Pars tamen inferior rostris, & remige pugnam  
 More novo ingressa est classes imitata minores  
 Æquore certantes medio; nam rebus in artibus  
 Utilis abscessus volucris, subitusque recursus.

*Ærea mugitu proludunt fulmina rauco,  
Incestantque diem fumo: pulsata resultant  
Littora, & abjectâ Proteus subit æquora conchâ  
Territus; inde Virum clamor, clangorque tubarum  
Astra quatit mixtus, fremitusque, minaque vicissim  
Alternant; vibrantque faces, & tela coruscant.*

*Quis tot diversi numeret ludibria casus?  
Quis varie virtutis opus? Quis robora lustret  
Intima nil vetitus nebulis, & singula monstret?*

*Auricomus Nantes Venetâ de stirpe Latinis  
Fam notus Musis, & Apolline clarus Etrusco,  
In manibus cui semper Ebur, modulosque retentâs  
Semper in ore Melos patriis digressus ab undis  
Venerat argentem mundi lustrator ad axem,  
Cominûs ut tanta spectans Heroidis actus  
Instrueret numeros, seque ostentaret in Illâ.  
Vota nec audentis successu lusit inani  
(Rarus bonos Plectro) Fortuna. Hinc hæserat aula,  
Impleratque sinus donis, censuque redundans.  
Isque, ubi pugnaces Christina exorsa labores  
Seposuit vittas galeata, & sustulit bastam:  
Excituserubuit belli in discrimen eunti  
Subduci, & studium quamvis sectatus inerme  
Horruit in jaculis, rutiloque effulsit in ære.  
Quâque die indictum parti certamen utrique  
Æquoreum, tantæ lymphatus imagine pugne  
Vaticinâ Domine præhæsit mente triumphum,  
Suspenditque vadis tractas Nereidas imis.  
Hæc pugnâ exterior. Sed, cùm mox ingruit horror  
Bellipotens, martisque furor se cominûs egit:  
Usque aded insueto despondit corda tumultu,  
Ensis ut oblitus, sed non Testudinis ultrò  
Territus in medias se se projecerit undas*

*Ipse sibi exequias, & carmen funebre cantans.  
 Fata moraturæ quis non sit deditus Arti  
 Pieridum? Cyrrbæ quis non operetur amicæ?  
 Non procul à puppi, quâ se demiserat amens,  
 Lætus, & auditæ captus dulcedine cantus  
 Hærebat Delphin, qui fila extrema secutus  
 Præcipitis properavit opem, dorsumque cadenti  
 Stravit, & exceptum, patuit quâ limes aquarum,  
 Abripuit, fideque procul commisit arenæ:  
 Parque pari incolumis vectore evasit Arion.*

*Classis Agellonæ dextrâ de parte magistro  
 Incurrit Virno Dani Vimbeno sinistri  
 Director lateris, ferroque, atque igne laceffens  
 Alter in alterius tentavit robore saltum,  
 Insiluitque furens; parili sed diruta pinus  
 Utraque collisus fundo se condidit imo.  
 Nam per deductas admissio gurgite rimas  
 Subsedere simul. Præbent solatia casus  
 Alterni: visæque etiam pugnare sub undas  
 Implicitæ puppes; discordia tanta profundi  
 Perstitit, & rubri durarunt surgere fluctus.*

*Fata Virendonum longè diversa, Lyrinque  
 Versarunt; namque iste Gylin, namque ille Thoanta  
 Dum premit, & velis jam jam fugientibus hærent:  
 Dispulit hunc, illum succedens Lampus, & Uffen,  
 Instantique aliis intercessere furori.  
 Illi auditis animis, & lucra erepta frementes  
 Acrius objectis incumbunt, totaque puppes  
 Agmina in adversas cuneis properantibus urgent,  
 Insensasque rates subeunt, vacuantque carinam  
 Quisque suam: nudas quam mox novus occupat hostis.  
 Abiete sic geminâ exuti, geminâque potiti  
 Evadunt. Æquat prædam jactura vicissim:*

*Et licèt armifero distracti turbine ludi*

*Ridere alternos Mars, & Bellona vacarunt.*

*Jampridem assuetus descendere ad intima ponti*

*Dipbilus, atque animæ retinens habitare sub æquor*

*Fusiùs, &, fundo si quid subsederat, inde*

*Eruere, & visis animo non linquier Orcis:*

*Principiù pugnae meditatus grande periculum,*

*Mars ubi percaluit, se clam demisit ab alno,*

*Hostilemque ratem subiit, teretique veruto*

*Non intellectus cœpit terebrare carinam;*

*Gurges ut ingressus plenam deduceret alvum.*

*Hospes at undarum jam multis robur ab annis*

*Induerat lapidem ( solet hoc, ) & restitit orsis,*

*Callidaque in cassum merfi conamina vicit.*

*Ille diù lusus, jamque aeris indigus haustu*

*Cessit ab incœpto; sed frustra buc versus, & illuc*

*Quæritat exortus; nam stratum classibus æquor*

*Luçantem tenuit, nec reddidit ampliùs auris.*

*Falsus ab infido moderator Narmina clavo,*

*Incidit aduerso, quem casu fortiter usus*

*Torsit in obliquum nitens non immemor artis,*

*Intenditque procul desertà à puppe, simulque*

*Objecit prudens revolutum robur amicis*

*Puppibus hinc inde invec̃tis: mox fraude peractà*

*Dejecit se se, tutamque renavit ad alnum*

*Utilior lapsus, quam freno affixus, & hærens.*

*Incusso implicitus rostro, retròque referri*

*Invalidus Pedilo, totis conatibus instans*

*Nequicquam, cessit Mindo, frendensque carinam*

*Captus in hostilem transit; sed triste perosus*

*Servitium arcanam penetravit turbidus alvum,*

*Vis ubi rupturæ in flammæ latet abdita pestis;*

*Injecitque facem, filicis quam vena parentis*

*Verbere concepit Chalybis . Tonat ilicet antrum  
Discussum , turboque vorax per aperta vagatus  
Gliscit , & innumeras contagia spargit in alnos .*

*Classis at in medio pinum Regina minantem  
Concitat , atque ausum se contra inferre Tiberium  
Enormi invecum pistri jubet ocyus unco  
Sistier ad pugnam , commissaque robora necli .  
Sed , dum correptam puppim , vetitamque referri  
Injectis scandit tabulis , bastamque coruscet :  
Ecce laborantis dissuto tramite pontis  
Destituunt gressus , sublapsaque planta citatam  
Decipit . Icta sonant inopino stagna tumultu  
Verberis , & rupti saliunt in sidera fluctus .*

*Expavere acies , veluti subsideret undis  
Omnis , & in fundo classis se conderet imo .  
Illa super fluctus sinuoso murice fulta  
Eminet baud quicquam casu turbata sinistro ,  
Innocuamque Thetin faustæ pro pignore pugne  
Arripit arridens , & præcipit omine palmam .  
Qualiter è scopulo cum se dejecit acuto  
Leucotboe insanum fugiens lymphata maritum :  
Horruerant Thebæ lapsum , vacuumque sepulchrum  
Spectabant trepidæ jam tunc ; illa addita Divis  
Ceruleis pelago fati secura natabat .*

*Danus at , æquorei cui sors sperare favoris  
Jam meliora dabat , socios in bella vocabat  
Parte aliâ , & magnis acuebat vocibus iras :  
Non insperato , Cives , subitoque tumultu  
Corripimur . Longè hinc fraudes , turbataque cæco  
Corda metu . Pleno primi super alta paratu  
Adsumus : atque olim clarum toto æquore nomen  
Sat foret ad palmam . Nunquid rude robur , & impar  
In nostris nos franget aquis ? Virgoque timeri*

*Exiget ?*

Exiget ? Hunc saltem patriæ prohibete pudorem :  
 Sitque palàm, subitas quas passa est Dania, clades  
 Deberi insidiis ; sed, cùm virtute professâ  
 Æmulus inuebitur, justisque expenditur armis :  
 Non eadem tunc fata sequi . Vis aucta, calorque  
 Vocibus his . Tantis ut verò est additus orfis  
 Nuncius exceptæ Christinæ fluctibus, omni  
 Corda metu liber : Totas impellite puppes,  
 Altiùs ingeminat . Casus jam bella peregit  
 Invisi Capitis, restatque cadaver inane  
 Vandalicæ Classis . Mersa est Christina profundo ;  
 Et secum fortuna jacet . Properate receptas  
 Ulcisci insidias, Divisque instate secundis .  
 Unus in aggressu labor est, prædamque paratam  
 Colligere, atque Hosti vincla insertare fugaci .

Impulit arduos ; auris nam forte sinistris  
 Sœtica cessabant, & carbasa Dana tuebant .  
 Ergo alacres totis incessunt viribus Hostem,  
 Injiciuntque uncos ratibus . Rex primus in alnum  
 Regalem direxit iter, votisque fatigat  
 Neptunum, vacuamque ratus toto impete robur  
 Concitat incumbens, & rostro impactus inhaesit .  
 Destinatus in puppem sed dum de puppe propinquam  
 Intrepidus saltum, Regi ecce occurrit in hasta  
 Fulmineâ, & trepidum monstro suspendit, Amazon .  
 Tigridis in catulos qualis sub luce recenti  
 Securus prædæ fertur Venator, & antrum  
 Occupat impavidus, digressam ad pabula matrem  
 Dum putat, attonito si forte immanis biatus  
 Objicitur, plenique fremit tutela cubilis :  
 Alipedem convertit equum, mutataque vota  
 Urget, & horrendos evadere flagitat ungues .  
 Danorum Dux talis erat, cùm frontis obarsit



*Insuperatus apex metuenda, inopinaque tela  
Fulserunt. Subito ( quod mens dabat anxia ) casu  
In medias se jecit aquas, cymbaque receptus  
Cessit, ab occurſu nondum ſat tutus iniquo.*

*Dum furit hic Mavors, hoſtesque impellit in hoſtes,  
Parte aliâ vetito penè imbuît arma cruore  
Læſus amor Thalami, nec ſe paſſurus inultum.*

*Inter Amazonias ſtudiis imitata catervas  
Agmina Locris erat, quæ non Mavortis amore  
Induerat galeam, ſed mulctatura maritum  
Deumnona; cui dudum genialia fulcra precatò  
Nupſerat, occulto tandem ſociata cubili,  
Furato tamen ante Deos, & quicquid ab alto  
Fuſ habet in terris, in publica fœdera tadæ  
Poſtmodò venturum thalamos, & pacta profeſſum.  
Tunc opus ad Patrii converti limitis oras,  
( Stirpis erat Danæ ) nec longi temporis actû  
Inde recurſurum: vincendus nempe parentis  
Longævi aſſenſus, captus qui Virginis auro  
Indigenæ arbitrii expertem ſe vinxerat illi  
Ante diem, & teneros maturæ addixerat annos.  
Nec labor hoc ingens; gentis namque unicus ipſe,  
Et vacuæ ſpes una domus, cui flexus avaræ  
Ætatis vitium genitor donabit, & ultro  
Præponet Locrin, natumque ad vota remittet  
Æqua, nec ulterius juſtò pugnabit amori.  
Quod ſi ſtet contra, rigidasque adducet bâbenas:  
Tunc ſibi laudandum ſalvâ pietate reverti  
Conjugis ad gremium, vitamque hædere per omnem.  
Annuit ergo abitum Locris non læta; celerque  
Ocyûs ut redeat. ( nam nec minor ignis in ipſo )  
Ille abit, & patriis optatus redditur ulnis.  
Irrita ſed movit; namque altas egerat auri*

*Radices sceleratus amor, mentemque senilem*

*Hauferat. Orantem genitor procul arcet, Et urget  
Insurgens, additque minas, Et jurgia miscet.*

*Institit ille diu; sed, postquam nullus ad aures*

*Ultra aditus patuit, duro cum patre penates*

*Deserit, Et Dani addictus se devovet armis*

*Regis, ut impensa post longa pericula dextræ*

*Hoc saltem inmites intercessore parentis*

*Leniret furias, Et voti compos abiret.*

*Sæpius hæc inter repetitis lætat amantem*

*Pollicitis, causasque mora contextit, Et agram*

*Ingenio differt vario; nam patre recessus*

*Indigus invito fuerat, nudusque futurus,*

*Vitaque per curas expuncto, arculeque trabenda.*

*Sed jam cunctantis veniam consumpserat omnem*

*Interjecta dies; dubiaque, Et plura timenti*

*Attulerat rumor rimanti cuncta maritum*

*Cessisse alterius tædis, thalamumque fovere*

*Sedibus in patriis oblitum juris, Et æqui.*

*Credidit infelix; nam quid non crederet olim*

*Suspiciosus amor tot per dispendia tractus?*

*Ergo amens furiis, nec justas ausa fateri*

*Irarum causas sexum dedocta cohorts*

*Auxit Amazonas, peltamque, Et balthea sumens*

*Acrior offensâ, dextramque instructa bipenni*

*Christinæ placuit, paribusque est addita turmis.*

*Illa tegens animos, unique insensa marito:*

*Vandala Germanas cum transmisisset in oras*

*Classis: inaspecto se se subducere furto,*

*Et Danas penetrare plagas decreverat, illic*

*Mulclatura virum: mox verso in viscera ferro*

*Inferni extincto, facilesque in devia cursus*

*Virginis ulcisci, labemque abolere pudoris.*

*Famque fugæ propior Dominae vexilla citari  
 Audiit in Danum dilato Casare, Et omnes  
 Intendi huc vires. Hinc se collegit ab orsu  
 In desertorem belli communibus armis  
 Usura, Et dextra sumptura ad vindicis iram  
 Momenta, Et gemino se respersura cruore.  
 Una prius merces justo est seposita dolori  
 Ingratum pulsare probris, vivoque professis  
 Prasultare odiis, teloque incessere linguae.  
 Favit Et hac avidæ Sors obvia; namque receptus  
 Danus ad equoreas post terræ incendia vires  
 Errabat pelago, Svecosque in bella vocabat  
 Classibus exuperans. Nec sat gavisâ subactio  
 Hoste recens pariter si non fregisset Et undis,  
 Miserat accitum patrias Regina carinas  
 Terrestrum æquoreo properans cumulare triumphum.  
 Novit Et hæc inter comitari Deumnona Regem  
 Locris, Et in Ducibus numerari; atque affore pugna  
 Turrigerâ, cui ductor erat, de puppe. Nec ultra  
 Querere sustinuit, metuens ne pectoris agri  
 Vulnere rimatu pejùs tractata dolerent.  
 Nec minùs audierat Deumno, cui Coniuge cura  
 Nulla prior, Locrin Regina hæreere catervas  
 Virgineas inter celebrem, pariterque carinæ  
 Unius in regimen lectam; nam singula justi  
 Vestigare thori, momentaque cuncta tenere  
 Sollicito monstrabat amor. Spes ergo per ambos  
 Orta propinquantis posse in certamine ludi  
 Committi. Penitus sed mens diversa subibat.  
 Hic purgare moras: deserti Hæc sumere pœnas  
 Ardebat Tbalami, geminumque baurire cruorem.*

*Famque aderat sperata dies, Et celsus uterque  
 Puppibus extabant alios non versus in hostes,*

*Alterutrum alteruter sed visu, animoque requirens:  
Seque ambo prendere simul; nam casside liber  
Alter, & alter erat, quod cerni, & cernere posset  
Quæsitum sine nube caput. Prior impulit Uxor  
Robur, & obliquè torquentem Deumnona clavum,  
Parceret ut Locri, contenta; atque impete toto  
Invasit, tenuitque ratem. Nec segnior ille  
Armorum oblitus, sed non oblitus amorum  
Infilit impactam rectâ projectus ab alno.*

*Illa fugit prædâ exultans, trucidusque parantem  
Rejcit amplexus oculis, dignataque nullis  
Vocibus impellit puppim, littusque propinquum  
Arripit, & secum dextra retinente maritum  
Pcne trahit, primæque furens se immittit arenæ,  
Proluditque odiis, & sic accensa profatur:*

*Agnoscisne tuam, Conjux fidissime, Locrin?  
Hæc est illa fides, jurataque Numina sanctè  
Culta, prius precibus sed præcorrupta, rogabas  
Dum recipi in thalamos, atque æmula vincere vota?  
Haud labor est violare Deos: evadere læsos  
Durum opus. En adsum, cui tu illuisse putabas  
Impunè, & solis ulturam pacta querelis.*

*Dixit, & eduxit gladium; sed pectora ferro  
Olim Deumno dabat, visoque interritus ense,  
Atque indignanti propior sic incipit ore:*

*Deerat hoc solum tantis jam fluctibus hausto,  
Ut reus arguerer desertæ Conjugis, unâ  
Quâ semel ut fruerer, carui genitore, domoque  
Nudus, & objeci bellorum casibus agram,  
Addictamque animam; nec me proscinderet hostis;  
Ipsa sed, ut coram mutata imponeret Uxor,  
Exueret sexum, strictumque intenderet ensen.  
Confice (quid cessas?) potuisti credere fontem*

*Quem*

*Quem prius, Et ferrum jugulo, vel pectore conde.  
 Munus erit, non poena, mori; nam fata trabenti  
 Dura quid ulterius, quid jam superesse malorum  
 Damnato, pulsoque potest? Mors sola peractio  
 Consulet: Et solam imploro, Et pronus adoro.  
 Confice, quid segnis dubitas? Constantia vultus,  
 Pectus Et objectum, subitusque in Numina questus  
 Aspera prolatus, redivivusque ignis amoris  
 Impatiens odio vinci suspenderat ictum  
 Jam jam precipitis, sed non extinxerat iram.  
 Cum subito ( incertum est amor hanc, pietasne merenti  
 Approperarit opem ) medium se injecit utrique  
 Deumnonis Evernus genitor, tenuitque furem  
 Sordidus imbre genas, gemituque morante querelas.*

*Illum, ubi nequicquam tentavit Deumnona Locri  
 Abripere, atque aliud convertere ductus avaro  
 Instinctu, frustra minas consumpserat omnes,  
 Pœnituit serò coëptus, Et patre reverso  
 Damnavit longas animo censore repulsas.  
 Ut verò addictum Marti, atque instante periculo  
 Incertum vidit fati, propiorque sinistris  
 Casurum timuit natum, seque borruit orbem:  
 Procidit in luctus, solosque excessit in agros  
 Extremos carpens curis tortoribus annos.  
 Quaque die indictum pugnae certamen in undis  
 ( Noverat hoc Danos nam latè erexerat omnes )  
 Littore ab extremo possessum classibus æquor  
 Ingreditur votis; natoque obtenditur uni  
 Pectoris objectu, Pelagique, Polique potentes  
 Sollicitat Divos, Et saluum Deumnona poscit,  
 Illius aut saltem præcurrere funere funus.  
 Utque ratem vidit contentis viribus oram  
 Arripere, Et Locrin correptum Deumnona rupti*

*Incusare thori, ferroque, Et voce minari:  
 Horruit attonitus subitum discrimen, Et amens  
 Emicat in medios ( vires Natura senectæ  
 Anxia suggestit vacuæ ) seque obtulit ensi  
 Irarum gnarus tantarum, Et provocat hostem:*

*In me verte minas, in me committere ferro,  
 Ingeminat: nempe ille nocens, qui vestra diremit  
 Conjugia, Et tenuit repentem Deumnona Locrin,  
 Ille ego sum; fateor, justam nec deprecor iram,  
 Nostra sed infanti noceat ne culpa marito.*

*Erubuit, stupuitque simul, divisæque Locris  
 Cunctata est paulum; mox præceps irruit ulnis  
 Conjugis, Et Soceri, cacumque excusat amorem:  
 Quamvis ( tam multo redierunt fœnore Divi )  
 Prolapsam juvat, lucratam nempe salutem  
 Unius haud capitis; pariter nam profuit error  
 Consorti, Et Socero, quos mersos extulit unus,  
 Unus Et ex æquo geminâ mercede redemit  
 Ingeniosus Amor, vario qui turbine ludi  
 Ambobus Locrin, Et Locri reddidit ambos.*

*Itur in amplexus; natum pater, ille parentem,  
 Ante tamen Locrin repetitis nexibus arctam  
 Diripiunt. Vocat ille nurum, vocat ille maritam,  
 Atque uni referunt redeuntis munera lucis:  
 Una salutaris nam fons, Et causa receptus.*

*Altera mox fessis succedit cura; putantque,  
 Quò se convertant, Et littora nuda relinquant;  
 Discordantque animi. Grandævo lustra placebant,  
 Ruris Et arcani latebræ: carisque negabat  
 Pignoribus quicquam dirimi. Loca proxima bello  
 Deumno probat, pinumque iterum conscendere, Et inter  
 Discrimen pugne tutas fluitare per undas:  
 Martis ab eventu sumpturus nempe peracti*



*Consilium . Hæc timide sed se sententia profert  
 Uxori, & Patri metuens . Interrita Locris :  
 Gaudia conjugii quamvis præponere luci  
 Et possim, & cupiam, famæ præferre negamus,  
 Inquit ; & hoc Deumno nolit ; ni cura parentis  
 Contrabat, & nostri . Consensus puppibus ambos  
 Ire decet, quò monstrat bonos, partisque relicte  
 Nos fortuna vocat . Cùm cesserit alea martis,  
 Jungemur ; nullusque pudor manifesta notabit  
 Fœdera, & ignoscet ; si quid peccaverit ante  
 Abscessus, primasque moras donabit amori .  
 Tantum animi dederat Christinæ hæsisse parùmper  
 Fœminæ menti ! Deumno prior insilit alnum  
 Letior, atque aliter puduit sentire parentem ;  
 Major & in Locrin amor hinc est ortus utrinque .  
 Nec tulit in fœdus versis Fortuna nocere ;  
 Cœlicolis placuit nam pax privata secundis,  
 Nulla nec ablatis intervenire pericla .  
 Scilicet hæc inter pugne transegerat actum  
 Christina, & latè victrix regnabat in alto .*

*Hactenus ancipiti pugnarant turbine Classes  
 Sorte, animisque pares . Mars undique, & undique flammæ,  
 Fulminaque, & tonitrus, confusaque mortis imago .  
 Nam neque præcipiti Regina crepta periculo  
 Deprendi poterat ; Regemque è puppe ruentem  
 Cognorant rari cives, qui mente receptâ  
 Integer in lævo reparabat prælia cornu .  
 Sed procul extremo cùm visus in agmine Rector,  
 Christinaeque salus latè est vulgata per aquor,  
 Dediticet Fortuna vices, partesque secuta  
 Vandalicas toto disjecit gurgite Danos ;  
 Solamenque fuit victis cessisse Profundum  
 Ante, nec exceptam potuisse Heroida Pontum*

*Haurire, & facili non suffecisse ruinæ.*

*Certiùs baud unquam patuit pendere triumphum  
Principis à fato, momentaque maxima rerum  
Esse Ducem. Danas erexit fama carinas  
Fluctibus illapsæ Christinæ; ut constitit undis  
Eripuisse caput, se tempore merisit eodem  
Æmulus, & dubiæ cecidit fiducia palmæ  
Attonitis, plenoque incessit Vandalus actu.*

Vulgo il  
Cardone, ut  
nunc mos est  
a quore præ-  
lari.

*Linea Danorum namque intercisa carinis  
Adversis, flammisque diù, nimboque tonanti  
Obruta divulsas permiserat hostibus alnos  
Auxilii expertes, sociasque avexerat agras.  
Ordine sic recto fufis per inane Columbīs  
Destinat Accipiter mediam, seriemque volucrum  
Unguibus irrumpit subitis, & dissipat agmen.  
Hæc quoque sed frustra pars est confisa salutis  
Effugio tentare viam; nam præpete cornu  
Abstulit elapsus prætenta indago citato  
Objectu occurrens, spemque interceptit inanem.*

*Ergo procul laceris constratum puppibus æquor  
Cernere erat. Flammis semesa cadavera fumant  
Injæctis: pars sedit aquis: pars suppara vertit  
Præcipitem complexa fugam: pars signa revellit,  
Permutatque acies, & non sua pondera veçtat.*

*Exere de Pbario frontem mitrata sepulcbro  
In pœnam Cleopatra redux, mox condere busto  
Tristis in extremo non sat tectura pudorem.  
Ausibus his pugnas miscere, & scandere puppes,  
His animis certare decet, quæcunque perosa  
Fœmineos Regina choros, exutaque sexum  
Permutat vittas galeâ, cuneosque viriles  
Intrat, & exertum poscit regnare per ense.  
Sed pudet imbelles ad tanta exempla vocare,*

*Infir-*

*Infirmasque Nurus; magis buc advertite mentem  
Martia progenies, Et rerum culmina, Reges,  
Ingentesque animos, Et semina ducite laudum;  
Christinaeque actus vitam pensate per omnem,  
Sat, si contigerit partem didicisse, superbi.*

*Ille, ubi perdomuit, quicquid restabat in armis,  
Condidit in cursu gladium, victisque pepercit.*

*Fragmina mox Classis lacera, disjectaque rostra  
Imperat incendi, fluctusque, Et littora latè  
Illustrat flammis, Et utramque illuminat oram  
Æquoreo victrix certamine. Concidit illic  
Altera spes Danum; Rectorque receptus in actam  
Oppositam geminâ multatus clade resedit  
Mentis inops, hausitque oculis humentibus ignem;  
Et secum: Facilisne aded, minimique laboris  
Visus ego Superis, ut transcurrente perirem  
Totus ab impulsu, terrâque, marique jacerem  
Fœminæ bis præda manus: velut aggere rupto  
Interceptus aquis pluviâ sub nocte Bubulcus?  
Proh pudor! Austriaci qui nuper scandere culmen  
Confisus solii suffeci Cæsaris armis,  
Dilapsis sociis, aut in contraria flexis,  
Sic quoque par hosti, nulloque urgente reversus!*

*Lugebat, longosque umbris crescentibus ibat  
In gemitus; tandemque sopor defecta subibat  
Membra sub extremum noctis, currusque propinquos  
Auroræ: In somnis cum se Canutus ab Astris  
Obtulit indigenum quondam tutela, decusque,  
Et patriæ quamvis digressæ à fœdere Cœli  
Non oblitus adhuc, nec desperare recursus  
Birgittâ monstrante viam diffusus amicos.*

*Anxius ille malis, sed nec sub nube soporis.  
Despondens animos, pugnataque bella retractans*

Ingemit, atque fremit, populosque excire repostos  
 Cogitat, atque iterum recidiva in praelia tolli.  
 Qualis ab impacto serpens illisus aratro,  
 Dum jacet in campo refides revolutus in orbes,  
 Excitus explorat vires, linguâque trifidâ  
 Sibila conatur, protritaque membra retentans  
 Multiplicat spiras nequicquam, & suscitât iras.  
 Talis erat, tanto nutabat mentis in aestu.  
 Mitior extemplo cùm nox irrepsit, & ægra  
 Tempestas animi visa est cessisse parumper  
 Hospitis accessu tanti; nam vincula frontem  
 Candida cingebant, & sceptrum dextra tenebat,  
 Palmatumque procul meandro Syrma corusco  
 Gemmarum ardebat, quas inter sanguinis ibant  
 Pulchrius ingenito radiantes igne lapilli  
 Mutati in melius Diadematis argumentum.  
 Hinc se aliquem proavum referens de stirpe, nec ultra  
 Confessus ( penitus nam se præstare profano  
 Non decuit ) sensimque oculis infusus anbeli:  
 Ire iterum in gladios, iterum tentare pericla  
 Nequicquam moliris? ait. Quid truncus, & æger,  
 Sollicitas Hostem, cui nec par integer esses?  
 Si tibi sat non est metiri robora gentis  
 Clade tuâ expertæ: jam jam Germana docebunt  
 Praelia, Vandalicis quid distet Danus ab armis.  
 Una salus fractis oleæ prætereendere ramos,  
 Christinamque sibi committere. Vincitur Illa,  
 Cùm secum certamen habet, seque objicit ipsi.  
 Fœdera nec pacis formides: Illius ergo  
 Præstiterit vinci, dictasque admittere leges.  
 Imperiosa sibi tunc est, & prodiga Furis,  
 Cùm sibi decrescit; mensurâ hac deficit unâ.  
 Regnorum tuto neu nominis ulla timori

*Sit jactura tibi . Collato robore postquam  
Fortior exuperat ; laus est cessisse Minorem ,  
Et vires novisse suas . Terrena quid arma  
Si cumulant Superi , seque addit partibus Æther ,  
Nullaque precipitem sistit distantia cursum ,  
Non etas , sexusque minor , non miles , Et arces ,  
Inque suis hausto quicquid Mare perfurit undis ?*

*Haud tua me leviter tangunt discrimina ; nec me  
Humana obscuris ludit caligo tenebris ;  
Nec te nunc dubio versant Oracula sensu .  
Integer , extremam prohibes si pace petita ,  
Imperio , populisque diem , mox sceptrum resumes  
Reddita . Si perstas Martem tentare , jacebis  
Totus , Et auxilium frustra expectabis ab Istro .  
Sed prudens submitte manus , fatoque volenti  
Accede , Et magni duc in compendia lucri  
Utiliter flecti , dextraeque barere potentis  
Auspiciis . Monitus iterumque , iterumque salubres  
Inculco ; Tu conde memor , sceptrumque receptum  
Christinae gratus referas : munusque fateri  
Ipsius , exuto quicquid placata reponet .  
Nec rursus diversus abi , sed frena tenere  
Illius ad normam gaude . Si exempla secutus  
Invicti Capitis mox hæc Et regna relinques ,  
Ut meliora petas : ipsis tunc cladibus aucto  
Hæc tibi præ cunctis fuerit jactura triumphis .*

*Dixit , Et abscedens somnum , noctemque removit  
Aureus , Et melior subiit sententia Regem .  
Nec mora consiliis ; geminusque Orator olive  
Prætendit supplex ramos , Et fœdera poscit  
Magnanimæ arbitrio Victricis . Substitit illic  
Impetus objectu compesci nescius : illic  
Emergit Danus , largoque invenit in hostis*

*Pectore, quod terris frustra quasisset, Et undis.  
Nam, si quid secuit nimis ex auctibus, Arcto  
Reddidit ablatum communi, Et praestitit Orbi  
Publica restituens clausi commercia ponti.*





## LIBRI SEPTIMI

## ARGUMENTUM.



Reginæ Matris cum Christinâ  
 exostulatio, cui per Nun-  
 cium, ni properè ablegatis  
 bellis domum redeat, dissi-  
 idium, & diras minatur.  
 Qualem Nuncius, & quo lo-  
 corum Hanc repererit, &  
 quâ temperie in mandato munere se gesse-  
 rit. Ejusdem ad Dominam reditus, quæ,  
 satisfactione rejectâ matrem exuit, atque ho-  
 stem induit; sed turbas nequicquam conci-  
 tare conata, inimicis animis, nec ultrâ re-  
 versura Sveciæ finibus se proripit. Germa-  
 niæ Populis Austriacum sequentibus post  
 Danos terrâ, marique insperatâ celeritate  
 profligatos Christina fit formidabilior, uni  
 tamen Cæsari acceptior, majorem sibi de  
 majore Hoste triumphum promittenti. Idem  
 copias auget, & recenset. Pars utraque ex  
 composito Lipsiæ planitiem insedit, in quâ  
 bellica listransigeretur. Jam jam manus con-  
 ferturis ostenta horroris plena ex improvise

objecta animos cohibent , & in castra revo-  
cant . Monstrorum causæ , & minæ . Quan-  
tum , & qualiter Reginam hæc affecerint .



## LIBER SEPTIMUS.



**A**T Regina Parens post immatura Mariti  
 Funera conjugio Natæ fraudata propinquo  
 Implacidis animum carpebat turbida curis.

*Illa quidem proprio satis ægra, Et torva dolore,  
 Sed Stygis instinctu, tacitisque hortatibus Orci  
 Christina infensi, nullo nec tempore latam  
 Passuri in præceps agitur, pejoraque versat  
 Fusiùs hæc recoquens: Adedne invisâ sinistris  
 Una Deis, ut sola forem Conjuxque, Parensque  
 Munere utroque carens: viduosque, orbosque dolerem  
 Perpetuò deserta dies, Et luctibus ægros?*

*Convenient hinc, inde Nurus, quæis sorte jugali  
 Invidiosa fui; quantumque à cortice distent  
 Intima dignoscant, insanaque vota retractent.  
 Nempe superbifico magni dignata cubili  
 Una ego Gustavi, longè sum visa maritas  
 Ire super reliquas, quas erexere Triones  
 Murice distinctas, solique in jura receptas.*

*Favisset melius, si me Fortuna locasset  
 Inferius; non, quod nostræ non Conjugis aquè,  
 Sceptra manus deceant, Et par non splendeat ortus;  
 Sed, quantum heroâ quod surgens indole Conjux  
 Accessit Superis, tantum Tellure recessit:  
 Indulsi que thoro minimùm, perque aspera tendens  
 Dulcia contraxit genialis gaudia lecti.*

*Hinc, vix fœminco Lucina munera partu  
 Non sat justa rudis libavit: versus in arma  
 Austria cum subito est; jam tunc vagitibus aula*

*Plena*

*Plena velut streperet, multusque adolefceret Hæres.*

*Ex illò in lucus senui. Lux nulla timoris  
 Expers præteriit, nullæ sine tristibus umbris  
 Cesserunt noctes, trepidæ intacta tumultu:  
 Dum curæ ambigua saltem: mens agra vacavit.  
 Ora modò fletu, maculis modò strata cruentis  
 Infecta, & gemitu turbata silentia longo,  
 Semper & Austriacis veniens Gustavus ab oris  
 Luridus, & multo proscissus vulnere pectus.  
 Donec aperta fides, & cladis nuncius actæ  
 Adfuit, & certos habuerunt somnia casus.  
 Tunc tacita patuere mina; quæque intus habebat  
 Vaticinans animus, lugubria protulit extrà.  
 Splendida nec multa quòd mors est laude repensa,  
 Mitior advenit; pulebro nam funere quamvis,  
 Occidimus totæ, penitusque est vulnus adaclum  
 Introrsum, subiitque animæ penetræle reposta.*

*Hæc tamen in maribus minùs est jactura dolenda,  
 Bella quibus constant. Virgo quid mollis, & etas  
 Sanguineo cum Marte rudis? Num vindicat unus  
 Christinam Genitor, studio quæ instincta virili  
 Nil de matre trahit, penitusque à stirpe rebellat  
 Fœmineâ, & primis sexum trux exiit annis?*

*Atque ego sperabam tantè in solatia cladis  
 Hanc saltem superesse mibi, viduique futuram  
 Lenimen thalami, prolaturamque Nepotes,  
 Sarturamque Domum; nec dissensisse putaram,  
 Aut aliter voluisse Patrem, cum pignore primo  
 Substitit à thalamis, Gentemque coegit in arclum  
 Hanc generi satis esse ratus. Tam justa petenti,  
 Spes interdictæ, quò concessistis inani  
 Conatè ad Superos voto, frustra que modestis  
 Consiq; in precibus! Nimirum matre repulsâ*

Complexa est Patrem, totumque excussit, Et haussit.  
 Impetus hinc, potiùsve furor quoscunque per actus  
 Dura sequi, parilesque Choros, sexumque minorem  
 Odisse, Et teneris hastas vibrare lacertis,  
 Succinctos gestare sinus, sylvasque per altas  
 Tristia venatu meditari bella timendo,  
 Et tantum armatæ studiis gaudere Minervæ.

Sed tunc Naturæ se vis prodentis, Et etas  
 Acris, Et impatiens freni, Genitorque superstes,  
 Ausus Et in precio; poterat nam velle videri  
 Blandiri Patri, mentemque efferre virilem:  
 Nec spes amota est versuri in sana receptus.  
 Nam, postquam Virtus temeraria sustulit ausum  
 Non tentanda Virum, transmissaque sarcina Regni  
 Cessit ad Heredem: tanto est occurrere visa  
 Robore ponderibus, penitus constaret, Et iret  
 Altiùs ut Moles, nec quicquam mota labaret.  
 Arcta quies, curæque acres, partesque per omnes  
 Mens vigil, Et paci, belloque impensa vicissim,  
 Et superans utrinque vigor, seque acriùs urgens.  
 Nec dum Regnorum susceptæ prorsus habent,  
 Jusque haustum Imperii, sed normæ in limine primo  
 Grande rudimentum, crudæque crepuscula lucis.  
 Hinc spes erectæ; quamvis me funera Patris  
 Justitio transacta brevi, propiorque triumpho  
 Actus bonos Tumuli, redimitaque floribus Urna  
 (Mors aded victrix visa est indigna querelis)  
 Sollicitam tenuit; nullos nam sexus, Et etas  
 Prodidit affectus; nec se vis sanguinis egit  
 In luctus. Hinc difficiles per prona meatus  
 Conjectare fuit, nec pervia pectora justis  
 Naturæ stimulis, Et responsura Parenti.

Cura tamen Regni retinendi, Et stirpis habendæ

Succes-

*Successus sperare dabant in fœdus ituram  
 Conjugii, Et socium lecturam in sceptrum maritum.  
 Quippe minus durâ populorum cœperat aure  
 Vota pati, flexusque rigor lactaverat omnes.*

*Famque erat, ut certos fiducia proderet Arcto  
 Plena Deos; cùm lusa fides, omnisque repente  
 Spes discussa thori, mensque obdurata repulsæ.  
 Et, ne propositum quemquam non mite lateret,  
 Ante Aras, cùm festa dies, Vulgusque, Patresque  
 Conciti adstarent sumpti sollemnia sceptri  
 Ritè celebrantes: quò contestatior esset  
 Trux animus stirpis dudum contemptor, Et osor;  
 Abnuìt æternum tædas, Et voce professâ  
 Civibus extinxit Regem, Matrique Nepotes.*

*Non stetit hic crimen. Lucem invidisse Futuris  
 Lene nimis visum. Parcas urgere morantes  
 Institit, Et Vivis per bella arcessere fatum;  
 Inque pares furias, cæcumque in mortis amorem  
 Seduxit populos, properèque erexit in arma:  
 Lectaque non fausti Germania Martis arena est.  
 Neve Mares tantum contagio dira furoris  
 Hauriret: teneras etiam prolata Puellas  
 Corripuit; gladiisque colus cessere cruentis.*

*Obstitit inceptis Superum dissensus, Et iram  
 Prodigii fecere palam; sed Monstra secundos  
 Traxit in eventus, clademque minantis abusa  
 Numinis admonitu damnatis institit orsis:  
 Perque mare eversum, per quod nec littora quisquam  
 Tenderet ad Patriæ, cursumque tenentibus austris  
 Rupit iter, dirumque malum majore periculo  
 Prendit, Et hostiles incescit turbida campos.*

*Utque magis pateat non tantum prælia queri,  
 A Patriâ quantum procul esse, Et matre carere:*

*E bello*



E bello feritur bellum, ne longa morarum  
 Tempora deficerent, seriesque exhausta labaret.  
 Additus est Danus, cum quo pax ic̃ta, nec ulla  
 Irarum causæ constabant. Scilicet hostis  
 Haud satis unus erat. Prior hic, quia sanguine junctus,  
 Plectitur; usqueadeò nulli non noxia cedit  
 Proximitas, odiumque parit pietatis origo.  
 Precipue sumptis cursus sed queritur armis  
 Plurimus, ut Genitrix sola, Et neglecta senescat  
 Busta Viri juxtà, Natà interdìcta, suisque  
 Immoriens tenebris, atque omnis germinis expers.

Hauserat bos gemitus non longè dissita Nutrix  
 Christine; utque animum, mentemque coquebat Alumna  
 Insensam, bortatus ex quò in compendia Nati  
 Compositos (viduo prætendens utile regno  
 Conjugium) surdas frustra jactarat ad aures.  
 Ergo subit propius, tempusque, locumque nocendi  
 Nacta probat causam, stimulatque, atque aggerat iras,  
 Confunditque Patri Natam, cunasque, thoroſque  
 Miscet, Et alterni contemptum juris, Et æqui:  
 Indigna imperium, Domina quod munere Nato  
 Contigit, atque ideò fato prærepta, videre!  
 Illius instinctu penitus demersa per omnem  
 Fortunam thalami Funonem culpat, Et odit  
 Lucinam Genitrix (Nusquam non gliscit imago  
 Plurima dissidii) seque ipsam incusat, Et ardet.  
 Et, merito, exclamat; nam, quæ mea vulnera fovi  
 Projecta in gemitus, solisque armata querelis,  
 Contemni decuit. Sed non patiemur inultæ  
 Dedecus hoc ultra. Pudet heu, pudet bætenus agro  
 Sedisse in luctu! Sed Et hunc abolere pudorem  
 Acrius insistam, summamque, Et fœnora poscam.  
 Acta velut Boreà per concita Cærule Pinus

*Fluctuat, Et jussos non sat tenet ardua cursus.  
 Incidit impulsæ quoddam si violentior Auster  
 Flatibus adversis, ceciditque excussus in undas  
 Rector: abit præceps, quæ vis alterna labantem  
 Abripit, Et dubio discrimine torta laborat.*

*Ergo sibi Archiminen, cui pervia causa tumultus  
 Olim erat arcani, gemitusque, iræque patebant,  
 Imperat acciri. Primis hic junctus ab annis  
 Innuptæ custos, mox in connubia missæ  
 Gustavi hærebat fortunam utramque secutus.  
 Atque ait: Ulterius non est obsistere contra  
 Curarum fluctus, præstatque extrema movere,  
 Quàm segnes jam ferre moras. Vade, inquit, Et æquor  
 Transgressus Natam sua per deliria raptam  
 In præceps, ludique trucidis caligine mergam,  
 Oblitamque mei, dictis affare supremis:*

*Non idè ductum Gustavi in pacta Parentem  
 Indulxisse thoris, Et me junxisse petenti,  
 Ut crudam thalamo raptis postponeret armis,  
 Ceù nova non grati fugeret commercia lecti.  
 Sed, quando baud superest (nec iniquo funere forsan  
 Nostra per Austriacos ulto fastidia Fato)  
 De Consorte queri: duræ sordescere Natæ,  
 Cujus dimidium vivo mibi Teda marito  
 Præstat, Et extincto totam transcribit, Et addit:  
 Seviùs incessit, maceratque, Et conficit ægram.  
 Posse pati volui; gladios sed fortior illa  
 Ire truces inter, quàm nos divortia Natæ  
 Ferre procul posite. Surda si respuet aure  
 Justa reposcentem: testor, contraria, testor,  
 Orsa sequi pergam posthac, pietasque repulsa  
 Induet æternas justis dissensibus iras.*

*Dixit, Et urget iter. Citus arripit æquoris undas*

*Nun-*

Nuncius, & properè Germanis applicat oris  
 Aspera dicta ferens; & jam victricia castra  
 Cbristinae ingreditur. Certis ibi singula cernit  
 Disposita ordinibus, primosque morantia nutus  
 Ducorum. Surgit firmi custodia valli:  
 Stat tormentorum series digesta tonantum  
 Hostis ad occursum, latèque in fronte minatur.  
 Pone Vigil. Nil foemineum, nil deside curâ  
 Tractatum. Trepidant bilares, & frena terentes  
 Cornipedes: ludunt spiræ, cristaque comantes  
 In galeis. Nullus turbæ discursus, & error,  
 Nullus ibi fremitus, tantisque licentia turmis  
 Nulla. Puellares statio discreta catervas  
 Segregat. Arma nitent, bastaque, ensesque, tubique  
 In promptu, & pulcбри certa undique norma Gradiui.  
 Ipsa autem elatâ discludens casside frontem  
 Augustum Cbristina micat, lenique, gravique  
 Temperie alterni miscet confinia vultus  
 Mitibus Imperiis, & majestate serenâ.  
 Vere novo qualis puro Sol aureus orbe  
 Incedit non igne furens, nec frigore languens  
 In nimio; radiis sed vis se mascula justis  
 Dispensat, subigitque nives, flammæque coerces.  
 Obstupet Archimene specie percussus bonorâ,  
 Despondetque animos, & jam non amplius audet  
 Cœpta sequi; quin propositi, si cominus adsit;  
 Pœniteat Matrem, fiteaturque, aut blanda loquatur.  
 Agnitus accedit, dextramque inclinis adorat  
 Fatiferam: causamque via lato ore rogatus,  
 Utque sibi in salvâ valeat fortuna Parente:  
 Maternos animos, & publica verba profatur,  
 Nilque ibi non constans, pronosque in singula Divos;  
 Cœtera semotas differri poscit ad aures.

Cumque aditus patuit : non iras ille, minasve  
 Prodit, Et immodicos materni pectoris æstus,  
 Sed gemitus, fletusque pios, Et vota citati  
 Regressus; animo ne contabescat anbelo.  
 Vis ægra, Et longis impar mens anxia curis.  
 Nec tacuit crevisse metus crescente periclo:  
 Quando parùm veluti bellorum nacta per hostes  
 Teutonas in Danos inopinum strinxerit ensẽ  
 Fœderis haud retinens, pejùsque infensa propinquo.  
 Mox, ubi permotam vidit, nec lumine sicco  
 Languida succidua Genitricis corda sequentem:  
 Uteriùs subiit non gratis blanda vicissim  
 Callidus alternans, nec quidquam liquit opertum,  
 Præteritumve sibi: veniam tamen ante precatus  
 Sapiùs, atque ausis prætendens jussa parentis.  
 Scilicet Arctois multum pietatis in oris  
 Ire retrò, atque aucta feritate irrepere tristem  
 Barbariem. Nam quis ( subdit ) te in bella ruente  
 Nunc huc, nunc illuc, in quâ Domus alta recumbit  
 Omnis, Et immensi constat spes unica Regni,  
 Ferre velit pacem, studiisque vacare quietis?  
 Quin tua sublatis animis exempla secuta  
 Undique, ubique fremunt, Et tractant arma Puellæ.  
 Nec jam cura thori, nec jam reverentia patrum  
 Ulla. Negant sisti, magnoque authore tuentur  
 Insuetos ausus, laudemque à crimine poscunt;  
 Raraque venturis operatur Fœmina sæclis.  
 Has tamen, ut primum te Matris ad oscula reddes;  
 Ocyùs in melius referet, lapsasque reponet  
 Temperies. Tu cuncta regis; Te cuncta sequuntur.

Pertulit effusum defectæ obnoxia matri  
 Regina, atque iram sedata hæc reddidit infrà:  
 Haud equidem miror, nostri si Mater amore

Proci-

Procidit in nimias animo mærente querelas.  
 Et mihi, si gravibus mens non foret obruta curis  
 Martis, in affectus forsân lapsaret eosdem.  
 Parciûs afficior, quòd non exposita periclis,  
 (Ut decet, & merita est) securâ regnat in Aulâ.  
 Utraque pòscit idem, metamque ardemus ad unam:  
 Fungier, & nullo duci in discrimina casu.  
 Sed mihi, quò meliùs contingant justa quietis  
 Gaudia, non placidos belli transire per æstus  
 Æquum erat, & dubiâ sudare in Martis arenâ.  
 Anne pati possem residis pigra ocia sceptri,  
 Intercisa Patris cùm mors inopina teneret  
 Gesta citò rapti, nomenque, & fama labarent?  
 Dulce est Matre frui non discordante Parente  
 Magnanimo, & nobis authore & lucis, & Ostri.  
 Hic mihi causâ moræ: prior hic, & primus habetur;  
 Nec patri impensos matrem damnare recessus  
 Credere sustineam. Scelus est in Coniuge discors,  
 Proximiorque sibi Conjux, oblitaque nexus.

Hæc satis ad Matrem. Sed quò vox impia tendit;  
 Scititiq; quæ nos, & nostra coarguit acta?  
 Parciûs Austriaci peccet censura, furorque  
 Æmulus, & nostris quicumque obvertitur armis;  
 Namque suum fas hostis habet. Tu, Diva, superni  
 Primævum, summumque Poli numenque, decusque,  
 Mitte pios radios, & iniquas disjice nubes.  
 Nempe ego nil unquam, nil sum meditata, nec orsa,  
 Quod non dictaris, Pietas, & criminis expers  
 Monstrarit Virtus, infirmo lumine quantum  
 Ægra potest acies conari, & tendere vires.  
 Impulit hoc truncos Patris supplere triumphos:  
 Teutonas hoc nobis fisos, partesque levare  
 Prolapsas, dextramque vadem præstare parentis

*Pollicitis, nomenque simul, finesque tueri.*

*Quòd si directos aliò convertit in Arcton  
Armorum cursus Mars alter : Dana coegit  
Flectere noxa vias, fideique, Et sanguinis unà  
Contemptus, pejusve nefas pietatis in umbrà.*

*Causa duplex Regum susceptis obstrepit armis,  
Nullaque non justos commendat Fama triumphos:  
Scilicet immanis feritas, dulcisque cruoris  
Haustus, Et expleri ignarus. Vel iniquus habendi  
Ardor, Et in nullo consistere limite votum  
Sat patiens, majorque fames crescentibus escis.  
Noster abest longè, vitioque immunis utroque  
Incedit Mavors, Et ab omni vindicat actus  
Crimine, nec condit maculosum degener ense.  
Testis palma recens. Facit terraque, marique  
Utraque vis Dani, nec spes erat ulla salutis  
Undique protrito. Regnat tamen ille, vigetque  
Integer, Et nostra patriam, sceptrumque receptum  
Munus habet venia, numeratque in prospera vinci.  
Austriacos contrà parili Bellona tenore  
Nostra feret sese, nimios si contrabat hostis  
In socios juris cursus, Et laxet habenas.*

*Sed quorsum populos, sexumque in bella minorem  
Traxisse insimulor; meritumque in crimina vertit?  
Martia laurigerum num per vestigia Patrum,  
Orbis quos tremuit, legesque, Et frena recepit  
Totus, Et ipsa etiam submitit Roma secures,  
Vandalicam Sobolem non sit duxisse decorum?  
Esse nefas rebar generosas frangere mentes,  
Inque Nurus mollire Mares; at in arma vocare  
Fœmineas dextas, justisque aptare trophæis  
Hoc decus, Et laudem, meritumque immane putabam.  
Quin gentilis bonos, Et dos antiqua puellis*

*Hec*



*Hæc fuit Arctoïis ; namque hinc processit origo  
Pubis Amazoniæ peltis insignis , Et arcu ,  
Et formidatas molitæ in bella bipennes .*

*Sed jam multa nimis . Chara te redde Parenti ,  
Et solare moras . Dic me , cum Casare bello  
Transacto haud pigrè redituram ( lenta reverti  
Ad sceptrâ in præsens , arreptis turpiter armis  
Diffusam dare terga foret . ) Dic sacrore pulcbro ,  
Fœmina quæ cessi , verso per fortia sexu  
Venturam virtute marem , nec Patre minorem .  
Dic Populis auctos opibus , famâque futuros  
Indigenas reduces , totidemque Heroidas Arcto ;  
Adde , reversuras , quot discessere Puella .*

*Substitit , atque animo quamvis præfata quieto ,  
Mite , sed Imperii plenum , lux cœrula fulsit .  
Ille nihil contra ; blando sed cernaus ore  
Suppliciter dictis plaudit , celerique recurso  
Alta remetitur pelagi , Dominamque revisit ;  
Christinamque refert animis , atque actibus æquè  
Altiùs efferrî , quàm sit dignoscere promptum  
Hostibus , Et Sociis , num sit Mortalis , Et agræ  
Consortis naturæ ; nedum vestigia sexus  
Prendere , nec natos tractanda ad tela lacertos .  
Vis , ait , hinc gliscens , Et metæ nescius ardor  
Abripit immodicam , reditusque in Regna moratur .  
Salva tamen pietas latè est ( subjecit ) Et unam  
Te cupit , Et memorat ; nec , post dispendia Marti  
Debita cessabit , totumque hic exiget ævum .*

*Hactenus Archimene ; poteratque utrîque videri  
Consuluisse probè . Sed enim tolerare receptus  
Impatiens Genitrix dilatos ( singula quando  
Insicit , Et pejùs Styx asperat ) acriùs iras  
Aggerat , Et toto dispellit pectore matrem ;*

*Et modò civili populos agitare tumultu:  
 Regna modò, Et gentes excire in bella propinquas,  
 Æmula quas Sveci torquebat gloria sceptri,  
 Cogitat, Et cladis quicquid mens concipit, hostis  
 Cocyti instinctu, proprioque incensa dolore.  
 Sed via conatus cum non procederet ulla  
 (Namque hostes, Civesque simul capere arma vetabant  
 Hinc amor, inde timor) disruptis undique frenis  
 Prorsus, Et insanas impar sedare procellas  
 Excessit Regnis, sceptrumque, domumque perosa,  
 Et sibi crescentes Natæ indignata triumphos  
 Tristis in externis torvum caput abdidit oris,  
 Usque adeò nocuit non fida in dogmata merjam,  
 Tendere per præceps, Et se indulgere tenebris.*

*Nullius baud equidem fuit hæc jactura doloris  
 Christine, cui bella Patrem, deliria Matrem  
 Diversâ rapuere viâ, solamque reliquit  
 Pernicies duplex, Et non redimenda marito.  
 Non tamen infensæ furiis, abituque parentis  
 Passa est imminui quicquam Gustaida Virtus  
 Altera, sed melior Genitrix, Et sedula custos.  
 Quin Dano oranti veniam quodcunque remisit  
 Ipsa sui victrix, auxilio majore redemit,  
 Addidit Et precium precio. Nam fama subacti  
 Tam subito, victoque datæ cum fœnore Pacis  
 Germanis latè gemino profecit in oris  
 Mox reduci ingenio. Nam, quos modò cæca cupido  
 (Dulcis inexpertis) avidos rapiebat in enses:  
 Cladibus auditis Danorum, Et præcoce fato  
 Despondere animos, aut segnius arma tulerunt.  
 At, quibus in dubio mens hæserat, ilicet omni  
 Marte quies potior, subitusve accessus ad Arcion.  
 Qualis in Eois post prælia prima Lyæus*

*Grandior incessit campis, Gentesque superbas,  
Perculit impiis spernentes ante juventam  
Oris, Et admonuit metiri à viribus annos.*

*At non Austriaci quicquam mens alta remisit  
Ductoris; letusque sibi cum Virgine tanta  
Certandum, Ducibusque decus, famamque futuram.  
Ostentans acies numerat, digestaque rursus  
Agmina sollicitè censet, seque expedit hosti.  
Quoddamque modò in Danos martem transegerit actus,  
Tam subito, bellumque duplex absolverit ante,  
Ipse laboranti quàm cursu præpetè lectam  
Approperarit opem: Christinae hoc cautior ausus  
Perspicit indomitos, Et se metitur ad Illam.  
Non secùs Arctois moturus belli pruinis*

*Æmulus adverso qui tollitur, Auster, ab Axe  
Usque sub Auroram, Solisque cubilia vires  
Concitat in Borean, Zephyrumque, Eurumque furoris  
Sollicitat socios, atque auctis flatibus instat.*

*Huc ibant, populos præter telluris Avitæ,  
(Unde genus, nomenque Domus) quos Causa, Fidesque  
Nexuerant, fœdusque novum divulserat Arcto  
Funere Gustavi trepidos, quasque addidit Ensis  
Austriaco gentes, Et Tæda potentior ense,  
Pæones hic aderant, Carni, Mysique, Boique,  
Belgaque nunc septem contractus in agmina miles:  
Sardoe, Siculaque manus: quosque inclyta Musis  
Parthenope Cives Marti transcripsit, Et Ora  
Insubris inferior cælo, non ubere glebæ  
Deterior, pubesque Italum, pubesque Quirini  
Anxia pro Superis, Et sanguine junctus Etruscus.*

*Lipsia jam pridem largo saturata cruore  
Orbis Hyperborei: Germani Martis arena,  
Vandalicique simul spacio protenditur aquo*

*Camporum, tractuque sedet porrecta patenti  
 Annibus irrigua baud parvis; sed latius Albis  
 Funditur, & lavam numerosis irrigat undis,  
 Ditiæque exercet commercia; namque propinquam  
 Hæc Saxon confinis adit, sed Misinius illæ:  
 Palladis alternæ studiis celebrata; sed olim  
 Fama minor pacis; postquam Bellona vocari  
 Prætulit, & trepida lituos fugere Camæna.*

*Huc, veluti Ducibus sic convenisset utrisque  
 Adversas acies, insensæque signa tulerunt.  
 Area quæque suum cæpit Par aquore secto.  
 Sed vacat in medio tristi selecta duello  
 Planities, dubiamque tenens Victoria laurum.*

*Musa, quid accensas vicina in bella catervas  
 Continuit, fregitque animos, subitoque timore  
 Perculit indomitos, & proxima fata diremit?*

*Nondum plena dies, & nox toto æthere pulsa:  
 Directæ ardebant cùm duci in prælia Partes,  
 Urgebantque tubas. Sed, dum certamen anbelant,  
 Exertantque manus, intentæque tela minantur:  
 Turbidus Arctois de partibus ecce Cometes  
 Versus in Occiduas furiali crine serenum  
 Incestare Polum, trepidasque irrumperè mentes.  
 Una nec attonitum latè Coma terruit orbem;  
 Æthera sed gemina mox infecere Sorores  
 Igne pari; diræque minas auxere cohorte.*

*Quis Deus insolitis contristat, sydera flammis?  
 Quæ terris ventura lues? Quas nunciat iras  
 Calicolum per inane Jubar? Telluris amica  
 Num pius assiduus permotus cladibus Æther  
 Prospicit immeritis, & monstro territat ausus?  
 An cupidus præit ipse manus, & præcipit enses?*

*Hi gemitus per utrasque acies; pallorque, pavorque  
 Ingruit,*

Ingruit, Et geminas frangit par cura phalanges.  
 Hinc pariter compressus amor certaminis ambas  
 Continuit partes, hominumque coercuit iras  
 Major ab Axe furor; tristi percussus ab igne,  
 Dum sibi quisque timet; tantâ nam lampade nunquam  
 Institit, Et tanto suffusus sanguine crines.

Ecce metus alii; subito nam percitus æstro  
 Auguriis jam notus Acrôn proruptus ab antro,  
 Quo domus, Et vetitâ subducti à luce penates,  
 Constitit in medio, partique auditus utrique  
 Hûc conversus, Et huc, specioque horrendus, Et ore  
 Humano majora sonans luctata recludit  
 Verba diu, Et dubiis desiguit vocibus aures:

Quod me Numen agit? latebræque domesticus horror  
 Quod turbatus abit commercia dira perosus  
 Terrarum? Frustrâ iratis quid legor ab astris  
 Infelix Vates, Et nullis creditus orsis?  
 Irrita quid promam? Sed, si proferre futura  
 Cogimur in pœnæ cumulum, Somesque jubentur  
 Jam prævisa pati, eladisque in imagine plecti:  
 Audiat extremo quæcunque in cardine tellus:  
 (Nam quæ jam tellus non sons, Et digna piari?)  
 Audiat, Et Superâs sua crimina pendat ab irâ.

Ecce triplex Cælo funesto crine Cometes  
 Indicit ferale malum, Terrasque nocentes  
 Fertilis in pœnas non uno territât astro.  
 Heu quantâ populis incumbunt fata ruinâ,  
 Si tot ab excelsò venturi signa coruscant  
 Exitii! Nec vana fides, nimique pavoris  
 Impetus horrendæ lymphæ lampados igne.  
 Scilicet, æstifero seu sit vapor exitus Austro,  
 Adscitusque Polo, seu fax modò nata supernis  
 Orbibus, Et primum rutilos nunc orsa meatus,

*Seu longum perpeffa situm, neglectaque tandem  
 Adverso de sole micat: seu comitur una  
 Stellarum de plebe soror, nec crine soluto  
 Noscitur: ab! semper miseri per funera Regum,  
 Eversasque Urbes, foetumque furoribus Orbem  
 Vidimus infaustum terris arsisse Cometas.  
 Nempe diu fontes cum tandem plectere gentes  
 Apparat, Et longum pressas erumpit in iras,  
 Hæc profert vexilla Polus. Fatale coruscat  
 Vix jubar, Et dulci Tellus caret agra sereno.*

*Ergo vel extremos Terra expirabit in ignes,  
 Vel maris assultu penitus demersa latebit.  
 Sin minor ira premet, Cæli corrupta veneno  
 Tabescet, fusore diu per bella rubebit  
 Sanguine, vel dudum sterilis commissa necabit  
 Semina. Non lucent terris leviora Cometa.*

*Ante sed hæc tulimus; nec tot fax ulla furores  
 Prodidit: humano veluti vulgare parent  
 Astra malum Generi; tolerandaque fata nocerent.  
 Nunc, quasi non possint uno tot vulnera terris  
 Sydere portendi, triplici rubet Axis ab astro  
 Turbidus, Et ternos firmat ventura per ignes.  
 Et meritò peiora manent; si crimina pœnæ,  
 Si cladis mensura nefas. Sed Numina cur non  
 Expediunt manifesta scelus? Num victa pudore  
 Criminis, Et dirum dubitantia prodere monstrum?*

*Causa latet; totum sed tanta piacula monstrant  
 Humanum peccasse genus, Naturaque noxa  
 Arguitur, ceu nulla vacent à crimine Regna.  
 Ergo coronatos urget fax prima Potentes:  
 Proxima vicinis instat funesta Dynastis:  
 Tertia Vulgares conveclat fœta ruinas.  
 Partita versant populos, transmissa timore.*



Ne fors ulla vacet . Differt , sed fulgurat igne  
 Quaeque rogi , certatque polo , cui gloria major .  
 Cesserit exitii , quo plus decrescat ab astro  
 Terrigenum per damna genus , cui latius orbis  
 Concidat eversus . Pugna est de funere Mundi .  
 Tres velut immanes properant ad septa leones ,  
 Quos besterna fames , rabiesque insana cruoris  
 Horrenda de rupe citant : hic dente superbo  
 Custodes , ferrumque petit : vorat ille molossos :  
 Tertius effractum late populatur ovile .

Dixit , Et abripiens sese externata reliquit  
 Agmina . Jam nulli tremefacto in pectore vires  
 Sufficiunt ; ipsique Duces retro arma tulerunt .  
 In tanto nec turpe fuit differre tumultu  
 Naturae Mavortis opus , Calumque vereri .  
 Utile iustitium sic mutua damna diremit ,  
 Crinitumque Jubar tunc primum profuit Orbi ,  
 Sontibus Et terris intercessere Cometa .  
 Nulla sed inde quies : animis trepidantibus instat  
 Infaustus Vates ; omni in nocte videntur  
 Multiplicare faces , Et spargere latius ignem .

Plurimus ergo metus , nullisque interrita durant  
 Pectora prima viris . Nec solum monstra timentur  
 Aethereas succincta minas , sed tuta , diuque  
 Visa , Et nota prius . Potuit timor anxius omnem  
 Infecisse polum , diroque armasse veneno  
 Innocuas errore faces , dum cernit ubique  
 Triste jubar monstrante metu , ternumque per astra  
 Singula partitur crinem . Mens ceca pavore  
 Quod non abripitur ! Sunt qui tua lumina damnent  
 Ignari , radiosque pios , lucemque benignam ,  
 Hespere , devoveant ; nimium quod divite flamma  
 Aureus incedas , largèque impenderis Orbi .

Sed

*Sed longas non passa moras portenta furoris  
 Desuper instantis, monstrumque immane reclusit.  
 Centeno Fama ore loquax latè undique circum  
 Gentibus attonitis, nec sat credentibus ingens  
 Patrari potuisse nefas, nec vindicis ignis.  
 Tam letis fugisse minas ( quod posceret Æther,  
 Scilicet illud erat ) quàm corda horrore profundo  
 Corruptis, scelerisque haustis ab imagine sacri.  
 Quippe per insanos dudum baccata tumultus  
 Seditio, atque olim civili imbuta cruore  
 Crimen inauditum tandem, nullisque piandum  
 Supplicii est ausa nefas. Nam rumpere justum  
 Non contenta jugum, conjectum in vincula Regem,  
 Cui jurata fides, Et nullo crimine sontem,  
 Luce, palàm longi fadum de fornice claustri  
 Protulit, Et sacrum diro Caput ense recidit,  
 Infecitque diem, Thebasque abolevit, Et ipsas  
 Absolvit refugo damnatas Sole Mycenæ.*

*Imperat in gemini sæcunda Britannia campis  
 Oceani, titulisque tribus tria sceptrâ minatur  
 Nunc unâ tractata manu. Neve Insula dici  
 Perferat, alterius nomen sibi vindicat Orbis  
 Divitiis animosa suis. Natura Gigantes  
 Protulit hic etiam, nec Flegræ invidit honori.  
 Postmodò contraxit nimios composta colossos,  
 Assuetosque hominum prudens descendit in artus.  
 Prodigæ sed tantâ distinxit dote colonos  
 Oris, ut in nullis sit visa decentior unquam  
 Vultibus, Et lectis penitus se compsit in Anglis.  
 Attamen in seros manarum prima Nepotes  
 Semina. Durat adhuc truculentâ in plebe rebellis  
 Impetus, Et faciles, pronaque in funera dextra,  
 Impatiensque jugi cervix, cæcique tumultus,*

Contemptusque Poli, subitque in sceptrâ furores.

Illa igitur nuper ( quod latè exhorruit Orbis  
Attonitus, visusque aliud deflexit, Et ora )

Ipsius in Regis cervicem sustulit ensen,

Vittatumque caput Cælo spectante rotavit.

Cœpit ab hac subito spirare nocentior aura

Funesta de tabe trabens lethale venenum,

Quale nec infernâ misit de valle refusum

Tanarus, aut medio residens Amsæctus in Orbe.

Avertere oculos quocunque in cardine gentes

Littore ab infecto, velut inde erumperet Ignis

Lethifer, aut diro Gorgon se proderet ore.

Quæque in fine via vento impellente per undas

Vela dabant puppes, clavum cessante magistro

Sponte retorserunt; nec dum patuere Nocentes.

Constitit Argolicas tunc illuisse Camenas

Mentibus ignaris, Et per commenta locutas.

Nam neque Sol fugit, currumque retorsit in ortus

Crimine damnato, sed nec cognata potestas

Surrexit Regum, pœnasque armata reposcit.

Una Caledonias sensit Regina Trionum,

Ut decuit, furias, justasque exarsit in iras:

Impatiensque more cursus oblita propinqui

Huc animo convertit iter, Germanaque bella

Posthabuit, dextramque tibi porrexit inermem,

Cæsar, Et baud aliâ pacem mercede pacisci

Indulsit, quàm pace bono majore, Polumque

Non minùs, ac Terras merituro, atque utile Regnis.

Scilicet ut properis, Et in unum classibus actis

Tenderet in fontes, Et latè vindice ferro

Mars pius immensâ deleret strage nocentes.

Nec Cæsar cessasset ivers; sed robora quando

Tot captura viros, Et sussectura pararet

Æquo.

*Æquoreis summotus aquis? Spes proxima laurus*  
*Forstan, Et cupida præceptus mente triumphus*  
*Obstitit, Et socios, collectaque signa morari*  
*Difficilis, dubiusque labor: seu Numina nondum*  
*Germanis satiata malis, coeuntibus armis*  
*Inseruere moras. Quod si placuisset utrique*  
*Fœdus, Et oblata sanxisset pignora pacis*  
*Nobile consilium; fumassent Anglica iustis*  
*Ignibus, Et largo lustrassent Regna cruore*  
*Non invita nefas; nec plus peccasset Erynnis*  
*Impia, quàm penas aquatà clade dedisset.*  
*Tanta sed in ventos ierint, atque irrita quamvis*  
*Vota; decus mansit; nec, quod non distulit Illa,*  
*Fama tacet meritum: terrasque vagata per omnes*  
*Gloria magnanimæ proclamat Virginis ausum.*  
*Non tamen abstinuit vario molimine partes*  
*Concussæ relevare Domus auctura favorem*  
*Pleniùs, Et Classes pariter missura, Ducesque,*  
*Alea Germani cum jam transacta Gradivi.*  
*Interea fatis indulgit tristibus ægrum*  
*Iustitium, Et lachrymas, Et magni pectoris iram.*

*Reginæ hærebat spolio mentitus Amintor*  
*Fortunam (Mysta ille sacer, nemorisque colonus*  
*Vandalici) quod tracta ferà ducente recessit.*  
*Regina, Et tuto noctem defendit in antro.*  
*Gnarus enim fati, Celoque hortante reliquit*  
*Speluncæ latebras, Et belli versus in usum.*  
*Consilio, Et dextrâ meruit per utrumque probari.*  
*Nam genus, Et varii longa experientia martis,*  
*Duratusque diù crude rigor ille senectæ*  
*Ingenium, viresque dabant; Et certa favoris*  
*Mens superi in nullis unquam defecerat actis.*  
*Ille etiam nuper dubio in certamine Ponti*

Texit berile latus telis expositus, Et igni.  
 Quin se præcipitem primus dejecit ab alno,  
 Ut properaret opem Regina fluctibus hausta:  
 Et tulerat, cuiquam si se Christina redemptam  
 Deberi poterat, cui dos crevisse periclis,  
 Et sibi, non alii, discrimina victa referre.  
 Inde fides, atque auctus amor: Dominaque potentis  
 Consilio adscitus, casusque auditus in omnes.  
 Hinc pulcbros proferre dolos, Mystamque fateri  
 Confissus placuit, veniamque invenit ab ausu  
 Carior, atque altæ non uno mentis in usu  
 Selectus: seu Martis opus, seu pectoris æstus  
 Volueret ancipites, patriique ad limina Cæli  
 Vestigaret iter, certosque ad Sidera cursus.

Ergo ubi funesti patricidi Heroida mæstam  
 Vidit in obtutu, momentum nactus amicum,  
 Tristem pronus adit, vultuque hæc supplice fatur:  
 Pone gravem luctum, si fas Regina precari;  
 Nec sic polluta rapiant te crimina gentis,  
 Ut non ante vacet justos deprendere Divos,  
 Primaque funeste cognoscere semina cladis.

Non ego tergeminæ Te per vestigia flammæ  
 In superos ducam; puro sed lumine pandam  
 Certus iter dubium, Calique arcana recludam.  
 Nam, licet Ætherei sint argumenta furoris  
 Insolita per inane Faces, irasque loquantur  
 Calicolum: non inde tamen dignoscitur, unde  
 Irrubeant Superi, vel quos Lux advena poscat.  
 Ira aliter querenda Poli, cladisque futura  
 Exortus. Terræ nunquam succenditur Æther,  
 Ante laceffitòs quàm non hæc provocet ignes.  
 Et, nisi sollicitum venturi crimen amaret:  
 Condier in tenebris, altâque in nocte perire:

*Non prius infectis placuisset Gentibus error,  
Noxius, instantem quàm mens sibi conscia multam  
Cerneret, Et meritas Superùm distingueret iras  
Admonitu cessante Poli, nullisque Magorum  
Indicibus numeris, seque exertante Comete.*

*Neglectus Divùm cum primùm polluit Anglos,  
Castaque Religio cessit temerata Britannis  
Finibus, ex illo Patrum pia jura perosis  
Hac fuerat speranda lues. Astraea profanos  
Odit, Et in praeceptis urget deserta Rebelles.  
Nec noxae immunis ReCTOR; namque objice nullo  
Obstitit, aut lento plebi in peiora ruenti.  
Quid, si sacrilegos scelerum consensit in ausus?  
Non tamen insano permissa licentia Vulgo  
Regis in exitium vittati. Totus ut Aether  
Sontibus incumbat; nunquam par poena sequetur  
Aequatura nefas, Et responsura furori.  
Nec, si promittant crinem suffusa rubore  
Sidera, convexo quotquot voluuntur in axe,  
Pro meritis rubeant, Et digna piacula minentur.  
Sed stirps una mali: quoties contempta recessit  
Prisca fides Patrum, toties latè aggere rupto  
Pulsa quies, cacique animos vertèrè tumultus,  
Altaque mutatas agitat discordia mentes.*

*Pleniùs ut teneas, quantum discriminis inter  
Heresis borrificat maculis quos impia nigris,  
Et, quos Religio albenti distinguit amictu:  
Ne pigeat perferre moras, Et vera daturis  
Impendisse iterum faciles narratibus aures.*

*Ultimus Oceani quàm fluctus respicit Atlas  
Exterior, retrahitque pedem: protenditur ingens  
Terrarum spacium, fuscisque habitata Colonis  
Alluit arva Niger, quo Nilus fonte redundans,*



*Sed penitus vario rediturus in aquora lapsu.  
 Monstrorum fecundus ager. Tamen incola Congi  
 Fertior scelerum; namque expers juris, Et equi  
 Grassatur feritas, Et mentes regnat in omnes.  
 Quin etiam, dapibus cum gens epulatur opimis,  
 Mutuaque exercet festo convivia cœtu;  
 Criminibus fruitur. Nam cive, aut hospite cæso  
 Sola Lycaonia dignatur fercula cœna;  
 Helladis ut subeat mirari insana vetusta  
 Commenta, Et nullo mendacia texta pudore,  
 Cum finxit Divos, astris si quando relictis  
 Visere Terrigenas, genioque vacare juvabat,  
 Æthiopum celebrasse dapes, Et longa levasse  
 Nectare contempto superæ fastidia mensæ.*

*Has semel ignotas Pietati, atque igne trifulco  
 Sat nunquam gentes plectendas sera revisit  
 Religio: ( pro parte tamen, nam dira supersunt  
 Interiore plagâ retinentia germina ritus  
 Infandi. ) Utque animos afflavit cominus aurâ  
 Æthereâ; ex omni cesserunt pectore monstra,  
 Altaque Barbaries pulsa est natalibus oris,  
 Successitque Fides, radicesque egit in illis  
 Iustitia, Et posita Lex constatura securi.  
 Hinc versi in normam populi, lætique nefandos  
 Non solum damnare cibos, sed frena subire,  
 Et profecturo mores censore doceri.*

*Temperies non una Fugit; nam dispare vincolo  
 Imperium passi; Regum sed prima potestas.  
 Quamvis præcipui parerent sponte Dynaste,  
 Obsequiumque fidem, non vis armata juberet.  
 Nec Natura dabat, sed libera vota, Tiaram.*

*Alvarus bos nuper populos ditione tenebat,  
 Quem supremus bonos rerum præfecerat Arci.*

*Filios. Al-  
vari I. Con-  
gi Regis, cui  
Alvatus. II.  
de III. Ger-  
mani fratres  
ab eodē bel-  
lo petitorū,  
et ejusdem  
Victorum,  
servato me-  
tis ordine,  
successerunt  
in prænium  
moderation-  
is, et con-  
cunctia.*

*Oderat hic geminos primo de sanguine Fratres  
(Usque aded extremi norunt se frangere Reges.)*

*Noxia nam tanti vis, Et concordia nexus*

*Scepbris visa suis, nec sat confessa minores.*

*Ergo bella parat; sed non oppressit inertes*

*Martia Germanos tempestas. Itur in arma*

*Viribus infestis, atque alea judice praeceps*

*Ense cadit. Regis jacuerunt signa sub hoste,*

*Plenaque fraternas auxit victoria partes.*

*Nam post disiectas infausto Marte catervas*

*Alvarus ipse etiam sudore, Et pulvere turpis*

*Incidit in Fratres. Quos non Bellona favore*

*Prospera tam pleno placida de mente tulisset*

*Præcipites? Ultrò poterat Rex ipse cruorem,*

*Si foret immunis probri vindicta, pacisci.*

*Sed pia tam pulchrè mentes formaverat illas*

*Relligio, ut magno maior, meliorque triumphus*

*Turbinis in medio, crudaque in strage placeret.*

*Casibus attonitum, vicinaque fata paventem*

*Circumstant Regem; sed nulla in iurgia voces,*

*Nulla in fronte minæ. Pariter submittit inermes*

*Frater uterque manus, Et flexo poplite pacem*

*Cernuus exorat, Majestatemque jacentem*

*Respicit affusus. Non bis contenta resedit*

*Obsequiis pietas. Fractum, nec stare valentem*

*Brachia connexi in sellam parcente meatu*

*Vexere in Solium, tutique Et sceptrâ tenentis*

*Rursus adorata fixerunt oscula plantæ.*

*Par operi merces; nam postmodo Rege peracto,*

*Ordine servato vacuam subiere curulem*

*Nobile par fratrum; quamque erexere cadentem,*

*Extulit ad meritum Majestas grata cacumen.*

*Non minus aqua manet fontes mensura Britannos.*

*Nam,*

Nam, qui Reſtoris pollutum ſanguine ſceptrum  
 Nunc ſibi promittunt, patricidi præmia ſacri:  
 Devoti, inviſi, lapſiſque in rebus egeni,  
 Turpiter eneſti, vel ferro vindice, Regis  
 Maſtati ad tumulum, juſſique carere ſepulchro,  
 Longa procelloſis debent ludibria ventis.  
 Et quota promerita pars hæc, & portio multa?  
 Altera nam finem ſenſura piacula nullum  
 Excipient fontes; perque omnes differet ultrix  
 Pœnarum ſeries, & ſemper creſcet, Erynnis.  
 Scilicet hos mores infecta, aut pura viciffim  
 Relligio inſpirat, meritumque hac lance rependit.

Dicentem vario ſequitur Regina tumultu;  
 Nunc pallor, nunc ora rubor permutat, & altè  
 Indicat illatum ſpecies alternæ tenorem  
 Diſſimilem. Sed nulla magis momenta, vicesque  
 Hauſere intentam, Plebis quàm frena ſoluta  
 Regi injecta manus, temerataque Purpura diris  
 Auſibus, & lenti ſpectata in crimina Divi.  
 Hic tota infremuit, radiosque erecta coruſcos  
 Impulit. Infidos ſi par arſiſſet in Anglos  
 Majeſtatis Apex, baud tollere cornua contra  
 Viſiſſet turbas, propiùsque accedere fontes  
 Infelix Reſtor, ſed flexo poplite pronas  
 Tendere cervices, atque expectare ſecurim.  
 Hinc vacat alternos ſedata expendere ritus,  
 Diſverſosque animos conferre; & nube remotà  
 Suſpicit antiquas, & jam complectitur Aras.

Sed propior Martis magna in diſcrimina verſam  
 Cura vocat mentem, vicinique admonet boſtis.  
 Vertitur huc igitur, vultumque, animumque reducit;  
 Lipſiaque inſedit motis prior arva catervis.  
 Ipſe, ubi collegit ſcleris furialis ab auſu

Turba-

*Turbatum Caesar pectus, Calique pavorem  
Dedidicit Miles comperto auctore minarum:  
Agmina convertit, totusque in imagine pugnae  
Non cessaturam magni certaminis horam  
Expectat; dubioque subit Spes mixta timore.*



## LIBRI OCTAVI

## ARGUMENTUM.



Cierum ordo , & digestio.  
 Cæsar , & Regina Milites  
 alloquuntur . Incurfus , con-  
 flictus , & varii , nec opini ,  
 casus . Pugna non semel in-  
 stauratur , ac recrudescit ;  
 & tandem Christinæ Victo-  
 ria contingit salvâ penitus dignitate Cæ-  
 saris omnia in prælio experti , & confes-  
 sione etiam hostium summi Ducis , & Mi-  
 litis fortissimi cumulatissimas laudes jure  
 optimo promeriti .





## LIBER OCTAVUS.



**L** Utea sed nimio bigas suffusa rubore  
 (Signa mali) Cali tractus Aurora subibat  
 Eoi : Et latè rorata aspergine Tellus  
 Sanguineâ, insolitos demirabatur amictus.

Apta dies avidas ducendo in praelia turmas  
 Visa : nec ulterius cunctata est alea fati ;  
 Hesternus puro nam Sol discefferat orbe ,  
 Et nitidos rutilo promiserat ore recursus .

Timpana jamque moras , lituique , tubæque per auras  
 Excutiant , vigilesque vocant ad signa catervas .

Surgitur in Martem : membris trepidantibus aptant  
 Thoracas : gladiosque truces , hastasque , tubosque  
 Ignivomos ( plumbo quamvis , Et sulphure pugna  
 Parcius instructa est , Virtus quod pulchrior esset )  
 Explorant ; teloque fides tentatur in omni .

Hic sublimis equo volucres glomeratur in alas :  
 Hic pedes in stabiles properat de more maniplos .  
 Cornua quadrupedes , medium tenere phalanges ,  
 Fœtaque fulminibus primâ sub fronte locantur  
 Æra ; Aquilas tollunt hæc Signa , ast illa Leones .

Multus in ambabus communis gentibus usus  
 Alterius linguae , commistaque nomina ; victor  
 Ex quod per varias spaciatus Vandalus oras  
 Inservit domito peregrina vocabula mundo ,  
 Mutua vel sumpsit , patriumque revexit in axem .

Agmina Teutonidum ( nam Svetica castra secuti  
 Hic quoque constiterant ; ) ne quid civilis haberet  
 Criminis incursum , Ducorum cura removet

*Civis ab aspectu ; diversoque obtulit hosti.*

*Pulchra seges ferri, faciesque decora pericli ;  
Nam nitor in clypeis, galeæque binc inde comantes,  
Compositusque furor, nullâque in parte tumultus.*

*Constitit Augustus clivo sublimis in alto,  
Affusosque Duces, versasque ad verba cohortes  
Alloquitur, magnisque animos hortatibus implet:*

*O', cui Romuleæ de tot cessere secures  
Gentibus, atque ultrò se transcripsere Quirites  
In nomen, majusque decus, fœcunda triumphis,  
Imperii Tutela sacri Germanica Pubes:  
Tendite spes vestras : votis en appetit hora  
Sollicitis quæsitâ diù .. Datur omnibus ire  
Viribus in Gotos, casusque abolere sinistros.*

*Gens, quam perpetuis prudens Natura pruinis  
Damnavit, secuitque Orbi, longumque jacere  
Fussit, Et à cultis voluit latuisse direptam  
Finibus objectu stagnorum, altæque paludis  
Germanis excita malis, atque usa tumultu  
Indigenum nostris olim stabulatur in oris  
(Proh pudor ! ) Et sedem fixit, raptoque potitur.  
Quamvis, si tantæ quærat cladis origo,  
Non furor externus, sed sit civilis Enyo  
In causâ, Et fratrum successus debeat ausis,  
Gotica Teutonicis si Gens est aucta ruinis.  
Non impune tamen ; nam, qui prior induit arma  
Gustavus, jacuit temerata victima pacis  
Fusus, Et has glebas, quas nunc infistimus, istum  
Est mensus campum moriens, atque ore momordit.  
Nostra quoque aversis sors est exorcita fati,  
Aræque funeribus latuere, Et sanguine fossa  
Crevere, atque altas binc, inde amissimus arces.  
Sed tunc sub Ducibus res est transacta ; minori*

*Debilis.*

*Debilis auspicio belli Fortuna pendit.  
 Austria Casareum sed postquam sustulit ensē  
 Dextra, nec ulterius mandatis fidimus armis:  
 Pœnituit trepidam tanti certaminis Arcton,  
 Desponditque animos. Testis Nortlinga cruore  
 Obruta Vandalico, tantisque sub ossibus olim  
 Campus iners, nullumque diu sensurus aratrum.*

*Credidimus fusos Patrum cum stirpe Nepotes,  
 Excisumque genus, deletaque germina gentis.  
 Et, ( quod ad Arctoi spectat discrimina Martis )  
 Actum erat; exhaustos ni successisset in hostes  
 Gallorum, nostræque manus, quas addidit Arcto  
 Germano immeritas censerî nomine, Et ortu  
 Dissidium, atque ultrix deserti Numinis ira:  
 His tamen auxiliis non sat res Gota resecta  
 Substitit ex illò, sensimque ad tuta recepit  
 Reliquias tenues, infausaque bella gementes.  
 Hinc discessuro propior vicina profundo  
 Vandalus insedit venturi incertus, Et ager.  
 Nec restaret adhuc cladique, fugæque superstes,  
 Ni Germana forent alias conversa per oras  
 Agmina, Et alterius distracta aggressibus hostis.  
 Sed non tam Superi Svecos texere timores,  
 Quàm mibi, quàm vestræ laudi trans vota secundi  
 Consuluerè morâ. Fuerat fortasse pudendum  
 Committi exhaustis, atque intra septa receptis.  
 Nunc, cùm dilato crevit fiducia Cimbri,  
 Congerieque novâ primi rediere furores:  
 Ire decet contrâ, justasque exposcere pœnas.*

*Pugna hæc fertilior, nec plus habitura laboris;  
 Nam, quos decretum fuerat trans claustra profundi  
 Quærere, Et in patriâ latitantes plectere terrâ;  
 Objicit hic Mavors, nostrosque impingit in enses.*

*Auctaque nec numero moveant, aut Auspice quenquam  
Agmina fœmineis etiam conflata catervis.*

*Pars senior, cladisque memor recidiva veretur  
Prælia: pars ægra exemplis, ignaræque Martis  
Nutat, Et ad Scythicas spectat jam fracta latebras.  
Nam, quod de Dano jactat Christina minori  
Fœdere confiso, plenâque in pace sedenti,  
Ensis hoc debet nostris. Nos fregimus ante  
Indomitum, nostrosque ausum tentare lacertos  
Fudimus, atque animis vacuum donavimus Arcto.*

*Sed sit tanta, precor, quantam diffusa per Orbem  
Fama canit, majorque etiam, quàm spargere rumor  
Gaudet ab exiguo crescens per inane volatu,  
Hæc nova, Parrhasius sequitur quam miles, Amazon.  
Proderit hoc nobis; Virtus ut profuit olim  
Zenobiæ, geniusque ferox, pectusque virile,  
Aureliane, tibi. Desint ut cætera, certè  
Sum tibi par titulis, sed causa, Et milite vinco.  
Scilicet hæc auget partes Gens plurima mundi  
Ingenio, dextrâque potens: Sanguisque, Fidesque  
Convectant proprias nostra in discrimina vires.*

*At, quem fœdisfragis prætendunt ausibus hostes,  
Libertatis amor: nihil est, nisi jura perosum  
Crimen, Et ultores quærens evadere Divos  
Impietas, aliudque idèd commenta Tonantem:  
Qui nunc fatalem ingressam Gustaida campum  
Insternet Patri; meliusve à clade superstes  
Implebit nostrum victa, Et captiva triumphum.*

*Ite mei memores, Et quos virtute refertis,  
Romulidum; Latiasque Aquilas, Mariumque secuti  
Germina Cimbrorum delete, Et rursus eosdem  
Scandite mox Currus, atque instaurate Trophæa.*

*Vocibus his Casar dum se, Sociosque, Ducesque*

*Susci-*

*Suscitat: Arctæos animos erecta reposcit*

*Christina, atque acuit stimulis ardentibus iras:*

*Heroum soboles, alto quam cardine Virtus*

*Sepositam, lectamque sibi natalibus oris*

*Eduxit toties, quoties punire nocentes,*

*Aut libuit reparare solum: vocat ecce lacertos*

*Martis opus, cujus quondam properamus amore*

*Sedibus è patriis, Et votis ursumus horam.*

*Non hic Sarmatici saltus, Riphæaque tesque*

*Excutienda viris; sed fœtus gentibus Orbis,*

*Divitiisque gravis, regnisque, Et jure superbus:*

*Quem decus Imperii, tralataque sceptrâ Quiritum*

*Imponunt terris, titulisque enormibus implent;*

*Expectat fortes, Et campo prostat in illo.*

*Tanta strues rerum repetita ad prælia dextras*

*Provocat Arctæos, spoliisque, Et laude laceffit.*

*Par operi merces oculis subjecta perorat*

*Ipsa satis, stimulosque animis pugnacibus addit,*

*Absolvitque Ducem; nec vocibus indiget ullis.*

*Ne tamen immodico dubitetis tanta periclo*

*Premia proponi; qui nunc hæc possidet, Hostis,*

*Ille est, qui toties jacuit mulctatus ab ense*

*Vandalico, cujus quondam regnamus in oris*

*Indociles pelli, populosque tenemus, Et arces.*

*Nec, quod in occursum collecto robore Caesar*

*Partibus è variis properet, sperare putetis*

*Fortunæ melioris opem; movet exitus arma*

*Scilicet, Et, partâ sedeat si Svecûs in orâ,*

*Exuat armorum curas, atque ocia servet.*

*Anne animos addat miles tralatus ab æstu*

*Hispano Cali impatiens, luxuræ soluta*

*Italiæ Pubes? Nam, qui Germanus haberi*

*Contendit meritò, Proavum de more perosus*

*Servitii frenum, libertatemque secutus  
 Militat bis castris. Venalis turba, jugique  
 Ipsa sui cultrix, operaque ignara virilis  
 Cetera, nec iusti robur, sed sarcina belli.  
 Nam, qui Calicolûm Cultus prætexitur Aris:  
 Mentibus imponit, Numenque inimicat, Et arcet.  
 Anne aliquis Superûm Superos quærentibus unquam  
 Irrubuit, duxitve nefas odisse tenebras,  
 Explicitasque vias orare, hominemque fateri?  
 Conscia nos Virtus, olimque experta lacertos  
 Ut semel incæptos, intercisosque labores  
 Absolvamus, agit, Terraque, Poloque probemur.  
 Inde acies sparsas, partitæque signa secundus  
 Convectat Mavors, Et in unum colligit hostes;  
 Longa moraturus ne per dispendia cursus  
 Hereat, Et trunca contingat gloria palmæ.*

*Austria jam nimium, Danos dum plectimus ausus,  
 Prælia distulimus; sed, plus quàm visa dedisse est  
 Impigra sors belli, Danorum est clade peractum.  
 Illic Cæsareæ potior fiducia partis  
 Nempe jacet. Numquid Cæsar, qui restitit agrè,  
 Et propè succubuit victo, victoribus impar  
 Non erit? Externis sed quid mea robora penso  
 Exemplis? Hoc strata loco Germania discors  
 Non semel occubuit. Vos hæc, vos sæpius arva  
 Cæsorum cumulis, spoliisque implestis opimis;  
 Nec majora peto, quamvis majora petantur.  
 Scilicet hinc pendet proavita gloria Gentis,  
 Possessumque decus, Gustavi cursus ab hoste  
 Rejectus nullo, fatis sed ruptus iniquis,  
 Partaque Libertas, assertæque jura redemptæ  
 Teutoniæ, Et Superi quicquid Victoribus addunt.  
 Certè Ego Germanas primum clamata per oras*



*Regina, baud unquam pleno mihi jure videbor  
 Successisse Patri, transmissaque sceptrâ tenere:  
 Ni, prius occiduas quàm Sol descendat in undas,  
 Lipsia victricem campo me spectet in illo,  
 Stant ubi nunc hostes; illic diadema resumam,  
 Vestraque cum nostris absolvam munera votis.*

*Displicet hoc unum ( tantum trahit ista decoris,  
 Palmarumque Dies ) parili mercede carendum est  
 Postmodò; nec tantum posthac debemus armis.*

*Nam par non poterit post hanc, tantique triumphi  
 Altera pugna dari fuso, penitusque peracto,  
 Contulit Augusto quicquid Germanus, Et Hospes.*

*Quòdque sub auspiciis non sit tractanda Parentis  
 Alea, præcipuo cavit fortuna favori,*

*In vestrum, nostrumque decus; vos nulla maneret  
 Fama, sed Illius sequeretur gloria nomen.*

*Quamvis, si proprias fas est expendere vires,  
 Ipsa Ego ( sed melius præsens hoc pugna loquetur )*

*Non magis Austriaco, magno quàm cedere Patri  
 Pectore, consilio, dextrâque, atque indole, pugnam.*

*Sed moror accensos, atque ægrè signa tenentes  
 Sustineo. Ite alacres, pronosque agnoscite Divos;*

*Atque hanc incursum, quæ nunc vos advocat, horam  
 Esse aliquid potius regniis, Et pulchrius ostro*

*Exemplo scitote meo. Nos impulit ista  
 Migrare à sexu, vilesque babuisse paternæ*

*Aulæ illecebras, Et quicquid proxima Cælo  
 Aggerat, atque omni Fortuna exempta periclo.*

*Dixerat, atque Acies alacri clamore secuta  
 Prosternit vallum, campoque erumpit aperto,*

*Ingeminantque tubæ sonitus, Et classica clangunt.  
 Austriacos par ardor agit; mediumque vicissim*

*Decrescit spaciū, profertque, atque admovent hostem.*

*Stat*

*Stat furor in medio, præcepſque, Et prodigus ardor  
Vitai, Virtusque modum tranſgreſſa, nigroque  
Syrmate Mors latè incedens, exertaque dextram  
Humani Bellona furens ſitibunda cruoris,  
Inque triumphali proſtans Victoria curru.*

*Interea borriſici cæca in præludia Martis  
Æra vomunt nebulas, tonitruſque, Et fulmina jaçant.  
Qualiter Enceladus veteris non immemor iræ,  
Æſtatem cum rupit hyems, Et inborruit Æther:  
Tollitur in furias, adverſoque ore Tonantis  
Reſpondet flammis, Et ſidera verberat igne.  
Crebrior inde ruit ſpacio jam grandibus arſto  
Fulminibus rutilæ furialis grando procellæ;  
Igneaque objectum tempeſtas obruit agmen,  
Fædaque lumibibus caligo intercipit uſum.*

*Sed iam completi curſus, Et cominus icſus,  
Conſertaque manus, Et viſ admota periculo.  
Ut maris in medio cumulus conſurgit aquarum,  
Et decertatæ ſpumant illiſibus undæ;  
Hinc Boreas, atque inde Notus cùm ſolus uterque  
Vindicat imperium pelagi, neuterque repelli  
Sufſinet, atque alter quantum deſcendit in imum,  
Alter in erectum tantus ſe concitat axem:  
Utraque ſic acies dudum luctata viciffim  
Arietat, Et niſum niſu contenta retundit;  
Impatiens donec ſolo clamore juvare  
Prælia poſterior miles, dextraſque tenere  
Impulit obtentos; frontemque labare coegit  
Ordinibus ruptis, hoſtemque admiffit anbelum  
Agminis ægra ſtrues, inimicaque ſigna recepit.  
Tunc verò immenſi ſpecies conſuſa tumultus  
Exoritur, nullæque manus, Et nulla vacarunt  
Inſtrumenta necis. Propiùs thorace recuſſo*

*Atteri-*

Atteritur thorax, umboque umbone remugit:  
 Pectora pectoribus, galeis galeæ, ensibus enses  
 Infligunt, rumpuntque aditus, Et morte relicta  
 Luctantur, tenduntque ultra, spacioque remenso,  
 Quo steterant hostes, iteramque, iterumque feruntur  
 Frontibus adversis; integratusque resurgit  
 Sævior illisus, majorque reciprocatur æstus.

Bis ruptas rediere vias, bis turbine denso  
 Inseffum repetitur iter; sed tertius hæsit  
 Cursus, Et in medio se contexere phalanges,  
 Virque virum legit, stabilesque habuere furores.  
 Qualiter Ideas fœtus cum grandine nimbus  
 Solvitur in sylvas, deprensæque verberat arva:  
 Sternitur icta seges, pulsataque Gargara clamant  
 Longius, Et pereunt dispersis frondibus umbræ.  
 Non alia incursus species, habitusque cruenti  
 Martis erat. Laceri descendunt vertice coni:  
 Non nitor argenti constat, non ditior auri  
 Luxuries: nulli distinguunt arma colores.  
 Menus Idesmenon prosternit, Zisca Libotem,  
 Minda Tagen, Varnum Latris, Taulanta Coræsus,  
 Disparibus fatis, Et discordante peractos  
 Ingenio, ense, bastâ; pilo, gesto, igne, veruto.

Ursorum Scythicis Gidon vastator in ulvis,  
 Aprorum Cirin domitorem fertilis Istri  
 Ad ripam, subiit: detractum vellus utrinque  
 Horret, Et ingenti vibrant venabula ferro.  
 Utraque certa manus; pariter per terga refulsit  
 Cuspis; Et impacti, subitisque amplexibus arcti  
 Procubuerunt solo; nec pugna hæc visa Virorum,  
 Sed commissarum rabies, specimenque Ferarum.

Ibat in Evarcum Naucles: contemptor habenæ  
 In Mirnam convertit equus. Prior imminet hostis

*Averso, teretique latus transverberat bastâ.*

*Admona Neritus peditem sublimis agebat;*

*Illia cornipedis subit ille, & viscera solvit.*

*Tunc prono se injecit equus, frustrâque purantem*

*Occupat effugium, nitentique incubat armo.*

*Retia damnarat pertæsus pauperis undæ*

*Venatus, contumque bastâ mutarat Alazon.*

*Nec labor infelix; strato nam cæperat Aucho*

*Detrabere exuvias, censumque augebat in auro*

*Captivo; inclini cuspis Lappona repente*

*Incidit, & ruptis animam deprendit in extis.*

*Tenditur ille solo; spolium tamen unca tenebat*

*Dextra, nec arreptum norat dimittere votum.*

*Iron mole gigas gracili superadvenit Ufvo;*

*Sed nimis impactus, propiorque, & inutilis armis,*

*Admittit cultri per pubem, atque inguina, vulnus.*

*Frigore deprenso ferri, fatumque propinquum*

*Anticipans ultrò vicino insternitur hosti*

*Corporis ingestu, Mirnumque, Aminumque, Gelamque*

*Condit, & inferius moriens præmittit ad umbras.*

*Sic gravis aerio quercus procumbit in Æmo*

*Turbine vulsa Noti: longo perit ordine circum*

*Sylva minor; vastique nocent contagia casus.*

*Antidorum Lausus supremo in margine campi*

*Provocat in pugnam; gestis ingentibus olim*

*Inclyta fama Viris, & par, atque amula Virtus.*

*Audiit ille libens, indignatusque vocari*

*Advolat, atque avidus medium procurrit in aquor*

*Exterior turmis, atque uni deditus hosti.*

*Ambo per alterius speciem cunctata parumper*

*Lumina duxerunt; mox exarsere vicissim*

*Partibus, & digno, succensi corda periclo,*

*Optatque diu casu certaminis. Illi*

Gallus inest clypeo Scythicae de stemmate gentis:  
 Huic inerat volacrum Princeps, insigne Latini  
 Sanguinis. Hinc anceps, atque hinc latus instruit ensis  
 Clausus adhuc; validum nam dextra bastile coruscat  
 Expertura prius quid dissita proderet ira.  
 Scilicet alteruter, quod vis sincerior esset,  
 Antiquae retinens, quantum permiserat usus,  
 Militiae fuerat, veterumque imitator Avorum.  
 Occupat Antidorus jactum, totoque lacerto  
 Concitat intortum; nimis sed viribus actus  
 Altior ictus abit, solumque è vertice cristas  
 Dissipat, Et longè vacuas ferit irritus auras.  
 Certior incessit Lausus, cornumque minatur  
 Inferius; clypeique moras perumpit, Et exit  
 Hasta; sed extremo thoracis vincitur ære.  
 Instaurant jactus; pariter sed cassa secundi  
 Conatus fortuna perit; nam corpore flexo  
 Transmittunt puras, Et inanes sanguinis bastas.  
 Tertia cornipedum peccavit cuspis in armos,  
 Illaque intravit. Non responsura relinquunt  
 Frena manu, propiusque furor consurgit in enses  
 Cominus incessens. Repetitis ictibus ara  
 Dissiliunt; lacerosque artus rigat unda cruoris  
 Hinc, atque inde fluens; pensatur sanguine sanguis,  
 Mutuaque ultrices solantur vulnera dextre.  
 Ecce nefas belli! dum par animusque, vigorque,  
 Dum labor in cursu, nec se fortuna duelli  
 Explicat; accenso displosus sulphure plumbus  
 Eminus (invisi patuit nec criminis auctor)  
 Haurit utrumque latus, consertaque pectora rumpit,  
 Et certum Virtutis opus vis cæca diremit.  
 Hoc tamen in casu felix sibi visus uterque,  
 Quod non hostili jacuit mucrone peremptus,

*Æmulus* *Et* neutri *Mavors* transcripsit opima.

*Arma Theocrine* prælata *Cupidinis* armis  
*Martia* tractabat *Christinae* dedita primum  
*Obsequiis*, mox digna sequi victricia gesta  
*Reginae*, *Et* resides castris mutare penates.  
*Hanc*, dum *Caucasæa* properaret bella securi  
*Impatiens* sociæ signa expectare catervæ  
*Dimidiâ* contenta caput sub casside condi,  
*Glica* videt nullis libatus pectora flammis  
*Ante*, peregrina sed tunc ab imagine formæ  
*Incensus*, fidensque thoro vi posse potiri.  
 (Nam quis in exertis procederet ambitus armis? )  
*Ponè* subit, prædamque tenens calcaribus urget  
*Quadrupedem*, præcepssque fugam molitur inanem;  
*Nam* latus effusi projectâ *Virgo* bipenni  
*Intravit* gladio breviori, *Et* vincla retorto  
*Vulnere* dissolvit. *Facies* obnoxia lapsi,  
*Tendentisque* manus, atque ultrò cingula dantis  
*Obstitit* iratæ; dextram nam rursus in ictum  
*Virgo* reversuram tenuit, spolioque pepercit.

*Stragibus* in tantis, sævique in pulvere ludi  
*Pulchra* tamen *Species* dubii certaminis; ulla  
*Mavortis* species si pulchra: interritus ausus  
*Regnat* ubi; refugitque omnes animosa latebras  
*Viribus* incumbens, *Et* aperto pectore *Pallas*,  
*Bellica* nec vetito sceleratur sanguine *Virtus*.  
*Se* tamen buc etiam damnata immisit *Enyo*,  
*Insperisitque* nefas, *Et* crimine proluit arma.  
*Agmina* confusus nam postquam miscuit ordo,  
*Incidit* in *Civem* *Civis*, *Fraterque* cruore  
*Fraterno* maduit, (pignusque sacratius) error.  
*Impulit* in *Patrem* *Natum*, *Natumque* *Parentem*.  
*Sed* furor infelix gentem peccavit in unam,

Nec,



*Nec, nisi Teutonias, his casibus imbuat iras.*

*Portmius Antigenem patriâ prognatus eâdem  
(Myſi ambo, & primis aſſueti luſibus avi  
Impubis, vicini ambo, pariterque tribules)  
Occupat adverſum, fulvâque extendit arenâ,  
Atque ore inceſſit. Notæ hic ad jurgia vocis  
Attollit vultus, inſultantemque priorum  
Admonet expirans ſtudiorum, & crimen acerbatur.*

*Derminon, & Melan, quos ſtirps patrueſis, & alter  
Per Matres nexus ſtringebat, longior ictus  
Fixit. Notitiâ telum prævenit utrumque,  
Cavit & alterno mors opportuna pudori.  
Nam ſimul optandas ambo admifere tenebras  
Mutua tranſactis perpeſſi vulnera coſtis.*

*Alcmon, Ægon Styri nuper diſcordibus Aris  
Acti in diverſum, ſed vultu, & pectore fratres  
Conſervare manus; ſpolii nam cortice clauſus  
Alter, & alter erat. Putri ſed concidit Ægon  
Deceptus tellure gradum; capitiſque ſolutis  
Tegmen abit vinclis. Comperto fratre refugit  
Victor, & inſtantem fuſus perterritus hoſtis.  
Extera ſed cuſpis ſubiit, fratremque jacentem  
Conſicit. Ad gemitus trepidus convertitur Alcmon,  
Immemor & partis, generis non immemor, ardet,  
Fraternosque obitus ſociali ulciſcitur irâ.*

*Dirior at juxta, majorque erravit Erynnis;  
Nam, dum proſtratum ſpoliat Tiſbeno cadaver,  
Deprendit Patrem. Reſilit thorace recluſo,  
Rejectoque procul clypeo, denſumque per agmen  
Irrumpit, ſcleriſque fugam venatur in hoſtes.*

*At non lentus Aron veniam debere furoris  
Hoſtibus: impedit Nato, fatumque peregit  
Pectore perſeſſo. Sed lapſæ in margine parma*

Nomine Rismenis lecto, patriosque per arma  
 Naturâ subeunte sinus, prodenteque Natum  
 Horruit ad crimen;mersoque in viscera ferro  
 Præripuit mortem, primusque cucurrit ad umbras.

Constitit ut penitus consertis pugna maniplis,  
 Qui modò mittendis certo ordine in arma vacarunt  
 Agminibus, pariter se permiscere periculo  
 Cæsar, & Arctoi Moderatrix inclita mundi.  
 Extemplo clamore Virûm, clangore tubarum  
 Pulsati sonuere Poli, campusque remugit  
 Omnis, & attonitus se fontibus abdidit Albis.  
 Tunc magis incaluit ferrum, tunc dulce furente  
 Insanire manu, nullosque audire timores.  
 Sic solet interiùs concepto sæpè tumultu  
 Turbatis prodire vadis, sensimque redire  
 Pontus, & in fluctus per longa volumina solvi:  
 Quòd, si jam motis hostiliter incidit undis  
 Africus, & Corus, decertatumque profundum  
 Diripiunt: tunc crescit hyems, tunc Tetbys in astra  
 Spumat, & insano fervet Neptunus in æstu.  
 Nam quis in aspectu tantorum nolle haberi  
 Insignis dextrâ? Totas ergo agmen utrumque  
 Expediit vires, atque acriùs institit hosti.  
 Nec solùm privatus bonos hortatur in arma;  
 Incendit gentile decus, generisque, solique  
 Gloria natalis, tacluraque fama Nepotes.

Moverat in pugnam vix Martia Virgo: vicissim  
 Cæsar in adversum voce, & calcaribus urget.  
 Cùm sublimis equum. Furor binc, furor inde, mineque,  
 Contemptusque animæ, variaeque examina mortis  
 Triste satellitium subeunt, & pònè sequuntur.  
 Agglomerat se lecta Cobors jurata salati  
 Duclorum, summosque Apices tectura per hostem.

Pectoris objectu, vilemque habitura cruorem.  
 Crescit in alterutrâ major tunc parte Gradivus  
 Alternimque furit nunc bos, nunc pronus in illos  
 Acrius incumbens, & quos modò sustulit, urget.  
 Ter retro Germana pedem contenta juvenus  
 Compulit Arctòos revocare, & rumpere cursum;  
 Ter retro impulsâ est, & per vestigia vertit  
 Eluctata gradum; toties Mars basit in aquo  
 Indocilis flecti, totiusque ariete molis  
 Impactâ horrendum sonuere utrinque phalanges.  
 Par jactura lucro; nisus nam mortibus omnis  
 Constitit innumeris. Jam strata cadavera campo  
 In tumulos surgunt, ingentique aggere vallum  
 Hostibus objiciunt, redeuntiaque arma morantur.  
 It pietas, pariterque timor crescente furore  
 Ejurata procul. Confusâ stragis acervos  
 Proculcare juvat. Crudâ nil morte calentes  
 Semineces cumuli, nil obstitit unda cruoris.  
 Dulce viris hæc rumpere iter, cursumque tenere.

Eminent Augustus, ductuque, & robore tanti  
 Nomen, opusque Ducis latè implet. Sustulit ille  
 Impulsas acies, dextrâque in parte labantes:  
 Ille superfusum rejecit sapius agmen,  
 Convertitque retrò: compressos ille maniplos  
 Ense metens reseravit iter, pugnamque redemit.  
 Ille etiam Rodilon prostrato Vindone primo  
 Signifero, fixit jaculo, sacrumque redemit  
 Vexillum Imperii, densâque è strage receptum  
 Altiùs erexit, mediosque invexit in hostes.  
 Cominus instantem cuneo subeunte Lybernum  
 Cuspide transiit, Zirimumque peremit, & Irsum,  
 Enormenque Licen, multâque in cæde calentem.  
 Cornipede impacto vicinum fudit in Olmon,

Atque

*Atque ambos afflixit humo . Per aperta citantur  
Agmina mox Cives, & magna exempla sequuntur.*

*Savior at contra Mars ingruit, auctaque rursum  
Pugna recrudescit, Gotorumque integrat agmen.  
Namque aderat Dux Illa Ducum Regina Trionum:  
Quàque subit, ( tantum cladis, tantumque timoris  
Irrevocata trahit, ) turmas fuga larga per aquor  
Auferat ut celeres, & segnes auferat ensis.*

*Substitit objectæ miratus Virginis arma,  
Fatiferamque manum Cæsar ; nec parciùs Illa  
Hæsit, & Augustum mediâ laudavit in irâ.  
AUSTRIUS inde prior, strages quem dira suorum  
Largior & sanguis incenderat, erigit hastam  
Eminus, & magni sortem certaminis audet.  
Impetus ARCTOÆ par est ; nec constitit utrum  
Promptiùs impulerit tanti discriminis ardor.  
Fulvum Cæsar equum, niveum Regina citabat  
Cornipedem : strata ex auro contexta : lupati  
Ex auro : & largo phaleræ radiantur ab auro.  
Illi iram induti moderantum frena laceffunt,  
Intenduntque artus, & proflant naribus ignem.  
Æreus Augustum thorax defendit : in ære  
Squamifero Regina latet ; galeâque comanti  
Condit uterque caput : summo de vertice surgunt  
Hinc Aquila, inde Leo : rostro hæc, bic oris biatu  
Tollit in adversum furias ; atque ungue minantur.  
Intentant lævæ clypeos, dextraque coruscant  
Fulmineas quercus . Humeros par purpura vestit  
Sidonia, & volucris per terga volumine ludit.  
Pulchriùs, infesto cùm sumitis arma furore,  
Hæc te, Mars, species, hæc te, Bellona deceret.*

*Vidit in occursum sed vix intendere dextras  
Utraque fida cohors, contentaque tela minari,*

Rectores, oblita sui cum protinus omnes  
 Objecit cuneos, Et totis obstitit armis.  
 Ipsi etiam Alipedes stimulis, frenisque negantes  
 Diversos rapuere Duces. Illi ora lupatis  
 Nequidquam subigunt, animisque ardentibus instant.  
 Et tamen alterius neutri deponere fatum  
 Mens fuit, aut votum, casumque optare supremum  
 Successus animo jam divinante futuri  
 Fœderis, atque olim nexu Virtutis amici.

Omen at ut docuit: non processisse propinquæ  
 Fortunam pugnae, stabilemque habuisse tenorem  
 Profuit Augusto; nam, dum superare laborat  
 Obiectos cuneos, Aquila defecit imago,  
 Destituitque decus galeæ nullo hostis ab ictu  
 Stricta. Minor cono vertex subsedit adempto:  
 Altiùs inque vicem se sustulit æmula cassis,  
 Erectusque Leo diductum visus biatum  
 Tendere, Et horrendum trepidas rugire per auras.

Ergo ubi, nulla datur miscendi copia Martis,  
 Accedunt fatis, aliosque citantur in hostes.  
 Nec gens ulla fuit Germanis dedita signis,  
 Arcticus egregium cujus non carpserit ensis,  
 Præcipuumque decus. Sed nec minùs Austria cuspis  
 Horruit: Et Goti tantundem sanguinis hausit.

- Notior in medio latè distincta tumultu  
 Præstabat Legio Aufonidum non immemor altæ  
 Indolis, Et Superis, Romæque impensa parenti.  
 Mutius hanc senior germen de stirpe Velinæ  
 Ducebat fatis congressus Marte priori  
 Gustavo imparibus, libertatemque receptam  
 Magnanimo referens Victori: jussus abire  
 Tutus, Et incolumis nullà mercede redemptus;  
 Tantum pollicitus non ultra partibus addi

Ee

Cæsa.

*Cæsaris ingrato pensans mavorte salutem.  
 Cessit Et hæc inter fato Gustavus acerbo,  
 Paxque diu tenuit medios tentata furoris.  
 Ergo ratus desisse fidem jam Rege perempto  
 Arma iterum subiit; nam cruda, Et firma senectus.  
 Sed malè perpensis instaurans prælia Divis  
 Impegit fato, Nemesinque evadere seram  
 Non valuit; nam, celsus equo dum perfurit ense;  
 Reginæ patuit, volucris quæ pectora telo  
 Obvia persolvit, crassoque in pulvere turpem  
 Vocibus increpitat justis, Et vulnus acerbatur:  
 I nunc immeritò nomen mentite Latinum*

*Ultiores contemne Deos, Et abutere Patris  
 Munere. Quis demens adeò, periisse parentem  
 Fidat ut invictum, dum sit Christina superstes?*

*Casibus Ausoniis mox successistis Etrusci,  
 Nobile par Fratrum, nullo non tempore juncti  
 Antideu, pugnamque manu meditate sinistra  
 Pitale: te fixit jaculo, te cominus ense  
 Pervasit. Nulla latuisse in casside vultus  
 Præstiterat, nexusque notas patuisse gemelli.  
 Sistere magnanimam poterat concordia dextram.  
 Nec fas est de morte queri; plus funeris Aucērix  
 Contulit in vitam, vitæ quàm contulit Aucērix.  
 Illa dedit lucem, Letben evadere donat  
 Ista, nec invisi tenebras sentire sepulchri.*

*Viderat Augustum Reginæ à Marte direptum  
 Fatorum ingenio populari cuspide crebrâ  
 Vandalicas, Svecasque acies, vetitasque cruento  
 Ense reposcentem pugnas Tarfilla Virago:  
 Tarfilla, in roseo tantâ cui dote redundat  
 Ore decor, forti quantum stat pectore robur,  
 Et vigor in dextrâ, Dominae quam cedere soli*

Non



Non pudet: atque animo nimium complexa trophaeum,  
 Quid per Amazonias iret conspecta catervas  
 Tractibus in gelidis: toto molimine dextram  
 Suscitât, & magno propior committitur Hosti,  
 Delibatque latus ferro, rubràque bipenni  
 Exultans ictus iterat, stringitque lacertum;  
 Casareoque redit bis tincta cruore securis.  
 Tunc verò insurgunt iræ; vulnusque, pudorque  
 Ingeminant stimulos, & dignam Casare poscunt  
 Vindictam. Ergo avidum toto vibratus in ictum  
 Impete Virgineâ levâ sub parte papillæ  
 Ingreditur mucro, vitæque arcana recludit.  
 At, simul accursu sociæ, gemituque cohortis  
 Agnovit sexum; voto damnavit inani  
 Successum, Comitesque ultrò properare cadenti  
 Sollicitat festinus opem, purgatque sinistri  
 Fortunam casus, fatumque excusat iniquum.

Sed quis inexplētæ numerare examina cladis  
 Sufficiat grassante malo? quis densa referre  
 Funera congestæ plebis? Subit agger utrinque  
 Horridus; & dirum tristis rubet area campi.  
 Utque per obsessum nigrantibus aera nimbis  
 Rumpit iter Volucrum Regina, & nubila findit:  
 Sic cuneos Cbristina secat, lacerumque resolvit  
 Agmen, & objectas aperit contenta phalanges.  
 Nemo propinqui jam sustinet obvius ire:  
 Nemo procul sisti, nedum propè stringere ferrum.  
 Vix votis nocuisse vacat; tam sacra, feroxque  
 Incumbit species, metuique, colique meretur.  
 Qualiter insensus terris cùm Juppiter ardet,  
 Differrique negat, vindictamque igne reposcit:  
 Pallidus instanti sub Majestate tremiscit  
 Orbis iners, fissumque Poli contemnere vires

*Contrahitur mortale Genus, furiasque minores  
Ponit, Et insani jam non reminiscitur ausus.*

*Jamque redundant laceras in sanguine Partes  
Mutua mersisset clades; neutrique tulissent  
Cedere conatus; Et, dum manus ulla superstes,  
Durasset Mavortis opus: Germana repente  
Ni sacer intrasset trepidis Pavor agmina pennis,  
Fregissetque animos, Et Martis amore calentes  
Non intellecto strinxisset frigore turmas.*

*Sive cruentatis non amplius agnitus armis  
Perculit Augustus dubitato funere cives:  
Virginis Arctœ seu fusæ è vertice flammæ,  
Aureaque innocuo populata tempora gyro  
Monstrantes laurus, Et proxima signa triumphi  
Mutavere vices: seu mens stata Numinis olim  
Immortale decus Christina in pulvere Martis  
Polliciti, Et pariter miserantis funera gentis  
Ultima Germanæ Gotos erexit, Et agmen  
Impulit adversum: subito correpta timore  
Conversa est acies, viresque, animique peracti.*

*Ecce metus alii. Fatali erumpere campo  
Gustavi manes sunt visi, totaque pubis  
Vandalicæ rediviva cohors, latèque solutâ  
Surgere humo: majora viris arma, impetus, iræ:  
Procißsumque solum mugire, baustumque minari.*

*Consensit Terræ Cæli fragor; igne trifulco  
Nam rupti strepuere Poli, perque Austria tantum  
Agmina terrificis directâ est semita flammis.  
Nec, qui vicinum jam Sol afflaverat æquor,  
Absolvit de more vias: uno impete seras  
Sed rapuit metas, Et præceps incidit undis.  
Scilicet baud aliàs unquam tam multa sinistri  
Argumenta mali cladem cecinere propinquam.*

*Forſitan exitii non cluctabilis horam*

*Monſtrarunt tantis parcentia Numina monſtris,*

*Ut minor inde pudor; nec ſolis Austria Gotis*

*Cederet, Et victis Fatum prætenderet armis.*

*Ergo fugæ mandata ſalus, nec jam ampliùs enſes*

*Tractati, atque omnes effuſæ in terga catervæ.*

*Ipſe etiam Cæſar, poſtquam ductuque, manuque*

*Et Ducis implevit partes, Et militis uſum*

*Conſumpſit, fuſas iterumque, iterumque moratus*

*Reliquias convertit equum; ſed nulla pericli*

*Dira fugam ſpecies, nulli incuſſere timores.*

*Illum conſilio Genius, Tutelaque ſacri*

*Imperii (nam quos mens fervida, Et alta fuiſſet*

*Auditura metus?) ſubiit: Quid perdis inanes*

*Conatus, caſſæque hoſtem virtute laceſſis?*

*Fata obſtant; furit hora nocens, Cælique ſiniſtri*

*Impetus: Et premeris pluſquam mortalibus armis.*

*Proderit hoc olim. Non ſemper noxius urget.*

*Juppiter; alternis miteſcunt dura ſecundis.*

*Adveniet converſa dies; lætique reſcuſus.*

*Nunc fuge naufragium, teque ad meliora reſerva.*

*Dixit, Et appreſſas manuſ flexit babenas*

*In latus obliquum. Campo tamen ultimus exit*

*Indignantem animum cobibens, Et ſæpius hoſti*

*Inſtitit baud unâ compenſans morte reſcuſus:*

*Et tandem totâ cum Majeſtate receptus*

*Sparsa recollegit lacera fragmenta ruina.*

*Dicitur excedens pugnâ, quâ proxima fuſos*

*Regina urgebat, greſſus flexiſſe morantes,*

*Ipius ut tantum ſato ceſſiſſe videri*

*Poſſet, Et ingenti caſus Authore levaret.*

*Sive manu pugna cupiens Heroidis actum*

*Claudere ſupremum, lucemque rependere famâ:*

*Ipſa*

*Ipsa , instaurati post tot discrimina ludi  
 Vidit ut abreptum ferri nil mente remissa,  
 Hostibus Et pariter, pariterque obstare suorum  
 Precipiti, Regina, fugæ: non impulit bastam,  
 Non secuit cursum, non auxit voce pudorem;  
 Sed fato indoluit, teloque optavit ab omni  
 Intactum, Et magnâ jacluram laude redemit:  
 Edidicitque suos casus, atque induit hostis  
 Fortunam, Et cauto mensa est examine Divos.  
 Exemploque Ducis, si non compeescuit enses:  
 Sustinuit cursus, Et penè Exercitus hæsit.*

*Turbidus at Rindax æterni Martis alumnus,  
 Cui pulcrum mactare patrem, residemque senectam  
 Rumpere, Et optanti cunas pensare sepulchro:  
 Ore niger maculis, oculisque rubore coruscis  
 Reginam lymphatus adit; propiorque furenti  
 Provocat in clades, Et nullo sistere ferrum  
 Limite sollicitat, sed Dis instare secundis,  
 Nec, nisi prostrato remorari in Cesare cursum:  
 Optandus nunc sudor, ait; graviorque labore,  
 Et peior quocumque, quies. Quod classica rumpit  
 Consilium, cobibetque animos, Et prospicit hosti?  
 Ocyus an victi fugient, quàm nostra sequentur  
 Agmina, Et exhausto cedit vis plena timori?  
 Nunc scire decet, totasque exscindere ferro  
 Reliquias, perque omne genus, pecus omne vagatos  
 Grassari, atque unâ prosternere cuncta ruinâ.  
 Anne aliud belli pretium Fortuna, Deusque  
 Constituere Viris, quos Mars erexit in arma,  
 Adscivitque sibi, clypeoque afflavit, Et bastâ?*

*Illâ animi immodico, nec sat rationis, habenti  
 Objicit instantes exhausto Sole tenebras,  
 Infidasque vias, Et lustra accomoda fraudi.*

*Æger ab immenso jamdudum sanguine. Myſta,  
Et ſtræ cæſorum triſtis : graſſante Gradivo  
Reginæ contentus iter ſervare, latusque  
Tutari abſtinuit ferro, tenuitque cruentâ  
Immunes à cade manus, ſcelerique pepercit  
Anxius, & parti gemitus impendit utrique.  
Utque aciem everſam vidit, diſſectaque ſigna  
Cæſaris, & raras vix ſe ſubducere turmas  
Jam laceras, queis lenta fugam vis ægra negabat,  
Inviſtamque Ducem ſtringentem parcius enſem,  
Sed tamen abreptam furiis Rindacis habenas  
Non totâ cobibere manu: ſubit obviuſ ora  
Exemptuſ galeâ, facilemque bis vocibuſ iram  
Demulſit: Belli non jam dubitabile fatum;  
Te Lauruſ ſincera manet; certeque triumphi  
Ulteriùſ ſævire nefas. Ignosce jacenti  
Auſtriaco, & pudeat diro indulgere furori.  
Qui ſupereſt, rabieſ, non virtuſ, conficit hoſtem.  
Annuit illa libenſ, vetuitque inceſſere truncas  
Reliquiaſ, juſſitque tubaſ inbibere cruorem.  
Nam jam pugnaceſ Pietas reſtrinxerat æſtuſ,  
Et non ponendaſ aliter ſubmiſerat iras.  
Non ſecùſ aeriùſ incluſuſ rupibuſ undaſ  
Agglomerat Niluſ, ſpumatque in culmina montiſ:  
Agmine mox placido campoſ inveſtuſ apertuſ  
Porrigitur, lentoque fluit per plana meatu.  
Jam calor ille tepet, jam ſe clementia prodiſ,  
Puraque diſcuſſiſ oritur Chriſtina procelliſ.  
Horrida quin ſpeciēſ proſtrata in pulvere partiſ  
Adverſe gemituſ poterat, lacrymaſque ciere:  
Si non Virtutiſ ſe prætendiſſet Imago,  
Et propè Germanę Libertatē reddita publi.  
Namque olim Regēſ impenſoſ uſibuſ Orbis*

*Noverat afflicti. Grande hinc, Et nobile sceptrum,  
Et jam Numinibus non dedignanda Potestas.*

*Ergo jubet Vigiles valli in munimina mitti,  
Ne levis expositum custodia proderet agmen,  
Adderet Et turpem cladi jactura pudorem.  
Lenta nec in Superos memorem transmisit honorem  
Jam propior Cælo, jam nubis parte remotâ.  
Sed magis incubuit Mystæ, quem certius Astris  
Stringebat fœdus. Divis hunc reddere grates  
Sufficit, Et Lauri meritum, pretiumque referre.  
Cæsaris hinc castris Ducibus circumdata primis  
Successit, traxitque brevem semota soporem  
Acclinis sellæ, malamque innixa sinistrae,  
Atque bastæ dextram: Tali post bella Gigantum  
Marte fatigatam suspendi Pallada somno.  
Finxerunt Grajæ deliria docta Camenæ.*

*At non ulla quies latè prostantis acervo  
Cominus intentis prædæ; Nam Cæsare dignas  
Exuvias Fortuna dedit, ferrique redemit  
Discrimen, penitusque animos implevit anbelos.  
Non tamen effusis permissa licentia turmis  
Irruere in lucrum, passimque in castra vagari  
Exposita, Et sparsas raptu corrumpere gazas;  
Fussa sed in plenam differri præmia lucem.*

*Omnibus ergo dies servata, Et rumor abactus.  
Quique diù cæcùm fremuit per inane tumultus,  
Non hominum fragor ille fuit, Victorve superbus  
Hostibus insultans; sed non expleta Tyranni  
Inferni rabies, Et frendens Eumenis Arcto  
Hærenti in cursu, capulumque à strage tenenti.*





## LIBRI NONI

## ARGUMENTUM.



**R**egina secum exigit, quò vitricium armorum cursum convertat, & Boemiam prælegit adhuc recalentem ex incendio rebellionis, quâ mutatis Sacris ab Austriaco defecerat: atque ideò, victo Cæsare, Hosteque victore, & proximo, non ægrè in novas turbas exarsuram. Occasioni intenta ad Hercyniam Sylvam stativa constituit; neve interim Miles hebesceret, venatui indulget, in quo semel inter Ursos, quibus tractus est infestus, tantâ immanitate, ac violentiâ unus eminuit, ut vix, & tandem subigi potuerit. Hunc specie, & incurfu longè ab Ursis differentem Indigenarum subsefforum examen, qui operam locaverant, Hominem esse deprendit. Regina monstro defixa Humani Generis feritatem execratur, & Regibus in eam præcipuè curam incumbendum pronuntiat, ut populos mansuetudinem doceant, quâ concilian-

te humaniora studia , cultiores mores , & Imperantibus obsequium strata , & pronâ viâ insinuantur . Simultas inter utrumque Equitatus Ductorem eò prolapsa , ut singulari solum certamine , quod severè à Gustavo , & severiùs à Christinâ interdictum fuerat , sisti jam posset . Primores Copiarum Duces , quando aliter malo mederi non erat , ut Legem interjungeret , atque unâ , semel , totique Exercitui profuturâ veniâ pœnæ intercedi pateretur , Reginaë supplicant . Quo Illa Duellum ingenio permiserit , & cohibuerit . Boemis nil turbatum moventibus , successus armis urget , & aperto Marte rem agere aggressa Pragam veterem , ubi arx , & Austria-dum Cimelia , h. e. preciosior supellex , condita erant , oppugnat , & capit ; positoque praesidio , ne militari licentia dives gaza , servari merita , & mox recensenda , diriperetur ; copias reducit in Castrâ . Successuum Ermini , & Eurinomes : alterius , quod prima Pragæ moenia conscenderit , murali coronâ : alterius , ejusdem conjugio Virtutis ergò à Regina donati Periocha .

## LIBER NONUS.



**L** Uminis orta dies tantum non protulit Orbi,  
 Præbuit horroris quantum crudelis imago  
 Cladis, Et hesterni species funesta Gradivi.  
 Hinc, atque inde rubet stagnanti sanguine gurgēs,  
 Incestatque Polum; densoque cadavere surgit  
 Campus inæqualis, cumuloque obtutibus obstat.

Regina è numero secerni in funera Cives  
 Imperat; extinctos nec mortis honore carere  
 Sustinet Austriacos. Flammiis communibus ardet  
 Cetera congeries, Et busto solvitur uno.

Inde Pyram latè spoliis, trabibusque minantem  
 Extruit in medio, subiectoque igne parentat  
 Gustavo, Et functos vocat ad solatia manes.

Cura minor prædæ; meritos sed mensa lacertos  
 Dividit exuvias, Et, tantum laude retentâ,  
 Abstinet, Et socios partiri gaudet in omnes.

Mox, ubi constituit non unâ in parte trophæa;  
 Vulneribusque ægras, Et fessas Marte refecit  
 Justa quies acies: alacres rapit impigra turmas,  
 Vestigatque Hostem, successusque urget amicos.

Ille sed interiùs gressu properante receptus  
 Milite cum raro, curisque ingentibus æger,  
 Sparsa recomponit lacera fragmenta ruina.

Ergo per expositos vadenti plurima tractus  
 Oppida panduntur. Referatis arcibus ultrò,  
 Parcit, Et, asserto ditionis jure, relinquit  
 Civibus, Et nullâ redimit mercede salutem.

Ausa tamen clausis Suecos excludere portis

*Lipsia ; nam bellum toties experta futuris  
 Casibus hinc fossis, hinc altà caverat arce.  
 Sed, quæ prima novis Arcton confixa morari  
 Manibus haud timuit, tenuitque objecta ruentes,  
 Prima dedit pœnas prostratis ariete claustris,  
 Arceque disjectâ. Non longæ profuit Urbi  
 Pœnituisse moræ, pronumque ad jussa reversis.  
 Hostibus ingenium Christinæ, Et mite subactis.*

*Substitit hic paulum, cursum quò vergeret anceps,  
 Inceptumque urgeret iter. Labor utilis ipsum  
 Imperii tentare Caput, trepidumque Viennâ  
 Excutere Augustum, vel lento absumere clausum  
 Obsidio; sed plura aditus munita secabant  
 Oppida, Et obstabant dispendia longa viarum.*

*Austriacæ Gentis latè dominantis in oras  
 Germanas, Et sceptrâ diu Romana tenentis  
 Altera consurgit Sedes, partesque secundas  
 Indignata pati Bois Praga imperat arvis.  
 Hæc plaga fertilior spoliis, Et certior armis  
 Processus, nudumque latus, nec tractus iniquus.  
 Huc igitur primi directâ est semita cursus.*

*Misnia contingit fines quâ terra Boemos,  
 Sylva vetus surgit, tractu quæ flexa profundo  
 Extera perpetuo secludit limite regna  
 Abjetibus, piceisque frequens, Et robore denso  
 Obsita, Et instantis propellens spicula Solis  
 Et cum totus adest, viresque acquirit ab æstu.  
 Quondam etiam nigris, Et longo putribus ævo  
 Numen erat plantis: sacroque horrore cavebat  
 Longiùs abscedens Hercynia lustra Viator.  
 Fertilis in medio; spacio diffusa patenti,  
 Area se pandit variis versata Colonis,  
 Urbibus, Et Fluviiis latè dotata; sed illas*

Praga supersurgit, quantum agmine dives aquarum  
 Præterit bos Albis. Germanos exiit olim  
 Gallica gens Bojus; post Marcomannus adeptam  
 Illyricis cessit, quorum de stirpe Nepotes  
 Exercent glebas, Et Slavà à gente perennant.  
 Nec Solii par semper bonos, atque una Potentum  
 Temperies. Olim Ducibus possessa minori  
 Substitit in titulo; sed mox Regale cacumen  
 Extulit; Et sumpto Majestas murice crevit.  
 Inde sub auspiciis Gens est majoribus aucta  
 Continua Regum serie; sed stirpe peracta  
 Austrius hoc etiam successit Sanguis in ostrum  
 Conjugio semper felix, Et dote redundans.

At trux, Et sceptri non immemor Incola primi,  
 Impatiensque jugi tralati sæpius arma  
 Sustulit in Dominos, ruptasque excussit habenas.  
 Gliscit adhuc vis illa furens, quæ Signa, Ducesque  
 Præcipites lymphata dedit; nec jura, fidemque  
 Respexit, secuitque Aras, ausuque rebelli  
 Cæca Palatinis mox est jactata procellis.  
 Nunc quoque, tam facilem si quis succenderit escam,  
 Surget apex, nec tarda trabent alimenta favillas,  
 Omniaque insanos undabunt rursus in ignes.

Hæc Regina putans, atque expertura propinquo  
 Incola barbarum numquid sub Marte moveret  
 Impacatus adhuc (certam non fraude, dolivæ  
 Tentatura fidem: scelus hoc, jacturaque menti  
 Criminis ignaræ) signa buc victricia vertit,  
 Et latè insedit campis. Neve agmina Caesar  
 Altera colligeret; viresque, animique redirent:  
 Mittitur Austriacas acies non una per oras;  
 Spargeret ut trepidos, intercisumque teneret  
 Delectum, Et propius redivivos frangeret ausus.

Interea ne pigra quies animosa sedendo  
 Pectora tentaret : saltus , vicinaque lustra  
 Sapius instituit populari , atque agmine denso  
 Deprensas agitare feras , Et imagine Martis  
 Tollere desidiam , vegetosque tenere lacertos ;  
 Venatûs nam sylva ferax . Hinc ardua latè  
 Cornibus arboreis glomerabant agmina Cervi :  
 Hinc Damae , Capreaeque leves , atque Alces , Et Uri ,  
 Lunataque suum turmae ; sed densius agmen  
 Urforum . Nullum pejùs vastata tremiscit  
 Sylva pecus , nulloque fremunt magis antra tumultu :  
 Sive , quòd bybernae patiens byemisque , plagaque  
 Ursus amat Boream , meliùsque borrente sub Arcto  
 Multiplicat : seu , quòd terre Cynosura propinqua  
 Imperat , Et sobolem materni sideris auctâ  
 Vi ciet , Et pariles educit fœta nepotes .  
 Sed patrii nix alta Poli vix gnara remitti  
 Solibus estivis descendere cogit in austrum  
 Esurie stimulante greges , Et quèrere prœdam ;  
 Mitis ubi tractus , cupidisque paratior esca .  
 Huc igitur latebras , atque apta cubilia nacti .  
 Turmatim properant , Hercynaque tesqua frequentant ,  
 Obsessasque vias populant , raucoque tuentur  
 Possessum custode nemus . Vix prima dedere  
 Signa canes ; totis Et jam prorumpit ab antris  
 Hirta cohors , visisque furens obvertitur hastis .  
 Hic labor ergo frequens , Et prœdæ plenior auctus ,  
 Et nusquam veri meditatio tanta Gradivi .

Acriùs exorta est longè transgressa priores .  
 Pugna semel ; numero nam densior institit horror  
 Villifer , Et trepidas insedit latiùs umbras .  
 Inde viros inter , minitantemque unguibus hostem  
 Anceps lucta fuit : pejusque , Et majus obarsit



*Certamen, levibus cum se mox obtulit armis  
 Ante alios Regina Duces. Sensisse putares  
 Adventum, speciemque feras: hoc ordine pugna  
 Processit; certique gradus movere furorem.  
 At postquam rabies, visusque in vellere sanguis  
 Comminus accensos in mutua damna citavit:  
 Tunc pulchrę periere morę, subversa que cessit  
 Pompa prior: primi baud aliter post murmura Cauri  
 Pulsati tumet ira maris, porrectaque surgunt  
 Œquora, Et excite salunt in rapibus undę.*

*Hirsutos inter cuneos ardentior unus  
 Dissipat obstantes, nec tarda it mole per agmen,  
 Vallarive finit. Non illum densa tegebant  
 Vellera. Condebat malas confusa, caputque  
 Sylva: colubriferę qualis premit ora Medusę  
 Anguis, Et obsessos prohibet coma sibila vultus.  
 At cutis assidue celo durata, geluque  
 Incussis obstat jaculis, nimboque resistit  
 Telorum. Fagere canes, soloque Molossi  
 Latraverē metu. Venantes ipse videtur  
 Venari. Texisse suos, bostemque cavere  
 Cura minor monstro. Cedentes acrius urget  
 Torvus; Et insistens pedibus modo rapta remittit  
 Tela viris: modo sparsa solo venabula vibrat  
 Impiger: arrepto nunc iras incitat ense:  
 Nunc strue casorum fruitur, manesque recentes  
 Occupat, ac prædā reficit spirante furorem.  
 Quod, nisi crescentis confusum stragis acervo,  
 Et caligantem furiis, tamimque videntem  
 Retia, tela, canes foveam traxisset in altam  
 Impetus, Et tacum fallax hausisset biatus;  
 Nunc quoque Germanis tantus timor esset in oris,  
 Quantus in Argolicā quondam fuit Hydra palude.*

*Demersum tellure cavâ, penitusque sepultum  
Cura Ducum superesse jubet, cuneosque repellit  
Desuper instantes jaculis, vivoque potiri  
Hoste parat. Saltu sed quis se mittat in antrum,  
Injiciatque manus monstro, vinculisque subactum  
Extrabat, Et pulchro nomen lucretur ab ausu?  
Attonito vix sera dies, ingestaque sylvæ  
Plurima congeries, atque hostis desuper urgens  
Excussit tandem furias, fractumque coegit  
Ebullire minas, aliisque errare tenebris.*

*Ut longum taciti securus carceris horror  
Edom itam docet esse feram; descendit in inum  
Miles, Et exterius suspensum recte levare  
Dat sociis non ante tamen, quam plurimus omnes  
Vinxerit, Et latè funis compresserit artus.  
Ille cibo ingesto, cæloque, Et sole refectus  
Collegit sensim vires, animosque recepit,  
Quæsititque fugam; nisus sed lusit inanes  
Nodorum tentata fides. Tunc omne remugit  
Insano clamore nemus; paulumque recessit  
Victor, Et inclusos iterum respexit ad enses.  
Mox redit ad victum, circumfususque jacenti  
Miratur tristes habitus, frontemque, trucesque  
Obtutus; nescitque diù, quæ nomina pesti,  
Traxerit unde genus. Totas stupor ergo catervas  
Suspendit, dubiasque anceps defixit imago.  
Nam peior feritas, Et frons diversa negabant  
Urforum de stirpe satum. Solertior unus  
Indigenas inter dudum per membra moratus  
Singula, Et obtutu perpensis artubus acri  
Esse Hominem clamat, Comitum nec dissidet ullus  
Consensus; nam turba frequens, vicique propinqui  
Accola venantes correptis auxerat bastis;*

*Certaue natalis dant argumenta reſecti.  
Nec patitur nutare fidem tempusve, locusve,  
Famaque Sylvicolas olim vulgata per omnes.*

*Quattuor exhausto fluxerunt æthere luſtra,  
Ex quò Bojorum Saxon perrupit in oras  
Fœdere diſcuſſo; namque Austria regna perofus  
Præripuit gladios, præcepsque cucurrit ad arma.  
Vaſtatur conſine ſolum, primusque propinquos  
Impetus obtrivit. Nocuit conſinibus arvis  
Contiguas habuiſſe domos, Et ſanguine forſan  
Commifſiſſe genus. Medios it dira per agros  
Tempeſtas, ſubitanque trahit diſfuſa ruinam.*

*Ruſtica vicinis Mulier percuſſa catervis,  
Inſtantique malo, ſylvis ſe condidit altis  
Prole gravis geminâ, cui nondum firmior ætas  
Ire dabat, plantâque fugam celerare valenti.  
Dum latet: Urſorum trepidæ grex ecce repente  
Objicitur, raucoque nemus quatit omne tumultu.  
Excidit illa ſibi; turbatæque excidit infans  
Alter, Et effuſa in curſum, grefſusque citantis  
Deſtituit gremium, morſusque moratur apertos.  
Ergo mæſta parens deſerto reddita tectò  
Hoſtibus immiſſis aliò conclamat acerbum  
Funus, Et extincto tumulum componit inanem.  
Expoſitum, mancumque ſibi, curſuque carentem  
Alite, ſequæ altis prodentem fletibus boſti  
Expiraffe metu, gelidosque voracibus artus  
Liquiſſe, Et nullo dotatas ſanguine venas  
Credidit Et Genitrix, Et ruris credidit omnis  
Accola; nec ſolùm vivum latitare per umbras  
Horrendi nemoris, ſed nec ſuperèſſe cadaver  
Spes cuiquam. Vix dira famas à prole, ſuiſque  
Abſtinet; exhauiſtis tantus furor errat in extis,*

*Esuries tantum latrat . Fugit orbita Solis  
 Interea , refugitque diu , calumque remensa  
 Circuit , Et longa reficit vertigine terras .  
 Jam lassæ cecidere minæ : jam pacis imago  
 Hoste redit fesso . Glebæ versantur inertes  
 Agricolis , scabroque redit labor almus aratro .  
 Jamque ter octono cultis succrevit in agris  
 Vere seges ; nullis ex quò protrita caterois  
 Respirabat humus , martique addicta Juventus  
 Verterat in sylvas , Et opertas tela latebras .  
 Utile quippe viris lucos purgare timendos  
 Venatu , dubiasque vices , redituraque bella  
 Discere , Et in pugnas iterum durare lacertos .  
 Nec sevas reperire feras , atque agmina contrà  
 Obstatura labor ; saltu dominatur in omni  
 Urforum tam multa cohors , seque objicit ultro .*

*At procul ante alios , notus Venantibus olim ,  
 Præcipuus timor Unus erat , qui primus in hostes  
 Semper , Et erectus , nec se molimine tardo  
 Convolvens , densoque artus sub vellere tectus :  
 Sed truncos , Et saxa rotans , cursuque volucris  
 Insultans , hominemque actus imitatus in omnes .*

*Non levis hinc subiit jam pridem ruris alumnos  
 Suspicio : Infantem , matris qui procidit ulnis  
 Deprensæ in sylvis , subitoque horrore soluta  
 In diram migrasse feram . sed copia justæ  
 Interdicta moræ , vetitumque instare periclo ,  
 Confusique greges , Et pugna turbidus error ,  
 Hactenus incertos habuit . Nunc comminùs artus  
 Permensi , speciemque habitus , tempusque , locumque  
 Deprendere nefas , Et deprendisse queruntur .*

*Constitit ergo genus . Trepidæ Puer ille Parenti  
 Lapsus ad Urforum rictus , olimque vocatus*

*Ad vacui sedem tumuli, miroque superstes  
Fatorum ingenio: dedoctus quicquid habebat  
Indolis Humanae, nullo mutante Deorum,  
Transit in monstrum, penitusque recessit ab ortu.*

*Portento Regina truci defixa moratur  
Obtutu in longo, mox sic commota profatur:  
Felix morte Parens, hanc si non duxit ad istos  
Parca dies! Aliis optandi matribus anni  
Nestoris, amissos ut tandem cernere natos  
Contingat; minimi præceps huic terminus ævi  
Orandus Superis, quò non reperiret ademptum  
Infamem subitura notam, crimenque pudendum  
Pasiphaes. Esto sed lex: Non audeat ullus  
Adstruxisse fidem visis, commentaque famæ  
Afferat, Et fraudes potius manesque, polumque  
Pejeret. Haud Homini licuit fidentiùs unquam  
Fallere Dis mediis, atque ipso teste Tonante  
Mentiri. Nulla hoc referat pictura, lapsive  
Pbidiacus: nulli præsent monumenta labores.  
Cura sed invisum poterit non altiùs ulla  
Dissimulare nefas, quàm si virtute, piisque  
Moribus obstemus sceleri. Ventura Nepotum  
Agmina (si credant ullos mutasse priorem  
Naturam, speciemque Viros) caeleste reantur  
Assumpsisse genus, perque acta Alcidis Olympo  
Susceptos merito perfundi nectaris baustu.*

*Dixit, Et à visu se lustratura pudendo  
Castra subit, monstrisque oculos deformibus aufert.  
Stat sed mente nefas, dudumque immane recursat  
Prodigium; stirpemque scelus derivat in omnem.  
Unde Prometheus tanta inclementia Massæ?  
Tanta luto rabies? Quid, si Natura creasset  
Arma avidis, dentemque truces acuiisset in usus?*

Num memor *Æthereis subducti sedibus Ignis*  
*Vindicat ultrices Genitrix irata catenas?*  
*Et fusos retinens per tela trisulca Gigantes*  
*Usque coquit furias, Sobolemque infensa minorem*  
*Asperat incumbens, Et avitos ingerit ausus?*  
*Hinc malè tentatis si non impingitur Astris*  
*Ferrea Progenies, Calumque edocta veretur;*  
*At quidquid Tellus, quidquid complectitur Æquor,*  
*Exagitat: non ulla suis fera tuta latebris,*  
*Nullum animal. Pavidis fruitur, mensasque gementes*  
*Mortibus innumeris onerat: pugnacibus instat*  
*Ingenio, atque animis, Et fraudibus instruit arma.*

*Dedecus hoc secum, pronumque in monstra revolvens*  
*Hunnam Regina Genus nil Regibus aequè*  
*Urgendum statuit, toto quàm robore dirum*  
*Ire malum contrà, seque objectare furori,*  
*Immitesque animos, rabiemque inbibere cruoris.*  
*Nam, si permittas cursum per prona ruenti:*  
*Temperies tunc nulla super. Rupto aggere tollet*  
*Omne scelus vires: molesque impulsa fatiscet*  
*Regnorum, tandemque dabit prolapsa ruinam.*  
*At, si componas mentes, diroque veneno*  
*Exarmes: tunc plena quies, certoque tenore*  
*Alta repurgato concordia crescet in Orbe*  
*Agmine Virtutum comitante, Et sacula terris*  
*Aurea restituet non mentitura metallum,*  
*Calicolum pulchrè sed responsura sereno.*

*Talia versanti, tantisque repagula monstis*  
*Addere, Et effusa meditati occurrere noxæ*  
*Accessere Duces intempestiva rogantes,*  
*Iustiùs Et nunquam venia meritura repulsam.*

*Creverat Hynomenen inter, Morinumque simulas*  
*Parva sub exortu primo; potuitque probari*



Gustavo non visa nocens; sed nominis æquus  
 Bellipotentis amor, meritorumque æmulus ardor.  
 Nam par Martis bonos titulis ornat utrumque  
 Grandibus, atque equitum geminis præfecerat alis.  
 At suberat gentile malum, sub Patribus ortum  
 Triste odium, seris transmissa Nepotibus esca.  
 Inde animi hostiles, et operta semina flammæ  
 Non latuere diu. Quod, ni mens provida Regis  
 Olim civiles furias, cladesque perosi  
 Sanguine sanxisset mulcendum, si quis in arma  
 Iret, et insensum privatus stringeret ensen:  
 Jam tunc alterno rubuisset dextra cruore  
 Æmula, et invisâ saturasset cade furorem.  
 Ergo jussa quies animos suppressit biantes,  
 Invitasque manus tenuit. Nec Rege perempto  
 Ausa nefas rabies justas permensa secures  
 Christinæ, et nullis parjuram fontibus iram.  
 Sed mox ille furor cobiberi nescius agere  
 Fræna pati potuit, collectaque pabula tandem  
 Altius incendit, majoremque extulit ignem.  
 Blandius alloquio nam si dignata fuisset  
 Regina alterutrum: prælatum sæviùs alter  
 Oderat, inque sui contemptum mente traherat  
 Turbidus insanâ, quidquid distinxerat hostem:  
 Quin modò, cum latè spoliis cumulasset utrumque  
 Prolatâ de more manu: sua præmia neuter  
 Novit in alterius decrescere munere visus:  
 Sæpius inde tenor turbari dispare ductu  
 Militiæ, et diræ contagia serpere noxæ  
 Latiùs, et nullum jam mens audire sequestrum  
 Dissidii; pejusque manus in crimina ferri.  
 Hinc moti Proceres; nullus cum sisteret ausum  
 Hortatus, nullusque pudor, leviora duelli

*Damna rati, traheret ne pars infecta propinquos  
 In cladem, majusque nefas; adiere frequentes  
 Supplice Reginam cœtu permittere finem  
 Orantes odiis, erupturumque furorem  
 Justitio transire brevi, Legumque morari  
 Processus, cupidosque semel nescire Nocentes.  
 Institit atque Eunus, cui fandi copia maior  
 Haud animi vacuus, sed pacis amicitior actis  
 Jam senior, Moscamque olim Legatus ad Aulam:*

*Justa quidem Reges pronas in vulnere mentes,  
 Precipitesque animos, Et amantes judice ferro  
 Rebus Et in parvis dubias absolvere lites,  
 Legibus objectis compescere cura coegit.  
 Non tamen usque adeo damnosa licentia dextra,  
 Sapius ut parvo non sit sublata cruore  
 Publica perniciēs, pluresque redemerit Unus.  
 Hinc, (si non probibes sensus proferre latentes,  
 Atque animi referare sinus) non futile forsan  
 Consilium fuerit cupidis laxare parumper  
 Fræna, nec audacem penitus restringere pubem.  
 Scilicet ille calor, quo Martia pectora fervent,  
 Effluet, Et ferri sensim dediscet amorem:  
 Aucta vel, Et nimium vis eluctata rigorem  
 Ibit in obstantes, correptaque septa vorabit  
 Flamma nocens, ipsasque trahent incendia Leges.  
 Quod si permittes rimas, Et pressus biabit  
 Spiritus exiguum, tenues vanescet in auras  
 Impetus, Et nullo nutabunt turbine claustra.  
 Quin (nisi Romulæ sit turpe insistere Gentis  
 Moribus, innumeras olim dominantis in oras,  
 Viribus Et tantum nostris, animisque subacta)  
 Laxabit se jussa quies, paulumque remittet  
 Objicis imperium duri. Nempe extulit illa*

*Amphitheatralem Circum, residemque Juventam*  
*Impulit in gladios, Et per certamina jussit*  
*Civica bellorum longos audere labores,*  
*Vulneribusque frui pulchris, Et amare cruorem.*  
*Ipse etiam nullis indictus Scipio terris,*  
*Plurima quem gaudes imitari, Et vincere perstas:*  
*Cede parentavit Patri non gentis Iberæ,*  
*Nec Pœni invisi, Latiae sed sanguine Pubis,*  
*Romanæque manu. Nec par spectacula rarum*  
*Illā dedit; totis inducta est penè manipulis*  
*Sidonias Patriæ laurus jurata Juventus.*  
*Non tamen immodicis Hosti congressibus Arcton*  
*Prodigere, Et patrias horter consumere vires.*  
*Sed donare nefas; quoties negat ira remitti,*  
*Longior, alloquiis nec delinitur amicis,*  
*Contactuque nocet. Numquid non vulnera prosunt*  
*Ablatura luem, plenamque datura salutem?*  
*Tabida nec leti spectamus membra recidi?*  
*Non impune scelus petimus: medicina rogatur*  
*Artubus infectis. Te par, Regina, sequetur*  
*Gloria, seu teneas Sontes, seu Fura tenebis.*

*Illā Hominum implacidis jam pridem pectore toto*  
*Insensa ingeniis, Et nuper imagine dirā*  
*Portenti percussa trucidis vix restitit iræ*  
*Luclanti introrsum; sed multatura reatus*  
*Utiliter vetitos, justos compescuit æstus:*  
*Placatumque tuens, Et pronum fronte renidens*  
*Abnuere baud visa est, non aspernata precantes;*  
*Atque ait: Admonitus quando non audit ullos*  
*Ira vetus, soloque extingui sanguine poscit:*  
*Traclentur gladii, sistatque in morte simultas.*  
*Æmula Nos etiam visu dignabimur arma.*  
*Decretum, fixumque sedet. Fit plausus, Et actis*

*Gratibus abscedit submisso poplite Cætus*

*Anxius : atque avidis sublata repagula dextris .*

*Nec mora ; sed medio dirimendis litibus ense*

*Proxima lecta dies : tanto præcordia latrant*

*Dissidio , tantusque animos incenderat ardor .*

*At Regina putans quanto agmine damna redirent ,*

*Si data porta foret , quantumque impelleret ausus*

*Effrenis Solium : laxataque jura Quiritum*

*In pejus traxisse manus sat gnara licentes*

*Cadibus assuetas Circi , dum prælia sensim*

*Civica permissus discit Furor , haustaque vires*

*Perdit Roma suas ( animo nec Spartacus audax*

*Excidit , inque truces erecta Ergastula motus )*

*Proposito insistit , quod secum exegerat ante ,*

*Disponitque modum , patitur nec cauta patere :*

*Plenius ut plectat non intellecta nocentes .*

*Nox abit , Et dubius aperit lux prima tenebras .*

*Itur in objectum castris lato æquore Campum ,*

*Mars ubi pacificis meditatur bella catervis .*

*• Prominet ante alios , justisque refulget in armis*

*Par avidum , Et trucibus metitur visibus hostem*

*Reginam opperiens , quæ mox longo ordine pompæ*

*Adfuit , Et positum scandit venerata tribunal*

*Non satis explicitâ , penitus nec fronte serenâ .*

*Et jam : cùm subito patuit Custodia sulco*

*Addita Regina lateri . Subit inde per agmen*

*Partitum trux Forma viri , cui tempora Tigris*

*Umbrat , Et enormes artus detracta Leoni*

*Vellera præcingunt dextro subiecta lacerto .*

*Ille per obstantes medium procedit in æquor*

*Ense gravis dextram rutilanti , Et turbidus ore .*

*Agmina defixit Species truculenta ; petuntque*

*Quid veniat ? Motique Duces incerta timentes*

*Muffant, Et Dominam suspensâ fronte requirunt.*

*Protulit extemplo vultu se tanta minaci*

*Attonitis, fulmen meditati quanta coruscat*

*In Fove majestas, atque ipsos pravenit ignes;*

*Atque ait: Adversum postquam submiserit Alter,*

*Ipse etiam Victor mox sub Liclore jacebit.*

*Nam, quantum veniæ, tantum indulgebimus iræ:*

*Nec plus transmittam fontes, quàm Fura tuebor.*

*Regia vox habuit gladium; sic protinus omnes*

*Destitui, Et subito correpti horrore gelari.*

*Ante pedes trepidus mox se projecit uterque*

*Æmulus, Et vetitos ejuravere furores;*

*Damnatumque nefas intactâ Lege recessit;*

*Nec cuiquam ex illò quæsita licentia ferri.*

*Interea, cùm nulla daret sperata tumultus*

*Argumenta fides: nequidquam temporis acti*

*Indignata moras, resides Regina cohorts*

*Suscitat, atque aliò versas mentita catervas*

*Rumpit iter, Præque petit rapido agmine muros.*

*Fama sed antevolans monitis præcaverat Urbi,*

*Munitasque arces custos infederat agmen.*

*Non tamen Austriacæ fisa est audacia partis*

*Credere se campo, Gotisque occurrere turmis.*

*Ocyùs inclusus miles, qui nuper in arva*

*Hoste procul posito portis se effuderat altis,*

*Tuta subit, sepitque aditus, atque ardua servat,*

*Cætera turba perit nimbo intercepta volucris.*

*Sic, ubi lustra canes loris jam colla soluti*

*Invadunt, Et versa ruunt per tesqua ferarum:*

*Omne animal, cui lenta fuga est, pigrique receptus,*

*Procumbit, subitique jacet sub morsibus hostis:*

*Ad juga sed capræ, montisque ad nota citatæ*

*Cornua dant saltus, perque alta impune vagantur.*

*Praga tripartitis ambagibus explicat album,  
Innumerosque capit gremio distenta colonos.  
Una habet Artifices: pars Altera surrigit Aulam:  
Tertia sed docta celebratur Pube Minervæ.  
Tenditur in plano prior Arx: buic ponte jugatur  
Proxima: consurgit colli commissa propinquo  
Tertia, Et à levâ Maldivæ interfecat amnem.*

*Adjicit buic animum Regina, Et destinat ausus;  
Scilicet hic gaze, domus hic, penetraleque Regum  
Tollitur, atque altâ reliquis de parte minatur.  
Nam sibi, Danorum post mersas æquore classes  
Funditus in patrio, post Caesaris arma patenti  
Fusa loco, Et penitus congestas undique vires  
Accisas; tantæ si palma accederet Arcis  
Armata correpta manu, virtute professâ:  
Quid non inferius? Quæ non cessura videri  
Obrvia vis poterit? Quid non superabile dextrâ  
Christinæ? Primas igitur jubet ire sub umbras  
Agmina per planum cœli parti intenta sinistra.  
Inde sub auroram converso tramite surgit,  
Clivus ubi præceps, inque altam nititur arcem.  
Haud secus æstivam meditatus turbo procellam:  
Anceps ante diu pendet, dubioque tumultu  
Rauca fremit, mutatque vices, Et nubila versat  
Turbida; sed demum, cladem per aperta minatus,  
Insilit in montes, inque ardua culmina totas  
Exonerat furias, suspensaque damna resolvit.  
Dant gemitum rupes, Et, dum latus omne remugit,  
Præcipitant hinc, inde amnes torrente ruinâ  
Nubigenæ, vulsisque trabunt radicibus ornos.*

*Imperat exortes ad prima coirè sub armis  
Signa Viros, quos ante decus distinxerat actæ  
Militiæ, nusquamque animus nutarat, Et addit*



*Selectos, plenamque jubet constare phalangem.  
 Agmina subsidium laturo cætera civi  
 Objicit, & bifidis tutatur terga manipulis.  
 Ipsa levi instructu muros conscendere prima  
 Apparat, atque agili pugnae proludit in hasta.  
 Vixque Ducum precibus serò exorata remittit  
 Immodicos animos, & summæ parcit in Unâ,  
 Seque operi differt, major cum sudor, & ausus,  
 Disponitque aciem, speciemque, locumque laboris  
 Prædocet, & cursus monstrat momenta citandi.  
 Sic, ubi Terrigenum tentarunt Astra furores:  
 Pallas in adversum Divos succincta minores  
 Instruxit, seque in dubio certaminis æstu  
 Non dedit Encelado mox occursura propinquo.*

*Creverat humana præcepta solertia mentis,  
 Inventisque furens immanibus auxerat artem  
 Bellandi usque aded, tela ut Pblegræa Tonantis  
 Vinceret, & certos devexis ictibus ignes  
 Mitteret in clausos: flammisque, & pondere totas  
 Obrueret turres, & propugnacula Pestis  
 Intima corriperet non extinguibilis undâ.  
 Hoc usura malo, ne per dispendia lentus  
 Efflueret Mavors, subitam jubet ire procellam  
 Eminus in muros; sed, ne consumeret arcem  
 Ignea perniciēs dudum jaculata molares;  
 Terror ubi primus mediam suspenderit urbem,  
 Imperat accinctos cursu properare volucris  
 Ocyus ad clivum, scalisque in mœnia niti  
 Ardua, & arrepta sustolli in præmia pinnae.*

*Ecce coruscantes saliant per inane volatus  
 Fulmineæ molis, turresque, & septa, domosque  
 Discerpunt, rutiloque trabunt incendia sulco.  
 Vertitur extemplo plebs territa: qualis ab imo*

*Fluctuat Inarime, cùm membra Typhæus anbelat  
Porrigit, atque aliò fumantes explicat artus.*

*Inde subit legio scalis erecta minantes*

*In muros, scanditque gradus. Manus una tuetur*

*Sub clypeo protenta caput, regit altera gressus*

*Nutantes, Et fulcra tenet, pinnasque requirit,*

*Aeriasque vias urget: pendentibus armis*

*Utitur interdum, surrectaue tela coruscat*

*Eminùs intorquens, suspensaue bella laceffit.*

*Undique concurrunt Cives, aditusque coronâ*

*Prætexunt densâ, jaculisque, atque igne morantur*

*Desuper ingesto fisas per inane catervas*

*Surgere. Stant alii protentis longiùs bastis,*

*Et procul incessunt: alii crescente periculo*

*Convectant, mittuntque trabes, pinnasque reclusas*

*Certatim evolvunt. Nubes erecta per auras*

*Martia disjicitur latè: scaleque, virique*

*Confusa sub strage jacent. Regina receptum*

*Hac specie percussa jubet; non cedat inanis.*

*Miles ut à cœpto, sed, quò succedat in ausus*

*Integer exhausto, tandemque infracta capeſſat*

*Vis objecta fugam, pateatque ascensus in arcem.*

*Ipsa moræ impatiens clypeumque, bastamque trabalem*

*Erigit, Et dubios instaurat prima labores.*

*Ingeminat vires pubes accensa periculo*

*Reginæ, textâque iterum testudine muros*

*Arripit, Et toto renovat molimine ludum.*

*Jamdudum furis agitatus corda profanis*

*Caucaseus Rindax, avidusque in sanguine largo*

*Insanam satiare sitim ter mænia lustrat*

*Magnum aliquid volvens, aditumque in culmina quærit.*

*Qualiter insidias frustra molitus ovili*

*Dente lupus tacito: postquam procedit inanis*

*Astus,*

*Astus, & occultas prohibet custodia fraudes;  
 Vertitur ad vires, & aperto pectore clausum  
 Arietat in vallum, saltusque in claustra minatur.  
 Nec mora, quâ paries paulum declinat in Eurum,  
 Applicat ad muros scalam, seque erigit altè  
 Intentans clypeum, vocesque ad sidera jactat:  
 Ardua necquidquam pavidos indago tuetur.  
 Nempe hæc Riphæis quoties de rupibus urfos  
 Altiùs elatos dextra est venata, jugique  
 Misit in abruptum, captivæ afflixit in antris?  
 Non, si pro trepidis intendat Juppiter ignes,  
 Quem timor effinxit, vanisque locavit in Aris  
 Indiga mens voti, propriis diffisa lacertis,  
 Ultima securo non scandam culmina gressu.*

*Hæc dabat; atque audax alterna in mœnia passu  
 Crescebat, propiùsque manu jam prendere pinnas  
 Cæperat: ex alto cùm fax vibrata minantis  
 Ora subit, penitusque animæ populata latebras  
 Proruit è gradibus; spoliūque jacentis, & artus  
 Persequitur pestis restingui ignara, diuque  
 Pascitur exanimem, fumoque, & sulfure gliscit.*

*Sacrilegi impietas adeò manifesta, nec ipsis  
 Non gravis indigenis Divûm furor osor, & ictus  
 Tam certus, plenusque fuit, tantoque paratu  
 Perstitit extremas consumere flamma perempti  
 Cærule reliquias; nemo ut non dixerit ignem  
 Intortum Cælo, famamque adscripserit Astris.*

*Exultat Boius, viresque instaurat, & auget  
 Gratatus socios in propugnacula Divos,  
 Votaque multiplicat, plaususque ad sidera jactat.  
 Non tamen Arctœ minor hinc audacia pubis.  
 Crescit in adversos vis obluctata, minasque  
 Ardua fert propiùs, propulsantesque laceffit*

*Comminus insurgens, nescitque impacta reverti.*

*Cui tamen aerias conscendere contigit arces  
Ante alios, Aurumque ausu meruisse superbo?*

*Diffimili ingenio, sed non diversa secuti  
Nirmus, & Eurynome Gotorum in marte merebant:  
Quamvis principio mens una, atque unus utrumque  
Strinxisset genius, coituraque fœdera Patres  
Sperassent thalami, cum nubilis afforet etas.  
Ulmia contiguos dederat namque una penates  
Ambobus, censusque pares; annique, genusque  
Alterutri alterutrum commendavere: nec ipsis  
Patribus ingratum misceri lufibus ævum  
Incipiens fuerat, quod mox constantior iret  
Latius in justos felix concordia nexus.*

*Sic amor exoriens animos afflavit utrinque,  
Inque vicem rudibus libavit pectora flammis.  
Mox Deus in puero molitus spicula totis  
Viribus Eurinomen strinxit parcente sagittâ.  
Inde, ubi vicinæ secuit commercia pubis  
Adventus, posuitque pudor discrimen: in illo  
Creverunt ignes, sed in hac tepuere favilla.  
Plus tamen in sexu superabat roboris ægro,  
Et minus in firmo; namque hæc propensior armis,  
Promior hic pacis studiis, & amicior umbra.  
Hinc, ubi Germanum cecinit tuba Vandala martem;  
Emicuit, sexumque animis vincentibus acta,  
Rejectaque procul præponens cingula zona  
Auxit peltiferas bello jurata catervas.  
Horruit insolito Juvenis percussus amictu;  
Obviaque attonito cum primum occurrit Amazon,  
Fugit ab aspectu, seque altis condidit umbris:  
Ultioresque ciens temerata in fœdera Divos  
Conscia luctificis implevit questibus antra.*

Non tamen in seſſo valuit de pectore Numen  
 Excutere, atque baustas olim reſtinguere flammas.  
 Ergo pari ſtudio, quamvis ſtirps unica Gentis,  
 Deſtituit durâ neglectos mente parentes,  
 Militiæque dedit nomen, non ſigna Gradivi,  
 Sed deſertricem mutata in caſtra ſecutus.  
 Illa fugam riſit non aſpernata reverſum,  
 Et voti juſſum jam non meminiffe prioris  
 Admiſit ſocium, ſed non admiſit amantem.  
 Hinc mixtæ ſpes, atque metus: hinc dulce probari  
 Virginis ante oculos, ſeque oſtentare ſub armis  
 Hæc ſaltem ruptos integraturus amores.  
 Prima ſed illius ſe ſe obiectare periculis  
 Cura, & in expoſitam verſis occurrere telis.  
 At nunc præcipuus trepidi timor occupat artus,  
 Certamen cum majus adeſt; namque ardua nullo  
 Arx intranda aditu, ſummique in culmina valli  
 Nitendum gradibus. Scit noti pectoris æſtrum,  
 Præcipitesque auſus, cæcosque in vulnera curſus;  
 Laudis ubi merces, & famæ major imago.  
 Acrius hinc animos intendit martis ituræ  
 Tam dubii in fluctus; ſtatque uni impendere vitam  
 Pectoris obiectu; nam quid ſibi vita ſuperſtes  
 Ducenda in luctus, & cauſâ lucis ademptâ?

Ergo, ubi conſpexit lituum clangore furentem  
 Inter Amazonias primam properare catervas  
 Murorum ad ſepem, ſcalæque in mœnia niti  
 Conſenſu: rapit ipſe gradus geminâ abjete nexos;  
 Surgentique latus lateri committit, & unâ  
 Emicat obiectans clypeum de culmine telis  
 Intortis, carumque caput tutatur, & ægram  
 Sapius ingeſtu ſaxorum, atque imbribus ignis  
 Sulphurei attollit, ſolamque in turbine tanto

*Respicit Eurinomen, unique & vota, manusque  
 Anxius intendit, ferrumque ignorat, & ignem  
 In se conversum. Tandem illi ad culmina apertus  
 Nisus, & ad pinnas aditus reſeratus anbelis  
 Ausibus. Arreptis poterat conſcendere Nirmus  
 Mœnibus, atque arcis primus juga ſumma tenere.  
 Suſtinuit gressus; & tunc, ſi quando, labantem  
 Suſtulit Eurinomen, propulſiſque hoſtibus, omni  
 Robore connixus muris iniecit, & alto  
 Vertice ſublimem ſtatuit, cunctiſque videndam  
 Exhibuit, tandemque locum meruiſſe ſecundum  
 Lætior in capti pariter ſtetit aggere clauſtri.  
 Et, velut hoc ipſum dextræ deberet amicæ,  
 Solvitur in grates, meritumque immane fatetur,  
 Proclamatque procul, tituliſque, & laudibus implet.*

*Cujus ope excelsum conſcenderit ardua culmen,  
 Ipſa quidem norat; palmæ ſed tanta cupido,  
 Tantus amor ſocias ſumptâ tranſire coronâ,  
 Ut ſimul auxilii pudeat, pudeatque pudoris,  
 Imponatque ſibi, nec quantum debet, amanti  
 Imputet. Hinc dubio ſucceſſum tranſigit ore,  
 Incumbitque operi, flagransque aufertur in hoſtes  
 Percuſſos. Sed pugnat adhuc Germanus, & urget  
 Pendentes, omniſque coit denſo agmine civis  
 Ultima fata movens: ingensque in vertice ſummo  
 Integrat illiſus, nec ſe mars explicat anceps.  
 Nil tamen uſque adedò ſtantem pro turribus hoſtem  
 Conſcicit, ut jactu inceſſens, & voce Virago  
 Regia, ſucceſſusque urgens, animosque miniſtrans.  
 Inde ſubit gelidus diſtancia pectora terror:  
 Inde vigor ſocii vires inſtaurat, & baſtas  
 Concitât, atque addit muros ſcandentibus alas.*

*Et jam non ſolùm clauſtri pars alta laborat;*

*Ultima*



Ultima diffiliunt ; crebro nam fulminis ictu  
 Ima labant ; cladesque duplex contundit anbelos ,  
 Crescentique diù tandem dare terga coegit  
 Diluvio . Tunc Cimber ovans pugnata capefcit  
 Mœnia prorumpens , Et jam custode vacantes  
 Occupat ingressus vexillaque turribus altis  
 Arclica suspendit , trepidantique imperat Arci .  
 Ut maris in medio cùm deprendere carinam  
 Æolidum partita cohors : latus omne flagellant  
 Turbinibus raucis , cæcisque assultibus instant ,  
 Armaque diripiunt . Salit hæc , circumque rotatur :  
 Et nunc ima gemunt : hausti nunc igne cerucbi  
 Fulmineo strident . Perstat tamen una tot inter  
 Crate hostes firmâ ; donec compago fatiscens  
 Dat rimas , panditque aditus . Tunc victor inundat ,  
 Et lacerâ decimus dominatur fluctus in alvo .  
 Nec mora præcipiti funduntur ad intima saltu ,  
 Claustraque diffingunt , Et vulso cardine portas  
 Prosternunt , Dominamque alacres per limen apertum  
 Accipiunt . Subit illa Ducum stipante catervâ ;  
 Affusæque ruunt undâ crescente phalanges ,  
 Suspectasque vias , infestasque hoste latebras  
 Excutiunt . Sparsas sed longè ejecerat omnes .  
 Jam fuga relliquias ; ululataque tecta tumultu  
 Fœmineo miseris urebant questibus aures .  
 Nam furor in cursu præceps , vindexque cruoris  
 Largiùs impensi captâ peccabat in Urbe .

At pia supplicibus nunquam non prona , catervis  
 Imperat exermis parci Regina , nefasque  
 Edicit sævire manu , gladiosque recondit .  
 Neve ibi prædarum congestos Miles acervos  
 Consciis ingentis cumuli nullo ordine fusus  
 Diriperet ; pariterque Operum monumenta perirent

*Æternum meritura diem, Regumque verendæ  
Exuvia: posito laceri in munimine muri  
Præsidio, revocat vicina in castra pbalanges,  
Et jubet exortes mox expectare laboris  
Mercedem, cæci casum nec malle tumultus.*

*Tunc, quia pugnata restabat portio lucis  
Non brevis; in seffo suggestu cespitis alto  
Imperat acciri superati ad præmia muri  
Eurinomen, Nirmumque simul. Prior emicat illa  
Festino secura gradu. Mox lentus, Et anceps  
Adfuit imperio Nirmus non ulla reposcens  
Præmia Mavortis, sed tantum testis habendus  
Virginis ornandæ meritis, animamque daturus,  
Eurinomes potius quàm libaturus honores.*

*Regina amborum primos sat noverat annos,  
(Nam pariter dextrâ insignes, Et origine clari)  
Eurinomesque facem refugam, nomenque Dioni  
Expunctum, Martique datum, juvenemque trabentis  
Impensum studiis, Et non sua fata sequentem.  
Nuper Et aërio dum nutat in aggere Virgo  
Scandendo, dubiam vidit fulcire, sui que  
Oblitum cursus urgenti desuper hosti  
Obtendi, atque infrâ anniti, casumque tenere.*

*Ergo, ubi processit Virgo, Regina coruscum  
Intendit jertum, letoque hæc edidit ore:  
Accipe promeritâ staturam in fronte Coronam,  
Muralique auro, sed plus Virtute superbum  
Tolle caput, sociasque inter consurge, Virago,  
Belligeras. Solo non hoc tu munere digna.  
Fertilis augescat merces, Et adorea crescat.  
Hunc aded ( Et Nirmum dextrâ signavit ) habebis  
Muneris accessum Tadarum munere junctum  
In quasunque vices, Et toto pectore votum,*

*Seu te castra juvet, patrios seu malle penates.  
 Quid rubor ora subit ? Securum mitte pudorem.  
 Auspice Christinâ cui non sit nubere pulchrum,  
 Et labi exceptum ? Thalami vicina jugalis  
 Fœdera pulsa procul, prælataque castra cubili  
 Novimus, atque aliis suppressos ignibus ignes,  
 Meque thoro antehabitam ; memori quod mente recondo.  
 Si virtus ; buc usque licet traxisse morando  
 Spes interdictas . Durâ satis aure rogantem  
 Transisti . Matura venit, sudataque multum  
 Emerito merces . Scelus est obnitier ultrâ  
 Sponte reposcendo, votisque, Et dote petendo.  
 Quin, si me Regum meritis tam grandibus ullus  
 Vinxisset . Tacuit nimium progressa, manuque  
 Apprensam, Et flavo jam nexam tempora serto,  
 Jam facilem Nirmo tantæ in caligine sortis  
 Tradidit attonito ; letisque per ævia totus  
 Vocibus obstrepuit, plausisque Exercitus armis.*





## LIBRI DECIMI

## ARGUMENTUM.



Egina orto Sole captæ Urbis Arcem ingreditur ; & quantâ vicerit mercede, recognoscit . Super cæteras opes Aulæorum admiratione afficitur , quorum mentem, & originem edocetur .

In his Manto eorundem artifex ipsius Christianæ speciem, & gesta ab ortu usque ad exitum fatidico magisterio præconsignaverat . Horum anacephalæosis, sive recapitulatio, & expositio . Regina improvise morbo corripitur, qui veneni fraude propinatus, curis principio, & vigiliis imputabatur . Exercitus consternatio, & conquestus . Extremo in discrimine laborantis præceps votum, cuius increpitam Numen ex insperato sanitati restituit .





## LIBER DECIMUS.



**P**rompserat Eo roseam de gurgite bigam  
 Aurora instanti recludens *Æthera Soli*.  
*Nec mora : lætifico fervent jam Castra tumultu*  
*Excita, Et inductis Regina supervenit armis.*

*Itur ad Aulæ dives penetræle repostæ ;*  
*Et, quantà sit Martis opus mercede repensum,*  
*Inspicitur, quanto cumuletur adorea lucro.*

*Panditur Austriacæ congesta opulentia gaza :*  
*Plurima signati, vacuæque talenta metalli*  
*Flaventis : Tyrio Vestis saturata veneno :*  
*Ingens argentum : Lapidæque Oriente relati*  
*Luce coruscantes variâ : multusque Myronis,*  
*Multus Apellæ labor inclytus artis, Et artis*  
*Phydiacæ : pictique Pbaro texente Tapetes*  
*Hinc, inde expositi prostant, oculosque morantur ;*  
*Armorumque strues, Martique operata supellex.*

*Omnia sed longè super hæc hausere tuentes*  
*Plumata, usque aded vivis animata figuris,*  
*Ut voces proferre putes, atque intima clausi*  
*Promere sensa animi, mentisque aperire recessus.*  
*Dos minor inserto dives contextus ab auro.*  
*Stamina vincit opus, pretiumque accedit ab arte.*  
*Nec species confusa perit ; certo ordine pandit*  
*Lucidus instructi Paries Aulæ theatri.*

*Adjicit buc oculos Regina, atque admovet acres*  
*Intuitus. Illis nuper te, Mantua, Mavors*  
*Exiit Austriacus, Fati ludente sagaxis*  
*Ingenio, Et Pragæ periturâ condidit arce,*

*Postmo-*

Postmodò Christinæ ventura in præmia magnæ,  
 Cujus vaticinò referebant gesta labore  
 Temporis, atque operum vario distincta tenore.  
 Haud tamen occultos intrare, Et prendere sensus  
 Sufficit; atque auget sese irritata cupido  
 Acris. Ergo aliquem, cui sint ea pervia, poscit,  
 Prorsus ut ignaram ducat per singula mentem.

Mos fuit à Manto longum servatus in ævum  
 Ex tot virgineis Terræ cognominis unam.  
 Catibus excerpti, quæ tanti ab origine Textus  
 Notitiam rerum, seriemque instructa teneret;  
 Quò, si quis Regum præfaga Aulea doceri  
 Posceret; arcanas cupido proferre figuras  
 Posset, Et occultos ex ordine promere sensus.

Hæc tunc Regine, morem monstrante ministro,  
 Olim cui tantæ custodia tradita gaze,  
 Adfuit accitu; namque banc cum ditibus Urbis  
 Tralatam exuviis Victor Germanus, Et omnis  
 Exortem cladis veterem servarat in usum.

Atque hæc exuta galeam simul ora notavit  
 Christinæ, obstupuit, vocemque, gradumque repressit.  
 Nam, quæ per textas regnabat prima figuras,  
 Effigies, Hujus speciem referebat, Et ora.  
 Hinc prope retractans ~~non~~ sagi argumenta laboris,  
 Huic Opus impensum novit; nam gesta, genusque  
 Componi signis, Et consentire videbat.

Ergo sibi è cunctis Fatum indulfisse latentes  
 Lætæ Figurarum sensus aperire petenti  
 Ipsarum Authori, jussis accedit, Et altè  
 Gaudia dissimulat, quò per monumenta vaganti  
 Liberior cursus, nulloque pudore retentus  
 Reginæ, flueret, seriemque evolveret omnem,  
 Textus ubi parè signatos proderet actus.

Inde subit propius, flexoque ita poplite fatur:

Floruit Ausonia in medio, dum fata sinebant,  
Mantua Vaticinæ nomen de nomine Mantus  
Sortita, Et Ducibus regnata, atque aucta vetustis,  
Heroum quibus alta venit de stirpe Propago,  
Regibus optata in tædas, Et Regibus aqua  
Virtute, atque animis, nec censu divite dispar.  
Quos tulerit Gens tanta Viros, satis acta minoris  
Ostentant sexus toties capita alta potentum  
Enixi Regum. Sed quid diversa revolvam  
Accita in lucem Textus? Suffecerit Una  
Cætibus excerpta è cunctis. Hinc illa Metbildes  
Edita, perpetuos cui grata instaurat bonores.  
Promerita, atque auctus refert Roma inclyta primos.

Hanc Manto sedem Thebarum mania supra,  
Vagitumque solum Terræ natalis amavit,  
Muneribusque auxit magnis. Hic sumere vittas  
Sapius, Et sortes populis aperire futuras  
Plurima gaudebat. Nostras nec prodere clades  
Abstenuit; si quo instantes evadere casus  
Fas foret ingenio. Sed qui convertere mentem  
Admonitus valeant, Et Fati rumpere cursum?

Nostra tamen spacio non duratura perenni  
Vulnera prædixit, redituri baud cassa sereni.  
Et jam conversis respirat Mantua Divis  
In melius, restent quamvis vestigia dira  
Noctis, Et enormis deformet membra cicatrix.  
Sed neque subversæ ferroque, atque ignibus Urbis  
Immune à mulctâ scelus est; namque altus ab Arcto  
Incubuit turbo; nec justa piacula cessant  
Ex illò; Et largo pensatur sanguine noxa;  
Quamvis baud lætus Cæsar nimis ensis adacti,  
Casibus ingemuit nostris, titulosque refugit.

*Sera sed hæc clades: dilectas Præscia terras  
Dignari interea aspectu, præsensque videri  
Perstitit, Argolicis raro quod contigit oris.*

*Illæ etiam, extremum cum non reditura recessit,  
Addita Concilio Superum, mansuraque Cælo,  
Aulea in magni monumentum, Et pignus amoris  
Hæc prius ordita est (ornatum Principis aulæ,  
Et pretium) sacroque hæc misit pectore voces:*  
,, Aurea lustratis remeabunt sæcula terris,  
,, Præcipue Ausoniis, cum se indulgebit ab Arcto  
,, Bella trabens primò, mox autrix pacis Amazon,  
,, Cujus in hoc tractum signamus gesta labore  
,, Palladio. Vastator opum, raptorque tuarum,  
,, Mantua, tunc solvet pœnas; Et præmia dextra  
,, Vindicis hæc tantum Victrix Aulæ Virago,  
,, Excerpt, secumque feret, cum Sceptra relinquet  
,, Orbis Hyperborei, Romanasque incolet arces.

*Hæc Opifex: sagi mens hæc, Et causa Laboris;  
Quemque loquatur Opus, tu Te Regina docebis  
Ipsa tibi interpres, non indicis indiga nostri.  
Plurima sed restant, nec pars sat sufficit una,  
Impleat ut penitus tantarum oracula rerum;  
Gesta facem tollant quamvis transacta futuris.*

*Dixit, Et ut mutis accommodet ora Figuris,  
Stat ponè, Et juncto percurrit singula visu.*

*Prima Operis summam Species spectantibus offert;  
Textorumque docet quod caperit argumentum  
Artifici: annorum procedunt cætera ductu.*

*Hæc ibat purâ prolabens Mincius urna,  
Vicinoque lacu prognatus margine pulchro  
Nutribat Regum signatos nomine flores.  
Illius in ripâ redimitus tempora serto  
Non uno adstabat Vates sub tegmine sagi,*

*Quam*

Quam subter calami tenues, Et avena jacebant;  
 Sed Tuba de summis pendebat Martia ramis.  
 Non longè vittata comas se præscia Manto  
 Tollebat ceu plena Deo, distantia fata  
 Visa loqui, Et digito majoris Virginis illi  
 Annuere ad speciem, dignamque Marone coronam  
 Ostentans Phrygii carmen ridere laboris.  
 Ipse ager, visusque sacro defixus in ore  
 Dilatos queritur quod non indulserit ortus  
 Atropos; Et primæ sordent jam præmia laurus.  
 Virgo autem triplici frontem diademate cincta  
 Alta repellebat terras, cælumque subire  
 Ardebat: sed passa tamen tellure morari,  
 In præceps versi dum res componeret Orbis.  
 Mœnia sub pedibus, disjectaque rostra, Ducesque  
 Semineces, tristesque solum fumante cruore  
 Exhalans nebulas, Et circum mortis imago  
 Plurima, Et insano ludens in pulvere Mavors.  
 Ipsa autem trepidi tantâ in vertigine mundi  
 Non oculis, non ore minax, stat fronte serenâ  
 Fœdere nunc Martem, nunc fœdera Marte reposcens.  
 Dextra tenet gladium, ramos intentat olive  
 Læva, pari studio se impendens undique terris.  
 Una salutifero pertentans ulcera ferro  
 Prospicit intactis, corruptosque amputat artus.  
 Altera collectos læta ad commercia ducit  
 Virtutum cœtus, Et pulcras asserit artes.

Hac placuit Specie tantis proludere Textis  
 Artifici; hinc totum se in partes digerit agmen.

Ecce autem exortus dudum meditata resolvit  
 Cunctantem Lucina uterum: Matrique, Patrique  
 Gaudia mixta ferens sexu Hanc, Hunc indole reddit.  
 Hinc sibi plus Genitris Fata indulgisse putavit

*Fœmineo in partu sat Regni ad jura tenenti.  
Sed citò Naturam magno propensa Parenti  
Correxit Virtus; mancamque absolvit, & auxit.  
Plenior hinc animis, nec successoris habendi  
Anxius ad metam stetit banc, atque basit in Unâ.*

*Queritur interea, tantè qui cultibus adsint  
Indolis, & magni quos non provincia lassent  
Muneris (in mores formandi namque pudoris  
Cura minor precibus Matronæ è sanguine Regum  
Cesserat ante ortus merces, baud norma, laborve.)  
Sed quis tam volucris par menti? Ponè secuta est  
Regula directrix; & plus didicere Magistri.  
Quicquid in abstrusis conflatur Natura latebris  
Abdita: quis ventos cieat, terreque, marique  
Injiciat tumidos, varioque à cardine laxet:  
Quid teneat fluctus, bibulisque illidat arenis  
Altiùs elatos: quo pascant sidera rore  
Telbis, & ambiguas quâ lance reciprocet undas:  
Quæ Phœbi, Phœbesque viæ: quis dividat annum  
Circulus; & rerum durent quo fœdera bello,  
Ocyùs assequitur; mentemque informat, & ornat.*

*Hinc se demittens, quicquid labor extudit arte  
Arduus ingenuâ, Gentesque polivit, & auxit;  
Pervoluit. Faciles mox acri examine pensat  
Quæ faciat populos, quæ freno reddat amicos  
Temperies: quo summus Honos munimine constet  
Tutior, & justos deceant quæ metra Potentes,  
Intima percenset. Sed visu in Sidera tolli,  
Arcanasque vices, venturaque prendere fata  
Jam tum primus amor. Patrii namque altiùs ire  
Ætheris allectu, sensimque relinquere Terram  
Calo Aliquid majus, nimioque in lumine clausum  
Sollicitas acies, animumque impellit anbelum.*



*Non secus æthereas longè qui crescit in auras  
 Arduus, Et reliquis dominatur montibus Atlas:  
 Non tam verticibus, cornuque minante superbit;  
 Quàm, quod sidereis humeros accomodat aptos  
 Orbibus, Et fessos non fessus sustinet axes.*

*Hic species diversa subit, sed laudibus aqua,  
 Proximiorque mari, mollesque exosa cathedras.  
 Nam lectis gaudet se permiscere Virorum  
 Cœtibus; elapsa donec sub tempora lucis  
 Segniùs ad Matrem sera, Et non lata recedit.  
 Degeneres tractare colus, plaususque mereri  
 Laudis Aracnæ dos altè incognita dextrè.  
 Nec tunicis gemmas, atque internectere palle  
 Littoris Eoi lapides; sed fortibus armis  
 Addere cura frequens, hosque insertare corusco  
 Interdum capulo, galeamque ornare comantem.  
 Fundere cornipedem, laxisque impellere frenis;  
 Mox subitè revocare manu, pressisque lupatis  
 Frangere, Et obsequium nullo non velle per actus:  
 Armorum quodcunque genus tractare; sagittà  
 Longiùs objecta, jaculovè incurrere metæ:  
 Præcipites urgere gradus, atque ensis, Et bastæ  
 Ferre minas propiùs, varioque laceßere ludum  
 Ingenio Regum quis non concesserit illi?  
 Cui vigor, Et dubii tanta experientia Martis?*

*Hæc Studia, hi mores: quod si interjungere mentis  
 Pondera longa placet, seque integrare labori:  
 Migrat ad Aomias Dux, Et tutela Sorores;  
 Inque vicem laudes Heroum pangit, Et audit.*

*Verba etiam humanæ quotquot concepta loquela  
 Emittunt, properat callere. Inde ipsa per omnes  
 Miscet se populos; Et per commercia lingue  
 Responsa Externis nullo usa interprete reddit.*

*Fanque hic exequitur, quicquid praeceperat ante  
 Vis consultata animi. Sublato namque Parente  
 Sufficitur Regnis, tralataque sceptrum minatur.  
 Undique res trepida: Socii sua lucra secuti  
 Versi aliò, cladesque recens, Hostisque refectus  
 Viribus externis, infensaue singula circum.  
 Quin rejectorum non constatura Procorum  
 Fœdera Rutheni, Danique; olimque Nepotum  
 Exactrix non lenta Parens, stirpemque reposcens  
 Quolibet ingenio; longinquaue bella perosus  
 Civis, Et erepta despondens Rege triumphos.*

*Attamen una sibi satis est divisa per omnes;  
 Componitque alios, alios contundit; iniquos  
 Corripit, aut tandem plectit: per munera Fortes  
 Allicit ad laudes: dubios confirmat: opertos  
 Excudit: alloquiis maternos temperat astus  
 Lenibus; atque omnis momenti gnara, vicissim  
 Nunc differt, nunc urget opus, cauta undique, certa  
 Et vigil intuitu; nullique accommoda fraudi.*

*Haud satis est duris non frangier: addere cultus  
 Cultibus, Et studiis alterna Palladis instat  
 Altiùs Indigenum cumulare, Et tollere mentes.  
 Neve quid argenti plaga dissita Cardinis obstat;  
 In varias satagit commercia spargere gentes:  
 Orsa Caledoniis à noti littoris oris.  
 Hinc per inexpertos etiam vaga robora fluctus  
 Legat, Et Arcturo geminos communicat Indos  
 Non passa amotos quicquam nescire Tirones,  
 Quod dat proximior Sol ditibus incrementis.*

*Extera susceptis sic præstat commoda regnis:  
 Intima sic pacat: sic circumfusa coercet.*

*At non Humani tantum comatibus Hostis  
 Cogitur obniti, Terraque obvertier armis.*

*Insidias,*

*Insidias, bellamque trabens, geminumque furorem,  
 Gliscit, Et alternis se viribus instruit Orcus:  
 Inque unum tot tela caput manifestus, opertus  
 Intendit. Prædę nam, quam præceperat, anceps  
 Instat, Et hanc laqueis circumdare pluribus ardet.  
 Vique, doloque simul. Lituos en inflat Enyo  
 Integrata truces, hastamque, facemque coruscat,  
 Et propè compositos in prælia Teutonas armat.  
 Hæc procul; ut bellis Virgo distracta vacaret  
 Ægrius insidiis prendendis, perfidus olim  
 Regna quibus Luther malè cautę innexerat Arcios.  
 Sed gravior, pejorque domi vis ingruit, intus  
 Ficta dolis, extrà specie suffusa dolosa,  
 Et Regni prætexta bono, sceptrique labantis  
 Abdita præsidio. Plebes, Procereſque, Parensque  
 Conjugium poſcunt; precibusque, Et fraudibus urgent  
 Successum: Nutrixque palàm, Sociaque latentes  
 Insinuant blandas vario molimine tædas,  
 Donaſque Sceptriſerum numerant, Et vota Procorum.  
 Callidus hinc, illinc tantà se ſubjicit arte  
 Hostis, ut alterutrà vincatur fraude Virago  
 Vel capta illecebris Veneris, vel territa Martis  
 Caſibus; Et reſidi tandem ſe cogat in aulà  
 Submittens animos curis innexa maritis.*

*Illius in cladem ſed ſi ſe ſuſtulit Orcus:  
 Haud Superæ dilator opis ceſſavit Olympus  
 Ferre manus contrà. Cernis, quam leget anbelę  
 Numen ab excelsò Prædem? Spes ergo ſalutis  
 Certa. Nec Ætherei ſtetit hic tatela, favorque  
 Polliciti. Imperii ſines proferre, triumphum  
 Non unum in terris ſuperaddit largus, Et inde,  
 (Dummodò non fleſcat recto detramite greſſus)  
 Participes ſecum Thalami, Regniſque receptus.*

*Auspice tam fido manifestâ est voce professa  
Nullius in tædas cessuram: cœlibe vitâ  
Sat læta, Et curas tantùm complexa viriles.  
Certa nec ex illò tentata est fraudibus ullis  
Virginitas. Siluere preces, rejectus Et omnis  
Ambitus, atque animo pax est asserta pudico.*

*Pralia restabant tumidi pars altera Ditis,  
Hostis ubi moles operosior, auctaque nuper  
Incrementa mali, Nortlingæ in pulvere latè  
Viribus accisis, Et Cimbri penè peractò.*

*Major at hinc clades inimicum plexit Avernum  
Vindice sub tantâ. Cernis terræque, marique  
Turbine quo sternat Danos? utque inde reversa  
Immensam per regna trabat Germana ruinam?*

*Spectatis bucusque fides impleta, suusque  
Exitus, ut decuit, respondet. Marte secundo,  
Hoste nec ulterius fiso se credere campo,  
Sternit, quidquid obest, Et clausas proruit Urbes.*

Præsum  
scilicet.

*Ipsa etiam hanc Arcem ( nimium provec̃ta, repente  
Substitit; inque vicem se respexere; sed Illa  
Deprendi rubuit, prolapsò Hæc palluit ore. )  
Nam, donec species se consona proderet actis,  
Authoremque palàm Texti monstraret imago;  
Condere notitiam se se reagentis utrique  
Consilium fuerat; linguæ quò liber, Et auris  
Uusus: Et in latebris Hæc disceret, Illa doceret.  
Sed risu mox plausa brevi, recreataque fronte  
Lenè renidenti, verba intercisa resumpsit.*

*Hinc jam nullus obex, summoque in cardine Cæsar:  
Hæc operis, votique potens, Et certa triumpho;  
Cursibus in mediis statuit cùm parcere victis  
Supplicibus, cobibetque manus, ensẽque recondit  
Ipsa sui victrix, Mundoque impensa Virago.*

*Alterâ*

*Altera Cocyti sic contudit orsa ; nec ultra  
Indulget terris , toto sed pectore Cælum  
Arripit , Et vires buc vertit , Et applicat omnes .*

*Nec mora ; transmittit victrici Classe profundum  
Ditior hęc , ibat prædæ quod prorsus inanis :  
Maior at , exhausti quodd se sub fine laboris  
Substinuit , pacemque dedit jam penè subactis ,  
Abnuerat belli , quam dum fortuna pependit .*

*Undique Legati cunctis à Regibus adsunt  
Gratantes reducem , geminoque in marte potitam  
Pro libito votis , Et , quantum haud obstitit , auctam .  
Latiùs hinc nomen prolatis finibus actum ,  
Totaque in obsequium solis vel nutibus Arcetos  
Et , quæ infensa priùs , discorsque , atque æmula sceptris  
Constitit , Et dudum studiis dissensit , Et armis .*

Dania .

*Jam partis , jam pace frui , jam divitis Aula  
Impleri illecebris , inque ocia blanda resolvi  
Tempus erat . Mendax aliud nec Fama futurum  
Spargebat Regum de more Viraginis ausa  
Metiri ingenium . Sed quos non falsa fefellit ?  
Scilicet hoc ipso Fortunæ , Et Pacis in auctu  
Descendit Solio , terrenaque fura perosa  
Donat Hyperborei sceptrum sublime Clienti  
Orbis , Et Arcæoas jam sat dignata pruinas  
Se procul externis majora in munera regnis  
Destinat . At , quamvis Tyrios rejecit amictus :  
Perstat Honos , semperque Caput Diademate surgit ;  
Auctaque perpetuo Majestas crescit in Ostro .*

*Ecce autem studiis certatim ardentibus Urbes ,  
Quotquot præcipuà tollunt se dote per Orbem ,  
Intendunt palmas , Et vultu supplice poscunt  
Præferri , laxantque sinus , Et mœnia pandunt .  
Sed , quam tam lecto dignentur pignore Divi ,*

*Imponentque aliis, Et magno munere ditent?  
 O' nunquam non cara Polo, sortitaque semper  
 Summum, Roma, decus, partisque ignara secunde!  
 Tolle caput Caelo; septenaque culmina surgant  
 Altius, Et flavâ Tiberis fluat aureus undâ.  
 Te sors tanta manet: tu tantæ Heroidis una,  
 Una capax legeris. Te nunc metire, tuosque  
 Tolle procul fasces, atque amula despice vota.*

*Atque equidem meritò; totâ nam mente superbuni  
 Deposita devota coles: quo læta triumpho  
 Illius accessu! sed quo mox versa tumultu,  
 Cum pulsata salus, ancepsque hærebit in arcto  
 Spes tua; nec justo procedent fila tenore!  
 Sed gratare tibi: lacrymis evicta tenebunt  
 Fata tuis cursum; dudumque beabere magnâ  
 Hospite, Et in longam durabunt gaudia metam,  
 Certaquer ter denos ibit Tutela per annos.*

*En positis vittis, Et Majestate retentâ  
 Longum iter aggreditur, frustraquer latere laborans  
 Proditur externas luce erumpente per oras;  
 Dum lapsi in luctus, Et apertâ penè Triones  
 Seditione dolent (ut vincla invisâ perosi  
 Sæpè fremunt populi, libertatemque reposcunt)  
 Dimitti, solvique jugo. Subit ecce per Alpes,  
 Altaque nimbiferi de rupibus Apennini  
 Insubriæ tractus, atque Hespera Regna salutat.  
 Mox, quos summus Apex Terpeiâ legat ab Arce  
 Hospitis ad tantæ occursus, excepta Dynastis  
 Sollicitat festina vias, Picenaquer Tempia  
 Ingreditur supplex, atque in donaria voti  
 Pectoris Argenti gemmata Insignia mundi  
 Virginis ante pedes submittit cernua Matris.  
 Tantus Et in famulam recipi nunc ambitus instat,*

*Quan-*

Innuitur  
 Romæ cre-  
 pidatio,  
 quociens Re-  
 gine Salus  
 non consti-  
 tit.



*Quantus in Arctoum tolli non institit Orbem.*

*Inde iter instaurat ; populisque undantibus arctas*

*Eluctata vias Romæ se præstat anbelæ,*

*Non aliàs ausæ tantum sperare triumphum ;*

*Momentoque Parens uno non unus, Et Unus*

*Excipit : in terris magnus, sed major in Astris.*

*Ex illò Æthereæ renovata afflatibus auræ*

*Grandior incedit, totoque augustior ore*

*Affulget Romæ ; seque actu monstrat in omni*

*Digressam nuper Cælo, madidamque beatiss*

*Hausibus, atque olim redituram rursus eodem.*

*Ergo animo quicumque viget, pulchrasque per artes*

*Eminet : erigitur quisquis per Martia gesta,*

*Huc simul appropinquat, solioque Heroidis adstant*

*Agmine devoto. Tutatur, Et auget amicam*

*Congeriem ; sed rarus bonos meruisse probari*

*Prorsus, Et accessu non caligare propinquo.*

*Hos super emittit radios, ceu Lucifer ignes*

*Affligit socios, rutilantique imperat astro :*

*(Omnibus excerptum Vates Hunc sæpè locuta est*

*Præscia) Nerliades : stirps primo è germine Gentis*

*Meoniæ, Patruo qui mox successor in ostro,*

*Insignis vittis, Et Phœbi fronde revinctus,*

*Quamvis tot decorum censu in tam divite Lauri*

*Diffimulatus bonos, suppressaque gloria plectri.*

*Vindicat Hic primus sibi corda Viraginis arcto*

*Virtutum vincolo, mirantique altiùs hæret*

*Omnibus antebabitus. Nam quis par mutua præstet*

*Ingenio, atque avidæ documenta, Et pabula menti?*

*Sæpiùs baud unam quando Hic Legatus ad Aulam,*

*Mox arcanorum Custos, rectorque supremi*

*Confessus. Hinc jura Petri seu missa supernis*

*Sedibus, atque illinc vires habitura reposcat :*

*Seu latebras, Natura, tuas, causasque revolvat;  
 Repperit hic, quicquid rimatur fonte redundans  
 Immenso; doctamque sitim restinguit, Et auget.  
 Nempe illi Sophia pars nulla intacta, nec illus  
 Sudor inexpertus. Mens Idem, normaue Juris.  
 Perque gradus omnes, quamvis cunctantibus annis  
 Transilit impensus Terris, impensus Olympo:  
 Arduus, Et nullà respersus labe, manuque  
 Largus, Et in magnis meritis majora, nec ipsi  
 Dotibus ingenii Reginae, Et cultibus impar.*

*Interea nullis in cassum passa rogari  
 Supplicibus partitur opes, aurumque refundit  
 Larga manu, hoc solum tactu dignata, levare  
 Quo merita est Virtus, Pauperque juvandus, Et hospes.  
 Nec minùs, insurgens quicquid molitur Erynnis  
 Rixarum cives inter, dissolvit, Et alta  
 Compositis dat pace frui, conversaue fleclit  
 Pectora, Et in vitium pugnas hortatur honestas.*

*Non tamen Ausonii non ultra limitis oram  
 Tendet, Et bis tantum spaciis contenta quiescet.  
 Latius excedet; finesque egressa Latinos  
 Consulet externis præsens, Et provida Regnis.  
 Liligeras lustrare plagas en gaudet amico  
 Nexu olim junctas Germani in praelia Martis.  
 Atque iterum Gallus belli compendia nactus  
 Plurima Teutonici latè jam finibus audis  
 Huius ab afflatu longè potiora propinquo  
 Lucra trabet. Tanta nam mox exempla secutus  
 Hospitis ejecto, quicquid pars una veneni  
 Hauserat, in Terris constabit totus, Et Astris  
 Integer, Et Titulis respondens prorsus honoris.*

*Huc adverte oculos, paulòque hic longius hære;  
 Plurima nam rerum species, Et fusior ordo*

*Armorum objicitur; nec solum Caesaris Urbes  
Haustura, Et populos, sed, si succedat, in unum  
Tractura Italiam clades, Et sceptrum Quirini.*

*Arcem, quae prostat, sat noveris esse Viennam  
Augusti sedem: si, quae procul eminet, Ales  
Unius baud capitis, geminusque advertitur Ister.  
Nec minus, immenso qui vallant agmine muros,  
Esse Scythas noris; Lunis si inscripta notentur  
Vexilla, atque arcus, omnique in vertice Turbo.*

*Tbrax olim inceptis instans, ausisque Tyrannus  
Sub juga Christicolae cogendi barbara gentes,  
Qua mare, qua tellus: citius quod sine potiri  
Immodico possit, Romam sibi subdere totis  
Viribus instituit, stirpemque abolere Latinam.  
Nam, si victori procumberet incluta Mundi  
Roma Caput; facilis mox Cetera praeda venirent.  
Sed videt Austriacam tumidis conatibus Arcem  
Obstare, immensam nec posse absolvere molem  
Hac stante, Et sacrae studiis haerente Tiarae.  
Sudor at hic ingens, atque alea plena pericli,  
Et spes immenso vix successura labore.  
Nam latus ingressum conantibus objicit, altis  
Moenibus, atque animis, titulisque effulta Vienna  
Non semel Ismarii nisus frustrata Tyranni.*

*Saucius hac cura tacitis manifesta recondet  
Arma dolis aliud simulans spectare paratus  
Martis, Et Euphraten praetendit callidus Istro.  
Momenta insidiis donec jam commoda nactus,  
Tergeminique diu succinctus viribus Orbis  
Flectet in Augustum contempta pace catervas  
Non armis, opibusve parem; nam fidere laevo  
Ibit in alternas discors Germania cades,  
Bistonisque haerens arcano foedere Pannon*

*Exeret*

*Exeret in Dominum sceleratos perfidus enses.  
Nec satis in cursu mulctatus proderit ausus,  
Oppressique Duces, opportunaque secures.*

*Latiùs in plures serpet nam posthuma pestis;*

Nadañ.  
Frangip.  
& Tanimb.

*Deque tribus justo Cervicibus ense recisis  
Erumpet tam multa seges fecunda veneni,  
Inque diem nocitura magis: compleverit angue  
Parcius ut Libyen Caput exitiale Medusæ,  
Docta per attonitas quod fabula transtulit aures.*

*Sed, neque sinceris, E, quos suspectus habebit  
Sollicitos belli nimbus, minùs apta dedisse  
Tempora maturo poterit Fortuna periculo.  
Nam procul Ismarios nuper perpeffa furores  
Sarmata vix primum siccabunt Regna cruorem,  
Atque intestinos agitantur turbida motus.*

*Ergo moræ impatiens dudum collecta citabit  
Agmina non cautum Biston conversus in Istrum.  
Provida E infidas si non præsenserit artes  
Europæ Custos, fraudesque intravit opertas:  
Callida successu gaudebunt orsa secundo.  
Illa sed Arctoi cum primum libera sceptri  
Pondere Romuleâ sedem sibi figet in arce  
Undique, ubique vigil, Mundique impensa saluti,  
Noscet ab Odrysio fidæ Prædone cavendum  
Nunc, olim Caulæ; nostrisque hunc cladibus auctum.  
Urgere inceptus, avidoque insistere voto.  
Hinc ab inexplcto visus non auferet Hoste,  
Suspectosque sinus penetrabit lumine certo,  
Deprendetque dolos: E seri sceptrâ Tenentem  
Imperii extemplò armari, nec fidere paci  
Tracturâ in præcept iterumque, iterumque monebit.  
Nec minùs bortatu Reges orabit anbelo,  
Conciliat quos una Fides, socia arma citare*

Nutan-

Nutanti rerum Capiti ; fraudesque latentes  
Efferet ante oculos . Præsertim fræna Regenti  
Sarmata Germanæ contagia proxima gentis  
Ingeret incumbens , mersuraque fata propinquum .  
Neve sibi exemptos , Et crudâ pace redemptos  
Teutoniæ populos , fuerat quos passa Trionum  
Auferrî titulis , certisque deesse triumphis ,  
Bistonio obverti quod possent justius hosti ,  
Ipsa olim Victrix ; lenti paterentur eosdem  
Decidere in casses , Thracumque accedere lucro .  
Ante tamen cunctos incesset sapius aures  
Pontificis precibus , currentique addere calcar  
Suppliciter sataget Terris partita , Poloque .  
Illius ergo animis fidi ter Maximus Orbis  
Urgebit Rector socias conjungere dextras  
Cæsaris auxilio , diroque occurrere monstro  
Sarmaticum , Venetumque Duces : Properantior Ille :  
Noxior Hic aderit ; nam formidatus in oris  
Æquoreis , trepidique ruens in viscera Thracis  
Ancipitem coget partiri Signa , minùsque  
Tendere se terris , Istrique insistere ripis .  
Inde minor Biston , majorque Augustus , Et inde  
Liberior cursus Mysj trans ultima Regni  
Austriaco , atque arces non unâ in parte receptæ .  
Nec mora : Parrhasiâ digna Hortatrice sequetur  
Laurea . Bistonidum pars campo strata jacebit ,  
Pars in vincla ruet , pars fluctibus hausta peribit ;  
Certabitque uni Germania grata referre  
Certius effugium , primosque ex Thrace triumphos .

Hæc tamen admonitu , crebrisque hortatibus urgens  
Evincet gelidi Moderatrix fervida mundi .  
Ipsius Effigies hic nuda , atque oris Imago ,  
Inspice , quid poterit supremo in cardine Regi

Latura

*Latura auxilium, dextramque datura Britanno.*

*Atque equidem populis prolata ad Texta coactis  
Fusius hinc herens Regina Præscia tanta  
Monstrabat, quàm multa foret super Astra futura  
Gratia, quàm grandi meritum mercede rependet  
Numen, cùm tantum cogi volet instar in Unam.*

*Orbe alio Thamesis celebratus classibus urnam  
Egerit ingentem, populosaque mœnia findit  
Londini, tumidis quæ trux everberat undis  
Oceanus; sed major byems, pejorque Colonos  
Insilit assiduis tempestas fœta procellis.*

*Hic gemini infide tractant moderamina molis  
Nuper ab exilio Germani ad sceptra vocati  
Imperii ancipitis, fœdoque cruore Parentis  
Assistunt clavo. Regni tenet Alter habenas,  
Alter agit curas bellorum, Et temperat arma.  
Plebis at experti vertenda in jura furores  
Præcipitis, Superosque etiam, Cælumque perosa  
Fræna tenent trepidante manu; nec vincula solum  
Libera non audent moliri, Et stringere morsum,  
Sed neque Calicolis operari more parentum  
Dant sibi. Clam tacitis venerantur Numina votis  
Semoti, Et nullo suffundunt thure. sacellum.*

*Ecce jacet vitæ supremo in margine Rector  
Crudus adhuc fato, nec dum vergente senectâ.  
Deficit ille quidem morbo carpente; sed ægrum  
Altiùs exagitat non justis cultibus Æther  
Pensatus cobibente metu, confessaque parçè  
Mens Superos, dubioque latens in fœdere Cælum.  
Nam, si culta sibi sincero Numina ritu  
Proferat, Et nullâ vulgi temerata profani  
Labe: timet rursus, ne plebs sublata rebelles  
Proruat in furias; concussa que fulcra laborent.*

*Usque*



Usque aded extremis etiam sub lapsibus horæ  
Occiduae Reges retinendi Muricis altus  
Urget amor; major quamvis jactura perurat  
Sollicitos animos, Et Tellus pugnet Olympo.

Hareret in hoc bivio, miseroque reciprocus estu  
Nutat; Et exhausti superest pars ultima pensi.  
At, propè supremo dum versat lumina motu,  
Ecce triumphali redimitam tempora lauru  
Reginam, sceptrumque manu Regale tenentem,  
Quale nec Assyriâ, Cræsi nec finxit in aulâ  
Prisca dies, adstare videt, pallâque coruscâ  
Gemmisferâ; sed maior bonos de fronte serenâ  
Irrigat attonitum, tenebrisque effulget abactis.  
Illicet agnoscit mediâ in caligine mortis  
Auxiliare jubar; nam quis sit notior Illâ,  
Quæ patriâ expulso reliquis cessantibus Una  
Appropinquavit opem, turmisque instruxit, Et auro?  
Illa laboranti tam diro in turbine vultum  
Advertens tali defectum voce videtur  
Erigere in vires, vegetemque reposcere mentem.

Rumpe moras: Quid segnis adhuc non arripis ansam  
Ancipitem, Et lapsi reparas dispendia cursus?  
Reliquias? ne times, momentaque sera caduci  
Turbare Imperii, si te resciscat iniqua  
Seditio in ritus non consentire profanos?  
Quantum noctis habet, quisquis terrena veretur  
Perdere, Cœlicolis si fœdera servet amicis!  
Scandimus hâc Cælum. Pulchro cum fine redemptus  
Astra petes, tunc plena dies has auferet umbras:  
Tunc tibi nil æquè magnum potuisse videbis,  
Letandumque dari, quàm, si flagrante tumultu,  
Murice direpto, fusoque cruore fuisset  
Constatura Fides, sanusque receptus emendus.

Mm

Certè

Ex Christi-  
na Simula-  
cro, quod  
Rex in cubi-  
culo habebat  
paria sulen-  
di animos  
hausc.

*Certè ego tunc pleno Regni me jure potitam.  
 Persensi, cum sceptrâ Polo, prolataque vovi  
 Imperia, Et medio converti in tramite cursum.  
 Cerne manum, percurrere comas, Et Syrma tuere;  
 An tibi nos viles, quod Cælo impendimus Ostrum?  
 Quin mage durat bonos, Et largo sænore crescit;  
 Nec tamen hoc tantum precio discessimus aulâ.  
 Altera debetur merces obnoxia nullis  
 Casibus. In patriis dominari poscimus Astris.*

*Talia Parrhasiam, vel non diversa daturam  
 Monstrabat Vates, atque hac in parte morari  
 Plurima gaudebat, memori quæ mente recondo  
 Mox transmissa mihi. Rex hinc virtute resectus  
 Ecce novâ erigitur, Romanaque jura professo  
 Exequitur ritu, lætusque humana relinquit  
 Imperia, Et sceptrum sceptro meliore rependit.*

*Ausonis hic Virgo visa est nutare, nec illa  
 Signa sequi, junctim quæ proximus ordo ferebat  
 Ulteriùs tendens; Species nam mæsta tenebat  
 Cunctantem. Advertit dubiam Regina, simulque  
 Admonita objectu plangentis Funera Textus,  
 Herentem prendit, tantoque impensius urget  
 Ire per inceptus, causamque evolvere luctus.  
 Tunc Virgo haud constans, nec læto hac addidit ore:*

*Hic verò, immenso quò confluit agmine turba  
 Gentibus è cunctis, juxtâque est crine soluto  
 Cernere Virtutum catus multumque, diuque  
 Irasci ingratis, visusque avertere terris:  
 Quod Tellus habuit tam magnæ Præsidis unum,  
 Clauditur hic Spolium. Saxo hoc beu! conditur arcæ  
 Ingentis Cortex animi, minor Arcticus axis  
 Quo fuit, Et gemini quem non capere Triones,  
 Theutoniaque Orbis domitæ: vix nomine nudo*

*Inscriptus, Titulis non consignatus, Et Actis:*

*Nulla tamen Regum cultu celebrabitur Urna*

*Tam pleno: non subiecti quæ Tibridis undis*

*Ælia se profert, Et transit nubila Moles.*

*Fama sed æternum Tumulo reticente loquetur*

*Hæc, quæ supremo tendunt se carmina limbo:*

„*Illius Exuvium latet hic, quæ Fœmina vicit*

„*Una Mares, Regesque simul Regina superstans*

„*Pura etiam justus fugit contagia Læti,*

„*Cocytique dolos, Et Terræ contudit arma*

„*Perpetuò victrix, positoque augustior Ostro.*

„*Ipsa autem excussò, quicquid Telluris habebat,*

„*Astra tenet, regnatque Tboro desponsa Tonantis.*

*Carminibus quàm certa fides! En lumine vero*

*Plena, caput trino diademate cincta coruscum*

*Ingreditur Cælum magno subvecta triumpho.*

*Regina intuitu postquam sat novit in illo*

*Se sibi monstrari (tantus consensus utrinque*

*Convenit, Et nullum gemino discrimen in ore)*

*Leniter arrisit non aspernata referri*

*Artis ope; atque actu quamvis laudavit in omni*

*Effigies: patrium quæ jam scandebat Olympum,*

*Illa magis placuit, penitusque allexit Imago.*

*Noverat hæc Manto de Regnatrice Trionum*

*Præscia, Et intexto radiis solertibus auro*

*Licia perpetuo direxerat argumento.*

*Sed quàm penè fides, succiso stamine vitæ,*

*Destituit Vatem, properataque Parca futuros*

*Prævertit cursus, segetemque extinxit in verba!*

*Nam, quod transmissæ curis vigilantibus umbræ*

*Nocturnæ, Et longi moles operosa Gradii*

*Non poterant: diris tantum fraus abdita succis*

*Est aggressa nefas ( Sed Et hoc conatibus Hostis*

*Regina ve-*  
*neno tentata.*

*Imputet Inferni Pietas ; nam Criminis Autor,  
Perpetuò latuit ; Sensim vigor inde remitti  
Vividus incoepit ; fibraque salire tumultu  
Insolito , atque acres dominari in viscera flammæ.*

*Principiò durata malis Regina latenti  
Luctata est noxæ : defectaque membra refecit.  
Temperies animi ; mox desertore coacta  
Corpore succubuit , molemque invita labantem  
Permisit stratis , pugnaque pepercit inani.  
Non secus irriguo dominantia lilia campo  
Sole sub immodicò sociùm post funera floram  
Perdurant , nimioque negant Hyperione solvi  
Postmodò deciduæ sed non immunia sortis  
Demittunt calices , tandemque exhausta fatiscunt*

*Stant circùm famuli ; properèque Machaonas omnes  
Ingens intendit studium . Facet Illa timore  
Intacta , Et nimios cobibet pacata tumultus ,  
Incertosque regit ; trepidantemque instruit Artem  
Sed vis dira mali medias invec̃ta medullas  
Crescit , Et eludit , quicquid Podaliria tentant  
Aginina : deficiunt vires , nec lumina somnus  
Intrat , Et ancipiti discordat vena tenore ,  
Caligantque oculi ; voxque interclusa moratur  
Tunc verò attoniti suprema in cardine largos  
Rupere in gemitus ; unoque Exercitus omnis  
Personuit planctu . Non , si jam castra teneret  
Hostis , Et immissus tentoria carperet ignis ,  
Par timor , Et clades . Hoc ultra funera Funus  
Lymphati lugent : ululataque Praga resultat  
Hos properata dies , immaturusque juvenæ  
Exitus : hos primis non impar forma Deabus  
Hausta citò : hos operum messis corrupta nocenti  
Afflatu : hos generis radix excisa superbi ;*

Hos vigor, atque alacris solertia vivida mentis  
 Hos animi ingentes, Et prodiga dextra vicissim  
 Sanguinis, atque auri; cum Mars, meritumque vocarent:  
 Imperium hos anceps, nutaturique Triones  
 Præside sublata: nullum causa una, dolorque  
 Abripit in gemitus simplex, Et provocat ora  
 Irata in Superos, pejusque ignara timere.  
 Præcipue offensi genio Telluris iniquo  
 Germanas odere plagas, navataque damnant  
 Prælia supplicibus, questusque, Et jurgia miscent.  
 Heu! non sat pelago, stagnorumque objice largo  
 Dissecta, Et nostris Germania dissita metis!  
 Quid tua per sanos spargens contagia tractus  
 Gotica in externos traxisti Regna furores;  
 Nec rejecta semel cessasti exuta pudorem  
 Urgere incaptum, gentesque agitare quietas?  
 Siccine tam pulchrâ geminum mercede reponis  
 Auxilium, Et partam pensas hac lance salutem  
 Sanguine Vandalico? Nos colla exesa catenis  
 Solvimus Austriacis; teque in tua jura reversam  
 Fulsumus beu! nimium faciles. Tu præcoce letho  
 Gustidas funesta rapis, Natamque, Patremque  
 Carpis, Et alternas jactatos mergis in undas.  
 Sic furit impatiens miles, populosque, solumque  
 Increpat immeritum Terris iratus, Et Astris.

Hæc erat illa dies, quam non Germania solum  
 Eluctata jugum, sed, quæ stetit obvia Cimbris,  
 (Usque aded Virtus ipsi est venerabilis Hosti)  
 Horruit, Arctoïis nedum Gens dedita sceptris,  
 Et propius passura malum, sensuraque Divos  
 Altiùs infensos. Immunis nemo doloris,  
 Nemo metus egit. Quin longo dissita tractu  
 Undique tristatur, gemituque Europa latenti

*Carpitur, & sentit, sed non intelligit Ægræ  
Discrimen, pariterque suum, templisque reclusis  
Sternitur; & (quando primum graviora timentur)  
Christinæ metuit, votisque occurrit anhelis.*

*Illâ laborantis cum non evaderet æstus  
Naturæ, & luctâ conflictaretur operta:  
Dissidii impatiens pugnatos solvere nexus  
Institat, atque ultrò dubias arcessere Parcas.  
Cortice degeneri sive indignata teneri  
Quolibet optarit dirimi commercia fato:  
Numina seu nimum dilato læsa receptu  
Addiderint stimulos: non sano instincta dolore  
Conatur questus, rumpitque bis vota querelis:*

*O, ubi collatis concurrunt agmina signis,  
Sive Scythas Mavors, seu nudos asperat Afros,  
O Mors inde veni; de tot mihi millibus unam  
Furare, atque altè lateri confige sagittam.  
Cui, Dea, lethifera contingent vulnera dextra  
Grata magis? nudabo sinus, calamoque volanti  
Obvertar, fidasque animæ monstrabo latebras,  
Nec tua degeneri corrumpam munera questu.  
Heu! quantum distas! quantum, Mors, aure superba  
Negligis orantes, ultrò cum busta precantur!  
Me miseram, lucis cui nec rediviva voluptas,  
Nec requies concessa rogi! sed limite nullo  
In dubias distracta vias, neutroque recepta  
Littore, & alterno fluitare coacta periclo!*

*Talia jactantis supero demissus ab Axe  
Insedit mentem Radius, noctemque removit  
Lumine non lato, tenebrasque optare coegit.  
Nam nec inexhausto surgentia flumina lacte,  
Lenta nec è duro manantia cortice mella  
Obtulit, & pictis vernantes floribus hortos;*



*Sed Styga, sed denso crinitas angue Sorores,  
Monstraque, lustrato quot non confecit in Orbe  
Alcides, Urbemque minis, planctuque sonantem,  
Atque intercisas flammis undantibus umbras.*

*Pallentem visu, vicinorumque trementem  
Spectrorum cuneos peius vox perculit agram  
Desuper insultans, animamque aggressa per aures:*

*O, cui tentatae fecerunt tedia vita  
Penè levis morbus, discessurique dolores:  
Quid cessas? votisque diu Terramque, Polumque  
Sollicitas? Data porta patet, nullique tuentur  
Limina custodes, sed aperto cardine perstant.  
At prius, oblatos quàm mens ignara pericli  
Occupet ingressus, animoso-interrita visu  
Perlege, ferrato prostat quod fornice, Carmen:  
„ Hic aditus Ditis. Nigrâ semel Urbe receptos  
„ Destituunt reditus; nec spes est ulla recursus.  
Qualia proscripti celebrent convivia manes,  
Quantus Avernales: (quò flecteris?) explicet Umbras  
Ludus, ab excussis metire, Et disce, catenis.  
Hic luitur, gravius quicquid mens noxia peccat:  
Hic perit aeternum, quisquis dissentit Olympo.  
Euge: linunt puram si nulla piacula mentem:  
Si potes erectâ districti Judicis ora  
Fronte pati, fidens animi pete fila recidi:  
Posce mori, niveamque Polo dimitte columbam.*

*Sustulit hîc Radius se se, Cœloque recepit;  
Nec vox ulla super. Tamen Ipsa auditque, videtque  
Icta minas, diraque simul spectacula pompæ  
Amplius baud sano non ausa insistere voto.*

*Sed jam correptæ monitis, Et visibus Æther  
Non ultra suspendit opem. Vis ergo veneni  
Letifero carpsit postquam vitalia morsu,*

*Intenditque tumor possessos luridus artus  
 Pharmaca contemnens, penitusque Ars hæsit inanis  
 Attonita insidiis, Et imagine criminis hausta :  
 Nullius auxilio pleno redit ecce vigore  
 Conclamata salus non intervalla, gradusque  
 Passa ; sed extemplò livor correctus, Et omnis  
 Expugnata lues, atque impete virus abactum.  
 Segnius objectas æstivus dissipat umbras  
 Phæbus, Et adversi nebulas minùs impiger Austri  
 Dispellit, Scythico Boreas cùm perflat ab antro.  
 Hinc alii fletus, aliæque in sidera voces,  
 Atque alio penitus clamantia castra tumultu,  
 Nullaque non letà frons non umbrata coronâ.  
 Nec se purpureo spectandam distulit ore  
 Præstare, atque avidas Regina implere catervas  
 Pulchrrior. Usque aded celeri rediere recurso  
 Corporis asserti vires. Sed prima reversa est  
 Virtutum gavisâ cohors : quæque obruta morbi  
 Pondere nutarat, Mens integratâ refulsit.*



# LIBRI UNDECIMI

## ARGUMENTUM.

**C**æsaris res creperæ , & anxietas. Venetæ Reipublicæ duplex sollicitudo & , quòd diutino Turcarum bello quâ mari, quâ terrâ iniquissimè premeretur : & , quòd Germaniam , ubi militaribus copiis se instruere consueverat , Gustavus primò , mox Christina ita deterferant , & vastaverant , ut ægrè ipsa sibi sufficeret . Pacem ergo inter Reginam , & Cæsarem in rem suam summâ ope promotura jubet Petrum Basadonna ingenio , & rerum usu præstantissimum , qui universâ penè Europâ pervagatâ Germaniæ Urbes tunc temporis opportunè perlustrabat , Reginam adire , & prosperos bellorum successus Publico nomine gratulari : ante tamen Viennæ , ( velut ita viarum ratio exigeret ) Cæsarem convenire , atque ad pacem unicum à malis levamen adhortari , eidem suam operam , & studium apud Reginam in hoc pollicitum . Ille Patribus obsecutus , & Cæsarem nactus , qualem Viri prudentia , & fors improspera poscebant , iter urget ad Reginam , eidem olim Olmiæ cognitus , & virtutis ergò in precio ; sed tunc acceptior

Nn

futu-

futurus, quòd ipsi intima animi sensa aperire, & summis secum de rebus consilium habere, peroptabat. Reginæ sistitur, sensimque Paci proclivem habet; nam suscepti belli voto potita Superis conciliari properabat. Prosperè ergo inchoati negotii certior factus Cæsar Oratorem ad pacem petendam impigrè legat, quæ ipsi opportunior contingere non poterat, Turcâ tunc per Daciam in suæ ditionis Hungariam movente. Induciis factis commercia restituantur, & ad universas difficultatum salebras detergendas, supremumque Pacis actum transigendum, pleno jure Legati, Tempus, & Locus destinantur. Post epulas, ad quas utrumque Oratorem invitaverat, Regina à Veneto rei Turcicæ intimè gnaro, utpote qui Constantinopoli diutiùs hæserat, Othomannæ Domus originem, potentiam, gestorumque, & successuum seriem Pannonici Martis strepitu excitata doceri contendit; Cui ille ita paret, ut Cæsaris se memorem, Patriæque, & Religioni addiçtum præstaret. Regina reditum instruit. Germaniæ in illius discessu, & Sveciæ in accessu motus, & habitus. Olmiam ingreditur, morarumque impatiens Abdicationis propositum urget; & sub quâ Dominatûs temperie Regimen relinqueret, Quemque sibi in imperio sufficeret, secum exigit, & deliberat.

## LIBER UNDECIMUS.



**A**nxius hæc inter rebus querebat in arctis  
 Ferdinandus opem castris exutus, & arce  
 Non unâ, semperque timens pejora peractis:  
 Præcipuè infestis contempto fœdere signis  
 Pannonas aggresso jam Turcâ, & cominûs actô.

Plurima versanti visum nil sanius agra  
 Jam dudum Imperii summæ, quàm, si qua daretur  
 Pax fesso, tantis Victrix nec plena triumphis  
 Clauderet elatas justis oratibus aures.  
 Nam, quamvis precibus sciret superabile pectus  
 Christinæ Marte indomitum: diversa vicissim  
 Corda Ducum norat, momentaque prospera Gallis  
 Armorum sociis, & victo tempus iniquum.  
 Sed neque Cæsareo sat respondebat bonori  
 Inferiùs positum se ferre, & tendere vittas.

Cæsaris hic æstus: Venetos nec cura Dynastas  
 Angebat levior; clades nam longa propinquæ  
 Teutoniæ, Cretæ non opportuna subibat  
 Vergenti in præceps, olimque extrema timenti.  
 Scilicet, Austriacas ex quò vastaverat oras  
 Arctica tempestas, domitasque exhauserat Urbes  
 Parciùs auxilium, conductasque ære catervas  
 Colligere, & vacuas poterat supplere phalanges.

Ergo aptum Patribus tam duro in tempore visum  
 Christinæ legare Virum, qui prospera Martis  
 Prælia gratetur Cimbri, tantisque trophæis  
 Plaudat, & Adriaci testetur gaudia Sceptri.  
 Illa sed urgebat præsertim cura Senatum

*Sollicitum longos Cretæ fulcire labores  
Viribus externis : nec solum Cæsaris arma  
Fungere ; sed longè positas , ipsâque sub Arclo  
Sollicitare plagas , gentesque movere repostas .*

*Florebat Venetos inter Basadonna Dynastas*

*Petrus , Et ingenio jam tunc , atque ore disertio  
Bræstabat ; nomenque Viri jam Fama ferebat  
Didita per populos , plausuque implebat bonoro .  
Hic modò Germani peragratis tractibus orbis  
( Hellespontiacas olim penetraverat arces ,  
Lunigeramque diù solers excusserat Aulam )  
Jam satur , Et constans patrias remeabat ad oras .  
Ergo Togatorum numero secernitur alto  
Jussus ad Arcloi Redtricem cardinis ire ;  
Ante sed Augustum non aequo Martis in æstu  
Hortari ad pacem , studiisque avertere belli  
Opportuna monens , duræque accomoda sorti .*

*Parvit extemplò Patrum mandata sequutus ;  
Pulcra nec eventu caruerunt vota secundo .  
Namque iter obliquans , velut hoc via posceret anceps ,  
Mœnia sollicitæ penetravit clausa Viennæ ,  
Pronaque suscepti sensit primordia cursus .  
Scilicet Augustum diducto in pectore motus  
Versantem variòs ( namque hinc mens fervida pugnas  
Ardebat , sortisque vices sperabat : at inde  
Cladibus admonitus , Martemque expertus iniquum  
Oderat armorum casus , Et fœdus amabat )  
Impulit ad pacem , cautumque ad tuta redegit .  
Nec mora , digreditur , triplicisque ad mœnia Præge  
Tendit , Et optatus Christinæ ad castra propinquat .  
Namque illum terras olim , populosque remotos  
Lustrantem , quò certa magis prudentia menti  
Cresceret , ad patrios exceperat ante Triones .*

*Et va-*



*Et varium Regina decus, latumque, sagaxque  
Mirata ingenium largo est complexa favore;  
Mutuaque amborum commisit tessera pectus.  
Inde adventantem miro properabat amore  
Amplecti, atque iterum commercia jungere mentis,  
Affatusque alacres, Et pignora prima novare.  
Impiger ille aderat: vultuque receptus amico  
Accessit propius solio, mandataque Patrum  
Cernuus exequitur, meditataque verba resolvit:*

*Si quid opis Patriis ullo unquam tempore fatis  
Contulimus, dabimusve iterum, dum vita superstes  
Constabit: largâ jam nunc mercede redemptum,  
Et nimium plenâ pensatum lance fatemur.  
Tanti est è cunctis legari è Civibus altâ  
Christinæ ad solium, divaque Heroidis ore  
Cominus afflari, victriciaque arma Trionum  
Gratari, Et Venetæ testari gaudia Gentis.  
Scilicet Hæc Illa est, quæ Sexu, Aulæque relicta  
Plurima constituit non unâ in parte trophæa  
Unius baud hostis victrix terræque, marique.  
Nam post disiectos tellure, atque aquore Danos  
Germana arripuit revoluto tramite Regna,  
Obtrivitque acies, Et captas possidet arces.  
Tot tamen inter opes animi jam summa tenentis  
Restat adhuc aliquid, studiis ardentibus insons  
Quod rogat, Et votis supplex Europa precatur.  
Nempe, quod evexit solos bucusque Triones,  
Erigat ut cunctos pariter, quos una redemit,  
Distinxitque Fides, terrisque probetur, Et Astris:  
Pulchrior Et Virtus, Et major adorea surgat  
Victrici, Et parti victricia signa secutæ.  
Nam de Christinâ crimen gaudere putamus,  
Una salutaris toti ni fulgeat Orbi.*

*Dixit*

*Dixit, & exhibuit regalia munera Patrum  
Trojugenûm sceptrum, vittas, sellamque curulem,  
Syrmaque Sidonium monumentum, & pignus amoris.*

*Tunc blanda inclini rursum porrexit ab alto  
Exermem Regina manum, Patriæque rependens  
Adriacæ laudes, donisque affecta benignè  
Ad sibi privatum descendit pignus amici  
Furis, & in doctæ properat commercia mentis  
Reclusura sinus, apimisque arcana repositi.  
Nam, propius majora movens, consisæque nulli  
Indigenûm (sacri quando mens nullius expers  
Contagi; minor unde fides) atque indiga certi  
Consilii, & rerum, momentorumque periti,  
Hunc sibi legari votis optarat anbelis  
Jam pridem sat gnara Viri, mentisque capacis,  
Solertisque animi, multorumque instar habentis.*

*Ex illò tractim Legato arcana reclusit  
Vertendæ in melius Fidei, patrioque recessus  
A Solio, & Superis animi, dextreque dicandæ.*

*Ille, ubi strata videt cœpti primordia cursus,  
Admonet Augustum, qui, ne momenta perirent  
Prospera, ad optatos Legatum protinus urget  
Congressus; pronosque habuit mens anxia Divos.*

*Jamque opus in tuto; sed, quòd non unus utrinque  
Diffidii restabat obex, salebreque vicissim  
Æquandæ suberant, atque indiga pacta morarum:  
Interea ex equò Mars interdictus, & ensis  
Conditus, atque iterum commercia pace sequestrâ  
Reddita, & implacidis turbæ spes omnis abacta.*

*Sæpius hæc inter Regina excepit bonore  
Legatos Mensæ non tantum vasa, dapēsque  
Mirantes, quantum alloquiis, & divite mentis  
Allectos cultu, & pastos melioribus escis.*

*Postre-*

Postremò, instaret cùm jam discessus utrique,  
 Conversa ad Venetum vultus porrecta benignos,  
 Altera quem tenuit quinos spectata per annos  
 Roma: refer, subicit (locus hęc, tempusque remissis  
 Ocia nam præstant, nuperque est audita cupido,  
 Ex quò Pannonici crebrescit fama tumultus)  
 Gentis Othomannæ quæcunque ab origine primâ  
 Sedula mens novit. Seriem juvat ire per omnem  
 Fusiùs, Et tantę speciem perdiscere molis.

Parvit ille libens; namque hęc data commoda pridem  
 Optarat; stimuli quò plus Regina profanas  
 Sumeret in gentes, atque hùc converteret arma.  
 Sed jussò propior, meriti quò gratia major,  
 Cunctatusque parùm, non lato hæc reddidit ore:

Dura quidem poscor, Moderatrix magna Trionum,  
 Inque diem major; nam retractare meorum  
 Vulnera compellor, quando hoc decrescimus olim  
 Impare collisu; quamvis nec laudis egentes,  
 Nec soli atterimur. Lybiæ jam plurima fumat  
 Portio, Et Europam, atque Asiam par corripit ignis  
 Uteriora petens: ni se crescentibus Una  
 Plenior objiciat Virtus, flammæque moretur.

Caucasus, Hircanum quâ se demittit in æquor,  
 Turcarum natale solum; traxitque nefandus  
 Incola ab immani genium regione cruentum.  
 Hinc amor inginitus ferri, studiumque perenne  
 Obvia perdendi. Nusquam pietasque, fidesque,  
 Et consanguineâ nullum sine tigride pectus.

Non tamen hæc Scythicis rabies discessit ab antris;  
 Donec Agarenis impar jam Persa propinquis  
 Excivit cupidos, ipsoque nocentius hoste  
 Auxilium, demens, nocituraque bella poposcit.  
 Postmodò nam terræ captus melioris amore

*Turca gradum renuit revocare, Et fraude rebeli  
Oppressit socios, rerumque invasit habenas.  
Mox Arabas domuit, geminaeque in sanguine gentis  
Auctus servitio partem mulctavit utramque.  
Certius utque ageret radices advena proles:  
Fœda Mabomettis sponte est in dogmata versus,  
Gentilesque Deos, proavitaque sacra reliquit.  
Romani siquidem tunc rupta repagula Juris,  
Et concussa Fides, Syriasque invecus in oras  
Arrius. Hinc latè rudibus placitura colonis  
Blanda Superstitio, atque Arabo opportuna rapaci  
Creverat, Et nimios in crimina solverat ausus.*

*Transitus in pejus facilis, pronusque furori  
Successus; justi cum fræna excussa timoris,  
Et vitio Virtus non oblectata senescit.  
Impulit hinc ultra se vis peregrina, minasque  
Longius intendit; nam se mox fudit in Urbes  
Jonias, Cilicumque plagas, Et Pontica regna  
Corripuit, primisque Hermum de fontibus hausit.  
Sed patrii retinens moris non mœnibus ullis  
Includi passa est, urbesque habitare subactas;  
Nam per aperta furens, latosque vagata per agros  
Instiuit hæc, illac prædas agitare, domosque  
Prætulit errantes, Et lustra accommoda fraudi.  
Nunc quoque pars vulgi nunquam dedocæta parentes  
Palantesque lares, Et plaustra incerta frequentat.*

*Sic alta vires, gliscentique addita latè  
Incrementa malo, semperque accessus, Et ausus  
Maior, Et uberior; donec concita pudore  
Pars fida Europæ, magnique ultura Sepulchri  
Servitium subiit classes, atque Asidis ora  
Ingressa est portus. Trepidus tunc Barbarus omne  
Collegit robur, raptisque occurrit in armis*

*Obvia signa ferens; Sacros non distulit enses  
Vota manus Cælo, Superisque instincta secundis  
Fudit Hyperboreas tam prono Marte catervas,  
Ut longum Nicæa palus tumefacta cruore  
Spumaret Scythico, Syriosque undaret in agros.*

*Sed mox, cùm Solymæ Victor conversus ad arces  
Furato impensus bello procul arma tulisset;  
Congeries iterum cœpit dispersa coire;  
Inque diem nimium nobis neglecta priores  
Instauravit opes, labefactaque membra refecit.  
Attamen imperium nullius libera Regis  
Induit, in plures sed se partita catervas  
Sub Ducibus tenuit, sectoque in jure morata est.*

*Primus Othomannus (genus hinc, Et origo potentis  
Gentis Othomannæ, quæ nunc dominatur in Aulâ  
Turgida Byzanti, totique inde imminet Orbi)  
Discretos artus corpus digessit in unum,  
Subjecitque sibi nunc vi, nunc fraude minores  
Aggressus. Traxit Moles compacta colorem  
Inde; nec ulterius Regum pugnâvit habenis  
Nescia gens fræni, viresque, Et viribus auxit  
Imperium, Et nomen, semper depasta propinquos.  
At, licet in mores hominum sit visa referri  
Effera progenies: pejora in monstra relabens  
Mens furit; Et fibris increvit Caucasus altis.  
Qualia luxuriant cultu nutrita benigno  
Sævius, Et succos augent Aconita nocentes.*

*Conflatum Imperium gestis jam plenus, Et annis  
Liquit Othomannus ramosâ in stirpe superstes  
Heu nimis! Orcanus Patri suffectus apertum  
Urfit iter, turmasque rudes, atque impete cæco  
Erudiit fijas, Et viribus addidit artem  
Instrumenta novis augens antiqua repertis*

*Bellica prosteruens Urbes, sceptroque potitus  
Prussiadium versâ Bitbynâ funditus arce.  
Postmodò neglecto sed vulnere raptus ad Umbras  
Cessit Amurathi pensata præmia cladis,  
Successusque suos Nato legavit, Et iras.*

*Fraudibus Hic potior, longèque nocentior astu  
Addidit insidias animis, Et vulpe Leonem  
Induit ingenio, quàm bello, maior aperto.  
Pectoris infidi cupido nec distulit usum  
Fortuna in peius versis irata Pelasgis.  
Nam, Bizantina quò Cives Arbiter Urbis  
Factantes cervice jugum compesceret, arcus  
Excivit Scythicos, clademque in regna recepit.  
Quippe operâ miles navatâ divitis ora  
Vulgavit famam, sociosque erexit biantes,  
Rectorisque animum flammis incendit avaris.*

*Obstabat prætenta Thetys, pontusque ruenti  
Objectus, Turcæque rudes bucusque remoti  
Littoribus, nullis celebrabant classibus aquor.  
Pervia pestifero sed quæ non pectora lucro?  
Degener, Et Ligurum quem vindex abnuat Ora  
Indigenam, Quicumque lucro corruptus iniquo  
Traduxit Scythicas ad Thracia littora pestes!  
Nec minùs angusti transmissâ Bosphoros undâ  
Expungi meritis, quàm cognoscendus aperti  
Oceani immensum primus Qui subdidit Æquor!  
Ipsi aditus nostris, ipsi patefecimus auro  
Hostibus, Et turpi mercede locavimus alnos.  
Illa dies Scythicis Europæ in viscera monstros  
Fecit iter: frustra que viam tentavimus inde  
Obstruere inductis, Et apertum claudere limen.  
Quippe invecta lues latè populata Pelasgas,  
Threiciasque plagas, radices egit in oris*

*Inseffis;*



*Inseffis ; ipsique sibi ( quò cuncta paterent  
Littora , & extrema non ultra classis egerent )  
Struxere Hircani navalia culta lacerti .*

*Æquora transmissis de nomine dicta Philippi  
Urbs patuit ; majusque lucrum reserata subivit  
Ælia servitium , sedes ubi lecta Tyrannis  
Lunigeris , fixique lares , & ditior Aula .  
Inde gradum flexit , pingues quàm Mysia campos  
Explicat , & terras à lava amplectitur uno  
Nomine non unas . Sed , quem non ulla morari  
Obvia vis potuit densis instructa catervis ,  
Una manus tenuit dudum perpeffa catenas  
Serviles , dirumque caput sub tartara misit  
Maculato inferias Domino , famamque perennem  
Promeruit nullis ausu non libera sæclis .*

*Creata De-  
mini vindex .*

*Noxior extincti auspicium , pugnataque Patris  
Sceptra Baizettes infectus sanguine fratris ,  
Arripuit ; victisque truce cecidisse parentem  
Cessit in accessum cladis ; nam fœta furore  
Immenso , nulloque unquam saturanda cruore  
Sæviùs incubuit , nomenque adstruxit ab igne  
Fulminis , & titulos Rabies vix repperit æquos .  
Ille moras primas , intercissosque parumper ,  
Pensavit præceptis cursus , impulsaque regna  
Traxit in excidium , propiusque accessit ad oras  
Ausoniae , & Venetas afflavit proximus undas .  
Sed caput Imperii , tralataque sceptra Quirini  
Affectans convertit iter tibi , Roma , tuisque  
Alterius Romæ præludens clade Latinis .*

*Compulit obsidio , ductis jam rebus in arcum ,  
Ipsam Apicem rerum terras penetrare remotas  
Cominus , & Fidei sociatas fœdere Gentes  
Poscere opem , ritusque pares , concussa que jura*

*Ingerere Imperii, passasque intendere palmas.  
 Nec labor infelix ; pollens nam Gallia tantas  
 Suffecit vires totos exerta lacertos,  
 Nicopolis gelidi ripas ubi surgit ad Istri,  
 Ut satis Hircanas posset compescere turmas ;  
 Ni malè digestas properans miscere pbalanges  
 Turbida præcipites se coniecisset in ausus.  
 Inde aderat suprema dies, trepidique lababant  
 Mœnia Byzanti : fatis versantibus Orbem  
 Cùm Scythia de Scythicis alter se protulit antris  
 Plenior, Et gentes vasto populatus Eoas  
 Diluvio, in seffas Turcis se fudit in oras.*

*Ergo Baizettes nutanti avulsus ab Arce,  
 Mole Tamerlano totà se objecit : Et ambos  
 Præcipites ageret rabies cùm Martis in iras :  
 Utraque Barbaries campis se tendit in illis,  
 Magnus ubi quondam Mithridatis contulit arma,  
 Nec tulit ulteriùs recidiva in bella reverti.*

*Fregit ad hunc scopulum Turci fortuna Tyranni  
 Inferior ; nam disjectis toto aquore Lunis  
 Ipse Baizettes, fuerat quas ante minatus  
 Byzanto domitâ subiit cervice catenas ;  
 Et, cùm Victor equum, currus vel scanderet altos,  
 Terga dabat pronus clivi conversus in usum,  
 Ludibriumque tbori iussus spectare mariti  
 Prostratum luxit post regna eversa pudorem.*

*Cavit Otbomannæ series hinc postera gentis  
 Suspecta imperio jurati in fœdera lecti  
 Legibus addici, thalamis contenta solutis  
 Querere progeniem, sanctosque reponere Reges.*

*Sic nos Externi, Privati aut dextra redemit  
 Proh pudor ! Et nostris intercessere periclis  
 Servilis nunc Sica manus, nunc Barbarus Arcus.*

*Quis*

Quis non tam vastâ penitus periisse procellâ  
 Arboris invisæ ramos, ipsamque putasset  
 Radicem excisam non ultra in germen ituram?  
 Fuit Otobomannos clades, spesque irrita cessit  
 Europæ; Et segetem primis extinxit in herbis  
 Consilium infelix, segnesque ad prospera dextræ.  
 Nec superest de Sorte queri, nimiumque sinistros  
 Incusare Deos; nam quid plus poscere Divos  
 Prodigia mens voti poterat, discrimine nullo  
 Quàm spectare procul pereuntia Barbara turmis  
 Agmina Barbaricis, ulciscique hostibus hostes?  
 Usque adeo indulgit Fatum: sed fregimus ipsi  
 Fortunam, nostræque moræ tenuere secundos  
 Cœlicolas, dedimusque manum, quod surgere possent  
 Disjectæ pestes, redivivæque colla levare  
 Alii, atque aucto pejùs spumare veneno.

Naufragio ex illo captivi bina Tyranni  
 Elapsa est Soboles, patrique superfuit æto  
 In præceps. Sed nulla prius regnata receptum  
 Præstitit Arx trepidis, nullæ patuere latebræ  
 Asidis in terræ tractu. Fuga vertitur ergo  
 In loca Grajugenûm: qui, ceu cognata redirent  
 Pignora, non patriæ casum molita supremum,  
 Permisere aditus, Et susceperè reversos:  
 Immemores habuit dementia tanta Colonos.  
 Immo rati minimùm non rejecisse nocentes,  
 Reclusere sinus, Et suffecere lacertos.  
 Utque iterum possent furias reparare peractas;  
 Indigenâ vacuas implerunt pube catervas.  
 Inde mali labes in cœcos versa Pelasgos  
 Serpere, Et insanæ grassari in viscera gentis;  
 Tempore namque uno Grajum contraxit, Et auxit  
 Dispar causa Scytham: nempe hoc urgente favorem

Martis, Et ulterius cursu tendente volucris:  
 Deside Grajugenâ, sensimque in pigra soluto  
 Ocia, vel tantùm bella intestina serente.

Ergo huic incubuit majori mole ruina:  
 Postque tot annorum lapsus, momentaque rerum  
 Durat adhuc, perstatque malum, quo Gracia discors  
 Procubuit; tristisque situ deformis, Et expes  
 Imperii, morumque decus dedoëta, pudendas  
 Luget, Et incassum jactat captiva, catenas.  
 Non tamen hæc propere clades oppressit Achivos,  
 Sed certo proveëta gradu per viscera lentum  
 Induxit virus, totasque est pasta medullas.

Interea magni tandem cùm vulnera dextrâ  
 Facta Tamerlani Patruo curata coissent,  
 Alter Amurathes solium conscendit, Et ausos  
 Christiadas animis sed non concordibus anceps  
 Ire in certamen Varnæ disjecit in arvis  
 Prorsus, Et ingenti cumulavit damna pudore.  
 Inde solum Pelopis vastavit. Croja ruentem.  
 Contudit. Hinc rabies tam parvo posse teneri.  
 Objice vim tantam, fisti indignata peredit  
 Viscera, Et iratum Superis Caput abdidit Orco.

Ergo Mabometi cesserunt sceptrâ secundo:  
 Postmodò qui trepido spirans graviora peractis  
 Bizanto incubuit, geminâque indagine muros,  
 Quà mare, quà tellus, cinxit: crebrisque laceffens.  
 Moenia fulminibus. (jam tunc incœperat ignes  
 Heu! nimium solers imitari industria sacros,  
 Sævaque succensi componere tela Tonantis  
 In terris) tandem disjecit claustra, perempto.  
 Rectori illudens; dominâque est Sede potitus.

Hic est, cui tantò se impendit larga favore;  
 Fecerit ut gemini præceps Fortuna potentem

Impe-

*Imperii; cursuque iterum provecta secundo  
Innumeras Urbes, Et plurima Regna furentis  
Faucibus obtulerit, sed non explevit biantem  
Congerie ingluviem, vacuamque reliquerit alvum.*

*Atque equidem diri mens impacata Tyranni  
Ulterius tendebat iter: jamque objice rupto  
Ibat in Oenotriam, cujus praeceperat olim  
Servitium, viresque uni devoverat omnes;  
Sisteret ut longos Tarpeia in sede triumphos.  
Jamque erat in cursu medii divortia ponti  
Transvectus, Calabrasque furens insederat oras,  
Hydruntumque tenens Italiam, Siculisque minari  
Coeperat, Et secta sibi jus promittere terrae.  
Nec satis indomito: fines telluris inundans  
Pannonica, Macetumque plagas, saltusque Liburnos,  
Illyricumque solum, praetentaque tesqua Corinthi  
Transgressus; Carnique jugum, fontesque Timavi  
Jam post terga videns, nulloque repulsus ab hoste  
Polluit Adriacas nimis accessibus undas.  
Nil aded immeritis non interjungere casus  
Fortunam puduit, seque indulgere furenti.  
Non impune tamen; Virtus namque obvia monstro  
Postmodum Caucaseo forti duo fulmina dextra,  
Auspice Funigero, praedaeque, Et mancipio laurus,  
Sustulit, Et nunquam posituros contudit ausus.  
Illinc Hunniades, hinc Scanderbegus in arma  
Scilicet erecti, quorum trux Barbarus basti  
Obiectu; cursusque modum didicere volucres;  
Dirus Et haec inter Stygiis Thracis additus umbris.*

*Sed tenues; parvaeque morae: nempe ausa Parentis  
Filius arripuit; Vindexque ablatus uterque  
Ocyus inceptus intervertere secundos.  
Ergo iterum in clades, pejoraque damna relapsi*

D. de Capitano.

*Spes intercisas, Et inanes luximus orsus:*  
*Nuper in exhausti nam quæ subsederat annis,*  
*In vegetis crevit, redivivaque flamma reluxit.*  
*Quippe Baizetes alter truculentior ibat*  
*Viscera in Europæ; ni se furatus iniquo*  
*Germani laqueo vetuisset longius ire*  
*Æmulus, Et solo sublatus Zyzimus auro*  
*Turpius accepto, quàm pacta in crimina misso.*  
*Profuit Et Persas Mavors conversus in oras,*  
*Impensusque Pbaro, lentè eluctatus, Et anceps.*  
*Sic quoque sed nostra creverunt vulnera partis,*  
*Hostibus atque Hostis suffecit pluribus unus.*  
*Utraque majores nam passa est Mysia clades,*  
*Arreptumque salum, penitusque in vincla redactus*  
*Grajus, Et Ausonia jam vis admota propinquæ.*  
*Obstitit aggresso mors plura. Hac sola morata est*  
*Crescentes furias, extremaque damna redemit.*

*Quod si Calicolûm propius quis prendere mentem*  
*Contendat prudens, baud nos consumere tantis*  
*Velle malis Superos, stirpemque abolere, videbit,*  
*Sed revocare gradus, perque alta piacula noxas*  
*Eluere ingentes, iterumque aptare saluti.*  
*Nam, quoties spes nulla super, præcepsque malorum*  
*Impetus, Et nostris fiducia nulla lacertis:*  
*Hostibus in mediis inventa est ansa ruina*  
*Instanti, Et summo se fregit cursus in actu.*  
*Hinc fati properata dies; Bacchusque, Venusque*  
*Utiliter nimii: vel fila morantia rupit*  
*Seditio. Externus quod si non adfuit hostis:*  
*Filius in Patrem se sustulit impia sumens*  
*Arma, vel occulto propinans fata veneno.*  
*Hac cecidit nati præreptus nempe Selimi*  
*Fraude Baizetes, Et nostræ victima cladi*



*Ad non maturam properavit luridus urnam.  
 Nec minùs invisæ populos decerpere gentis  
 Urbibus in magnis stolidè neglecta quotannis  
 Persequitur rediviva Lues, segetemque coercet  
 Immensam, fœtusque parùm Lucina secundat,  
 Frustraturque thoros: Et, qui de more licenti  
 Barbarus uxores iterat, tædasque maritas  
 Multiplicat; steriles penè exhauritur in usus,  
 Et resonant rari vagitu infante penates;  
 Unde opus Hircanis aut emptâ prole reponi,  
 Aut raptâ, Et nostris se in nos implere manipulis.*

*Tot mala Bistonius sed collatura ruinas  
 Necquicquam nostris intercessere periclis;  
 Nam, quia segnities longum migravit in usum,  
 Incubuitque sibi; Divos avertimus ipsi  
 Ultro revertentes: crimenque hinc crevit, Et ira;  
 Corruptusque favor reparatos cessit ad hostes  
 Pleniùs, Et venie pugnantes justius odit.*

*Nec, quòd in Europæ non se citò sustulit oras,  
 Exsolvitque furor; quicquam Fortuna pepercit  
 Dilatis; nam mox rediit graviore tumultu  
 Nimbus, Et Eois pastus, Libycisque procellis;  
 Instat attonitis majori mole reversus.  
 Sic gravis in Medos molitus bella Selymus  
 Usque super trepidam Turcas Artaxata turmas  
 Traxit, Et Imperii sublato limite fines  
 Auxit, Et in reditu medios afflixit Iberos.  
 Impiger in Syrias agmen mox intulit Urbes,  
 Latius Et fuso per pascua fervida Nilo  
 Obruit Ægyptum, totamque oppressit Erythram.*

*Et jam tantus erat, fame distantis ut horror  
 Corriperet Romam, Pastorque exterritus omnes  
 Censitos uno conciret nomine Reges*

*Forſitan incaffum ; tantâ ſe mole ferebat  
 Turbidus in trepidos , nec ſat contra ire paratos .  
 Una iter evertit Mors interjecta propinquum ,  
 Una minas fregit , ritusque obſtruxit biantes .  
 Sed neque ſic noſtris ſat cautum caſibus ; alter  
 Scilicet erexit criſtas , paſtuſque parente  
 Intumuit , poſitaſque recens Draco ſuſtulit iras .  
 Chriſticole , nempe ille ſubit , qui ſanguine gentis  
 Claruit , Et latè Solymanus ſceptra tetendit .  
 Huic , fruſtra tentata Rhodos , tentataque fruſtra  
 Marte Mabumettis Tauruni mœnia portas ,  
 Budaque ſolverunt , atque inſtruxere triumphos .  
 Nec ſat inexploto : medium ſibi ſubdidit Iſtrum ,  
 Altaque bis quaſſæ tremefecit clauſtra Vienna .  
 Tunc propiùs confine malum ſe fudit in undas  
 Adriacas : turbata Thetis , vaſtataque Cyclas  
 Plurima , Et à ſubitis deterſa clauſibus ora .  
 Inde frequens Venetos ex illò turbida fines  
 Depopulavit byems ; nam , circum proxima quaque  
 Dum vorat ille furor ; medii divortia tractus  
 Abſtulit , Et præceps olim diſtantibus bæſit .  
 Adria ſic diris facta eſt contermina Turcis ,  
 Quà mare , quà tellus . Hinc Illyris ora , ſed illinc  
 Nereus Joniis , Egæiſque admovent undis .*

*At majora vacat lugere ; ad ſceptra Selymus  
 Poſtmodò nam venit Solymani decolor hæres .  
 Nempe manu ſegnīs , ſed tutò inmanis , Et audax  
 Cypria jam pridem collecto regna paratu  
 Aggreſſus , dudumque terens tanto aquore ſectis  
 Eripuit nobis non tam viciffe ſuperbus ,  
 Quàm ſpreviſſe Deos , Et teſtes fœderis Aras .*

*Jam tot perpetuæ potuiſſent pabula prædæ  
 Ingluviem ſaturaffe trucem , cæcumque baratrum*

*Expleſ-*

Expleſſe, atque avidi rabiem placafſe furoris.  
 Sed, quò plus hauſit, plus ſe ſtimulata tetendit,  
 Latravitque fames. Nimirum barbara fiſti  
 Abnegat eſuries, viresque inſtaurat ab eſcà  
 More lupi, impulſum qui cùm perfregit ovile,  
 Non, quantum capit alvus, biat, ſed flammea quantum  
 Guttura depoſcunt, laſſique in vulnera riçtus.  
 Nam ſervare modum, laxataque fræna tenere,  
 Effuſaſque rotas revocare, Et rumpere curſum,  
 Cùm ruit in præceps: ipſoque in turbine Martis  
 Fura ſequi, Et, metas ſi quid proceſſerit ultra  
 Neſcia compeſci lituis clangentibus ira;  
 Caſibus hoc cæcis, Et fato velle relatum,  
 Heroes norunt ſoli, quos inclyta Virtus  
 Format, Et Heroum Chriſtina exemplar, Et auſpex.  
 Turca aliò rapitur, crimenque in crimine quaerit  
 Turbidus, Et ſclerum proventum inceſſit, Et urget.  
 Nam quid labe carens? Quid non Virtutis abborrens  
 A normâ; crudelis ubi, cædiſque miniſtra  
 Ipſa etiam eſt pietas, Et nexa ſtirpis origo?  
 An non germano ſancitur ſanguine Regni  
 Auſpicium, Et fratrum ſaturatur lana cruore  
 Induperaturo cblamydem textura Tyranno?  
 Forſitan Imperii tantum ſcelus exigit æſtus  
 Anxius, Et ſocios non admiſſura potestas.  
 Quid, cùm nulla trahit dubio de cardine tutos  
 Formido? Sed nudus amor, flexuraque Tigres  
 Ludit blanda Venus? Quis tunc excuſet adactum  
 Vulnus, Et in mediis tractatum amplexibus enſem?

Lunigeri Reges cunctis de Regibus uni,  
 Deque feris etiam, rabies quas urget, Et implet;  
 Hoc egere nefas, Et non rubuere peractò.  
 Utque aliquem monſtrem de tot, Qui primus haberi

Contendit titulis, Quem, quisquis sceptrâ minatur;  
Suspicit, & sequitur: tanti Hic est criminis auctor.

Nempe Mahumetten, bini quem gloria tollit  
Oppressi Imperii, cui Marte binc, inde reclusæ  
Bis centum patuere Urbes: cum sede potitus  
Byzanti exuvias, captivæque corpora victor  
Censeret, primâ veniens de stirpe Virago  
Defixit specie, mentemque incendit amore.

Oris bonos quantus, fuerit dos quanta decoris,  
Colligere inde potes; mediâ quod strage calentem  
Perculit, atque ipsâ truculentum pace subegit.

Hæc fuit Irene, quam si vidisset in Idæ,  
Dardanus Oebalias Pastor non isset ad arces  
Rapturus tadas, tracturaque fœdera Trojam.

Ætas, forma, genus, semperque affinis amori  
In miseros pietas: cui stirps eversa, domusque,  
Et patria, immanis subjerunt corda Tyranni,  
Atque animum flexere truce. Sed pejus inarshit  
Postmodò savities; ultusque est ense, quod unum  
Plaudendum fuerat, partemque in landis iturum.

Nam, simul ac sensit molliri pectora pulcro  
Congressu, & dirum commercia blanda rigorem  
Atterere, in mores hominum, ritusque benignos  
Indignatus agi secum per compita ductam  
Curribus in rutilis, pompæque imitante triumphos  
In mediis sistit populis; tractataque colla

Nuper in amplexu nil jam crudele timentis,  
Quin jussæ sperare thorum ( meminisse cruenti  
Nunc quoque mens refugit sceleris ) tracto ense recidit  
Lætus, & in vacuis inhumatam liquit arenis.

Is furor in cunctis, fomesque in dispare causâ  
Nunc quoque non dispar. Hinc, cui mandata potestas  
Legataque vices: seu bello impensus, & armis

*Tractandis: populis seu tutâ in pace regendis,  
Quamvis labe carens, insonsq; , Et criminis experts,  
(Barbara scit quantum mens non peccare): laboris  
Præmia navati, fracto descendit ad umbras  
Gutturæ, Et ingrati procumbit victima Regni.  
Nam vigor, atque animi quamvis defecerit ardor  
Belligerâ de gente fluens, in stirpe minori:  
Idem cadis amor, rabiesque cruenta perennat  
Progenie in versâ; luxurque est auctus, Et ira.*

*Atque equidem functo Solymano est visa Scytbarum,  
Si non ire retro, saltem vis agra sedere.  
Nam, quæ post illum nostra usque in tempora tanto  
Constitit in solio Soboles defecta Nepotum,  
(Monstrari nec digna tibi, nec nomine dicto,  
Excerpi è turba) sensim decrevit, Et otj  
Dedita desidiæ, lentâque enervis in umbrâ,  
Fractaque, fortunâ, non vi, se intendit Avorum.*

*Arma quidem rapuit, seque ausis miscuit Unus.  
Sed, quem mactati post tot ludibria Fratris  
Calcata imposuit miles Prætorius aula  
Osorem Superum cunctorum semper, Et omnis  
Furis Amuratben pravum de nomine quartum,  
Quis ferat humanâ dici de stirpe creatum,  
Quamvis de captâ jactet Babylone triumphum?  
Hanc tamen incesso præceps de culmine pestem  
Ablatam Bremio, Venerisque amplexibus, agris  
Abripuit terris, Et polluit Atropos umbras.*

*Cætera Sceptrorum serie, non Marte Propago  
Nota suo, Moli transmissæ innixa minatur.  
Sed prior impulsus puppim provexit in altum  
Ventorum quamvis non impellente favore.  
Degeneres quantum nam mutavere Tyranni,  
Afflictis tantum cesserunt partibus ausus.*

*Hos traque si quando Gens oblectata ruenti  
Obstitit Odrysis, cursum contenta morari  
Hæsit, Et ulterius crudos non pertulit actus.  
Ut, cum Naupacti Lunas disjecit in undis  
In fœdus jurata Manus, tantoque cruore  
Auxit aquas, Pbæreo quantum non auxerat olim,  
Actia Caucaseo constrata cadavere Tetbys:  
Ingens principium nulla est fortuna secuta,  
Effluxitque vigor, quo spes sublata reponi  
Christiadum poterat, cladesque abolere receptas.*

*Sed non una fuit processus causa remissi  
Omnibus. Hos tenuit vis non instructa, rudesque  
Conatus, potiorve quies: hos arma propinqui,  
Et suspecta fides: illos civilis Erynnis:  
Consilium infelix plures, cassumque futuri,  
Nempe reversurum mens non permensa periculum.  
Hinc pudor in multos, pejor sed noxa Pelasgos  
Insequitur, peragitque reos serpentis in omnes  
Cladis, Et ulterius semper dimota petentis.  
Hinc equidem justas meritò dat Græcia pœnas  
Crimine non uno læsis obnoxia Divis;  
Fœdera nam rupit, fastuque instincta maligno  
Descivit Cælo, sociosque superba Latinos  
Reppulit, Et secum per devia traxit Eoos.*

*At, quibus immota est, viresque acquirit ab annis  
Pura Fides, queis semper opes, animique, manusque  
Exerta, votaue Polo ( quantum agra, minorque  
Natalis permittit bumus, massæque trabentis  
Pondera non pugnant ) qui, cum venerabile Bustum.  
Sacratum attactu spoliis Hominisque, Deique  
Demere servitio, longumque abolere pudorem  
Europa aggressa est, quodque est aggressa, peregit:  
Desuimus nullâ suscepto in parte labori:*

*Quid*



*Quid tantum in Divos ( fas sit dixisse ) sinistros  
Struximus, Et Superum per crimina movimus iras ;  
Stirpis ut infida, desertricisque perire  
More ferat, fierique sinat grassante furore,  
Latiùs inque dies crescente accessio cladis  
Grajugena, nulloque pios discrimine cernat?*

*Non tamen indecores animum despondimus unquam,  
Defuimusve tibi, Libertas inclita gentis  
Ausonia; toties nam nostra impegimus armis  
Arma Scythis, Patria quoties tentata vocarunt  
Fura manus, lasumve decus concivit in enses.  
Nec rarò Virtus molem eluctata triumphos  
Rettulit. Ægei testis Tbrax obrutus undis,  
Jonioque mari, totoque exacta profundo  
Barbaries, agrèque suas vix tuta per oras,  
Et minor equoreum jam non ausura periculum.*

*Hac soli, Et pauci, longoque in turbine lassi.  
Quòd si successus urgere, impulsaque fata  
Marte sequi justo vis suffectura dedisset:  
Caspia non tantos ageret fortuna tumores.*

*Ille tamen regnat, numeroque, Et mole superbus  
Cladibus exuperat, repetitaque tela retundit  
Obiectu ingenti, lassatque, Et conficit hostem.*

*At non à propriis aded spes viribus auget  
Barbarus immodicas, Et se metitur ab Orbis  
Tergemini spacio latè sua signa sequentis;  
Ut non Cbristiadum speret majora Potentum  
Diffidio, Et nostris plus non confidat in armis.  
Scilicet baud unquam frustrata est vota Tyranni,  
Fertilis in proprias, pugnaxque Europa ruinas  
Nominis auspicio concors, sed pectore discors.*

*Nec solùm vicina juvat discordia Turcas,  
Bellaque, contiguas, quæ decertantur in oris;*

*Ipſa ſed argentem longè ſummota per Arcion  
 Implet, & inuiſos auget Bellona Gelonos.  
 Haud proavùm querenda fides per ſæcula cladis  
 Navatæ Hircanis, & noſtro ſanguine parta.  
 An non Guſtavi Moſcus conciſus ab enſe,  
 Sarmataque everſus truncis mox artubus agrè  
 Erexere manus, defectis viribus, acti  
 Thracis in occurſum; pacemque emère coacti  
 Caſibus in trepidis regnorum parte redempti?  
 Poſtmodò Germanum cùm ſe convertit in hoſtem  
 Ille tuus, Regina, Parens, victorque cucurrit,  
 Præcipites placuit quòcunque intendere greſſus,  
 Utiùs Turcis populos afflixit, & Urbes,  
 Quàm ſibi, Cæſareas. Tanti illuc ſumma laboris  
 Concidit, atque aliquà reſperſit labe triumphos.  
 Quippe ſibi naçtus momenta accomoda Biſton  
 Altiùs Auſtriacis nudatos Pæonas armis  
 Inſtitit, & propiùs fontes acceſſit ad Iſtri.  
 Sed ratio armorum, reſque indigeſta coegit,  
 Et quà non decuit, libuitque, incumbere dextrà.*

*Tu quoque Tbeutonidum ſano dum Marte laboras  
 Tollere diſſidium bellis impenſa paternis.  
 Sed meminiffe, nefas, quicquam irreſſiſſe ſiniſtri  
 Chriſtinæ in geſtis, & plus, quàm vellet, adaçtum.*

*At jam completi curſus, partique triumphi  
 Et, quicquid fieri ſtatuiſti, Marte peractum eſt,  
 Firmatumque manu. Socios ſecura redemit,  
 Plenaque Libertas. Patris trans vota, modumque  
 Prolatum Imperium. Quis te jam tangere metam,  
 Victtricemque putet ſincere, & fine potitam:  
 Reſpuat hic ſiſti ſi mens; & tenderis ultra?*

*Hoc Te nunc Gentis communia vota redemptæ  
 Suppliciter poſcunt; ſed mox Te plura repoſcent,*

*Spes*

*Spes olim vegetes, atque incrementa secuta.  
 Scilicet ut primum gelido de cardine fundi  
 Audiit armatam, propiusque accedere tantis  
 Viribus: ultrò animis Europa admovit anbelis  
 Christinam hinc aliquid timuisse ignara pericli.  
 Ipse etiam Caesar, pugnax cui turbine toto  
 Incubuit nimbus, clades horrore remisso  
 Pertulit, Et magno casus Authore levavit  
 Non alio saltem decrescere letus ab Hoste.*

*At modò sat fuerit Te suspendisse, tuoque  
 Majora aggresso, sceptrumque in majus ituro  
 Consilio impendi; penitus quò nostra mederi  
 Vulnèra mox possis, plenamque asferre salutem.  
 Interea Cæsar prælibet gaudia pacis,  
 Et data maturo præludat Dextra favori.  
 Non erit hoc parvum; nam, cùm melioribus orsis  
 Audiet Augusto te consensisse Gelonus,  
 Victricesque acies revocare, Et parcere fesso:  
 Protinus effusos convertet pallidus ausus,  
 Incumbetque sibi. Num, quos Christina perire  
 Non patitur, demitque suis placata triumphis  
 Jam victrix, Scythico velit hos accedere sceptro,  
 Et sua barbarico corrumpi munera lucro?  
 Non ea spes fiso insidiis: Vix fœderis icti  
 Præcipiet famam, lento cùm territùs arcu  
 Colliget interiùs gressus, prædamque relinquet.  
 Certè, ubi Germanis dominari sensit in oris  
 Gustavum, Et propius Cimbras volitare catervas,  
 Marte licèt crudo, toties nec vulnèra passo  
 Austriaco: proprio percelli Turca periclo  
 Cæperat, Et casus circumspèctare propinquos.  
 Quid Te jampridem Patris vincente trophæa,  
 Latè aucta Imperiis, exoratumque tuente*

Munus, *Et* Augusto pactorum fœdere nexâ?

*Hactenus*: *Et* pulchris incendit pectora flammis  
*Odrysi* Infensâ. Subiit languentis imago  
*Europæ*, *Et* puduit scelerata in commoda gentis  
 Perdere *Christicolas*, *Et* se prestare *Gelomis*.

*Nec mora*: diffidiis ipsâ ab radice ruendis  
*Lectâ* Monisteri Sedes: *Cæsarque* solutus  
*Martis* *Hyperborei* curis, *Et* versus in *Istrum*.

*Hinc* satis impenso *Germanis* tempore bellis,  
*Assertis* latè sociis, *Et* finibus auctis  
*Undique* perpetuâ victrix *Regina* receptus  
*Moliri* ad patriam, propiusque incessere tendit  
*Majus* opus, penitusque uni se dedere *Calo*.  
*Namque* olim dubias mentis dissolverat umbras  
*Lux* sincera *Poli*; nec jam terrena placebat  
*Laurea*, *Calicolas* ni fama, *Et* præda maneret.  
*Tanta* nec assertæ mulcebant gaudia vitæ:  
*Sapius* ut magni non sit concussa pericli  
*Admonitu*, *Et* reditum non incusarit inertem  
*Ad Superos*, tandemque moras non oderit omnes.

*Ergo* reversuras secum trans alta catervas  
 Cogit, *Et* instantes aperit leto ore recursus:  
*Emeriti* Cives, quos non tam ditat, *Et* ornat  
*Suscepti* spoliū *Martis*, prædivite lauru  
*Gloria* quàm decorat, *Proavisque* Heroibus æquat:  
*Contigimus* metas optato fine potiti  
*Bellorum*, qualesque decet remeare, redimus  
*Munere* perfectō. Jamque hoc sciat Orbis, in arma  
 Non magis impigrè *Gotam* descendere pubem,  
 Quàm revocare gradum, gladiosque recondere nudos;  
*Hostis* ubi cessit, nec lis sublata perennat.  
*Hoc* siquidem *Virtutis* opus, verique triumphī,  
 Et penitus nullo *Fama* interspersa pudore.

*Atque*

Atque utinam nullis posthac revocemur ab Arcto  
 Bellorum causis, in quos vetat arma movere  
 Numen idem, parilisque Fides; nam dispare quamvis  
 Differimus ritu, quondam censemur ab uno  
 Nomine, Et exiguo colimus discrimine Divos  
 Non alios. Nec constat adhuc, quos certius Æther  
 Dirigat: atque umbras fugimus, non odimus illos,  
 Cum quibus Et nostri pridem sensere parentes.  
 Quod si pro Superis iterum capere arma placebit:  
 Non deerunt Hostes, in quos formidine demptâ  
 Peccandi insurgant vires, pietasque vocetur  
 Savities ignara modi. Nunc ense reposto  
 Instaurate vias, letique ornatu recursus.

Ut, cum dissecto pugnax discordia cœtu  
 Turbat apes, abigitque cavis, fremituque sonoro  
 Arva replet, latèque acies inimicat odoras;  
 Provida si custos exsuscitat impiger æra:  
 Pacat Aristæas pax improvisa cohortes,  
 Abjiciturque furor, nubesque industria primum  
 Cogitur in studium, gaudetque in claustra reverti.  
 Talis Hyperboream sistit concordia pubem  
 Nuper anbelantem pugnâ, latèque vagatam  
 Mulcet amor Patriæ. Non ultra Rhenus, Et Ister  
 Allicit; unius sed gaudia Pacis ovantes  
 Latifico Patriam jam tunc clamore salutant.

Quod simul ac patuit Germanis gentibus: omnes  
 Tam, quos exsolvit, quàm, quos compescuit Arctos,  
 Indoluerè abitus: neve iclâ pace carerent  
 Hospite tam magnâ, recidiva in bella relabi  
 Optavisse palàm, si non tentasse, feruntur.  
 Deseruere domos, oculosque implere petentes  
 Obstruxere vias: Et, ni reverentia turbis  
 Obstasset cupidis, per vim rumpenda fuisset

*Semita. Quod licuit: Supremi in marginis acta  
 Stant densi, Et longo prætexunt littora limbo,  
 Exceptamque mari votis felicibus implent  
 Non tamen orantes; ventis ut vela secundis  
 Tendantur; sed pontus iners ut lenta moretur  
 Carbasa, Et abreptam segnis ferat aura, precantur.  
 Usque aded Et medio bellorum in turbine mentem  
 Præstitit innocuam, meruitque vel Hostis amari*

*Hoc studium Externis; Patrios at Fama Triones  
 Ut primum erexit reditus: succendit, Et una  
 Gaudia restinxit; nam, qui adventare docebat  
 Nuncius, hic Dominam pariter prohibere triumphum  
 Monstrabat, festisque fores ornare corymbis!*

*Quod si indulgisset justos proferre paratus  
 Civibus, Et tantæ vires expendere totasque  
 Letitiæ: seclis inducto mœnibus æternam  
 Quadrijugo, innumeris crevissent arcibus urbes:  
 Caucasæa incensis arsisent culmina sylvis:  
 Templaque Panchæis nigrassent singula funtis*

*Nulla quod effusus potuissent jussa vetare,  
 Unâ omnes liquere lares plebesque; patresque  
 Classis in occursum trepidi. Vix vela profundo  
 Visa; coronatas omnis cum sexus, Et ætas  
 Insilit in pinus; circumque amplexa carinas  
 Turba juvat pigras; Et dum juvat, impedit alnos  
 Sic, ubi digressam querenda ad pabula matrem  
 Post longum reducem nidi de margine vidit  
 Natorum je juna cohors, implumibus alis  
 Plaudit, Et exultat; jam, jamque intrare parant  
 Obstat, Et impactam nimium, prolata repellit*

*Illâ manum tendens; fastusque ignara tumentis,  
 Quem rarus non Victor habet, gratantibus ore  
 Alludit blando incedens, spacioque reperto*



Conscendit currus, atque alta advertitur Arci.

Sed neque regnorum dulcedo prima, nec aula  
Consuetus natalis amor, visque arbitra Sceptri  
Ingreditur saturam, versamque in Sidera mentem.

Altè equidem Patres questuri damna Recessus  
Tangebant prorum populorum in commoda pectus.

Sed, si tralatæ pulchrè prospexerit Arcto,  
Suffectoque Apici metrum monstrarit, Et artem

Tractandi exceptos, belloque, Et pace tuendi:

Parcius in gemitus Cives sperabat ituros.

Huc ergo incumbit prudens: atque exigit ante,

Quod genus imperii, quæ norma accomoda regnis:

Certiùs unde boni plus, Et plus unde pericli.

Noverat æternis jactatum fluctibus anceps

Arbitrium Populi, variumque, Et mobile Vulgus,

Incertumque sui: Sceptroque intenta Potentum:

Corda capeffendo, quoties momenta venirent

Apta: nec in plures partiti fœdera juris

Constatura diu, sociosque habitura perennes.

Ergo Unum potior visa est sententia tanto

Sufficere imperio, regnataque pondera molis

In responsuros oneri transferre lacertos.

Nec longè querendus erat, qui posset habenas

Moliri Arctoas, Et Gotica sceptrà minari.

Hic alter Gustavus erat de sanguine Regum;

Nam Palatino lectus de stipite Ramus,

Unica Nutricis proles, susceptus, Et altus

Tutele Arctoæ in gremio. Sed, quantus in ortu

Surgebat, censu tantum descenderat infra

Cunarum sortem, magneque exordia Gentis

Bellonâ versante domum. Minor inde videri,

Et propè neglectus labi. Sed (ditiùs omni

Servitium imperio) famulari contigit illi

*Christinae obsequiis, Et tanto teste probari.  
 Proderat hoc ipsum, quodd' desolata jacebat  
 Sortis inops Virtus solius excussa paternis,  
 Latius ut tantis se tenderet area donis  
 In vacuo, Et penitus, quicquid succresceret, ipsi  
 Referret totum Domina, nec parceret Aris;  
 Numinibus jungi si det, Caloque locari.*

*Huic igitur statuit se reclinare, diuque,  
 Et satis experto transferbere fræna potentis  
 Axis, Et ingrati questus lenire recessus.  
 Nec tacuit: sensim quod mox assuesceret Arctos,  
 Propositum: certoque gradu se plura dedere  
 Indicia. Hinc primis accitus Carolus Aula  
 Muneribus, justaque minor: prolata per illum  
 Imperia, atque, avidis quicquid letabile turbis,  
 Illius indultum precibus: manifesta que tandem  
 Corda palam, Et nulli jam non Successor haberi.*

*Huc ubi res ducta est; non ultra passa morari  
 Impigra supremam maturo imponere cœpto  
 Appropinquat Regina manum, Soliumque parari  
 Imperat extremum scansura, Et leta recedit..*



## DUODECIMI.

ATQUE ULTIMI LIBRI.

## ARGUMENTUM.



Pluton sub Gustavi specie Christianam à proposito deterrentis insidiæ. Propè nutanti à Superis auxilium. Abdicatio. Iter in Italiam. Laureti ad Deiparam vota, & donaria. Romam ingreditur. In Principis Apostolorum templo noctem in precibus agentem D. Birgitta sub Æditui personâ Divi Petri Cathedræ, quam nuper Alexander Septimus exornaverat, & proposuerat, historiam edocet. Ad Pontificis Maximi solium procedit. Quæ Ipsi Hierarchia, & quæ Ipsa Hierarchiæ visa fuerit. Ad Summi Sacerdotis pedes procumbit. Ejusdem ad Eundem supplex oratio, & Pontificis responsio, à Quo solemnī Lustratione Superis exultantibus, & lugentibus Inferis expiatur.



## LIBER DUODECIMUS.



**P** *R*avia Nox luci visura extrema Tiara  
 Tempora ponenda Calo subvecta meabat.  
 Sobria libatis epulis penetrale subivit  
 Regnatrici Arctoa Domus intenta futuris.  
 Utque thoro incubuit tandem cessura sopori,  
 Acrius infesto surgentibus agmine curis  
 Excussa est sperata quies, somnusque refugit.  
 Obvia venturos namque in certamina casus  
 Sollicitus, cautusque timor produxit; Et audax  
 Propositum contra vires, fraudesque tetendit;  
 Inviectusque animus dudum luctatus in arcto  
 Substitit, Et dubius, quod tandem vergeret, haesit.  
 Africus Aeolio qualis cum surgit ab antro,  
 (Nec patuit Boreae conatibus exitus idem)  
 Liber in immenso glomeratos aere nimbos  
 Tollit, Et oppositi temerarius obsidet arces  
 Atlantis. Pax alta perit, sacrumque cacumen,  
 Infessosque Astris humeros gravis occupat umbra.  
 Talis byems animum curarum turbine densa,  
 Obruit, Et nigro frontem velavit amictu.  
 Ecce autem implacidae post tot praeludia noctis  
 Visus adesse Parens: tristisque, Et turbidus ore  
 Terrifico ( nusquam vittae, testisque triumph  
 Laurus ) Et bis trepidas impellere questibus aures:  
 Quid rapit illam praecipis audacia mentem,  
 Jamque egressa modum, jam caeca, Et noxia Virtus?  
 Siccine tam parvo constat Diadema paternum,  
 Ut sit vile Tibi? Quid tantos orsa labores

Oblita es *sexus?* *majoraque viribus ausa*  
*Non semel hinc Dani fregisti, hinc Caesaris arma*  
*Teutona Nortmannis involvens damna ruinis?*  
*An Tibi, quò nostros premeres tollata triumphos,*  
*Certamen cum Patre fuit, victoque parente,*  
*Sorduit augeri, prònoque incumbere fato?*

*Par erat, ut, quando Te fœdera nulla juvarent*  
*Connubii, atque omnes dedignarere maritos:*  
*Tota tuis penitus quamvis fuscissima regnis*  
*Cederet, Et patrii se Vita impenderet Orbis*  
*Usibus. Anne aliquem nostrà de stirpe Nepotem*  
*Sufficis Imperio? tantùmque intercidit ordo,*  
*Non genus, Et truncus sterili non aret in arvo?*  
*Sed juxtà vindicta subit. Ne finge recessus*  
*Curarum immunes; hâc, quâ vada tuta requiris,*  
*Tenditur in Syrtes. Solio descendere nulli,*  
*Nulli impune datur. Quò te trahit impete cœco*  
*Consilium infelix? Num-quid tibi nomen inane*  
*Sufficiet, nudumque decus; cùm jura tueri*  
*Regia vix arces, vix possint miles, Et aurum?*

*Quò vis illa prior, cui sors altissima nuper*  
*Visa minor; Solioque idèd contenta sedebas,*  
*Quòd non ulterius se indulgent Numina terris?*  
*Ocia pigra feret, nec dedignabitur umbram*  
*Degenerem, cui parca Ceres, contractaque semper*  
*Nox placuit, summusque labor nescire laborem?*  
*Cui fuga curarum curæ, mundique saluti*  
*Invigilare quies, Et pax incumbere bellis?*  
*Quàm meritò mutata fremet, desertaque tollet*  
*Gens Arcloa caput, nec te dixisse timebit*  
*Ingratam, duramque sibi, meritamque relinqui!*

*Germanos-ne petes, victisq; latebis in oris*  
*Vultu alio, Et positis non formidabilis armis?*

*Quid*



*Quid Tibi, quid peior poterat. Fortuna minari,  
Gotica Cæsareæ premerent si colla. catenæ?*

*Quòd si. Roma placet, cultusque, Et splendida Troia  
Nomina. tralata: non hâc Tibi. Romula Tellus  
Est intranda viâ. Qui Te propè duxit ad Istrum,  
Italiæ Mars sternet iter. Ne fide sereno  
Suspecta gentis. Nimiùm sedet alta. cicatrix.  
Ensis. Hyperborei, monumentaque nostra perennant..  
Hospitis invisa properè fastidia surgent:  
Hinc gravis. occurso; mox vix impune. latebis  
Submota, Et tractus. habitatrix ultima nudi  
Obsequiis, Et jure carens. Hucusque sinistros  
Ne speres. decepta. Deos, tandemque soluto  
Carcere cessuram molem, seriemque malorum..  
Uteriùs sperni supereſt. Neglecta jacebis.  
Præterita ingratis, nulloque repensâ sepulchro.  
Heu! quoties sceptrum lugebis, Natu, relictum,  
Contemptumque Patrem. Dum fas. est, collige mentem:  
Provida, ne sero crescat jactura pudore..*

*Hoc gravis increpitu Vox est invecſta; nec unquam.  
Tantundem monitus. habuerunt. ponderis. ulli.  
Nil leve, nil dubium, nil menti occurrerat ægra  
Spernendum. Tunc major bonos, tunc pulchrior ignis.  
Muricis, Et solio præceps. descensus. ab. alto..*

*Tantis versa malis, Et imagine plena pericli.  
Innumeri ignotum. si non est. passa. timorem,  
Fassa est. internum frontis sudore. tumultum:  
Luminaque ad sedes intendens Ætheris, inde  
Polliciti crescente. fidem. poscebat in æstu..*

*Nec jam Birgitta æterni vigil addita Patris:  
Reginæ Imperiis, omnique in tempore præsens,  
Pertulit hanc speciem, discussoque aere notam  
Obtulit effigiem, fidoque hæc edidit ore:..*

*Exere nutantem tanto in discrimine mentem  
 Virgo, decus Regum, nec se vis alta remittat.  
 Inspice Christinam; quod non hac conditur arce,  
 Frustra erit auxilium. Fortunam, atque amula Regna,  
 Naturam, invidiam domuisti, Et quicquid ubique  
 Vel presens etas, vel congesse peractę.  
 Tu Tibi nunc spoliū, tu nunc vincenda superstas.  
 Hactenus baud equum, nec par tibi contigit usquam  
 Certamen: nunc lance pari Te examinat intus  
 Non impar, Regina, labor, forsque æqua duelli.  
 Tanta mali moles, quo nunc obseffa laboras,  
 Sedibus è nigris, vafroque erumpit ab Orco.  
 Tempestas hac inde venit; nam fractus aperto  
 Robore, Et articulo gnarus quid perdat in isto  
 Ultima prætentis frustra movet anxius arma  
 Consiliis, profertque Patrem, timidaſque recondit  
 Insidias. Vires Quæ vicit, vincet Et astus,  
 Palmaque multifido surget tibi major ab Hoste.*

*Terrigenas Terramque super Te interrita Virtus  
 Constituit; minimumque fuit, Fortuna quod usquam,  
 Vel Natura dedit. Nostrum transibis in agmen,  
 Cum Regem exueris, nec jam censebere sortis  
 Humane. Appropera, nocituraque Sceptra relinque,  
 Et volucris è Solio descende in Sidera cursu.*

*Vincere Terrarum Dominos an Virgo valeret,  
 Laurigerosque Duces, non dum sat noverat Orbis.  
 Jam liquet hoc cunctis. Testis Terraque, Saloque  
 Danus, Et Augustus. Natura vincere jura  
 Num potis hac eadem, Regina, atque ancila tropæis,  
 Conjugii in sortem nullo non supplice Regum,  
 Affusis populis, Et Matre orante nepotes:  
 Abnuat; atque omni nemo non abneget ævo.  
 Hac quoque parta fides. Tot per miracula rerum*

Christina ingressa est, Et non credenda peregit.  
 Uterius sperare nefas, nec querere cuiquam  
 Permissum. Temet tandem te vincere posse,  
 Exuere Imperium, Scepтрisq̃ carere superbis,  
 Reginamq̃ tibi divellere; Sponteque, nullum  
 Quæ es dignata thorum, dura in divortia scindi  
 Fortunæ in cumulo, primæque in flore juventæ:  
 Qui credat, nec testis erit. Sibi Numina tantam  
 Servavere fidem, quæ bis te novere remotis:  
 Impleri, Et melius Regno regnare relicto.  
 Tunc tibi rejectis quantum gratabere Victrix  
 Exuviis! Quantum tua te jactura levabit!  
 Scilicet ad reditus cum te dimissa vocabunt  
 Imperia, atque iterum patientur vota repulsam:  
 Tunc Cælo toties, terrisque ardebit in Ostro,  
 Et totidem toties crescet Christina triumphis.

Ibimus, Et famâ precioque augeberis absens.  
 Cultior exuviis positus, augustior aula  
 Deserta incedes. Nil Te nil Syrma relictum  
 Contrahet, aut minuet. Spoliis erit ipsa remotis  
 Christina Christina decus. Nil contulit ostrum  
 Nam Tibi, sed melior Tu pars, Et major in illo.  
 Ibimus, Et mundi quascumque insederis oras,  
 Has Sors, Et Virtus parili ditione beabunt.  
 Sed quis Te potius felix sit Praside tractus,  
 Quam cognata Polo, quam rerum maxima Roma?  
 Nam, seu sint Reges tractanda ad fræna docendi:  
 Sive opus, amissum discussâ nocte reverti  
 Ad Jubar: alterni Tu Lex, Et norma laboris.  
 Hinc tua quod longè possint exempla videri,  
 Has tibi constituit sedes, banc destinat arcem,  
 Excerpsit cunctis qui Te de Regibus Æther.

Sæpius ex illò quocunque à cardine mundi

Ter ad re-  
sumendum  
Sceptrum  
irritis pre-  
cibus revo-  
cata.

Romuleas arces, redidivaque Pergama Reges  
 Spectatum advenient non famâ, aut molibus acti  
 Æternæ, & nullis lapsuræ impulsibus Urbis;  
 Sed, quod ter denos venerentur culta per annos.  
 Mœnia Christina, tantique baud rursus bonore  
 Dignanda Hospitii, similemque habitura colonum..  
 Nec Cinerum quisquam sedes, & Busta requireret  
 Mortali sudata manu, cessuraque tandem  
 Temporis attritu; sed, quæ mansura per ævum  
 Te inspirante decus, geniumque addente perennem.

Non tamen hunc hospes patietur Roma pudorem  
 (Per Tabulas quamvis vetet hoc tua certa voluntas, )  
 Ut non exuviis, quorum ceu corticis agri  
 Te piget, & solvi properas, monumenta parentur.  
 Æqua Tibi saltem, quod, Quem cura illa subibit,  
 Maximus in terris erit Hic, atque Optimus Idem..

Innocent.  
 XII. Pont.  
 O. M.

Nec, si te nullo Tellus ingrata relatu  
 Pensabit: meriti subeat jactura, nefasque  
 Ignotum, rarumve putes. Non magna dedisti,  
 Si redimi Christina potest. Benefacta reponi  
 Hanc mercedem solent, quoties latè aggere rupto  
 Excessere modum. Morem jam duxit ab usu  
 Assuetum facinus, dudumque domestica labe.  
 Nec scelus in Superos, nec noxa frequentior ulla;  
 Fert tamen, & vacuas transmittit Jupiter aras..  
 Disce pati, & modulo temet metire Tonantis..

Hæc laus, hæc merces cui non tellure moranti  
 Invidiosa foret? Cui nam commercia tanta  
 Cum Superis; pateat venturi ut temporis ordo  
 Noctis, & in medio? Sed te tibi pandere cælum  
 Imperat, ut nullis frangere invicta periclis,  
 Impensosque sibi consumes lata labores.

Hactenus Hortatrix, sequæ altâ in luce recondit;

Cbri-

Christinaeque nihil, quod non Christina, relictum est.

Inde sopor facilis, nulloque horrore tenebrae

Infecta, Et nullis stridentes manibus umbrae.

Sed jam pulsa quies specie seu rupta propinqua,

Seriùs Aurora seu se Regina tenere

Nescia, vix roseo jam strata reliquerat ortu.

Segniùs exciti famuli, tantique futurus

Successor solii, Dominamque adjere vocati.

Illam ostro saturam largo, gemmisque rigentem

Continuè induitur pallam, vittasque serena

Inducit fronti, Sceptrumque minatur eburnum.

Agmine mox longo Procerum deducta vetustum

Ingreditur templum, quo mos insignia Regni

Sumere, Et in solio sedit sublimis avito.

Sed non ille fragor populi plaudentis, Et Aether

Vocibus illisus nimis, lituique, tubaque

Letitia indicium tremulas strepuere per auras.

Alta sed anxietas, imitataque murmura questus

Undique, Et in gemitus ruptura silentia largos,

Unaque frons bilaris, pro qua frons nulla doloris

Nube vacat, tristesque omni stant pectore curae.

Non tamen aspectu luctus immota resedit

Communis, paulumque besit; vultu inde, manuque

Composuit turbæ fluctus, atque ora resolvit.

Rebus in angustiis si nostra relinqueret Arcton

Cura, nimis properos damnarem prima recessus

Ipsa, nec urgerem digressus certa propinquos.

Tuta sed hortantur discessus tempora nostros;

Firma nec hinc ullo nutabunt fulcra periclo.

Nam secura quies, nam limite longius actò

Nomen, opes aucta. Dubium non defero clavum,

Fura sed amoveo mihi debita, frænaque solvo,

Qua patitur pietas, Et vestri commoda poscunt

Obsequii . Latè jam Nos Europa veretur ,  
Et colit , atque aliquid novit jam Cæsare majus  
Judice congressu ; nam , quà direximus arma ,  
Hæc subiit pleno Victoria certa volatu :  
Et , quot Mars hostes , totidem dedit illa triumphos .  
Nec tantum patrii contenta est finibus orbis ;  
Longius ingressa est Virtus : diffusaque latè  
Usque sub extremo commercia sparsit Eoo .  
Arctica jam Tetbyn mediam , jam classis utrunque  
Navigat Oceanum non una , atque imperat undis .  
Quicquid Seres habent , quicquid devexior Indus ,  
Huc quoque nunc scandit , nostrasque affertur in oras ;  
Ustaque Vandalicis servit jam Zona pruinis .  
Hoc vigor erectæ Gentis , fortesque lacerti  
Vicere ; atque aliquid nostri quoque cura laboris ,  
Auspiciiue dedit ; nocuit nec sexus , Et ætas ;  
Ritè per alternum si me sum mensa tenorem  
Pacis , Et armorum . Successor deerat unus  
Stirpis opus nostræ ; sed jam nec deerit unus  
Mentis opus nostræ ; nam supplet Adoptio prolem  
Certior , Et varii ludibria sanguinis arcet .  
Scilicet Arctoa succedet Carolus aula  
Stirpx Regum ; nostrasque vices fungetur , Et omnes  
Implebit numeros ; nec spes successibus impar  
Destituet . Tanti nunquam meruisset haberi ;  
Ponderibus tantis ni par meruisset haberi .  
Conveniet pulchrè vos inter : crescet utrinque  
Temperies felix . Accede , atque accipe Sceptrum :  
Accipe Hyperborei jus cardinis : accipe Regna  
Invicta , Et dudum terras dominata per omnes ;  
Christinamque juvet Carolum legisse , nec unquam  
Reclamet nostro victrix Fortuna favori .  
De strue tot rerum , quas nunc tibi tradimus ultro ,



Nil mihi regnatæ Gentis nil præter amorem  
 Sepono. Has partes, banc spem non cedimus ulli.  
 Hæc, si tralati tanget te gratia sceptri,  
 Hæc iter est merito referendo; dona repones  
 Nostra satis, nostrâ populos si lance beabis.  
 Quid dubitas? Immune tibi, nulloque relatu  
 Libandum Diadema venit; vinclumque secamus  
 Omne; nec, ut fueris, timeas ingratus haberi;  
 Nam, si peccaris, jam nunc te crimine solvo.  
 Unica, si nescis, tantum me cura remordet,  
 Quod non ulterius tantum donare licebit.

Substitit: At trepidus, veluti sibi demeret ipse  
 Imperium, nutat, tardèque accedit, Et ostrum  
 Pallidus oblatum, dextramque affusus adorat,  
 Atque ait: Accipio magnum, sed numine Dantis  
 Depositum majus. Fusso sub pondere crescet,  
 Deficietque simul cervix: Dominaque superbum  
 Tam placuisse mihi, quàm successisse verendum  
 Semper erit. Tacuit; moles seu muneris ingens  
 Verba recusabat: vires sive hauserat omnes  
 Christinæ species, Et Regnis major Imago.  
 Illa manu certâ Tyriann rejecit amictum  
 Nullas passa moras, niveâque in veste refulsit  
 Pulchrior: excelsa qualis se vertice Phæbus  
 Purgat, Et excussis incedit candidus umbris.  
 Omnis inaudito sed Purpura tristis ab ausu  
 Palluit, Et vinci Regum se passa recondit  
 Ambitio. Terras Aquilo concussit ab antris  
 Impatiens proferre caput, trepidoque tumultu  
 Abnuat, Et magno penitus dissensit ab actu.

Ecce autem exuto vix murice trina repente  
 Reddita Christina est. Solio permansit in alto  
 Altera possessi Genius, Tutelaque mundi:

*Altera Thebanos longè transgressa labores  
 Affixa est Astris, Et magnis Regibus inde  
 Certior Urſa micat : Quotquot tenet ambitus Orbis,  
 Regnorum invidiâ donata est tertia Roma.  
 Nec jam portentis Populi tam grandibus acti  
 Ire iterum in questus sunt ausi, Et damna recessus  
 Lugere invisi . Pietas pietate redempta est  
 Majori ; atque obſtet ni tendere longiùs Ipsa :  
 Pulvinar Solio inducant, Et, Rege negato  
 Arripiant Numen, votisque, Et thure rependant  
 Obsequia, atque Unam totis venerentur in aris.*

*At Christina ſibi ſceptrorum libera curis  
 Latior incumbit, prælataque Sidera terris  
 Certiùs ut teneat, Romam contendit ; in Aſtra  
 Unde via faciles, Et per compendia curſus.*

*Ergo, animo qualis fuerat quoscumque per actus,  
 Ætatiſque gradus cultus induta viriles  
 Longum iter orditur . Danos egreſſa propinquos  
 Flectitur, atque arcti ſuperat compendia ponti..  
 Inde ſubit curruſ non ultra uſura profundo,  
 Germanumque ſolum ſtringit, dextrâque reſpoſtos  
 Parte ſecat Batavos . Lævum mox verſa per Eurum  
 Flandria culta legit, rurſumque ambita ſiniſtræ  
 Limina Teutoniæ penetrat, raptoque per Auſtrum  
 Agmine declinat, parvique binc mœnibus Oeni  
 Succedit : raptimque Polo Luſtrata futura  
 Præluſit pompæ Romani ante ora Parentis  
 Implendæ . Citat inde gradus, Atbeſinque ſecuta  
 Eridanum tranſit, magnæque addicta Tiara  
 Tandem Regna tenet, Romanique oppida juris.*

*Crediderat ſexum mentitam, atque agmine parvo  
 Succinctam non viſa priùs per Regna latere,  
 Atque indepreſſis tranſcendere curſibus Alpes ;*

*Succellu*

• *Successu sed cassa fides . Præceperat ante  
Fama gradus celeres, Cbristinamque affore magnam  
Impigra vulgarat . Primi sic Pbæbus Eoi  
Gurgite mersus adhuc, radiorum proditur Orbi  
Præcursu, junctosque docent præludia currus  
Alba, saluantum cessat nec turba volucrum  
Instaurare modos, Et lætis plausibus absens  
Invitare jubar . Reges hinc undique fusos  
Vidit in occursum, cuneisque undantibus omnes  
Inseffas, plenasque vias, populosque rogantes  
Dignari tecta hospitio, geniumque perennem  
Inferre ingressu, tactuque sacrare penates.*

*At simul in summis stetit Alpibus ardua, liber  
Unde per Italiam prospectus; mensa parumper  
Felices oculis Terras, fœtasque triumphis:  
Salve, ait, Heroum Genitrix, carituraque nunquam  
Furibus Imperii; nam, cùm vis bellica cessit  
Humanas perpeffa vices, melioribus armis  
Extulit impulsam Cælo demissa Potestas.  
Accipe me facilis non bella aduersa trabentem,  
Martia pacifico sed per vestigia gressu  
Tendentem Proavûm, deleturamque ruinas,  
Quà dabitur, patrias, teque, Et tua sacra sequentem,  
Ut simul Ausoniis, Et Divis later amicis.*

*Dixerat; Et, quamvis sciret bruma, furorque  
Cresceret incipiens Boreæ: tepuere reversâ  
Temperie tractus, resolutaque flumina puris  
Incessere vadis, genioque affata potenti  
Compssit se tellus, Et floribus induit arva.*

*Sed non exteriùs tantùm recreata novavit  
Hesperia aspectum, laxataque frigora sensit:  
Hospitis adventu tantæ majora salutis  
Argumēta tulit; nam se nova misit in ipsos.*

*Vivida vis animos, perque omnia membra cucurrit:  
Paulatimque ausæ converti in pristina vires.*

*Atque equidem baud tantis aliàs Fortuna procellis  
Merserat Italiàm; nam terræ hinc motibus Urbes  
Concussæ, sparsæque solo: flamma inde Vesèvi  
Eruçtata jugo cinerum, volucrisque faville  
Diluvio proveçta viros, atque oppida latè  
Oppressit: glebasque Ceres frustrata Colonos  
Lust, Et ad durè revocavit pabula quercus:  
Parthenopemque recèns tanto versarat Erynnis  
Turbine, ut incertam, nec plena in jura reversam  
Deficerent vires, species nec pulcra rediret.  
Parte alià squalebat adhuc protrita caterois  
Insubria insensis, nimium quà proxima Gallis  
Humet ab Eridano, necdum revocarat aratro  
Pingue decus largo incassum saturata cruore.  
Nec minùs, immenso quamvis hinc diffita tractu,  
Creta bis Iliaci jam prætergressa labores  
Obsidii Adriacos longis exhauserat olim  
Auxiliis, tantùm Venetis suffulta lacertis.*

*Et tamen bis etiam longè pejora coquebat  
Oenotriæ in luctus accensi Numinis ira,  
Heu! malè prolapsos per justa piacula mores  
Tractura in leges, atque instructura Nepotes.  
Jamque propinquabat clades; nam vindice fato  
Dira lues aderat ( fas fit dixisse, quod ipse  
Exitus ostendit ) Cælo Christina minanti  
Sat fuit; Et tantæ placuit pro stragibus uti  
Indolis exemplo, populosque ad sana vocare  
Hospitis auspicio magnæ. Visa inde referri  
Hesperia in meliùs, Divos experta secundos  
Per quascunque vices; nam, quæ mox contigit urbem  
Non unam tabes: Dextræ sua tela tenentis*

Rome, Ju-  
nius, Nea-  
politique  
Pessilentia.

*Indicium, non poena fuit. Sic Juppiter ignes  
 Arripit Aetnaeos summâ missurus ab arce  
 In longum meritos flammâs, stragemque daturus;  
 Sed mox confessis noxas, crimenque perosis  
 Flebitur, & telum quamvis sinat ire trisulcum:  
 Parcit, & attonitos vix afflat fulminis alis.*

*Ergo Padi ripas transgressa incessere cursus  
 Parciûs incipit, cultusque induta relictos  
 Hic se confessa est, deductoresque Dynastas,  
 Quos supremus Apex Dominâ legarat ab Urbe  
 Usque sub extremam regnati limitis oram,  
 Excipit amplexu: vocesque, & munera magni  
 Devenerata Patris Calybis de nomine dictos  
 Ingreditur muros, atque Urbis scandit in arcem,  
 Hespere, nocturnas jam te ducente choraas;  
 Detergitque viâ paulum semota laborem.*

*Sed jam Lucifero Phæbo surgente fugato  
 Tollitur in currus, cursumque resumit in Austrum,  
 Aemiliamque secat, finesque egressa propinquos  
 Pulchra Cisalpini metitur littora tractus,  
 Arvaque miratur Cereris, collesque Lyæi  
 Munere felices, pinguique umbrata Minervâ  
 Culmina, nec praelis quicquam cessura Lacenis.*

*Ventum erat ad parvi ripas Rubiconis; & unde  
 Admonita Hesperii Gallos dirimentis ab oris  
 Substitit, atque animo permensa est Cæsaris ausus  
 Dissimili, nimiosque Viri damnavit amores  
 Sceptrorum: Usque aded quemquam casura sitire  
 Regna, per everse præceps ut viscera matris  
 Tendat ad imperium, scelerataque bella capeffat?*

*Talia versanti supremo in margine ripæ  
 Alterius Romæ objecit se grandis Imago  
 Sceptrigere: non qualis erat, transire paranti*

*Cum se se obtendit Nato, frustraue Parentis  
Ingeffit nomen, lacrymasque effudit inanes:*

*Ore sed augusto, majestatisque serena  
Plena die, Et crines lauro, si quando, decoros  
Dives Apollinea; dextramque tetendit inermem,  
Et septemgeminas bis vocibus obtulit arces:*

*O mea Calicolis vota exaudita secundis,  
Ad quae nequicquam certantes extulit Urbes  
Ambitus, Et dubio suspendit fata favore!*

*Fam tandem sperata venis, nostrosque subibis  
Permansura lares, Romamque recepta beabis.*

*Fam non aérias ultra scandemus in Alpes  
Vertice de summo venantes usque sub Arcto  
Christinae adventus, omnique in pulvere frontis  
Siderea exortus, magnaue crepuscula lucis.*

*Tende gradum, lectosque Tibi dignare penates:*

*Obsequii secura mei. Quid certa ferantur*

*Gaudia Romulidis, Capitolj sede relicta.*

*Obvia processu: verso nunc impigra cursu*

*Auspicio ipsa viam, Teque ad mea limina duco.*

*Latior, in niveis quam sum complexa Quirites*

*Curribus advectos, postquam Mavorte jocundo*

*Auxerunt fines, meque implevere triumphis.*

*Fam, mihi Vandalici quicquid nocuere furores,*

*Deleo, Et Arctoeas expungo hac dote ruinas.*

*Dixit, Et ad sedes Tarpeias impulit axem,*

*Erexitque suos magna ad spectacula Cives.*

*Subsequitur, Latii qua se tulit orbita currus,*

*Regina, Et Romae occursum letatur bonoro,*

*Intenditque viam, propiusque amplectitur Urbis*

*Magnanimae genium, gratosque citatur in actus:*

*Grandior oblatam, sed mox avertit Imago*

*Præsidis Ausoniae speciem, majorque minorem*



Majestas operit, Terræque obtenditur Æther.  
 Scilicet à levâ, quâ se plaga tollit in æquor,  
 Visa procul radiis consurgere læta coruscis  
 Tempestas, Laurusque solum de nomine dictum  
 Stare super, flammæque suas præstare Colonis  
 Profsus innociduas, Et nullis noctibus agras.

Quis novus immensâ perfundit lampade Calum  
 Fulgor, Et à nullis interpellata tenebris  
 Aurea per liquidas latè lux imperat auras?  
 Quæ rutili dos tanta Poli? Quo fonte redundat  
 Hoc jubar, Et, victo quamvis Hyperione nullos  
 Rejicit obtutus, aciesque admittit, Et auget?

Hæc movet, atque audit: castas ubi funditur Æther  
 Latius in terras, Et pulchrius implet inane,  
 Illam Hominem induto, purâque è Virginis alvo  
 Numine prolato natali in fornice caula  
 Vagitam constare Domum, licet arte carentem  
 Materiæque rudem, Superis tamen instar Olympi  
 Obsequiis cultam, donisque, Et thure frequentem.

Flectitur extemplo inclinis, currumque relinquit,  
 Osculaque infigit terræ, venerataque Numen  
 Carpit iter pedibus, clivoque assurgit in alto.

Ardua dum superat, propius resonare canoris  
 Audit, Et in numerum flexis concentibus auras  
 Mulceri: hinc certas distinguere in carmina voces,  
 Alternisque choris adlabi hunc auribus Hymnum:

Usque sub Adriacas Picenii littoris undas  
 Vox eat, Et latè colles, vallesque resurgent,  
 Nullaque non lætis responset vocibus Echo.  
 Festa recurrenti ducentes agmina lustrò  
 Aerium celebramus iter, sacrosque receptus  
 Usque Palestinis tractus natalis ab oris  
 Ad nos, certatim Superùm famulantibus alis,

*Advectæ per inane Domus, quam prætulit Astris  
 Æquævus Patri Natus, dum nostra laborat  
 Effugia in terris, Hominique recludit Olympum.  
 Quis stupor attonitos habuit per rura Colonos,  
 Per mare Velivolos, altè cùm tramite certo  
 Advertère Casam rutilanti irrupere nimbos  
 Illapsu trepidos, radiisque inscribere Cælum?  
 Æquore transmissio Fraternos institit agros  
 (Ante Liburnorum paulùm tellure morata)  
 Non mansura tamen; nam duro offensa recessit  
 Dissidio, nostrâque locum sibi legit in arce.  
 Hæc tunc Virgineis meritò plaga Laurea dici  
 Cœpit ab Hospitibus, mentitaque Fabula cessit.  
 Nobilis ex illò Picens, atque cœnibus unus  
 Antehabitus terris, titulisque, atque urbibus auctus.  
 Solemnes binc ritè preces, gratesque beati  
 Adventus memores, atque annua sacra novamus.*

*Huc populi appropèrant quocunque à cardine votis  
 Damnati, nudoque ferunt buc vertice Reges  
 Munera, & appensis augent donaria vittis.  
 Nec locus insidiis cuiquam; namque Incola Numen  
 Excubat. Exciti testis Pirata profundi  
 Interceptus aquis, improvisoque sepultus  
 Absortu, sacramque sitim restinguere jussus  
 Inclusis ventis, & tempestate serenâ.*

*O nostros dignata lares augere, tuoque  
 Hanc sedem præferre Polo ne rursus abire  
 Te gentis noxæ impellant! miserere caduca  
 Sortis, & invisum fassis ignosce Colonis  
 Crimen, & binc nullos unquam meditare volatus!*

*Regina hos inter cantus juga scandit in alta:  
 Mox Ædi propior, Fanoque admota minanti  
 Regales capitis vittas, gemmataque sceptra*

Ponè jubet ferri, magnique binc limina Templi  
 Ingreditur, sacroque adytis horrore reclusis  
 Succedit, Divæque pedes amplexa parumper  
 Hæret anbelanti ducens suspiria corde.  
 Mox Regni Insigne expediens, Et utrumque beatis  
 Subjiciens plantis tali prece Numen adorat:

Divæ, Coronatas cui se submittere Frontes  
 Altius est tolli, summosque excerpere fructus  
 Fortunæ in terris primæ, ne sperne meorum  
 Regnorum exuvias, quas nunc cùm supplice dextrâ  
 Pono tibi, pleno video mihi jure reponi  
 Casibus exemptas, semperque in majus ituras.  
 Idque erit immenso cum sænore, prona rogantem  
 Si non rejicias; sed me dignè receptam  
 In famulas numerare tuas. Regina vocari  
 Servitio hoc tantum posco. Quod si improba vota  
 Munere tam parvo moveo: nimis alta petentem  
 Virginitas servata juvet; quam Rector Olympi  
 In te sic coluit, ( si fas dixisse ), Parentem  
 Ut te facturum mittendi in sæcula Nati  
 Non passus primis titulos obstare secundos  
 Fusserit intacto tibi crescere flore perennem,  
 Atque Unam gemini consortia scire pudoris.

Orabat, Divæque pedes amplexa tenebat  
 Suspiciens vultus; blando cùm lumine sentit  
 Pectora pervadi, votisque alludere Numen  
 Fronte renidenti, cultusque, Et dona placere.  
 Hinc lacrymæ dulces, atque addita pondera primis  
 Obsequiis, actusque fides jurata per omnes.  
 Cernuaque in grates iterum se fundit, Et egrè.  
 Surgit, Et æternum, liceat si figere gressus,  
 Hic sibi constituat Sedem; sed Roma viarum  
 Meta reversuræ ritè in commercia Divum.

T t

Ergo

*Ergo gradum revocat fidentior Ætheris alto  
Propensi auspicio, curruque recepta secundum  
Urget iter; sed versa retrò nequit inde revelli,  
Sidereosque Lares iterumque iterumque resumit:  
Ablataque procul species minor omnis, & omnis  
Inferior facies, & singula vilis imago.*

*Non tamen à dextrà neglexit Pauperis ædem  
Visere Stigmigeri, domisque ornare sepulcrum  
Ditibus; hic etiam nam se vestigia promunt  
Dignati ad similem descendere Numinis Umbrum.*

*Plurimus in cursu locus est dignatus honoro  
Ingressu; pluresque Urbes, populique refusi  
Mœnibus, & longo ducentes agmine natos  
Obsedere vias, magnæque Heroidis ore  
Indulgere frui; quò se jactare nepotum  
Mox soboli possent, turbaque efferre minori.*

*Sed jam Romuleæ promunt se culmine moles  
Innumerò: atque Arcus reparato fornice prisca  
Altiùs attolli, propiusque accedere visi.  
Ipse etiam Tiberis Tusca prolatus ab urna  
Excessit ripis, flavæque decorus in algâ  
Sincero lavit muscosam flumine frontem;  
Inde vadum servans blandè est comitatus euntem  
Fluctibus innocuis, & læto murmure labens.*

*Ut verò accessus allapsa est fama propinqui:  
Omnis in occursum properavit saxus, & ætas,  
Omnis Honos. Ipsi, quos vis defecerat ægra,  
Oderunt latebras, subitoque vigore resecti  
Excessere thoris, ac suffecere labori,  
Et non succiduis implerunt plausibus auras.  
Hos genus, hos ætas, rapit hos flos aureus oris  
Siderei, hos habitus, speciesque erecta serena  
Frontis, & alternâ Majestas inclyta laude*

*Pacis,*

*Pacis, Et armorum, circumfufumque virile  
 Fœmineæ robur formæ, mifturaque felix  
 Indolis, atque acres fpirantia lumina flammæ.  
 Diverfos diverfa magis dos implet: at omnes  
 Suspendit Regale decus; nam vertice quamvis  
 Iret inornata vittis: Diademate frontem  
 Inftituit Numen trino, juffitque videri,  
 Quæ fuerit Terris, Et, quæ rutilabit in Aftis.  
 Quadrijuges cunctantur equi; compreffæque turmis  
 Sufinet incefus, Et fe non explicat unda.*

*Pulcbrior dè quantò vifa eft hac Pompa triumphis,  
 Quæis compfit fe Roma prior! Quanto Agminis ordo  
 Leclior, Et potior! Quodd si confurgere curru  
 Laurigero optaffet, feque oftentare cruentis  
 Exuviis, latèque ftuem proferre superbam:  
 Compita congeriem cœpiffent nulla. Phalanges,  
 Cafta, Duces vinclti, domitum mare, flumina; montes  
 Præfto aderant, captæque Urbes, Gentefque fubactæ,  
 Prædaque victtricem conveclta, Et fparfa per Arclon.  
 Major Honos placuit. Niveo comitata Sororum  
 Agmine præibat Pietas, Aftrea, Fidesque,  
 Caftaque Virginitas, atque una, Et plurima Virtus.  
 Ponè catenatæ Peftes Vis, Luxus, Et exlex  
 Aulæ ambitio, vetitoque incenfa Libido  
 Fortunæ in terris fumme, commentaque Ditis  
 Sapiùs elufi, tandemque efferre coacta  
 Herefis, Et veros populis oftendere vultus.*

*Flexilis in medio Flaminia fcinditur Urbis.  
 Ad Vaticanos fundit fe dextra recessus;  
 Ardua Clavigeri quâ Calo attollitur Ædes.  
 Lava Quirinalem confcendunt compita clivum;  
 Dives ubi Attalico fe inftituxerat Aula paratu  
 Chriftinam expectans; atque bacc fe pompa ferebat*

*Deductrix ; sed rumpit iter Regina sinistrum  
Petri Templâ petens : tortumque revertitur agmen.*

*Jamque in fine viæ Limen subitura beatum  
Sistitur , atque exit ; vigilem nam ducere noctem ,  
Et prælusuram magnis exortibus illic  
Expectare Diem , longasque exire tenebras  
Voverat , Et veri perfundi lumine Solis .*

*Ergo novi spacium mensa , Et mirata Theatri  
Templa subit propius jam se tendentibus umbris .  
Non tamen exclusi comitatus pompa recedit ;  
Sed jubar expectat , successurumque moratur  
Luciferum , Et noctem votis inclinat anbelis .*

*Illa , ubi dimisit socios , Templique vacantis  
Ingressa est limen , submisso poplite prona  
Sternitur ; Et Trinum veneratur cernua Numen :  
Tutelamque loci , cunctosque ex ordine Divos  
Poscit , Et exhaustis propensos cursibus orat .  
Luminibus nox victa fugit : tot lampades ardent  
Ante Aras , facibusque procul pellentibus umbras  
Aurea multifidis imitantur sidera flammis .*

*At longum ducti per tot discrimina Voti  
Jam prope facta potens custos Birgitta laborem  
Urget , Et ; extremum quod pulcbrum impleat actum ,  
Induit Aeditui speciem , monstratque petenti  
Singula , Et obtentas numerat , panditque Figuras ;  
Nam quis poscenti melius miracula tanta  
Efferat , Ille Pater quam cui se exsolverat olim ,  
Protuleratque finis ; Romæ dum degeret bospes ?*

*Ventum erat ad primæ spectacula sacra Cathedræ ;  
Unde dari populis certum est Oracula fidis  
Haud dubia ex adytis Cortina emissa supernæ .  
Substitit aspectu in tanto Regina , diuque  
Defixa , atque avidè Solum mirata coruscum*

*Respi-*



Respicit *Ædituum*, cupidoque interrogat ore:

*Quæ* procul extremo Templi de cardine Moles  
Surgit, *Et* insultat tecto, latèque per auras  
Imperat, *Et* multo pendet secura Colosso?

*Ædituo* tunc *Diva* latens cunctata parumper  
Altiùs orditur, spaciosaque tempora noctis  
Versura in lucrum sic est rescuta rogantem:

Longa retrò series; sed te per singula duci  
Proderit: atque idèd primà hæc ab origine pandam.

*Ætherio* postquam Proles æquæva Parenti  
Sanguine lustravit terras, Hominemque piavit  
Morte suâ: Cali Proceres vexilla secuti  
Convenere simul. Misero stat demere mundo  
Servitium infelix, *Et* *Erynnias* Orbe fugare.

Tota quidem Tellus frenum crudele perosa  
Undique magnanimos laudanda ad bella vocabat;  
Sed quæ præcipuam posset præstare triumphi  
Materiem, Superùmque tholos curvare superbis  
Exuviis, summumque decus transmittere Calo,  
Roma fuit: non, quòd totas diffusa, capaxque  
Penè catenati Gentes comprehenderet Orbis;  
Sed quia criminibus pariter, Solioque potentes  
Urebant mortale genus, Ditiq; litabant,  
Et conjuratis implebant cladibus Orbem  
Fraudibus Impietas, gladioque instructa Tyrannis.

Quid fœdos referam cultus, arasque profanas  
Igne suo, turpesque deos, *Et* sordida sacra?  
Quid memorem ferri rabiem, Tibrimque tumentem  
Sanguine non fonti, lassasque in cade secures?  
Una scelus, vetitumque docet, dextramque cruentem  
Acrius instigans Stygià face suscitât agram  
Irarum flammâs, *Et* pabula suggerit ensi.  
Exequitur, cumulatque nefas, superatque magistrâ

Alterâ

*Altera . Decrescit Tellus , impletur Avernus .  
 Qualis Tyrrheni facies horrenda profundi  
 Insano baccante Noto : furit ille , superque  
 Versat aquas , monstratque minas , hostemque fatetur :  
 Subter at infames scopuli per operta carinæ  
 Savius incursant . Duplici vaga pinus ab hoste  
 Solvitur : interea lacerata fragmina prora  
 Sorbet , Et alternos lucratur Scylla furores .  
 Talis erat , tanto longum quassata tumultu  
 Casura inferno nutabat Roma Tyranno .*

*Quis Par horrendum , geminumque laceffere monstrum  
 Audeat , atque Urbis miseratus fata labantis  
 Civibus instantem pavidis probibere ruinam ?  
 Ductor jurata tantâ in certamina turmæ  
 Petrus erat , quondam moderator pauperis alni ,  
 Et vacuæ prædator aquæ : mox Astra secutus  
 Piscator felix Hominum , lectæque magister  
 Navis , Et in terris à Christo prima Potestas .  
 Hic sibi non unis vastatam cladibus Urbem  
 Arripit , Et dignas secernit principe pugnas :  
 Cætera mandatas petierunt agmina gentes .  
 Ut leo ( conatus si fas est reddere sacros  
 Impete Massylo , Libyamque apponere Cælo )  
 Cum catulos certare docet , si forte boatus  
 Armentalè sonat , magnos prior ardet in armos  
 Immitti : natos parvis , matresque relinquit  
 Providus , ipse truces metuenda frontis ad ictus  
 Antevolat , torvumque ducem sibi destinat hostem .*

*Adventare minas jamdudum senserat atrox  
 Eumenis Ætherias , Et , defensura Barathrum ,  
 Arma quatit , poscitque Virum , Superosque laceffit .  
 Ille aderat , justasque magis vibratur in iras ,  
 Sollicitaque Polum , miseraque incenditur Urbi .*

*Quan-*

*Quantus io sudor ! qualis concursus aperto  
Et Dite, & Cælo spectatus ! Surgit utrique  
Ingens Clava manu, parilique in bella feruntur  
Robore terribiles. Illâ furibunda minatur  
Arbore Tisiphone, de quâ lethale revulsi  
Pomum Dextra nocens. Trunco committitur illo  
Isacides, ex quo Pomum vitale pependit  
CHRISTUS, & ingratas nutavit nuper ad auras.*

*Longa renascentis quid te discrimina pugna  
Edoceam, nimiasque seram certaminis iras ?  
Post varios casus, integratosque labores  
Victa sub adversa repetito vulnere clava  
Abscessit tandem raro crinita cerasse  
Eumenis, & diro latuit sub corde Neronis,  
Si non Infernas petiit fugitiva latebras.*

*Debuerat Victor merito circumdatus ostro  
Componi Solio, rutilaque in sede levare.  
Debuerat grandi redimitus tempora lauro  
Plena per immensæ spatium compita Romæ  
Vectus equis niveis, & de temone superbo  
Arduus Æneadas diffuso implere triumpho.  
Sed nondum penitus sceptrorum jure potito  
Præcox sordet bonos. Subito corrumpere fastu  
Nobile principium, sacrique exordia regni  
Odit, & absistit. Multum restare laboris,  
Bellorumque videt ; prudens hinc Marte secundo  
Successus urgere parat ; ne rursus in arma  
Surgat, & instauret redivivos Dira furores.  
Quod decuit, multâ miseros ex parte Quirites  
Afferuit Superis, parvoque, arctoque Curuli  
Sedit, & Imperii sumptas traxit habenas,  
Non, ut servatâ tumidus regnaret in urbe,  
Sed, procul ut pulsum Romanis arcibus hostem ;*

*Possessumque diu Furiis se vindice tandem  
Respirare Solum, pacemque babuisse pateret.*

*Interea totâ socii tellure vagantes  
Vincla, Petrum, Claves, sancitaque Jura sonabant,  
Suffectamque Polo Romam, sacrâque gerentem  
S E D E vices Superum missis cumulare jubebant  
Muneribus, dominamque Fide, cultuque fateri.*

*Ergo alacris latebras, timidusque exosa recessus  
Religio erigitur, rebusque accommoda letis  
Vestimenta capit, pompamque ostentat Averno.  
Vellera transmittunt Seres, pia thura Sabæi,  
Cinnama dives Arabs, saturatas murice lanas  
Dat Tyros; at Numidæ crustas, Et marmora templis  
Non indigna vebunt. Pulcrâ quodcunque superbit  
Dote Solum, sua dona legit, Superisque remittit.  
Hinc auro, gemmisque gravis facturus ad Aras  
Fulget, Et ex omni ditatur gente Sacerdos:  
Illinc admotâ Calo vaga nubila sacræ  
Submittunt Ædes, assertaque Sidera tangunt.*

*Has super aerium Petri de nomine Templum  
Imperat, Et tantum Tarpejam despicit arcem,  
Parte Poli mediâ quantum, cum plurimus ardet,  
Astra premit Phœbus, stellisque minoribus obstat.  
Quo tumeat spacio: quàm longe fronte minanti  
Exeat, atque Vibis nimium per culmina regnet:  
Quantus Apellæ, quàm multus spiret ubique  
Pbidiaæ sudor dextræ, dextreque Myronis,  
Ipsa tibi testis nostræ non indiga vocis.*

*Claviger hinc feri Praeses capit ampla triumph  
Gaudia, Et exactæ fruitur dulcedine pugna.  
Rursus Et, ex alto pronus dum spectat Olympo  
Regnantem tellure Fidem, certâque beantem  
Pace solum; longam tenebroso in carcere noctem,*

*Infer-*

*Infernasque acies, obversaue funera Cælo  
 Instaurare cupit, mensosque iterare labores.  
 Qualiter extremo Phoenix reparatus in ævo,  
 Cui jam vita recens, Et olentes funera plumæ:  
 Aera cum primum rediivis verberat alis,  
 Ipse fugam celerem, meliusque ardentia colla,  
 Purpureumque jubar capitis, pictamque juventam  
 Miratur, seniumque cupit, rursusque reponi  
 Igne alio, casiaque iterum flagrante novari.*

*At non intentum Molis capiebat Imago  
 Totum pulchra suæ, vacuoque in pectore multum  
 Deerat, ut pleno satiaret lumina visu.  
 Tot siquidem cultus inter, speciemque nitentem  
 Sacrorum mæcere situ, nudamque videbat  
 Destitui, Et templi semota in parte latere,  
 Quæ primum populis edixit jura, Cathedram,  
 Antiochi postquam de nomine prætulit Urbi  
 Romuleas arces, Et Tibri cessit Orontes.*

*Cur merita dilatus bonos? quid pulvere multo  
 Condita nesciret melioris sacula mundi?  
 Hacne novus sedeat, cum primum sumit babenas  
 Successor dominas, pronoque imponitur Orbi?  
 Hinc Superum consulta petat, tripodasque profanos.  
 Obstruat, Et certi referet pia dogmata Cæli;  
 Et longum squalere sinat, tristisque senectâ  
 Obnubi, Et Templo non respondere corusco?*

*Atque equidem dignos habitus, meritamque juventam  
 Expectaret adhuc; ni provida fata tulissent  
 Gente Virum CHISIA Cælo donante creatum.  
 Hunc animo, titulisque parem, similemque Tiara,  
 Sapius optatum terris, ad grande volentem  
 Vibrat opus, laudumque pio succendit amore.*

*Ergo animi fidens, tantoque hortamine plenus*

*Erigitur CHISIUS, nisuque intenditur alto.*

*Principiò Romam sacris carpentibus agram  
Expolit, & reparat, viridesque reducit ad annos.  
Hinc subita domum series consurgere iussæ  
Fronte pari, atque aquo transgressæ culmine nubes.  
Inde viæ faciles, nitidæque, & tramite largo  
Porrectæ, nusquamque ausæ pendere ruinæ.  
Si quæ deficiunt Urbis monumenta vetusta;  
Integrat, & firmat; cultuque reponit bonoro:  
Si quæ discordant structuræ membra recentis;  
Amputat, & pulcro reficit molimine vulnus.  
Sic CHISIUS multa præludit mole CATHEDRÆ;  
Perpenditque manus, viresque & robora librat;  
Mox ingens invadit opus, Soliumque verendum  
Arripit; & magnum vis fert consulta laborem.  
Quanta per expositos ruptis effusa caminis  
Undat agros, rutiloque vorat sub flumine campos  
Ignea vis flammæ; nimum cum sulfuris alti  
Eluctatur onus, ventisque incenditur Ætna:  
Tanta laboratos Solio paritura Colossos  
Æra natant; positoque rubent mollita rigore.  
Excita surgentes ardenti è gurgite formas  
Obstupet, & sacros miratur Roma Gigantes.  
Nec dant indecores, aut nomen vile tenentes  
Stagna Viros, tantùmque habiles pro rupe locari,  
Sed lectos, operique pares, dignosque beatâ  
SEDE premi, plenamque Deo perferre CATHEDRAM.  
Ære simul, meritisque tument. Pars Una Latinos  
Exornat Patres, pars altera tollit Achivos,  
Utraque Christiadas firmat; nec viribus agris.  
Impar audet onus: longâ virtute meretur,  
Fidat ut humanis Moles operosa lacertis  
Posse regi. Tenuit Calum ceruice valenti*

*Sapiens,*



*Sapius, Et dubia vetuit nutare ruinâ.*

*SELLA* pari surgit circumvallata metallo,  
Occuliturque simul, pariterque effingitur auro,  
Et manifesta latet: qualis per nubila Phœbus  
Rara micat, radiosque tegit, radiosque fatetur,  
Obductusque nitet: dubia translucet imago  
Lampados, Et flavâ nubes depingitur umbrâ.

*Alma* viden quantâ dilectam luce *Columba*  
*Ambiat*, Et pulcro radiorum velet amictu?  
*Cernis*, ut extantem deceat, signetque *Tiara*  
*Imperio*, Clavisque duplex, cui claustra *Baratbri*  
*Nigra* patent, Calique patent claustra ardua puri?  
*Ipsa* decus regni, legesque, Et jura tueri  
*Sola* potest; tantâ quassat formidine *Sontes*  
*Grandis* ab excelsa *Majestas* indita *Cælo*.

*Vos*, quibus ad certi caligat lumina *Solis*  
*Heu!* nimium densis mens circumfusa tenebris:  
*Este* procul, diramve animis expellite noctem.  
*Vos* porro, æternum merita quos devovet iræ  
*Eumenidum* deserta *Fides*: procul ora, gradusque  
*Ferte*, nec accessu *SOLIUM* violate profano.  
*Heu!* miseri properate fugam. Ruet *Ipsa* propinquum  
*In scelus*: ardebunt nubes, totique tonabunt  
*Sponte* poli, *SEDIQUE* sua pugnabit *Olympus*.

*Dicentem*, atque aliquid plusquam mortale sonantem,  
*Egressamque* modum narrantis suspicit *Arctos*  
*Regina*, atque baurit; magnaue *Curulis* honores  
*Altiùs* *Ætherio* correpta horrore recenset.

*Sed* jam condiderat se nox; solisque propinqui  
*Pallida* flammiferos fugiebant *Sidera* currus:  
*Supremumque* actum sacri visura triumphi.  
*Fervet*, Et besternos instaurat *Roma* tumultus.

*Nec mora*: *Alexander*, quo *Successore* *Tonantis*.

Utitur in terris Petro commissa Potestas,  
 Ardua tergeminis redimitus tempora vittis,  
 Fulgidus & pallâ gemmis, auroque rigente  
 Christinam opperiens Solium conscenderat altum.  
 Hinc, atque inde Patres confidunt murice sacro  
 Purpurei, mox Ordo sequens, & proximus Ostro  
 Adstat, & ex illo partita classe minorum  
 Digeritur series: aditus custodia servat  
 Infima, & armigerum juxta banc se porrigit agmen.

Illâ aderat, tantâ sed majestate parumper  
 Mota gradum cobibet; nec jam Terrena videre  
 Visa sibi, rutili sed scandere limen Olympi.  
 Non tamen imparili perfudit luce Tuentes  
 Aspectu Regina suo, licet omnis abactus  
 Luxus, & incessu se inferret lenta remisso;  
 Candidaque ad talos demissa obnuberet artus  
 Virginis, & Tyrium nesciret Palla venenum.  
 Qualis ubi purum profert argentea cornu  
 Luna, nec à ventis, nimioque incenditur aestu,  
 Nullaque noctivagas suffundunt nubila bigas.

Non ibi rumor erat miscentis murmura vulgi,  
 Sed penitus suspensa quies, quam posceret Æther,  
 Dignetur si nuda palam commercia Terris  
 Jungere lustratis, visusque admitteret agros.

Constitit ut verò propius, Solioque corusco  
 Accessit; tunc urget iter, magnique Parentis  
 Procidit ante pedes submissa, atque oscula figit.  
 Protinus ille Pater dextram porrexit, & ore  
 Libavit sacro frontem, vultuque sereno  
 Sustulit amplectens, & amantibus ambiit ulnis;  
 Nec procul erectâ, rutilâque in sede recepit.  
 Tunc Christinâ prior paulum cunctata profatur:

Maxime Christiadam Reëtor, qui Numina nostris

Conci-

*Conciliās animis à Cælo prima Potestas,  
Suffectumque Caput Superis : de cardine lævo  
Terrarum posito regnorum murice sistor  
Antè tuos Cbristina pedes ; nullamque salutis  
Esse viam cuiquam, nisi, quam præsternit amicis  
Missæ Polo Romana Fides, nunc ore fatemur,  
Fassæ olim sceptris, actūque fatebimur omni;  
Ulla nec hoc ullo vertet Fortuna tumultu.*

*Tempora conquerimur dilata, Et serò dolemus  
Imperii precio Superiorum segnius emptum  
Fœdus, Et in mediisheu ! desedisse periclis.  
Sed pensare moras amor est, metamque tenere,  
Rursus Et à recto nusquam deflectere cursu.*

*Accipe Tu reducem Pastoris ovilia Divi  
Fida requirentem, fontesque, Et pascua versæ  
Indulge in melius, tutamque admitte sub umbram.*

*Hæc Cbristina tenens. Graviter mox ora resolvit  
Claviger, Et totus Cæli, totusque Tonante  
Possessus paucis includit plurima dictis:*

*Latior in Superis, quamvis hic singula vident,  
Ista Dies ridet. Solium nunc tollitur illic  
Cbristina. Tituli redeunt, Et nomina surgunt  
Obruta nocte gravi, nullumque habitura vigorem  
Non admissa Polo. Nos Te pro Numine Trino  
Accipimus; maculasque omnes, omnemque fugamus  
Pleno jure situm, patriisque adscribimus Astris.*

*Dixerat, Et testis propensi Numinis Æther  
Intonuit lævum; radiisque refulsit Olympus  
Aureus, Et niveo Cbristinam circuit igne.  
Ingeminant Terræ plausus; sed tristè remugit  
Orcus, Et excussis sonuerunt antra catenis.*

F I N I S.

















